

7

CONSTITVTIONVM
CANONICORVM

REGVLARIVM
ORDINIS DIVI AVGVSTINI
Congregationis Saluatoris Lateranensis.

PARS PRIMA.

De totius Congregationis vni-
tate seruanda. Caput I.

Q Vicunque Deo optimo, ac Saluatore
nostro Iesu Christo largiente in sa-
crum hunc Apostolicumque ordinē
Canonicorum Regularium, Diui Pa-
tris Augustini Congregationis Sal-
uatoris Lateranensis sumus cooptati, ante omnia
ipsius Congregationis vnitatem totis viribus, &
ex animo nobis seruandam proponamus; prout in
principio Regulæ nostræ scriptum est, vt propter
quod in vnum sumus in Monasterio congregati, sit
nobis cor vnum, & anima vna, & non dicamus ali-
quid proprium, sed sint nobis omnia communia:
Procul itaque à nobis abscedat, Meum ac Tuum,

A

fri-

frigidum illud verbum, & quidquid est malorum in vitam nostram inuehens (vt Chrysostomus ait) innumeraque gignens bella , vnde nullus contra nostram Regulam, & professionem aliquid suum affirmare audeat.

Multitudo autem , vel diuisio Monasteriorum Congregationis non tollunt vnitatem, quin potius corpus vnum pulcherrimum pluribus insignitum membris constituunt.

Quilibet etiam in eo Monasterio censeatur professus, & de illius existimetur gremio, cui legitimè fuerit per suos superiores deputatus, quamuis alibi professionem emiseric, qua nos non alicui particulari Monasterio, sed toti Cōgregationi obligamur, sicuti in forma eiusdē professionis apparet, & prout in priuilegio nobis per Papam Martinum Quintum concessio latè continetur : Meminerint Canonici nostri, tot tantorumque Collegiorum Ordinis nostri, quæ propter Meum ac Tuum, miserrimè exciderunt, ijs tantummodo seruatis collegijs, quæ Congregationis vnitatem seruauerunt.

Cæterum quoniam tria sunt ex quibus Congregationis vnitas potissimum constat, Regula nimirum, Habitus, & Vitæ ratio, de his tribus, Diuino fauente auxilio, in sequentibus dicemus.

**De Regula, & Constitutionibus, &
earum frequenti lectione, &
meditatione. Cap. II.**

Quoniam geminata, sed non inani nominis repetitione Canonici Regulares nuncupamur, Regulam vitæ Canonicae, tamquā ipsius vitæ Regularis speculum, continue ante oculos mentis tenere, ac meditari contendamus.

Quapropter, eadem Regula (sicut etiam in ipsa præcipitur) saltem semel in hebdomada coram omnibus Canonicis conuentualiter congregatis legatur, id autem sexta feria, tempore communis refectiois, nisi festum impediatur, omnino fieri debet; si autem sexta feria festum solēne occurrat, in prandio vigiliæ eiusdem festi legenda erit; Quæ si in vno prandio minime expleri poterit, quod reliquū erit, in altero prandio legatur. Et hanc Constitutionem, in omnibus nostris Monasterijs præcipimus obseruari: Patres Visitatores tempore visitationum, de illius obseruatione diligenter inquireant. Prælati eam obseruari non facientes, faciant disciplinam in Refectorio tempore Visitationum: Qui si contumaces & inobedientes adhuc perstiterint, suspendantur à Prælaturis per tres Menses.

Laudabilis etiam consuetudo, nostræ Congregationis, vbique retineatur, vt post dictum Martinum, in Choro, Canonicis adstantibus, legatur quotidie à Prælato aliquid de eadem Regula Diui

Patris Augustini cum expositione Venerabilis Patris Hugonis nostri de Sancto Victore, quam singuli Prælati in suis Monasterijs habere teneantur.

Quæcunque in ipsa Regula contenta Votorum obseruationem respiciunt, absque vlla prorsus dispensatione, inuiolabiliter seruanda erunt; in reliquis Prælati, prout charitas, & ratio postulabit, cum subditis se gerent.

Studebunt etiam Patres Monasteriorum, ipsas ordinis nostri Constitutiones, tum in primis obseruare, tum vt à subditis seruentur, impensè procurare.

Quæ vt facilius ad singulorum notitiam valeant deuenire, præcipimus, vt quolibet die Sabbati, festo solemni non impedito, tempore communis refectionis legatur aliquid de libro præsentium Constitutionum, quem librum Prælati in suis Monasterijs habere teneantur, & Patribus Visitatoribus, tempore visitationum, vnà cum ipsa Regula exhibere.

In omnibus autem nostris Constitutionibus, vbi per summos Põtifices, vel sacros Canones culpa vel pœna spiritualis adiuncta non est, nos illarum transgressores ad culpam, siue spirituales penam nunquam intendimus obligare, sicut etiam in Priuilegio Martini Papæ Quinti nobis concessio cauetur. Nullus tamen ex contemptu illas transgrediatur, quia tunc, non solum pœnæ temporali, sed culpæ, & pœnæ spirituali, secundum communem sententiam Doctorum, obnoxius censeri debet.

De

De Habitu Canoniorum.

Cap. III.

Quemadmodum in vnus Regulæ obseruatione, ita in vno & eodem habitu studeant omnes nostræ Congregationis Canonici conuenire. vt omnino vniformis sit fratrum, & quorumcunque superiorum, statuiq; paupertatis, quam professi sunt conueniat.

Est autem proprius, & essentialis ipsorum habitus Tunica linea, siue superpelliceum, Rochettum vulgò appellatum: Quod quidem Rochettum, nullus Canonicus, siue extra, siue intra Claustra temere dimittat, neque ita occultet, quin facile cuius sit instituti valeat agnosci, ne pœnam excommunicationis latæ sententiæ, per sacros Canones transgressoribus impositam incurrat.

Rochettum Canoniorum omnium, siue subditorum, siue etiam Prælatorum, tam in materia, quàm in forma sit vniforme, videlicet ex linea Tela, mediocriter subtili, cum manicis mediocriter longis, & amplis, careatq; vanis illis ornamentis, siue circa collum, siue circa manus, siue circa futuras, vel plicaturas, quæ magis leuitatem secularem, quam religiosam honestatem redolent, eiusq; longitudo, subtus genua saltem extendatur.

Deferant etiam Canonici nostri sub Rochetto Tunicam lineam albam longam vsq; ad talos, & si ita videbitur, aliam Tunicam albam, breuiorem, vsq; ad mediam tibiā protensam.

Dec. Cler.
PP: VIII
de ref.
Reg.

C. vt periculosa.
Ne Clerici vel Monachi.

Cam-

Camisiam quoque laneam, siue lineam, prout corporis valetudo, & Prælati arbitrium permiserit. Quod si linea fuerit, eius extremitates circa collum, & manus, nullo modo de foris appareant, immo extremitates ipsæ sint de Rascia siue Scotto, ita decenter aptatæ, vt nullo modo secularem vanitatem, sed religiosam modestiam præferant. Thorax autem, seu corettum, femoralia, & tibialia, sint lanea, vel linea albi omnino coloris, siue ex pellibus abrafis, & similiter subligacula. Sotulares & calcei, sint coriacci nigri, secundum formam religioso statui conuenientem.

Ferant insuper Canonici birretum clericale nigrum iuxta formam birreti Clericorum secularium, quæ tamen forma sit modesta, & in omnibus Canoniciis vniformis.

Chirothecas nullus ferat, nisi cum equitabit, aut longum iter conficiet; neque anulos in digitis. Nullus extra Cellam, sine Tunica talari, & Rochetto exeat, ad religiosam grauitatem, & honestatem seruandam: secus facientes pro qualibet vice, faciât disciplinam publicè in Refectorio, tempore communis refectionis.

Et licet Rochettum verè, & propriè sit habitus Clericalis, neque essentialiter à superpelliceo differat, prout Sanctissimus Dominus noster Clemens, Octauus nuper decreuit, nihilominus Canonici nostri sacris Altaribus inseruiantes, sacramenta ministrantes, Eucharistiam ferentes, & alia id genus munera Ecclesiastica exercentes, ob maiorem reuerentiam,

lem. PP.
III. ann.
503. i. die
pt. in sa-
Congr.
p. neg. E-
f. & Reg.

tiam, superpelliceum, vulgo Cottam appellatum, semper induere debebunt.

Et quia Almutiæ sub habitu Canonorum nostræ Congregationis comprahenduntur, & ex antiquissima consuetudine, intra septa Monasteriorum, certis saltem diebus ferri solent, præcipitur, ut omnes Prælati, saltem diebus festiuis, dum Diuinis officijs in Ecclesijs intererunt, ipsis Almutijs vtantur, quæ sint ex panno, siue ex rascia, nigri prorsus coloris, & non alterius.

casian. lib. 1. instit. monast. cap. 7. Benedictus XII in bulla Reform. cano. Reg.

Cum ipsi Canonici, è Monasterio egredientur, super Rochetto, Cappam nigram, vsque ad talos descendentem, à parte anteriori apertam, cum Cappuccio consuto, semper ferre debebunt; Quæ quidem Cappa ex rascia lanea, non autem alterius materiæ, nec etiam alterius coloris, erit. Pileum similiter nigrum, formæ, quæ religiosos deceat, sine flocis seu appendicijs ferant.

Vsus autem Mantellorum, omnibus nostris Canonici, cum pedestres incedent, semper & vbique sit interdictus, exceptis tamen Oeconomis, & Procuratoribus Monasteriorum, & alijs, quos extra Claustra tempore niuium, vel pluuiarum exire oportebit, cum quibus Prælati tunc dispensare poterunt; non tamen alio tempore, neque ob aliam causam. Excipitur etiam Monasterium Sancti Frigidiani de Luca, in quo seruetur loci consuetudo.

Si contingat nostros Canonicos æquitare, aut alio modo à Monasterijs longè proficisci, eorum habitus talis erit; ferent sub tunica linea, siue Rochetto,

chetto, breuem Tunicam laneam albam, saltem vsque subtus genua protensam, quæ femorialia omnino valeat operire: super ipso Rochetto Pallium, siue mantellum, aut feltrum nigrum ferent, non tamen alterius coloris, neque cum Manicis, vt habitus nostræ professionis facile ab omnibus videri possit. Poterunt etiam Tunica strictiori, & nigra super Rochetto vti, si tamen illa sine manicis sit, & talis formæ, per quam habitus nostræ professionis minimè occultetur.

Ocreas, Chirothecas, & Calcaria Canonicis nostris iter agentibus, ita permittimus, vt in omnibus religiosam Modestiam præferant. Ocreæ, & calcaria, sint nigra, & non alterius coloris.

Vt etiam prædicatores nostræ Congregationis in Ecclesijs conciones ad populos habentes, in habitu vniformitatē seruent, præcipitur ne vllus prædicator publicas vnquam conciones ad populos habeat, nisi Cappa nigra indutus, & capite cum Capuccio cooperto. Vfus verò birreti Clericalis, in concionibus ad Populos habendis omnibus nostris Canonicis sit prorsus interdictus.

Quicumque alterius generis, aut coloris, aut formæ, aut materiæ indumentis vsus fuerit, siue intus, siue extra Claustra, siue iter agendo, siue concionando, voce actiua, & passiuâ, per triennium priuatus existat. Prælati qui has constitutiones à suis subditis, minimè obseruari fecerint, vacent per annū, & non possit cum eis, nisi à toto Capitulo Generali dispensari.

De Habitu Conuerforum, & Oblatorum. Caput III.

H Abitus Conuerforum noſtræ Congregationis erit primò tunica lanea alba, longitudinis vſque ad mediam tibiã, non maioris neque minoris, ſuper qua haltam, ſiue patientiam lineam eiufdem longitudinis, cingulo albo, & humili ſuccinctam feret, quæ eſt profeſſionis illorum habitus. Corettum autem, femoralia, ac tibialia Conuerforum ſint lanea, vel linea, vel ex pellibus, ſicut de Canonicis dictum eſt, hoc excepto, quòd tibialia ex pellibus, ipſi Conuerſi nullo modo ferre debebunt. Calceos verò coriaceos nigri coloris fèrent iuxta formam Religioſis conuenientem. Vſus autem ſotularium, ſeu planellarum, ipſis Conuerſis ſit omninò interdictus.

Birretum Conuerforum ſit de panno laneo, coloris taneti, ſeu leonini humile & depreſſum ita, vt nullo modo clericale videatur. Cum autem domo egredientur, pileum nigrum humile, & eorum ſtatu conueniens portabunt, ac etiam pallium de panno, ſeu de raſcia, vſque ad mediam tibiã longũ, quod ſimiliter coloris taneti, non autem alterius eſſe debet.

Si Conuerſos æquitare, contingat, vſus ocrearũ, & chirothecarum, eis permittatur, pallium tamen nigrum, aut alterius coloris, præter tanetum nullo modo ferant. Conuerſi, qui alio colore, aut forma, aut materia indumentorum vti auſi fuerint, per an-

num habitu professionis sint priuati.

Habitus Oblatorum, siue Commissorum nostræ Congregationis erit tunica lanea, coloris taneti, vsque ad mediam tibiā descendens, & non vltra: pallium etiam, birretum, & pileum, eiusdem materiæ, formæ, & coloris, quemadmodum Conuersi fèrent, ac cætera indumenta, sicut de Conuersis dictum fuit.

De Tonsura clericali. Caput V.

IN omnibus Monasterijs nostris, statutis temporibus fiat Tonsura, omnesq; Canonici, & Conuersi pariter, & vniformiter respectiue tondentur.

Tonsura in Estate singulo die quintodecimo, in Hyeme verò quolibet die 21. fieri debet.

Tonsura Clericorum fiat in modum Coronæ, iuxta vsum, & modum Clericorum primitiue Ecclesiæ, hætenus in nostra Congregatione seruatum. Corona Clericalis, nec nimis lata sit, nec nimis stricta, sed decenter composita.

Caueant omnes à capillorum, & barbæ studiosa compositione: Barbæ decenter aptentur, nec nimis longæ ferantur, & per omnes partes, æqualiter tondentur, non autem iuxta morem secularium personarum ita artificiosè aptentur, vt notari mereantur. Qui alio modo sibi comam, aut barbam aptari fecerit, quamdiu se se ad præscriptū præsentis Constitutionis, tonderi non fecerit, stet in Claustro per

tres menses; & si contumax perstiterit sit inhabilis per triennium ad omnes dignitates, gradus, & officia in nostra Congregatione obtinenda, & priuetur eisdem dignitatibus, gradibus, & officijs, si quæ assequutus fuerit, ac etiam ab officio prædicationis sit suspensus.

Conuersi, & Oblati circa capillorum, & barbæ tonsuram, eandem Constitutionem inuiolabiliter obseruent, excepto quod Clericalem coronam, cum sint laici, non ferent; sed eius loco in signum religiosæ illorum professionis, partem inferiorem occipitis abramam vsque ad auricolæ summitatem ferre debebunt. Contrafacientes huic Constitutioni, habitu professionis vsque ad emendationem priuentur, & grauioribus etiam pœnis coerceantur.

De studio perfectionis, & cura interioris hominis. Caput VI.

CVM iuxta sententiā D. Thomæ, communiter à Doctoribus probatam, Religiosus ad perfectionem tendere teneatur, omnes, qui in S. Congregatione vitam regularem professi sumus, constāti animo eniti debemus, vt nihil perfectionis nobis desit, quod in Congregatione cū Dei gratia consequi possimus, per exactam, & absolutā, non solum Votorum, sed etiam omnium nostræ Congregationis constitutionum obseruationem.

Itaque Prælati monasteriorum sedulò circa vnūquemque illorum curæ cōmissum inuigilare debe-

B

2

bunt,

2. 2. q. 11
art. 2.

bunt, vt videant, an, & quantum quisque in via Dei proficiat. Desides verbo, & exemplo ad virtutem, & ad perfectionem assequendam excitabunt, pro certo habentes, omnium subditorum defectus sibi imputandos, & animarum illis commissarum, stric-
tissimam rationem se esse reddituros.

Quisque apud se constitutum habeat, in cura interioris hominis & in perfecta virtutum acquisitione, magis consistere religiosam perfectionem, quàm in doctrina, vel alijs ornamentis naturalium donorum, & virtutum.

Licet Regularis secundum probabilem sententiam Doctorum, non ita teneatur ad perfectionem aspirare, vt omittendo aliquid eorum, quæ cadunt sub consilio, vel quæ per ordinis constitutiones iubentur, ijs exceptis, quæ Votorum obseruationem respiciunt, mortaliter peccet; quisque tamen pro certo habeat illius statum, qui diu viuens in Congregatione non proficit, & cum solitis seculi imperfectionibus vitam ducit, valde suspectum habendum esse, quemadmodum Sancti Patres vnanimi consensu farentur.

De Abnegatione voluntatis, & perfecta Obedientia . Caput VII.

Quamuis in omnibus votis obseruandis, & virtutibus adipiscendis, maxima sit à nobis adhibenda diligentia, in virtute tamè obedientiæ comparanda, & in eius voto seruando,
maio-

maiori conatu insistendum est. Quilibet ergo in nostra Congregatione suis superioribus, non solum in ijs, ad quæ ex præcepto, seu voto tenetur, sed etiam in alijs cunctis libenter studeat obedire, eisdem superioribus liberam rerum suarum, & sui ipsius etiam dispositionem relinquens. Nec tantum in externa executione omnium, quæ illi à Prælato iniunguntur, sine excusatione, aut murmuratione, cum vera humilitate pareat, licet difficilia, & secundum sensum repugnantia illi præcipiantur; sed propriam voluntatem, & proprium iudicium abneget, superiorisque voluntatem, & iudicium ubi peccatum non appareat, pro regula sibi constituat.

Quascunque siue per Ordinis Constitutiones, siue per Prælatum sibi iniunctas poenitentias, unusquisque alacri humilique animo studeat adimplere, non illas modo, quæ propter defectus, negligentiasque culpabiles ipsi imponuntur, sed eas quoque, quas, aut nulla, aut leuissima dumtaxat culpa præcedente, ad humiliationem tantum ipsi imponi contigerit.

Nullus, cum ex obedientia, ad aliquod officium assumetur, ullo modo resistere præsumat, sed cum vera humilitate superiorum voluntati pareat; quod nisi fecerit, omnibus officijs & gradibus priuetur, & tamdiu ad Reuerendissimi Abbatis Generalis arbitrium, iustæ disciplinæ subiaceat, donec obtemperare proponat.

Qui suis Prælatis veram obedientiam, ex animo exhibere noluerint, non solum ad habitum nostræ Congregationis admittendi non erunt, sed etiam

rece-

14 *Primæ Partis . Caput VIII.*

recepti, si secundò, & tertio admoniti contumaces fuerint, aut carceribus deputentur, aut tanquam morbidæ pecudes, de nostra societate projiciantur.

De Affectu proprietatis abdicando, & communi vita seruanda.

Caput VIII.

Apostolicam illam in cõmuni absque proprio viuendi rationem, quam coram sacris Altaribus in professione solenniter vouerunt Canonici nostri, atque Conuersi, ardentè diligere, diligenterq; sectari contendant, euangelicum illud attendentes, Omnis ex vobis, qui non renunciat omnibus, quæ possidet, non potest meus esse discipulus

Luc. 14.

Nullus sine licentia sui superioris aliquid accipiat, aut teneat, licet à parentibus, vel amicis donatum, siuè titulo eleemosynæ, aut alio titulo sibi collatum, siuè illud sit pecunia, siuè vestis, siuè quiduis aliud pecuniæ æstimabile. Neque etiam extra Monasterium, apud quamcunque personam deponat pecunias, vestes, libros, aut aliud quodcumque, nec aliquid vendat, donet, mutuet, vel alio modo distrahere audeat.

ec. clem.
P. VIII.
ref. reg.
4. 5. 6. 7.

Nullus bona immobilia, vel mobilia, pecunias, prouentus, census, eleemosynas, siuè ex oblationibus, siuè ex lectionibus, siuè pro Missis celebrandis, siuè alio quocumque nomine acquisita, etiam si subsidia consanguineorum sint, tanquam propria, aut etiam nomine Monasterij retinere possit. Eo-

rum

rum verò quæ ad necessitatem concessa erunt, nullus quidquã vt proprium possideat, neque vt proprio utatur. Non liceat enim superioribus alicui bona stabilia ad vsumfructum, vel vsum, vel administrationem, aut comendam, aut etiam depositi, vel custodiæ nomine concedere, sicut in Sac. Concil. Trid. ac apostolicis decretis de reform. reg. continetur, atque præcipitur. Et qui in præmissores aliquo deliquerit, pœnas nedum à d. Conc. Trid. & Apostolicis Decretis præscriptas: sed alias quoque grauiiores superiorũ arbitrio imponendas incurrat.

Conc. Tri.
sess. 25. de
reg. cap. 2.

Prælati Monasteriorũ, saltem quater in anno, videlicet in principio anni, iuxta nostrã cõsuetudinẽ, & post Festum Exaltationis S. Crucis, In initio Aduentus, & Quadragesimæ, suos subditos capitulariter cõgregatos moneant sub pœna excommunicationis, ne aliquid pecunia æstimabile, quẽuis minimum, audeant occultare, sed omnia fideliter, & distincte ipsis reuelare debeãt, Ipsi verò Prælati quidquid habuerint prætio æstimabile, Patribus Visitatoribus, tẽpore visitationũ, manifestare teneantur.

Vt autẽ omnis proprietatis affectus nostris amputetur, præcipimus, vt omnes, siue Prælati, siue subditi, siue Canonici, siue Conuersi, quascũque pecunias, quouis modo ipsis obuenientes, cum primum ad illorũ manus peruenerint, in manibus Depositarij, in quolibet Monasterio constituendi deponere teneantur; in communi capsa Monasterij seruandas iuxta modum in secunda parte præsentium constitutionum tradendum, in Capitulo de Depositario;

16 *Prima Partis. Caput VIII.*

fitario ; Vt de dictis pecunijs ad arbitrium Prælati comparètur, quæ singulis necessaria ipse in primis iudicauerit , & vnique quemadmodum cuique opus fuerit prouideatur, sicut in nostra Regula cōtinetur. Superioribus autē, ne Conc. Trid. aut decreta per fel. rec. Clem. PP. VIII. de ref. reg. edita, declarare, interpretari, dispensare, aut relaxare vllō modo possint , omnino interdicitur , & prohibetur , prout in decretis prædictis sancitur .

Dec. Clem.
PP. VIII.
de ref. reg.
7 15. & 40.

Et ne subditi rebus necessarijs destituantur, prohibemus , restrictèque interdiciamus Prælatiſ Mo-
nasteriorum, ne pecunias depositas in alios vsus, quā
Canonicorum , & Conuersorum viles, ac necessa-
rios, vllō modo valeant conuertere , scū implicare ;
& vt regulas in secunda parte in capitulo de Depo-
sitario traditas , etiam circa huiusmodi deposita fi-
deliter obseruent; Prælati, qui hanc Constitutionem
de Depositis faciendis ipsi in primis non obserua-
uerint, & à sibi subditis obseruari non fecerint, sus-
pendantur à Prælaturis per sex menses .

De Castitatis, & sensuum custodia. Caput VIII.

EA in Religiosis omnibus effulgere debet tum
animæ, tum corporis mundities, vt Angeli-
cam puritatē si non penitus æquare , aliqua
saltē ex parte æmulari videatur . Cum autem ad
internum animæ candorem tutandum , externorū
sensuum custodia firmissimum noscatur præsi-
diū ,
vnus-

vnusquisque nostrum , maiori,qua potest,diligentia,sensuum suorum, sed maxime oculorum,auriũ, ac linguæ portas ab omni labe studeat custodire : Quilibet ab illicitis otiosisque locutionibus,& scurrilibus confabulationibus abstineat ; Túrpi loquia nec nominentur in nobis,sicut decet sanctos: Libri scenici , & alij amores lasciuos redolentes, siuè typis excusi , siuè manu scripti , per quorum lectionum procul dubio animi bonique mores deprauantur, omnibus nostris sint perpetuò interdicti .

Prælati Cellas subditorum sæpius visitando , regulas Indicis , & præsentem Constitutionem diligenter exequantur ; neque huiusmodi libros lasciuos etia prætextu cultioris linguæ addiscendæ suis subditis vlllo modo permittant .

Quicumque libros lasciuos,res obscenas , & profanos amores continentes , aut cantilenas, aut Epigrammata vulgari Idiomate,Sonetti,& Madrigali,nuncupata, res turpes,& obscenas redolentes composuisse, deprehensus fuerit, acriter puniatur iuxta regulas Indicis librorum prohibitorum ; Et eodem modo puniantur tenentes (quod absit) Imagines obscenas,motus inhonestos,& nuda pudenda præferentes .

In Ecclesia,& in via,& vbicunque fœminæ fuerint,quisque oculos demissos, & castigatos habeat , prout in Regula admonemur . Curiosos, & procaces Prælati corripiant, etiam publicè, si illi publicè delinquere non erubescant .

De Ecclesia, & Oratorio .

Caput X.

Regularium omnium Canonicorū Deo, peculiari quadam ratione, inferuentium, illud præcipuum est, vt diligant decorem Domus Dei, & locum habitationis gloriæ illius: Quapropter quilibet Prælati maior, quò fieri poterit, apparatu, & ornamentorum elegantia, ac varietate Basilicas, sacella, atque oratoria exornanda, atque decentissimè seruanda curabit.

Altaria, in quibus sacra fieri solent, quàm decenter sint ornata, cum mappis mundissimis, Cruce, Candelabris, & pallijs. Super Altaribus, semper tres mappæ mundissimæ teneantur, & totidem aliæ in Sacristia pariter mundæ adseruentur; vt si casu contingat eas, quæ in Altaribus erunt, maculari, illis ablatis, aliæ mundæ loco earum ponantur. Patres Visitatores tempore visitationum inspiciant non solum, an in quolibet altari sit numerus mapparū, per Rubricas Missalis Romani præscriptus: sed etiā an in Sacristia aliæ mappæ mundæ, vt præmissum est, seruentur; & Prælatos, hanc constitutionem minimè obseruantes acriter corripiant.

Pallia Altarium, si possibile fuerit, omnia serica esse debebunt, & tot numero varij coloris, pro quolibet Altari, vt quotidie iuxta festorum varietatem, valeant mutari, & saltem circa Altare maius id obseruetur, nec non circa illud, super quo Sanctissimum

mum

num Eucharistiæ Sacramentum aduersabitur; quæ præ ceteris exornari debebunt .

Tabernaculum, in quo ipsum Sanctissimum Eucharistiæ Sacramentum adseruabitur, extra, sit totum auro connectum, intus verò serico rubeo similiter tectum, clauis inaurata obseruacū. Pixides etiā, & Calices sint ex argento, & si fieri potest, etiā vascula, in quibus Chrisma, & Sacrum Oleum seruantur . Ante Altare, super quo Sanctissimum Eucharistiæ Sacramentum seruabitur, lampas purissimi olei oliuarum semper ardere debebit . Prælati, qui alio oleo in suis Ecclesijs vti permiserint, grauius puniantur tempore visitationum, & insuper faciant publicè disciplinam in Refectorio in Capitulo generali .

Reliquiæ Sanctorum in Thecis argenteis, si fieri poterit, sin autem in vasis deargentatis in loco decentissimo recludātur, vel in Ecclesia ad latus Altaris, vbi Sanctissimum Eucharistiæ Sacramentū seruabitur, vbi ad aliud latus o cum infirmorum in fenestrella tenēdum erit, aut super alio Altari, aut saltem in Sacristia, in loco decenti hæc omnia seruari debebunt. Circa omnia supradicta Rubricæ Missalis, & Ritualis Romani custodiantur, & executioni demandentur ,

Ecclesiæ Oratoria, & Sacella quotidie diligēter euerrantur, Cruces, Candelabra, lampades frequenter tergantur, ab Iconibus, & sacris Imaginibus puluis, & omnes sordes frequenter, ac diligenter excutiantur, & etiā à formicibus telæ Aranearum

rum diligenter auferantur, vt mundities, & decor domus Dei in omnibus resplendeat. Cessent prorsus in Ecclesijs, & Oratorijs confabulationes, deambulationes, ac strepitus, præsertim eo tempore, quo sacra in eis fient, aut diuina officia recitabuntur, aut orationi, ac meditationi vacabitur, quo tempore fores Ecclesiarum omnibus patere debebunt; extra verò illud tempus claudentur, nisi populorum deuotio, & concursus aliter fieri postulauerit.

Ad Vicarios locorum præcipuè pertinebit, saltè singula hebdomada Ecclesias, Altaria, Icones, Cruces, Candelabra, lampades, Altarium mappas, & pallia, & alia id genus visitare, & ea, quæ ad nitore, & ornatum Ecclesiarum hìc præcipiuntur, vt à Sacristia obseruentur, diligenter procurare, qui si negligentes fuerint, ab officio remoueantur. Prælati verò qui in suis Ecclesijs supradicta omnia obseruari pro posse non fecerint, si admoniti neglexerint, vacent à prælaturis, tanquam indigni, quibus cura Domus Dei committatur.

De assiduitate Orationis, & meditationis. Caput XI.

AD regularem perfectionem assequendam, nil validiores hominum subministrat vires, sicut frequetia, & assiduitas orationis ac meditationis, qua mens in Deum elata sacrificium illi summè acceptum offert. Propterea omnes nostræ Congregationis non solum Canonici, verum etiam

Con-

Conuerſi, ad præſcriptum regulæ ſtatutis horis ſingulis diebus, orationi inſiſtere debebunt. Canonici præter diuina officia, quæ vel in Choro, vel, legitimo impedimento, extra Chorum detenti, quotidie recitare tenentur, ſciant, ſe ad preces Deo pro ſuis, deinde pro totius populi peccatis offerendas ſemper obligari. Conuerſi, & Oblati, qui ad Diuinum Officium recitandum minimè tenentur, eius loco ſingulis diebus hæc deuotè recitabunt, nimirum pro Matutino, & laudibus viginti quinque vicibus Pater noſter, & Aue Maria, pro ſingulis horis Canonicis Prima, Tertia, Sexta, Nona, & Completorio ſeptem vicibus, pro Miſſa duodecim, pro Veſperis, item duodecim vicibus Pater noſter, & Aue Maria, recitare ſtudebunt. Singulis autem diebus Miſſæ ſacrificio intererunt.

Omnes Canonici, ac etiam, ſi fieri poſſit, Conuerſi quotidie in Eccleſia, vel Oratorio ſimul congregari ſaltem per integram horam mentali orationi, & meditationi vacent, videlicet per mediam horam poſt dictum matutinum, & per aliam mediam horam poſt dictam Nonam, quando Nona poſt prandium conuentualiter dici conſuevit, nimirum à Paſchate Reſurrectionis uſque ad feſtum Exaltationis S Crucis, vel poſt dictum Completorium; & hæc conſtitutio in omnibus Monafterijs indiſpenſabiliter ſeruetur.

**Qualiter Diuinis Officijs in Choro,
& in Ecclesia interesse oporteat.****Caput XII.**

Quia clericalis instituti præcipuus finis est diuinas laudes cum cordis humilitate, ac puritate in Ecclesia perfoluere, studeant nostræ Congregationis Canonici, tam acceptabile sacrificium ipsi Creatori, sicut oportet, exhibere. Igitur quibus horis ad diuina officia recitanda in Ecclesiam cōuenire oportebit, cum aliquibus ictibus campanæ per Sacristam, signum detur omnibus Canonicis, prope esse tempus ad Ecclesiam cōueniendi. Eo signo dato omnes à quibusuis negotijs statim se expédiant, & ad Chorum properent, vbi genuflexi in suis locis orantes, mentem colligāt, corda sursum eleuent, & non solum labia, verum multo magis corda mundissima ipsi Creatori offerre nitantur, caueant, nè de illis iustè dici possit: *populus hic labijs me honorat; cor autem eorum, longè est à me.*

Cum primum per Sacristam eiusmodi signum datum fuerit, Cantores ad libros, quibus in officio, vel Missa decantandis vtendum erit parados, & ea, quæ in officio, vel in Missa dicenda erunt, inueniēda properè contendunt. Post factam conuenientem moram, vltimum signum cum campana iterum pulsetur; eo verò audito quilibet vel imperfecta littera relicta, vel alio quouis negotio, statim ad Ecclesiam

eleſiam præperet. Pulſetur verò tamdiù càmpana , donec ex ſingulis locis Monafterij antequam officium inchoetur Canonici valeant ſimul ad Eccleſiam conuenire .

Nullus prætextu cuiuſcunque priuilegij , vel ſuperioritatis à ſeruitio Chori cenſeatur immunis, niſi cum quis in proprij officij munere actu fuerit occupatus, nec etiam prædicatores, & lectores vigore cuiuſcunque priuilegij ab huiuſmodi Chori ſeruitio immunes cenſeantur, niſi cùm actu prædicant, vel legunt: in negligentes, aut inobedientes ſalutari penitentia ſuperiores ità animaduertât, vt qui abſque legitimo impedimento diuinis officijs intereſſe noluerint, per menſem clauſtrum habeant . Qui verò ex negligentia tardiùs ad Eccleſiam ierit , poſt dictum primum verſiculum. Gloria patri , &c. tamdiu ſtet in medio Chori , capite verſus Altare inclinato, quamdiu ſigno aliquo à Patre facto , licentia ei detur ad ſuam ſedem eundi; qui verò ex conſuetudinaria negligentia tardiores ad Chorum ierint , ſeueriori diſciplina à prælatis corripiantur . Qui ex cauſa legitima Choro intereſſe non poterunt , Præſolato per nuntium id ſignificabunt .

Canonici Eccleſiam primò intrantes , accepta aqua benedicta , coram Sanctiſſimo Eucharistiæ Sacramento genuſſectentes humiliter adorent . Facta breui oratione, cum ſilentio ſurgentes, in Chorum ad propria loca accedant, in quibus genuſſexi tamdiù expectabunt, donec per maiorem in Choro ſignificetur omnibus , diuinum officium eſſe inchoan-

Dec. Clei
PP. VII
pro ref. 1
1. & 16.

choandum, & tunc omnes surgentes, profundè inclinati dicant Pater noster &c. Hebdomadario verò officium inchoante, omnes sese erigāt, & sic erecti Diuinum Officium cum attentione recitabunt; vt illud versetur in corde, quod profertur in ore, sicut in Regula docemur.

Cum dicetur Versiculus. Gloria Patri, & Filio, & Spiritui sancto, & similiter vltimus cuiusque Hymni versiculus, omnes profundè caput inclinātes incuruentur. Cum in Inuitatorio dicetur, Venite adoremus, & procidamus antè Deum, omnes genuflectant; Cum Sanctissimum nomen Iesu, aut Beatissimæ Virginis Mariæ, aut D. Patris Augustini pronuntiabitur omnes caput discooperiendo humiliter inclinent. Cum Canticum Magnificat, Benedictus, & Nunc dimittis, & Hymnus Te Deum laudamus, & Symbolum D. Athanasij recitabitur, omnes à sedibus distantes, stent erecti, & capite discooperto. In reliquis mos locorum siuè in stando siuè in sedendo, ita obseruetur, vt in omnibus vniformitas appareat.

In omnibus officijs recitandis, & Missis celebrandis, Rubricæ Breuiarij, Missalis, Cereemonialis, & Directorij Romani, & etiam Calendarij, quæ ab Ordinarijs locorum annuatim edūtur, exactè seruentur; nisi ob aliquod festum, certo die in nostra Congregatione celebrari consuetum, impediamur, vt cum Calendarijs locorum in officio recitando conformemur. Eiusmodi autem libros, & similiter libellum Officiorum peculiarium Sanctorum nostræ

Con-

Congregationis Prælati in suis Ecclesijs habere teneantur. Qui ex avaritia, vel ex negligentia illos habere non procurauerit, vel alio ritu, modo, aut cæremonijs in recitando Diuinum Officium, vel in Missis celebrandis, in suis Ecclesijs vti permiserit, faciat publicè disciplinam in Capitulo Generali, & grauius etiam à Patribus Visitatoribus corripiatur, & si correptus non se emendauerit à Regimine amoueatur. In Monasterio verò Sancti Frigidiani de Luca ipsius loci consuetudo seruari debet.

Officium dicatur alta voce, clara, & distincta, & ità morosè, vt quælibet dictio facillè ab omnibus intelligi possit; Fiat in medio cuiuslibet versiculi cõueniens pausa, siue morula; non tamen caudæ versiculorum longius protrahantur. In monosyllabis, aut dictionibus græcis, vel hebraicis non fiant vocû inflexiones, aut eleuationes. Minores maioribus aures præbeant, & illos sequantur; si quis in canendo, psallendo, vel legendo errauerit, & Chorum turbauerit, terram manu tangendo in signum agniti erroris, humiliter veniam petat.

In omnibus Monasterijs, in quibus septem Canonici residere solent, matutinum, & singulæ Horæ suis temporibus in Choro conuentualiter dicantur, & illis recitandis omnes Canonici, quicunque sint, assiduè interueniant: & nullo modo permittât prælati, aliquam partem Diuini Officij, quocunque tempore per duos Canonicos etiam in Choro recitari. Vicarij locorû in primis studeant, vt hæc constitutio seruetur, & vbi huiusmodi constitutio non ser-

uabitur. Vicariatus ad nullum effectum illis suffragetur. Caueant etiam Prælati, ne suos subditos huc, & illuc vagari, & proprias Ecclesias debitis seruitijs destitui patiantur.

In festis solennioribus cantetur ex Matutino Inuitatorium cum primo nocturno, Te Deum laudamus; & ex Laudibus. Capitulum cum sequentibus vsque ad finem; ex Horis Canonicis Tertia, Nona, Vespere, & Completorium. Alijs diebus festiuis ex Matutino cantatur Hymnus; ex laudibus Capitulum cum sequentibus; ex Horis Tertia, & Vespere; alia verò ad libitum superioris.

Quidquid cantandum erit, aut cantu plano, vulgò, Canto fermo, appellato, aut cum Musica formata cantetur.

Dùm Horæ matutinæ, ac vespertinæ recitabuntur super altare luminaria sint accēsa, duo, vel quatuor, aut plura iuxta officij diuersitatem. Quibus autem horis ad diuina officia Canonici conuocari debent, Sacrista in propria tabella in Sacristia manente adnotatum habebit.

Ad Officium Vicarij spectabit curare, vt omnia supradicta, ad modum celebrandi Diuinum Officium spectantia, ad vnguem seruentur. Quare Rubricas, & Cæremonias ad hoc spectantes, & modū rectè canendi, & psallendi ipse Vicarius in primis scire, & alios docere, & errantes corrigere debebit, quæ qui præstare minimè valebit, ab officio Vicariatus tanquam minus idoneus remouendus erit.

Qui ex legitima causa è Choro discedere voluerit,

rit, in medium Chori procedens versus maiorem de Choro manu pectori admota inclinarus ab eo exeundi licentia perat, & expectet. Qui verò ex rationabili causa Diuinis Officijs in Choro recitandis minimè interesse poterunt, extra Chorum oportuno tempore ipsum Diuinum Officium integrè, & attentè studèbunt recitare: cum non solum Canonici in sacris constituti, sed etiam alij omnes nostræ Congregationis Clerici professi ratione Canonica, & beneficiorum (quæ licèt in communi, verè tamen sicut alij Clerici beneficiati obtinemus) sub pœna peccati mortalis ad Diuinum Officium integrè recitandum; quotidie obligentur.

De modo terminandi Diuina Officia, & quotidianis Capitulis culparum. Caput XIII.

Absolute Diuino Officio, & in eius fine Antiphona in honorem Beatæ Virginis pro tempore dicenda deuotè recitata, post breuem morulam maior in Choro incipiat Antiphonam, Si iniquitates, &c. statim verò, Cantore incipiente Psalmum, De profundis, &c. omnes surgant, & eundem Psalmum alternatim prosequentes bini, & bini minoribus præcedentibus, oculos modestos, & castigatos tenentes, Ecclesiam exeuntes Capitulum ingrediantur. Expleto Psalmo dicatur in fine, Gloria Patri, &c. repetita Antiphona, Si iniquitates obseruaueris Domine; Domine quis sustinebit? Dica-

28 *Prima Partis. Caput XIII.*

tur per Hebdomadariū Pater noster; reliqua verò secretè prosequendo, dicat alta voce, Et ne nos, &c. Resp. Sed libera nos à malo: Versus, Saluos fac seruos tuos. Resp. Deus meus, &c. Vers. Domine exaudi, &c. Resp. Et clamor meus, &c. Vers. Dominus vobiscum. Resp. Et cum spiritu tuo. Oratio, Omnipotens sempiterne Deus, qui viuorum dominaris simul, & mortuorum, & in fine, Per Christum Dominum nostrum, & Diuinum auxilium, &c.

Si in Capitulo adsit Prælatus, aut Vicarius, omnes finita oratione genuflectant, & minoribus incipientibus, de proprijs culpis, & negligentijs ordinarijs, publicis tamen & notorijs, præsertim quas in Diuinis Officijs recitandis admiserant, humiliter sese accusabunt. Cum quis de suis negligentijs se ipsum esse accusaturus, dicat prius genuflexus coram Prælato, aut Vicario, Benedicite, & Resp. Deus, suam accusationem prosequatur. Hic mos terminandi Diuinum Officiū semper seruetur, præterquam in Matutino, quo absolute Psalmus, De profundis, pro animabus Defunctorum, cum oratione, Absolve quæsumus Domine, dicendus erit, & tunc Canonici in Capitulum non progredientur, nec etiam post dictum Completorium,

De profundis, & oratione, Absolve quæsumus Domine, dicendus erit, & tunc Canonici in Capitulum non progredientur, nec etiam post dictum Completorium,

De Antiphona in honorem B. V. quolibet sero cantanda, & Litanij quolibet Sabbatho in honorem eiusdem B. V. similiter cantandis.

Caput XIV.

Vetustissima consuetudo nostræ Congregationis ubique retineatur, vt quolibet sero post expletum Completorium Antiphona in honorem B. Virginis Mariæ, quæ iuxta temporum varietatem solet in fine Officij recitari, ab omnibus Canonicis nostris conuentualiter congregatis in Choro, deuotè cantetur, vel ante aliquod Altare in honorem ipsius B. V. dicatum. Eidem verò Antiphonæ decantandæ omnes Canonici, & Conuersi, ac etiam Oblati, cessante graui impedimento, interesse debebunt. quod vt commodè fieri possit paulò antequàm illa sit inchoanda, Sacrista, cum Campana signo facto, omnes, vt ad Ecclesiam conueniant, oportunè admonebit, qui ex negligentia ad laudandam Beatam Virginem non conuenerit, pro qualibet vice dicat suam culpam in Capitulo, vel in Refectorio, & à Patre emendetur.

Singulis sabbathis in sero Litanæ in honore Beatæ Virginis ab omnibus Canonicis, & Conuersis in Ecclesia conuentualiter congregatis, & genuflexis ante Altare in honorem eiusdem Beatæ Virginis dicatum, deuotè contentur, cum oratione de Beata Vir-

Virgine, pro Illustrissimo Protectore, & pro Præ-
latis, & Congregationibus illis commissis: id autem
fiat post absolutum Completorium, quo facilius
quisque ad illas valeat conuenire. Interesse autem
dictis litanij, quacunque excusatione remota, te-
neantur omnes siue Prædicatores, siue Lectores, si-
ue Procuratores, siue alio quolibet priuilegio, aut
officio insigniti, & si quis die illa domo exierit, stu-
deat omnino tam maturè domum reuerti, ut possit
adesse, cum prædictæ litanie decantabuntur. Qui
autem non interfuerit, faciat pro qualibet vice di-
sciplinam vnā in Refectorio, nec cum aliquo
Prælatus valeat vllō modo dispensare. Demum me-
muerint omnes existentes de corpore nostræ Con-
gregationis, ipsam B. Virginem esse eiusdem no-
stræ Congregationis, præcipuam tutelarem, & ideo
fese ad illam colendam totis viribus studeant ex-
citare.

De quibusdam festis in nostra Cō-
gregatione specialiter celebrandis, &
nonnullis commemorationibus fa-
ciendis. Caput XV.

CVM iuxta Apostolica priuilegia omnes Ca-
nonici nostræ Congregationis sint verè Ca-
nonici Sacrosanctæ Patriarchalis Ecclesiæ
Lateranenſis, & nostra Congregatio, Saluatoris La-
teranenſis Congregatio nuncupetur, statuimus, ut
quem-

quemadmodum à maioribus nostris hætenus fuit obseruatum, festum Dedicationis eiusdem Basilicæ Saluatoris Lateranensis, quod die nona mensis Nouembris agitur, in tota Congregatione, sub ritu duplicis maioris, cum sua octaua celebretur, & in eius vigilia integrum ieiunium seruetur.

Festum quoque Sanctissimi Patris nostri Augustini die vigesima octaua Augusti occurrens, maiori, qua fieri poterit, deuotione, & solennitate celebretur. Fiat illius proprium Officium ipsa die, & per totam octauam iuxta Apostolica priuilegia nobis indulta. In vigilia eiusdem festi tanquam Patroni, & titularis totius Congregationis ieiunium de præcepto seruari debet. Quolibet die, quo in Officio, commemorationes, & suffragia fieri consueuerunt, fiat commemoratio de Salvatore, & de D. Patre Augustino, iuxta morem Congregationis. Festa autem Sanctorum Religionis nostræ, fiant sub Officio duplici, iuxta Pij Quinti indultum, & in matutinis Hymnus, Te Deum, decantetur.

Pius V.

Quotiescunque aliquod festum titolare alicuius Monasterij nostræ Congregationis occurret, omnes existentes de familia illius Monasterij, in die vigiliæ eiusdem festi integrum ieiunium seruabunt. De Sanctis verò titularibus Ecclesiarum, & Monasteriorum nostræ Cōgregationis, fiat Officium sub ritu semiduplici in tota Congregatione, nisi aliter secundum Rubricas Breuiarij, fieri contingat. Et si verò dies festi titularium Sanctorum, cuiusque Mo-

Mona-

Monasteriorum à superfluis sumptibus, tam in mu-
ficis ex locis distantibus aduocandis, quam in con-
uiujs omninò cauebunt.

De Sacramentorum Pœnitentiæ, & Eucharistiæ frequenti susce- ptione. Caput XVI.

Patres Monasteriorum diligenter inuigilent,
vt illorum subditi saltem semel in hebdo-
mada, per Sacramentalem Confessionem,
proprias conscientias à peccatis expurgent. Sacer-
dotes, qui quot die sacrum faciunt, meminerint de-
creti Sacri Concilij Tridentini, quo cauetur, vt nul-
lus sibi conscius peccati mortalis, quantumcunque
sibi contritus videatur, absque præmissa Sacramen-
tali confessione ad Sacram Eucharistiam accedere
debeat, quod à Christianis omnibus etiam ab ijs sa-
cerdotibus, quibus ex officio incumbit celebrare;
Sancta Synodus seruandum esse decreuit: modò
non desit illis copia Confessoris. Quòd si necessita-
te urgente Sacerdos absque præuia confessione ce-
lebrauerit, quamprimum poterit, confiteatur.

Statuatur à quolibet Prælato certus numerus Sa-
cerdotum, qui sufficiant ad subditorum confесси-
ones commodè audiendas, qui sint prudentes, docti,
& charitate præditi, qui à non reseruatis eos absol-
uant, & quibus etiam reseruatorum absolutio com-
mittatur, quando casus occurrerit, in quo eam de-
bere committi ipse in primis Confessarius iudica-
uerit,

uerit, prout in decreto Clementis Papæ Octaui cōtinetur : quod Decretum circa referuationem casuum, & facultatem absoluendi à casibus referuatis tam Prælati, quàm Confessarij diligenter obseruēt.

Clem. VIII
ann. 1553.
die 26. Ma.

Nullus Sacerdos confessiones etiam eorum, qui sunt de corpore nostræ Cōgregationis, audire præsumat, nisi ex speciali licentia sui Prælati, nullus etiā subditus alicui confiteatur, nisi ijs, qui à suo Prælato illi fuerint in Confessarios deputati ; aliòquin absolutionem Sacramentalem non consequatur. Ipsius autem Prælati partes erunt, scire, cui Sacerdoti quisque subditorum confiteatur, & curare, ut quilibet suum ordinarium Confessarium habeat, nec liceat eum sæpius mutare.

Cum quis ex nostris de loco ad locum mittetur, nisi sit Prælatus, illis tantum Sacerdotibus poterit confiteri, qui in singulis locis per Patres Monasteriorum erunt in Confessarios deputati ; excepto si quis sit cum proprio Prælato, cui si voluerit, poterit confiteri : si autem noluerit, de illius licentia alicui ex deputatis à Prælatis locorum confiteatur. Prælati omnes quem maluerint ex Canonicis nostræ Cōgregationis sibi in Confessarium possint eligere. Similiter Canonicis nostris in Villis extra Claustra degētibus Prælati ex aliqua rationabili causa possint concedere facultatem cōfitendi alicui Sacerdoti extra Cōgregationem ex approbatis ab illorum Ordinarijs, quod etiam Abbas Generalis, & Visitatores tempore visitationum cuilibet ex Canonicis, & Cōuersis nostris rationabili causa concedere poterunt.

E Iter

Iter agentes si ob sacrum faciendum confiteri voluerint, & Sacerdotem nostri Ordinis nō habuerint, cuius Sacerdoti honesto confiteri valebunt, approbato tamen à suō Ordinario, nisi ex malitia usque in illud tempus, quod desit illis copia Sacerdotum nostræ Congregationis, ipsam confessionem distulerint; quia tunc beneficium Sacramentalis absolutionis (nisi fortè in casu vrgentis necessitatis) non consequentur. Extra prædictum casum nullus ex nostra Congregatione, siuè subditus, siuè Prælatus alicui Sacerdoti, qui non sit de gremio nostræ Congregationis, confiteatur, aliàs non sit verè absolutus.

Illud etiam Prælati diligenter curabunt, ut saltè qualibet die quintadecima singuli de illorum familijs, qui Sacerdotes non erunt, Sanctissimum Eucharistiæ Sacramentum deuotè suscipiant, nec non in festis Natiuitatis D.N. Iesu Christi, Circumcisionis, Epiphaniæ, in Cœna Domini, in festo Resurrectionis, Ascensionis, Pentecostes, in festo Corporis Domini, in festis Natiuitatis, Conceptionis, Purificationis, Annunciationis, & Assumptionis Beatæ Mariæ Virginis, Natiuitatis Sancti Ioannis Baptistæ, Sanctorum Apostolorum Petri & Pauli, & Patris Augustini, omnium Sanctorum, & Dedicationis Basilicæ Saluatoris, & in omnibus Dominicis Aduentus, & Quadragesimæ: in quibus omnibus diebus generalis Communio fieri debet in Missa Conuentali, ad quam omnes Clerici, Conuersi, & Oblati simul conueniant; illud aduertētes, ut iuxta
Rubri-

Rubricas Cœremonialis Romani, maiores prius communicent, deinde minores.

De Missarum celebratione.

Caput XVII.

IN omnibus Monasterijs, in quibus decem Canonici solent residere, quotidie Missa conuentualiter cantetur: vbi verò saltem septem Canonici adsunt, singulis diebus Dominicis, & festis de præcepto eadē Missa cōuentualiter cantetur, vbi verò fuerint duodecim Canonici, in festis solennioribus eadem Missa cum Diacono, & Subdiacono solenniter indutis celebretur, quolibet sabbatho non impedito aliquo festo de præcepto cantetur Missa de Beata Virgine, etiamsi septem tantum Canonici ibi adsint.

In Missarum celebratione, & cœremonijs, quæ fieri debent in Missis solennibus, & alijs similibus Rubricæ Missalis, & Cœremonialis Romani seruentur; studeantque locorum Vicarij, vt eadem Rubricæ, & Cœremoniæ exactè ab omnibus seruentur.

Abbates, & alij Prælati vsum Pontificalium habentes, saltem semel singulo triennio Missas solennes cum pontificalibus insignibus celebrare debent; in Ecclesijs autem insignioribus saltem semel quolibet anno id fieri conueniet.

Inuigilent etiam Patres Monasteriorum, & illorum Vicarij, vt singulis diebus dicantur Missæ, ad

E 2 quas

quas dicendas, vel ex antiqua conuentione; vel ex recenti eleemosynarum perceptione illorum Monasteria obligantur. Sacerdotes omnes, legitimo impedimento minimè impediti, quotidie sacrum facere debebunt, iuxta superioris arbitrium: In quolibet loco libellus à Sacrista teneatur, in quo notètur Missæ, quas singuli Sacerdotes quolibet die celebrabunt, adnotato etiam nomine cuiuslibet Sacerdotis celebrantis; quem librum Patres Visitatores tempore visitationum diligenter examinare debebunt; Prælati non obseruantes, nec obseruari facientes hanc constitutionem grauiter puniantur.

Nullus Sacerdos ob mercedem, vel eleemosynas extra nostras Ecclesias Missam audeat celebrare, sub pœna priuationis vocis actiuæ, & passiuæ per annũ, exceptis Sacerdotibus, qui animarum curæ extra Claustra erunt deputati.

De Catalogo obligationum, & frequenti commemoratione Benefactorum nostræ Congregationis.

Caput XVIII.

NE nostræ Congregationis benefactores spe suffragiorum, quæ ex nobis iure postulant, defraudentur, habeatur in qualibet Sacristia in loco conspicuo tabella, in qua adnotatus sit Catalogus omnium Missarum, vel Officiorum, ad quæ dicenda quocunque modo singula monasteria,

& Ec-

& Ecclesiæ nostræ Congregationis obligantur. Sitque in ipsa tabella distinctè adnotatum, quo die quælibet Missa, vel Officium, & ad quod Altare, & pro quibus dici debeat, & an ritu solenni, vel privato; & dicta tabella in ipsa Sacristia perpetuò seruetur iuxta morem antiquum nostræ Cōgregationis.

Si ob festum aliquo die occurrens, Missa, vel Officium pro aliquo defuncto eo die, quo dicenda esset, minimè dici posset, id per Sacristam adnotetur, & die sequenti similiter non impedito aliquo festo dici debebunt. Quolibet anno fiant Anniuersaria pro animabus Summorum Pontificum benefactorum nostræ Congregationis Martini Papæ Quinti, Eugenij Quarti, Sixti Quarti, & Pij Quarti.

Vbi quotidiana, aut saltem frequentiores elemosynæ percipiuntur pro Missis celebrandis, sit in Sacristia liber ad hoc specialiter præparatus, in quo singulæ Missæ dicendæ distinctè adnotentur; quæ cum dictæ fuerint, in eodem libro, aut in alio similiter ad hoc præparato distinctè id adnotetur: non autem maiores elemosynæ pro Missis dicendis à populis percipiantur, quàm sit numerus Missarum, vel per nostros Sacerdotes, vel per externos, in nostris tamen Ecclesijs verosimiliter dicendarum.

Patres Monasteriorum, & in eorum absentia Vicarij cum Canonicis nostris conuentualiter cōgregatis faciant frequenter commemorationem omnium, & singulorum nostræ Congregationis Benefactorum, illorum præsertim, qui Monasteria fundauerunt, vel redditibus donauerunt; quos orationibus

38 *Prima Partis. Caput XIX.*

nibus fratrum cum multo affectu plurimum commendabunt. Eorum verò singuli fratres in suis apud Deum orationibus ex animo meminerint, illud recolentes, quòd Sacerdotes peccata populorum comedunt, scilicet oblationes populorum, ut pro peccatis illorum apud Deum suis precibus intercedant.

De Valetudinario, & cura Infirmorum. Caput XIX.

Sicut in Regula præcipitur, ægrotantium diligens cura haberi debet. In omni Monasterio, si loci amplitudo id permiserit, sit Valetudinarium in loco salubri, & oportuno à Dormitorio separatum, in quo omnes Fratres, siuè Canonici, siuè etiam Conuersi, cum ægrotabunt, curari debebunt; nec indè nisi recuperata sanitate abire permittentur. Cura infirmorum vni, vel pluribus iuxta exigentiam à Patre demandetur, qui omni charitate, & sedulitate operam præstabunt, ne quid ægrotis desit, quod ad sanitatem recuperandam eos valeat iuuare.

Qui malè se habere senserit, Superiori, vel Infirmary statim id nuntiabit, qui curabunt, ut in loco Infirmary ponatur, & de consilio medicorum diligens cura recuperandæ illius sanitatis habeatur. Nemo tamen, in scio Superiore, vel Præfecto Infirmorum, Medicum aduocet, vel medicamentum accipiat.

Ne

Ne quid ægrotis omnino desit , quod ad eos sol-
landos , & ad sanitatem recuperandam prodesse
possit ; ipsi Prælati saltem semel quolibet die illos
visitabunt , & sæpius id facient Vicarij . Si Prælati ,
aut Vicarij , aut Oeconomi ex odio , vel avaritia , vel
ex alia causa curam Infirmorum neglexerint , &
pro posse non curauerint , vt cum omni sollicitudi-
ne , & charitate illis inferuiatur , & non procuraue-
rint , ea illis ministrari , quæ de consilio medicorum
danda erunt , & non fecerint , quod in ipsis erit , vt
Infirmi adiuuentur medicamentis , solatio , & pre-
cibus Fratrum illis iugiter assistentium , tempore
visitationum Patres Visitatores de hoc diligenter
inquirant , & illos ab officijs per annum suspendant
& grauioribus etiam pœnis irremissibiliter pu-
niantur .

Et quia prius animæ , quàm corporis saluti sem-
per studere debemus , cū primùm aliquis ægrotare
cœperit per Prælatum , aut Vicarium , vel maiorem
ex Canonicis admoneatur , vt per Sacramentalem
confessionem propriam conscientiam expurget , &
animæ sanitatem à Deo per Sacramenta humiliter
procuret , & sic præmissa confessione Sacramentali
à medicis curetur . Dabitque operam Prælatus ; &
Vicarius , vt ægrotus integram pecuniarum , si quas
habet , creditorum , rerumque omnium , quæ reue-
landæ sunt , reuelationem faciat , ne ipse tanquam
proprietaryus moriatur , & Monasterium pecunia-
rum , rerumque illarum , iacturam patiatur . Hæc
etiam Prælati cum ægrotabunt in primis obseruare
stude-

studebunt. Ægotantes patientiam, & humilitatem præferant verbis pijs, & ad ædificationem vtantur, quæ ostendant, ægritudinem ab ipsis, vt donū de manu Creatoris acceptari, cuius est donum non minus ægritudo, quàm sanitas. Quia verò infirmi sæpè noxia appetunt, succurratur eis ad præscriptū regulæ de consilio Medicorum.

Si morbus ingrauescat, & mortis periculum imminere timeatur, iterum per Sacramentalem confessionem, cum vera cordis contritione, & humilitate infirmus propriam conscientiam expurgare nitatur, deinde congregatis simul omnibus Fratribus Sanctissimum Eucharistiæ Sacramentum illi deferatur per modum viatici, quo contra Dæmonum insidias, & tentationes muniatur, ac deinde morbo excrecente, Sacramentum extremæ vñctionis deuotè suscipiat.

Cum quis morti propinquus esse videbitur, Pater Monasterij omninò efficiat, vt saltem duo ex nostris Canonicis, quorum alter sit Sacerdos, die, noctūque illi assistant: hi de rebus ad animæ salutem spectantibus cum illo loquentes, eum in diuina misericordia optimè sperare hortabuntur, & illis auxilijs, quibus eo tempore maximè indigebit, totis viribus iuuare conabuntur; sic verò ægotantem Pater Monasterij peculiaribus orationibus omnium domesticorum sedulo adiuuari procuret. Si contingat ægotum diutius etiam sine vitæ periculo decumbere, curabit tamen Prælatus, vt frequenter sua peccata confiteatur, & quo frequentius fieri

pote-

poterit, etiam Sanctissimo Eucharistiæ Sacramen-
to reficiatur.

Cum quis ex nostris infirmabitur, nullo modo
permittatur ad domos secularium etiam consan-
guineorum, & propinquorum accedere, ut ibi cu-
retur. Si tamen contingat, dum aliquis de loco ad
locum mittetur, in itinere infirmari; in omnibus
Monasterijs nostris cum humanitate, & charitatē
tractetur; & Monasterium ex quo discesserat, om-
nibus expensis, quas causa huiusmodi ægritudinis
fieri contingeret, subiacebit. Similiter si contingat
Abbatem Generalem, Patres Visitatores, eorum
socios, Conuersos, & famulos extra loca illorum re-
sidentia ægrotare, cum omni humanitate, & cha-
ritate tractentur, & Monasteria, quorum familijs
erunt adscripti, expensis, quæ fient causa huiusmo-
di ægritudinis, subiacebunt.

De sepultura, & suffragijs Fratrum defunctorum. Caput XX.

Quia non debemus ab illis post mortē offi-
cijs charitatis disjungi, quibus in hac vita
per religiosam conuersationem iunge-
bamur, cum aliquis ex nostris, Deo disponente,
ex hac vita decesserit, ablutum de more illius cada-
uer, & religioso habitu indutum cum solenni pro-
cessione, cui omnes de familia omninò intersint
cum Cruce, luminaribus, & alijs requisitis iuxta

formam Ritualis Romani deferatur ad Ecclesiam ,
 vbi tamdiù insepultus maneat, donec inter eius obitu-
 rum, & sepulturam, nisi iusta causa impediatur, inte-
 ger dies naturalis intercedat . Interim per Canoni-
 cos loci integrum Officium Defunctorum cū Mis-
 sa solennī cum Diacono ; & Subdiacono pro eius
 anima decantetur. Et similiter die 3. 7. & 30. Missa
 Defunctorum pro eadem anima conuentualiter cā-
 tetur, cum Responsorio in fine super Defuncti tu-
 mulum iuxta morem Congregationis. Quilibet Sa-
 cerdos existens de familia loci, in quo quis decedet,
 dicat pro illius anima triginta vicibus Missam De-
 functorum, vel toties memoriam de eius anima in
 sacrificio peragant. Clerici integrum psalterium cū
 versu Requiem æternam, in fine cuiuslibet psalmi;
 Conuersi, & oblato tercenties Pater noster, & Ave
 Maria similiter deuotè recitabunt .

Vt primū in aliquo Monasterio quis decesse-
 rit, Prælatus, vel eo absente, Vicarius per literas Ab-
 batem Generalem, ac etiā Visitatores de illius obitu
 certiores faciet; qui similiter omnes locorum Præ-
 latos de eiusdem interitu admonebunt, & illi pro-
 prios subditos; & sic prima die non impedita in
 quolibet Monasterio vna Missa pro eius anima can-
 tari debet cum Vesperis, & vno nocturno, & lau-
 dibus Defunctorum . Quilibet Sacerdos pro eius
 anima tribus vicibus lacrum faciat . Clerici tribus
 vicibus Psalmos Pœnitentiales, vel Officium De-
 functorum: Conuersi, & oblato centies Pater noster,
 & Ave Maria deuotè dicant. Quæ omnia vt exactè
 obser-

obseruentur, curent Patres locorum, & illorum Vicarij, vt in singulis Monasterijs in Choro, & in Sacristia teneatur Catalogus singulorum quolibet anno in nostra Congregatione Defunctorum.

Antiqua etiam consuetudo retineatur, vt qualibet prima die mensis non impedita dicantur in Choro Vespere cum vno nocturno, & laudibus Defunctorum, & die immediatè sequenti Missa pro animabus fratrum propinquorum, & benefactorum nostrae Congregationis cantetur. Suffragia verò, siuè Missarum, siuè Officiorum, quæ in singulis locis pro animabus Benefactorum nostrae Congregationis fieri debebunt, integrè, & quamprimum fiat, sicut dictum est in Capitulo de Catalogo obligationum.

Nulli seculari etiam benefectori nostrae Congregationis concedatur, vt cum habitu nostro sepeliatur sine expresso consensu totius Capituli. Nulli etiam concedatur in nostris Ecclesijs ius perpetuæ sepulturæ sine expressa licentia Abbatis Generalis, & expresso consensu Capituli Monasterij, in quo eiusmodi sepultura eligenda erit.

De Silentio. Caput XXI.

Cum scriptum sit, In multiloquio non deerit peccatum, volumus vt extra tempora religiosæ recreationis in nostris Monasterijs certis locis, & temporibus, silentium ita inuiolabiliter seruetur, vt nemo alterum alloquatur, nisi obi-

Prou. 10.

44 .Prima Partis. Caput XXI.

ter , & submissa voce , & paucissimis verbis , ac de rebus tantum necessarijs. In Choro, Ecclesia, & Sacristia perpetuò silentium seruetur, præsertim cum diuina officia recitabuntur , & cum Missa cantabitur, aut priuatim diceretur, vel conciones , & sermones ad populos habebuntur, & similiter in Refectorio, cum Fratres communi refectione interuenient. Si nonnullis diebus videbitur Patri , causa honestæ recreationis, silentium in Refectorio esse dispensandum , id non fiat nisi rarò ; & postquam de Sacra Scriptura , vel alio libro spiritali de more aliquid lectum fuerit , in Refectorio omnes submissa voce, & modestissimè loquantur: Prælati, qui frequentiores fuerint in dispensando silentium in Refectorio, à Patribus Visitatoribus corripiantur .

In Dormitorio similiter silentium seruetur, præsertim signo silentij, & dormitionis, per Sacristam pulsato, donec alio signo facto , omnes excitentur: nimirum in nocte post signum serotinæ dormitionis usque ad signum surgendi ad matutinum, & in die à signo post prandium facto usque ad horâ nonam; quæ signa statutis horis, idem Sacrista cum câpanula, cum qua Capitulum conuocari solet, quotidie dare debet. Qui iuxta præsentès Constitutiones silentium non seruauerit, pro qualibet vice dicat suam culpam in Refectorio, & Miserere brachijs extensis tempore communis refectionis .

In ceteris locis , & temporibus , in quibus loqui conceditur , ita loquendum erit, vt verba scurrilia , otiosa , & risum mouentia perpetua clausura à nostris

stris Monasterijs, arceantur. Turpitudines stultiloquia, maledicta, & murmuraciones, & similia, nec nominentur in nobis, vt Apostolus præcipit, contrauenientes penes in 2. parte statutis puniantur. Ad Eph.

Cum Frater Fratrem alloqueretur, præmittat, Deo gratias; cum Inferior Superiorem, præmittat, Benedicite. Omnes demissa voce loquantur; nemo cum altero contendat, sed si sit de aliqua re inter Fratres diuersa sententia, quemadmodum in disputationibus solet euenire, nullus vocem attollat, nec acrioribus verbis propriam sententiam tueatur; sed rationes sic modeste afferat, & eo animo, vt veritati sit locus, non vt ceteris in ea re superior videri velit.

Cum ægrotos ex debito charitatis inuisere oportebit, non solum ita loquendum erit, vt illis minime molesti simus; sed de ijs dumtaxat, quibus ægrotum consolari, & ædificare in Domino valeamus. In locis verò, in quibus ægroti manebunt, nullius de rebus, quæ ad profectum animæ non conferant, vlllo modo loquatur.

De Reuerentia ad inuicem exhibenda, & modestia in omnibus seruanda. Caput XXII.

IN omni conuersatione tam cum nostris, quam cum externis, præceptum Apostolicum seruetur, Modestia vestra nota sit oïbus hominibus. Ad Ph. In omnibus actionibus appareat humilitas; caput non leuiter moueatur; oculi vt plurimum sint demissi, vestes

stes mundæ cum religiosa decentia; incessus moderatus, omnes motus, & gestus ita compositi, vt cum maturitate, & grauitate apud omnes ædificationem pariant. Cum frater fratrem alloquuturus erit, vel de aliqua re tractaturus, studeant se se honore ad inuicem præuenire. Quisque omninò caueat, nè conuicio, vel supranomine alterum in loquendo offendant, & ad iracundiam prouocet. Conuersi vocentur fratres, Clerici Domni, Sacerdotes Patres. Nul-
lus siuè Conuersum, siuè Clericum, siuè Sacerdotē alloquendo pronomine, tu, vtatur, vt splendor regularis disciplinæ in omnibus effulgeat.

Omnes cum suos maiores obuios habuerint, caput illis retergant. Sacerdotibus ij, qui Sacerdotes non erunt, & Sacerdotes ad inuicem, & discipuli Magistris. Subditi coram Prælato surgant, & similiter Cōuersi, & Clerici coram Sacerdotibus, nec iniussi sedeant: vnusquisque suos Superiores alloquatur cum magna reuerentia, ille, quem Superior reprehenderit, audiat humiliter sine interpellatione.

Cum Fratres gratia honestæ, ac religiosæ recreationis aliquando conuenerint intus, vel extra Claustra, à clamoribus, & omni specie dissolutionis prorsus cauebunt; non se manibus per iocum tangent, non contendēt verbis, neque aliquid, quod religiosæ modestiæ fines transcendat, admittent. Contrafacientes comedant pro qualibet vice in medio refectorij panem, & aquam tempore communis refectionis.

Nè sub specie virtutis, aut honestæ recreationis dis-

dissolutiones in Claustris nutriantur, nullus Canes, qui ad delitias teneri solent, in nostris Monasterijs teneat, sub pœna vnius disciplinæ in Refectorio faciendæ, & Canes ab illo statim auferantur . Comediarum recitationes in nostris Claustris omninò interdicuntur, sacræ autem repræsentationes, in quibus Domini nostri Iesu Christi vita, & mors, aut Beatæ Virginis, aut aliorum Sanctorum publicæ repræsentantur, si videbitur Superioribus, ita permittantur, vt superflui sumptus, qui ad pompâ, vel ostentationem, aut oblectationem in eiusmodi solent interuenire, omninò euitentur .

De Refectorio, & communi refectione . Caput XXIII.

SIt in quolibet Monasterio commune Refectarium decens, & mūdum, vbi omnes tam Prælati, quàm subditi, cessante legitimo impedimento, statutis horis ad refectionem cum benedictione, & gratiarum actione percipiendam simul conueniant . Cum hora communis refectionis aderit, per eum, qui refectorio prærit, signo facto cum parua campanula, omnes admoneantur, vt sese à negotijs expedientes ad communem refectionem simul studeant conuenire . Omnibus verò paratis, & altero signo facto cum campanula, omnes statim conueniant, manus abluant, & cum silentio in Refectarium ad propria loca vadant; in quibus stantes tamdiù expectabunt, donec per patrem, aut maiorem

rem ex Canonicis mensæ benedictio inchoetur. Dū autem ad mensam conuenient , interim paruum tintinnabulum, quod super mēsam Prælati pendere solet, morosè pulsetur, vt singuli intelligant, se ad communem refectionem expectari .

Facta benedictione Lector mensæ dicto , Iube Domne benedicere, tandiū stet genuflexus, donec signum surgendi à maiori ex Canonicis illi fiat; & tunc vadat ad pulpitu m, lecturus quidquid eo die , & hora legendum erit. Interim Canonici in suis sedibus secundum ordinem maioritatis, & minoritatis inter eos seruandum, de quo in tertia parte dicendum erit, se sistent, & non prius sedebunt, quàm dicta Salutatione Angelica, signum sedendi à Prælato eius fiat. Postquam etiam ad mensam sederint, nihil cibi, vel potus percipiant; nisi postquam aliquid de Sacra lectione auscultauerint, & tunc demum licentiæ comedendi omnibus per patrem detur .

In mensa siuè prima, siuè secunda sacra lectio semper habeatur: vt non solum fauces sumant cibū, sed & aures esuriant Dei verbum. In prima mensa legatur aliquid de Sacra Scriptura, vel de Homilijs Euangeliorum occurrentium, vel de regula, vel de libro præsentium Constitutionum; in secunda verò mensa de aliquo libro vulgari idiomate scripto, quod ad vitæ regularis perfectionem conferat, legendum erit .

In Refectorio silentium seruetur, cesset in eo omnis strepitus. Si quid petendum sit nutu; vel signo petatur, vel ita submissa voce, vt circumstantes ab audien-

audienda sacra lectione non impendantur . Omnes in Refectorio stent cum modestia , oculos demissos teneant, ea solum prospicientes , quæ illis apposita fuerint. Qui vinum in mensa effuderit vel aliquod inconueniens admiserit, surgens tamdiu stet inclinatus, donec signo facto per Patrem, licentia sedendi ei detur .

Externi siuè Seculares, siuè etiâ Religiosi, in Refectorium ad vescendum nobiscum minimè introducantur ; nisi sint domestici nostri & ita probata vitæ, vt meritò ab omnibus introducendi videantur: si contingat aliquem exterorum in Refectorio nobiscum comedere, nullus ibi faciat aliquam poenitentiam , nisi fortasse in eius præsentia deliquerit ; nomine verò exterorum illi intelliguntur, qui non sunt de gremio nostræ Congregationis .

Omnes etiam Superiores quicūque illi sint, eodē pane, eodem vino , eodem obsonio, siuè eadem, vt aiunt, pitantia in communi mensa, nisi causa infirmitatis impediti fuerint vescantur , nec quisquam singulare aliquid, quo priuatim in cibum vtatur, in Refectorium afferre possit, præsertim diebus ieiuniorum. Victus, & potus à Prælato, & ministris, quibus id incumbet, omnibus sufficienter prouideatur, prout cuique opus fuerit. Cum carnibus vesci licebit, singulo die cuiuslibet Canonico duodecim ynciæ carnis ad minus distribuantur, & hæc quantitas augeri possit , & non minui ; Reliquis diebus proportionabiliter ad prædictam quantitatem obsonium, siuè pitantia, singulis dispenseetur .

Dec Clem.
PP. VIII.
de Refor.
Reg. 10.

50 *Prima Partis. Caput XXIII.*

Facta refectione fiat signum à patre, vel maiore ex Canonicis cum tintinabulo super mensam Prælati pendente, post breuē deinde morulam cum viderit nullum aliquid cibi, aut potus amplius sumere, cum eodem tintinabulo signum surgendi omnibus faciat. Cum autem omnes surrexerint, gratijs de more inchoatis, recitantes Psalmum, Miserere, vel alium iuxta temporum varietatem, bini, & bini minoribus præcedentibus per ordinē vadant ad Ecclesiam, si commodè fieri id possit, & nisi tunc seculares sint in Ecclesia, vbi gratiarum actiones expleant. Postea verò antiphonam in honorem Beatæ Mariæ Virginis, quæ in fine Officij dici solet, cum sequenti oratione deuotè dicant, tandemque post breuem moram Cantore incipiente Psalmum, Ad te leuauī oculos meos, eodem ordine exhibunt, & Capitulum ingredientur, & facta commemoratione pro nostris Benefactoribus iuxta morem Congregationis, omnes cum silentio discedent. Hic autem mos perficiendi gratiarum actiones semper seruetur in mane post prædium. Verū in sero post cœnam gratiarum actiones in Refectorio fient iuxta formam in Breuiario præscriptam. Quando autem ieiunium seruabitur, post collationem serotinam dicto per lectorem, Tu autem Domine miserere nobis, Dicatur Psalmus, De profundis, cum versu, Requiem æternam in fine, & dicto per Patrē, Requiescant in pace, & responso, Amen, omnes cum silentio discedant, minoribus præcedentibus, & maioribus sequentibus.

Quili-

Quilibet cessante legitimo impedimento ad communem refectiorem cum cæteris conueniat; qui domo egredientur, ita propere reuertantur, ut cum cæteris ad communem refectiorem conuenire possint, secus facientes habeant Claustrum per mensē.

De Ieiunijs, & consuetis abstinentijs nostræ Congregationis.

Caput XXIV.

Quoniam ieiunium omnium virtutum est fundamentum, & abstinentia regularis disciplinæ est nutrix, & conseruatric, ut D. Hieronymus ait, præcipimus, ut consueta nostræ Congregationis ieiunia, & abstinentias tam Prælati, quàm subditi pro viribus studeant obseruare. Omnes degentes sub obedientia Congregationis, præter ieiunia de præcepto Ecclesiæ, hæc quoque iuxta laudabilem consuetudinem nostræ Congregationis obseruabunt. Singulis quartis ferijs omnes ab esu carniū abstinebunt, qualibet sexta feria in memoriam Dominicæ passionis vnica refectio contenti, perfectum ieiunium seruabunt, excepto eo tempore, quod inter Dominicam Resurrectionis, & Pentecostes intercedit; excepto etiam si festum solenne ipsa sexta feria occurrat. Toto tempore Aduentus Domini, usque ad vigiliam Dominicæ Natiuitatis perfectum ieiunium, sicut in Quadragesima similiter seruabunt. Prædictis autem diebus ieiuniorum, si aliquid in sero causa valetu-

dinis cum potu tribuendum erit, id sit quid minimum, & in ea quantitate, quæ ieiunium de præcepto Ecclesiæ frangere non possit. Contrafacientes faciant vnâ disciplinam in Refectorio pro qualibet vice. Prælati verò hanc constitutionem obseruari non facientes, & ipsi in primis non obseruantes, suspendantur per tres menses.

A festo Exaltationis S. Crucis vsque ad festum Dominicæ Resurrectionis, feria secunda, & quarta, & in Sabbatho omnes ita ieiunabunt, vt sit in potestate Prælati in sero præter panem, & vinum aliquid aliud illis tribuere comedendum, excepto si in prædictis diebus aliquod festum de præcepto Ecclesiæ, vel populare, vel in nostra Congregatione celebrari solitum occurrat; quia tunc propter festum, ieiunium dispensandum erit. In Vigilia verò D. Patris Augustini, quia patrônus, & titularis est nostræ Congregationis, ieiunium de præcepto seruetur, similiter in Parasceue nihil cocti edatur præter panem, & omnes super nuda mensa in memoriam Dominicæ passionis vescantur.

Cum ægrotis autem, debilibus, senio confectis, & iter agentibus Patres Monasteriorum, prout Charitas requireret dispensabunt. In reliquis omnes ita studebunt carnem domare ieiunijs, & abstinentia escæ, & potus, quantum valetudo permiserit, quemadmodum in Regula iubetur, & dictum Magni Basilij pro certo habeant, omnes quotquot Deo placuerunt Sancti, ad vitam Deo dicatam per ieiunium institutos fuisse.

De disciplina in sero Conuentualiter, facienda Caput XXV.

IN omnibus nostris Monasterijs post expletum Completorium, & orationem mentalem eo tempore, quo oratio mentalis fiet post Completorium, in loco conuenienti clausis ianuis, & fenestris ad honestatem seruandam, ab omnibus conuentualiter congregatis fiat disciplina iuxta morem nostre Congregationis, ad quam disciplinam faciendam omnes conuenient, nisi causa necessitatis, vel exercendi aliquid opus charitatis, fuerint legitimè impediti.

Hoc autè pacto ipsa disciplina fieri debet, maiore incipiente Psalmum, Miserere, vel aliud ex penitentialibus, & ceteris Canonicis prosequentibus eundem, & alios Psalmos ad illius arbitrium, omnes flagello in nostra Congregatione consueto, cum vera cordis humilitate, & contritione sese super rebus verberabunt. Nullus tamen alio flagello ad disciplinam faciendam utatur, præter consuetum in nostra Congregatione. Si quis secus fecerit, non merito, & virtuti, sed superbiæ id tribuatur, & à Patre corripiatur. Terminetur verò disciplina, Patre, vel maiore ex Canonicis inchoante Antiphonam, Da pacem Domine, & reliquis prosequētibus, cum versiculo, & oratione consuetis. & post conuenientem moram facto signo per eundem, apertisque fenestris, & ianua omnes cum silentio discedant. Super hac constitutione Pater Monasterij in festis solennibus,

ac

ac nonnullis alijs diebus causa lætitiæ spiritualis ,
vel religiosæ recreationis poterit dispensare .

De Vestiario . Caput XXVI.

Iuxta Regulam nostram sit in Monasterio commune Vestiarium, in quo vestes omnes , siuè lineæ , siuè laneæ , omnisque alia supellex pro vestitu, & accubitu necessaria seruetur sub communibus custodibus, ut inde ad Patris arbitrium , prout unicuique opus fuerit, valeat omnibus subministrari . Nullusque vestes , aut aliam quamcunque supellectilem, præter ea , quibus actu uti cōtigerit , in cella apud se retineat ; sed omnia in commune Vestiarium cōferantur , etiamsi quis hoc ipsum sit recepturus , quod antea deposuerat , ut in Regula continetur . Præficiantur verò ipsi Vestiario unus , vel duo , vel quot sufficere possint non solum ad vestes seruandas, sed etiam à tineis excutiendas ; quod cum omni diligentia efficere debebunt . Omnium autem vestitus , & supellex ex communi pecunia comparari debebit, unicuique decenter , & conuenienter, prout cuique opus fuerit .

Nullus Prælati det subditis pecunias loco indumentorum , nec subditi à Prælati dare volentibus eas accipiant . Prælati secus facientes priuentur prælaturis per annum, subditi verò voce actiua, & passiva similiter per annum . Teneantur nihilominus Prælati pro Vestiario cuiuslibet Canonici, & Conuersi, eam pecuniæ quantitatem quolibet anno expendi

pendi facere , quæ in quolibet Capitulo Generali fuerit taxata . Ultra eam verò quantitatem , non sit in potestate Prælatorum plus expendi facere , siuè pro se ipsis , siuè pro Oeconomis , siuè pro quouis alio : Secus facientes à Patribus Visitatoribus tempore visitationum iuxta excessus qualitatem graui-ter puniantur . Teneantur etiam Prælati in singulis Monasterijs de conuenienti supellectili tam pro cellis, & accubitu,quàm pro Refectorio,& alijs officinis, prouidere . Et Visitatores tempore visitationum super hoc diligenter inquirant ; & in non obseruantes graui-ter animaduertant , nè Monasteria conuenienti, & necessaria supellectili destituta remaneant .

Nullus vestimenta , aut aliam supellectilem illius vsui concessam sine licentia Superioris vendat, donet , aut alio quouis modo distrahat , siuè extraneis, siuè domesticis, contrafacientes pro prima vice faciant disciplinam publicè in Refectorio . Si relapsi fuerint priuentur habitu professionis per sex menses, nec cum eis dispensari possit. Qui rem venditam emerit, si sit Canonicus , priuetur voce actiua , & passiuâ per annum , si Conuersus priuetur patientia per annum , & tam emens , quàm vendens ipsis rebus sint priuati .

De communi Dormitorio :

Caput XXVII.

IN quolibet Mōnasterio sit commune Dormitorium, in quo omnes Canonici, Conuersi, ac etiam ipsi Prælati in Cellis separatis dormiāt. Nullus etiam Superior Cellas separatas à communi Dormitorio habeat, nisi numerus familiæ aliter fieri cogat. In priuatis cellis nulli camini permittantur, cellis tamen Generalis, aut alterius Superioris, ac Prædicatoris exceptis.

Supellex cellarum siuè Superiorum, siuè subditorum quorumcunque sit vniformis, humilis, & statui paupertatis conueniens, parietes sint nudi. Vasa argentea, vel auro pretiosa, Cruces etiam, & Imagines magni valoris quamuis Sanctorum sint, nulli in priuatis cellis permittantur, nè sub prætextu deuotionis, affectus proprietatis tegatur: de ipsa verò supellectili cellarum conuenienter omnibus à Patre provideatur.

Vnusquisque singillatim in suo lectulo cubet, nūquam nudus, vt honestas seruetur, nemo extra proprium lectulum dormiat; secus facientes faciant pro qualibet vice disciplinam publicè in Refectorio. Nullus cellā ita claudat, quin semper à Superiore possit aperiri. Nullus alterius cellam ingrediatur; sed si quid dicendū sit, super ianua breuiter, & submissa voce dicatur. Nullus ex alterius cella quidquam auferat sine licentia Superioris, neque supellecti-

ec. Clem.
p. VIII.
e Refor.
eg. 24. 25
5. 27. 28.

lectilem aliorum vsui deputatam , suo vsui appropriet; nec quæ illius vsui erunt deputata, sine licentia Superioris alteri tradat .

Cellæ omnes saltem bis in anno per Prælatos visitentur; qui diligenter caueant, ne quid necessarium subditis desit, aut superfluum ab illis teneatur; curentque ne subditi in cellis teneant libros, vel scripta, per Indicem librorum prohibitorum; vel per Edicta Sanctæ Inquisitionis, prohibita; vel ita tui religionis (esto nominatim prohibita non sint) parum conuenientia, & ad honestatem, & bonos mores deprauandos conducentia.

In medio dormitorij tota nocte lampas accensa teneatur. In priuatis cellis propter valetudinem Canonici alio oleo non vtantur pro vsu lucernarum, nisi oleo oliuæ, de quo sufficienter per Oeconomum iubente Prælato omnibus prouideri debebit. Cauebunt autem omnes, ne candelas accensas lectisterijs, ligneis columnis, Oratorijs, vel similibus rebus adiungant, ne Demone operante dormitoria comburantur. Singuli cum mane surgent, lectulum coöperiant, & componant; cubicula euerrant. Mundities, quæ & ad valetudinem, & ad aliorum ædificationem confert, omnibus curæ sit.

In dormitorio, & priuatis cellis nemo cantet, aut musicum instrumentum pulset, aut alio modo strepitum faciat, quo fraterna quies turbetur; sed silentium ibi semper seruetur. Nemo etiam personas seculares, siue regulares, alterius Ordinis illuc conducatur, nisi familiarissimas nostræ Congregationis.

58 *Primæ Partis . Caput XXVIII.*

Facto per Sacristam signo serotinæ dormitionis, quilibet ad suam cellam properet, vbi facta oratione, & examine propriæ conscientiæ diligenter præmisso, vel se in suo lectulo ponat, vel orationi, meditationi, & Sacræ lectioni vacet, neque cellâ exeat, nisi necessitate cogente, donec mane sequenti ad horas matutinas iterum excitetur. Inter signum verò serotinæ dormitionis, & matutinum, saltem septem horæ integræ intercedant.

De exercitijs Canoniorum .
Caput XXVIII.

Hieron. in
epist. ad
Rusticū c.
Nunquid
se consec.
l. 5.

Iuxta auream D. Hieronymi sententiā, semper aliquid boni faciamus, ne Diabolus otiosos nos inueniat; est enim otium origo omnium viti-
orum, & virtutum rubigo. Præter illas horas, quibus ad diuina Officia, atque orationem mentalem conueniendum erit, Canonici omnes siue in cellis, siue extra semper aliquid boni facient. In cellis Oratio-
ni, meditationi & Sacræ lectioni, aut etiam libris scribendis, vel quid simile boni peragendo, ad Patris arbitrium operam dabunt. Nullum tamē opus lucrosū sine eiusdem Patris licentia exercebunt, neque absolutum absque eiusdem licentia alienabunt, ut affectus proprietatis vitetur. Magistri, Prædicatores, & alij in scientijs versati, si aliquod nouū opus composuerint, quod dignum aestimetur, ut ad publicam vtilitatem in lucem edatur, nullo tamen pacto id faciant sine licentia Superiorum nostræ
Con-

Congregationis ad præscriptum Decreti Conc. Lateran. & Tridentini sub pœnis in eisdem contentis.

Ad seruandam corporis valetudinem vacabunt etiam Canonici aliquando exercitijs corporalibus, prout Prælatus iusserit, aut permiserit. Nunquam tamen propter quoduis opus clericalem habitum dimittent, siuè intra Monasterium, siuè extra. Si ad aliquod commune exercitium Canonici vocabuntur, libenter conueniant, & cum hilaritate, & promptitudine illud faciant maiori studio, & frequentiori alacritate, quàm si quisq; propria sibi faceret. Ante inceptionem cuiuslibet exercitij, omnes genuflectentes Angelicam salutationem, semper deuotè præmittere studeant. Quo verò omnia ordinatè peragantur, appendatur tabella in loco conspicuo Conuentus, in qua distinctè adnotetur, quid singulis horis cuiusque diei quilibet Frater præstare debeat, vt certo quoque signo præmonitus, maiore animi præparatione suo muneri satisfacere possit.

Dec. clei
PP. VII
de Refi
Reg. 39.

De exercitijs Conuerforum, & oblatorum, & de famulis secularibus.

Caput XXIX.

Conuerfi quamuis in ijs, quæ ad Regulæ, & votorum obseruationem spectant, a consortio Canonicorum non debeant disiungi; tamen quia est diuersa illorum, & Clericorum instituti ratio, quippè qui vt corporalia obsequia Canonicis præstent, principaliter ad Congregationē

H 2 admit-

cc. Clem.
v. VIII.
Refor.
g. 17.

admittuntur, ideò ad corporalia exercitia per Patrẽ Monasterij principaliter deputari debent. Nullus ex nostris Conuersis Officium magnum, quod à Clericis dicitur, audeat recitare, nisi ex speciali licentia Capituli Generalis id ei concedatur. Poterunt tamen ipsi Conuersi, ac etiam oblati Officium Beatæ Mariæ Virginis paruum, & alia in eodem Officio paruo contenta, quæ laici recitare solent, postquam exercitia absoluerint, sibi à Patribus iniuncta, si tẽpus superfuerit, cum deuotione recitare. Nullus Conuersus, vel commissus Grammaticam addiscat, sed nec vllus Canonicus, illos Grammaticam doceat sub pœna vnius disciplinæ tam docenti, quàm ad discenti, quæ pro qualibet vice in Refectorio fieri debet. Cõuersi, & oblati etsi alicuius particularis Canonici obsequio sint deputati, nullo tamen pacto à communibus obsequijs cæteris Canonicis præstatis ita absoluti censeantur, vt si eis vacauerit, non etiam cuilibet Canonicorum debeant cum charitate inferuire. at huiusmodi socius, & ministes ex necessaria causa, Generalis iudicio probanda, ex eodẽ nostro Ordine, & qui vigesimum quintum agat annum, concedendus erit.

Famulos seculares in nostris Monasterijs tenere omninò prohibemus, ijs exceptis, qui pro feruitijs equorum, & equitiorum, vel coquina, aut similium officinarum tenendi erunt. Particulares autem famulos seculares nullus siuè subditus, siuè etiã Prælatusteneat. In villis verò propter operum multitudinem, famuli seculares haberi possint.

De

De quibusdam officijs per Patrem distribuendis. Caput XXX.

Retineatur consuetudo nostræ Cōgregatio-
nis circa nonnulla officia. singulo mense
vel hebdomada per Prælaturam Canonicis
distribuenda, cuiusmodi sunt Hebdomadaria, Can-
tatio Missæ Conuentualis, & quarumdam Missarū
statutis diebus, & horis celebratio. Cantoria, lectio
ad mensam, officium inseruiendi in mensa, vel in-
firmis, vel hospitibus, euerrendi domum, & simi-
lia, in quibus distribuendis Patres Monasteriorum
singulorum conditiones, & possibilitatem atten-
dant, ut quisque officium sibi commissum cum hu-
militate, & sollicitudine valeat implere. Ab ijs exer-
citijs, quæ ad seruitium Chori, & Ecclesiæ spectant,
nemo immunis cēseatur, præsertim ab hebdomada-
ria, ad quam omnes etiam Vicarij teneantur; ex-
ceptis Prælati, & Prædicatoribus, ac Lectoribus, cum
in proprijs officijs actu fuerint occupati; cum sen-
bus tamen, Prælati ad arbitrium dispensabunt.

Cum alicui officium ex obedientia iniungetur,
cum omni humilitate, & hilaritate studeat illud im-
plere, etiamsi vile in eius oculis videatur, recog-
itans, religiosā perfectionem humilitate cōprobari.
Si quis officium ex obedientia sibi iniūctum recu-
sauerit, faciat publicè disciplinam in Refectorio, &
si contumax fuerit, pœnis inobedientiū in secunda
parte statutis puniatur. Si tamen officiū sibi iniun-
gatur,

62 *Prima Partis. Caput XXXI.*

gatur, quod putet se minimè adimplere posse, suam impossibilitatem Prælato humiliter patefaciat.

Distributio officiorum fiat à Prælato in principio hebdomadæ post finem Capituli singula hebdomada congregandi. In alterius verò officium nemo se ingerat, & in alienas officinas nullus ingrediatur sine licentia Superioris. Et, vt omnia ordinatè peragantur, appendatur in loco conspicuo tabella, in qua distinctè sit adnotatum quidquid singulo die, vel hebdomada, vel mense quisque ex officio sibi iniuncto præstare debebit, præsertim in Sacristia, vbi tabella semper teneri debebit, in qua adnotetur quibus horis quilibet Sacerdos Missam celebrare debebit, vt præmonitus maiori animi præparatione suo muneri satisfaciat. Ad Vicarium præsertim spectabit, huiusmodi tabellam conficere, & curare, vt quisque officium sibi iniunctum diligenter exequatur.

De modo conueniendi ad communem calefactionem.

Caput XXXI.

CUm frigore compellente ad ignem accedere necesse erit, sit præparatus in quolibet Monasterio locus decens, & idoneus, vbi omnes Canonici statutis horis ad calefactionem simul conueniant. In priuatis autem cellis camini nõ permittantur, ijs exceptis, quibus causa senectutis, vel ægritudinis necessarij erunt, exceptis etiam cellis Ab-

lis Abbatis Generalis, Prælati, & alicuius Prædicato-
ris, aut Lectoris. Cum Canonici ad ignem conue-
nient, cauebunt prorsus à vanis confabulationibus,
& verbis inutilibus; quod ut fiat curabunt Patres,
ut interim sermo habeatur, vel de Sacra Scriptura,
vel de casibus conscientiarum, vel de regulari discipli-
na, & in locis studiorum, de rebus ad quotidianas
lectiones spectantibus, cum modestia religiosa ces-
sante omni strepitu, & clamore.

Facto per Sacristam signo serotinæ dormitionis
omnes ab igne discedant, & cum silètio in proprias
cellas se recipiant: Qui in loco communis calefa-
ctionis, post signum dormitionis silentium frege-
rit, vel ad alium locum causa calefaciendi, vel po-
tius conuenticula fouendi sese recepisse deprehen-
sus fuerit, comedat in terra in Refectorio.

De Claustri, & Ianuæ custodia.

Caput XXXII.

Quia iuxta præceptum Apostolicum caue-
re debemus non solum à malo, sed etiam
à specie, & occasione mali, præcipitur,
ut in omnibus nostræ Cōgregationis Monasterijs
clausura perpetua seruetur, quam nullus ex nostris
sine licentia egredi, nullus extraneus ingredi vlllo
modo possit. Sint intra clausuram Dormitoria, Re-
fectorium, omnia cellaria, officinæ, & habitationes
vrbis Canonicoꝝ, & Conuersoꝝ depurate;
neque

Dec. clau
PP. VI
de Ref
Reg. 18.

64 *Prime Partis . Caput XXXII.*

neque alicui habitationem extra clausuram habere permittatur.

Ianua clausuræ semper clausa teneatur, cui à patre ianitor ex conuersis deputetur, qui eidem cultodiendæ semper assistat, & neminem ingredi, vel egredi sine licentia permittat, qui propterea illam semper clausam tenere debet.

Sit iuxta ianuam locus decës, in quo externi nostros Canonicos alloquuturi detineantur, donec id Prælato per Ianitorem significetur, & de eius licentia ipsi Canonici ad loquendum aduocentur, ubi etiam Canonici ipsi cum secularibus loqui debent, neque passim in claustrum interius, vel dormitorium, vel cellas Canoniconum introducerunt. In Monasterijs, in quibus duo erunt claustra, interius claustrum, quod habitationi Canoniconum magis erit propinquum, semper clausum teneatur, nec alicui, qui non sit de familia Monasterij ingressus in illud permittatur præsertim diebus religiosæ recreationis, quibus ianua Monasterij ita clausa teneri debet, ut extranei quicunque ab ingressu arceantur.

De vitanda familiaritate personarum secularium, & ut nostri secularibus negotijs se non immisceant.

Caput XXXIII.

Vetissimum est prouerbum, conuersatio laicorum corruptio Clericorum, ideo ut splendor

dor regularis disciplinæ in nostris semper fulgeat , præcipimus , illos à conuersatione , & familiaritate personarum secularium abstinere , exceptis probatis, & notissimis Dei seruis familiaribus nostræ Congregationis .

A conuersatione verò personarum secularium quarum vita suspecta esse potest, omnes abstineant. Inuigilentque Patres Monasteriorum , vt sciant, an aliquis cum huiusmodi colloctiones habeat, & regulari disciplina statim coercere studeant, ab omni fœminarum, quantumcunque perfectæ, & spirituales videantur , familiaritate, & consuetudine quilibet abstinere , ad exemplum D. Patris Augustini , nam vt Basilii rectissimè ait, Amor fœminarum quantumcunque spiritualis ex diuturna familiaritate conuertitur in carnalem .

Nullus nostrorum seu Canonorum , seu etiam Conuersorum secularibus negocijs , quæ nobis per Sacros Canones interduntur sese immisceat, nullus mercaturâ, aut illicitam negociationem exerceat, neque medicinam , nullus venationibus incumbat; nullus bona secularium, aut etiam religiosorum alterius Ordinis proprio nomine, aut alterius præterquam nomine Monasterij cõducatur ; nullus patrociniû alicuius personæ secularis suscipiat; neque illius procurator fiat. si personæ seculares alicuius nostrum auxilium, vel opem requirant ad pacem componendam, vel ad similia pietatis, & charitatis officia præstanda , id non sine Prælati consilio , & voluntate fiat . Nullus etiam Compater fiat, excepto cum Sa-

cramenta ministrabit. Omnes demùm meminerint sententiæ Apostoli dicentis; nemo militans Deo implicat se negocijs secularibus. Qui eiusmodi negocijs nobis interdictis se implicauerint, pœnis in secunda parte statutis puniantur.

Qualiter extra Claustra Canonici statim reuersuri incedere debeant.

Caput XXXIV.

Canonici nostri domo egredientes illud semper ante oculos mentis habere debebunt, quod in nostra Regula dicitur, in incessu, statu, habitu, & in omnibus motibus vestris nihil fiat, quod cuiusquam offendant aspectum, sed quod vestram deceat sanctitatem. Ex Monasterio egresuri, primò Superiorem adibunt, causam exeundi aperient, & licentiam expectabunt; & cum quibus Pater iusserit, ibunt: Nullus sine Patris licentia, nec sine socio è Monasterio exeat; neque postquam egressus fuerit, à socio sese disiungat, sub pœna habendi claustrum per tres menses, & etiam carceris ad Superioris arbitrium, cui pœnæ subiaceat Ianitor, qui scienter alicui sine licentia exeundi facultatem fecerit. Cum autem quis in Conuentum reuertitur, Superiorem iterum adibit, benedictionem recepturus; qui à socio itineris rationem, & quid rei actum sit diligenter perquirat.

Prælati non sint faciles in permittendo, suos subditos exire à Monasterijs; neque frequenter licen-

tias

ec. Clem.
2. VIII.
Refor.
2g. 19. 20.

tias concedant, præsertim Clericis, quibus licentia exeundi non nisi ex vrgenti necessitate concedenda erit, & præsertim diebus festiuis, & temporibus, quibus publici concursus, & spectacula fieri solent, quibus spectaculis subditos interesse nullo modo permittent.

Nullum etiam Canonicum, aut Conuersum, vbi erunt Monasteria nostri Ordinis extra Claustra pernoctare permittent, sub quouis prætextu. Pernoctantes extra Claustra pro prima vice faciant disciplinam publicè in Refectorio, & habeant Claustrum per mensem, quòd si secundò, & tertio id fecerint, pœna eis duplicetur, & triplicetur. In Diuerforijs, & Cauponis nullus nostrum comedat, vel bibat, vbi erunt Monasteria nostri Ordinis. Et licet apud parentes, & personas religiosas, ac seruos Dei comedere non prohibeamur; id tamen absque Patris licentia non fiat, & sine socio proprij Ordinis.

Nullus absque decenti habitu, neque sine cappa nigra, & longa vsque ad talos, & decenter aptata è Monasterio egrediatur, sicut supra dictum est in Capitulo de habitu Canoniorum, neque comedijs hastiludijs, & alijs similibus intersit, siuè in plateis, siuè alibi, quibus interesse per Sacros Canones prohibemur. Contrafacientes ieiunent ter in pane, & aqua.

C. cleri
de vita
hon. Cl
corum.

In incessu grauitas, & religiosa modestia seruetur, cum autem in Monasterium quisque reuertetur, Superiorem adibit, benedictionem ab eo accepturus, curabitque semper tam citò domum reuer-

ti , vt cum cæteris valeat ad communem refectio-
nem conuenire .

Qualiter incedere debeant Canonici cum longiùs proficiscuntur . Caput XXXV.

CUm nostros longiùs proficisci contigerit, li-
centiam à Superioribus in literis patenti-
bus accipere debebunt , quas literas, vt pri-
mùm ad aliquod Monasterium peruenerint, Præ-
lato , aut Vicario exhibebunt : aliòquin carceribus
statim deputentur, & ibi per mensē detenti, ad pro-
prios deinde Prælatos remittātur; præter quod pote-
runt iuxta Decretū Conc. Tri. ab Ordinarijs locorū
incarcerari. Prælati hanc Constitutionem cōtra va-
gantes sine literis patentibus Superiorum non exe-
quentes suspendantur à regimine per tres menses .

Licentias eundi extra Diœcesim solus Abbas Ge-
neralis, & Visitatores tempore visitationum conce-
dere possint; Sed nec etiam intra Diœcesim Præla-
ti suos subditos per Villas, aut Ciuitates, aut oppida
apud parentes , siuè domesticos diù morari permit-
tant. Nullus etiam absque licentia Illustrissimi Pro-
tectoris, aut Abbatis Generalis, aut Visitatoris Pro-
uinciæ, pro causâ tamen communi totius Prouincię
dumtaxat , Romam adire præsumat, sub pœna pri-
uationis vocis actiuæ, & passiuæ per biennium .

Cum quis peruenerit ad aliquem locum , vbi sit
Monasterium nostræ Congregationis, statim illud
adibit,

eff. 25. de
regul. c. 4.

sec. clem.
p. VIII.
e Refor.
cg. 22.

adibit, & loci Prælato, seu Vicario sese præsentabit. In alienis verò Monasterijs, per quæ nostros trāsire continget, vltra duos, vel tres dies ad summum nō morentur. Si propter aliqua negocia Monasteriorum tractanda, quemquam in alieno Monasterio, diutiùs commorari oportuerit, Patres Monasteriorum, ex quibus talis mittetur, alteri Monasterio, in quo morabitur, expensas alimentorum soluat.

Nullus prætextu cuiuscūque causæ agitandæ maneat extra Monasteria in locis, in quibus monasteria nostri Ordinis reperientur. Cum in itinere ad Diuersoria ire, & ibi comedere, vel etiam dormire oportuerit, id fiat cum omni modestia, & si possibile fuerit, nostri separati ab alijs hospitibus, præsertim secularibus, dormiant. Ineatur ratio, qua sublati licentijs, ac facultatibus hætenus quibuscunque concessis, degentes extra Conuentus Clausura ad ea, quamprimum reuocentur, nec de cetero nisi ex grauissimâ causâ à Sede Apostolica probanda huiusmodi facultates concedi possint.

Dec. cleri
PP. VII
de Ref
Reg. 32.

Circa habitum itinerantium seruentur ea, quæ superiùs in Cap. De Habitu dicta sunt. Quæ verò seruari debeant, cum quis de loco ad locum transmitteretur, ibidem permanens in tertia parte, in proprio Capite, dicenda erunt.

De Hospitibus recipiendis.**Caput XXXVI.**

Quia iuxta Apostoli sententiam Clericos præsertim regulares hospitales esse oportet, hospites, qui ad loca nostræ Congregationis diuertent, benignè, & humaniter à Patribus excipiantur, & iuxta personarum conditiones, & locorum possibilitatem honorificè tractentur, siuè sint nostri, siuè alterius Ordinis, siuè etiam personæ seculares: dummodo non sint Apostatæ, aut fugitiui, aut taliter criminosi; vt illorum receptio sit nobis per Sacros Canones interdicta.

Sint in quolibet Monasterio hospitia decenter præparata quemadmodum Religiosos decet. Cura etiam excipiendorum hospitem vni, vel pluribus Canonicis à Patre committatur iuxta numerum hospitem, & eorum conditionem. Hi tales sint, qui non solum valeant cum charitate, & sollicitudine hospitia præparare, mensas & lectulos conuenienter sternere, & ipsis hospitibus iuxta Patris voluntatem in omnibus ministrare; sed etiam morum grauitate, & modestia sermonis aduenientes ædificare.

Cum hospes ex nostra Cõgregatione aduenerit, Ianitor cum campanula signo facto hospitalarium de illius aduentu admonebit, vt ad illum excipiendum oportunè valeat adesse; deinde ad Ecclesiam
ipsum

ipsum hospitem ducet, in qua post factam adorationem coram Sanctissimo Eucharistiæ Sacramēto ad cellam Prælati, vel Vicarij benedictionem accepturus accedet, nisi fuerit Prælatus, aut Visitator, & literas patentes suorum Superiorum quemadmodum dictum est in Capitulo præcedenti, illi exhibebit; demùm ad hospitium ducetur, & illi cum charitate, & hilaritate in omnibus sedulò ministrabitur.

Si alterius Ordinis hospites, vel Clerici seculares, vel laici legitima causa poscente ad domos nostras diuerterint, benignè à ianitore excipiantur, & propè ianuam in loco colloctionum, aut alio viciniore sistantur, donec Prælato id renūtiatur, & sciatur illius voluntas. Qui quidē Prælatus, an sint Apostatæ, vel excommunicati, fugitivi, aut criminosi, secretò, & prudenter inuestigabit: & si annuat illos recipi, hospitalario cum solito signo campanulæ aduocato, ad Ecclesiam prius, deinde ad hospitia ducantur, interim vel ipse Prælatus, vel Vicarius, vel aliquis de senioribus, prout illorum conditio requirer, benignè illis occurrat, illos comitetur, & cum humanitate, & religiositate illis in omnibus curet ministrari. Præparetur illis in hospitio cibus, & lectulus, in commune verò Refectorium ad vescendum nobiscum nō ducantur, nisi sint religiosi, modesti, & probati, aut laici bonæ famę, & domestici nostræ Congregationis: nullusq; cum illis comedat, sine patris licentia: & si contingat, nostros in hospitio cum illis de licentia Prælati comedere, sal-

tēm

tèm in principio mensæ legatur aliquid de Diuina Scriptura, vel de alio libro, qui ad spiritualem ædificationem valeat conferre.

Illud summooperè in recipiendis hospitibus curandum erit, vt erga Christi pauperes, & peregrinos obsequium hospitalitatis præsertim exerceatur; quia in illis magis suscipitur, & honoratur Dominus noster Iesus Christus, qui de huiusmodi principaliter dicit, hospes fui, & collegistis me. Nullus, qui non sit de nostra Congregatione, aut illius Benefactor, aut notissimus seruus Dei, in nostris Monasterijs vltra duos, aut tres dies detineatur; neque sine consensu Capituli eiusdem Monasterij, nisi ob negocia, quæ vel publicum Congregationis, vel priuatum alicuius Monasterij cõmodum, vel interesse respiciant. Ad longum verò tempus nullus, qui non sit de gremio Congregationis sine licentia Abbatis Generalis in scriptis obtenta in nostris domibus teneatur cuiuscunque sit gradus, vel cõditionis etiam ob aliquam spem, vel mercedem: cum experimento compertum fuerit, Monasteria ex diutina habitatione personarum secularium etiam Ecclesiasticarum, multa grauissima damna spiritualia, & temporalia sustinere; Prælati, qui absque huiusmodi licentia quascunque personas de nostra Congregatione non existentes in Monasterijs, aut eorum domibus, exceptis solitis locari, vltra tres dies detinuerint, grauiter ad arbitrium Abbatis Generalis, puniantur. Curent Superiores, vt Constitutio interdicens largitionem munerum, & præscribens hospi-

hospitalitatis formam ab omnibus in quolibet Cōuentu inuiolabiliter obseruetur .

De Eleemosyna. Caput XXXVII.

Cum omnes Christi fideles erga pauperes misericordes esse oporteat, multò magis à Clericis in sortem Domini adscriptis id præstari debet. Omnes igitur locorum patres in eleemosynis Christi pauperibus distribuendis, quātum poterunt liberales esse studeant, illud pro certo habentes, eleemosynam esse, qua peccata delentur, Dei misericordia conciliatur, & aduersa, quæ iustè pro peccatis nostris patimur, à nobis auertuntur, pro qua non solum in altera vita, sed etiam in hoc seculo mensuram bonam, & confertam temporalium bonorum à Deo recipiemus .

In quibus Monasterijs viget consuetudo, vt statutis diebus singulis pauperibus ad ianuam venientibus, certa portio panis, aut vini erogetur, ea inuiolabiliter à Patribus seruetur; nullus erga Dominum nostrum Iesum Christum, qui in pauperibus suis mendicat, avarus, & crudelis esse velit. Qui ob auaritiam huiusmodi laudabilem consuetudinem seruare noluerint, tempore visitationum acriter puniantur. Visitatores specialiter super hoc inquirent, præsertim vbi ex speciali obligatione Monasteria ad hoc tenentur .

Ciborū, & vini reliquiæ, quæ singulis diebus supererunt, malè perire non permittantur, neque à famulis

K

mulis

mulis diripi, & ad personas, quæ verè Christi pauperes non sint, asportari; sed cum omni diligentia seruentur, & lanitori tribuantur, quæ eas pauperibus benignissimè dispenset. Benefactores autem nostræ Congregationis, si casu illos ad inopiam devenire contigerit, meminerimus non solum ex charitate, sed etiam ex debito iustitiæ ad vicem eis rependendam, nos obligari.

De ijs, qui insolitum austerioris vitæ genus eligere voluerint.

Caput XXXVIII.

PRæter ea, quæ in Regula, & præsentibus Constitutionibus continentur, nullus absque licentia Superiorum audeat quodvis austerioris vitæ genus in se ipso experiri. Nullus sub specie maioris pœnitentiæ à consueto victu, & potu abstinere, nec extra cubile dormiat, nec aliquid insolitū faciat, præter communem modum viuendi in nostra Congregatione consuetum; quod si fecerit non virtuti, sed superbiæ adscribatur, & digna correctione animaduertatur.

Nullus siuè subditus, siuè Prælati, sed nec etiam Abbas Generalis aliquam singularitatem, vel nouitatem in victu, vestitu, & alijs moribus, præter modum viuendi in Congregatione consuetum audeat introducere, absque Capituli Generalis diffinitione certissima. Corporis etiā castigatio minimè sit immoderata, nec indiscreta in vigilijs, abstinentijs, & alijs

Prima Partis . Caput XXXIX. 75

alijs pœnitentijs, ac laboribus externis, quæ notabile nocumentum afferre, & maiora bona valeant impedire .

Si quis ex nostris desiderio arctioris vitæ aliâ religionē ingredi postulauerit , probetur prius, quoniam spiritu ducatur , an ex leuitate , vel diabolica fraude, & suggestionē, an verò ex zelo melioris , & perfectioris vitæ . Et tunc demùm licentia illi concedatur, si tamen prius inuenerit benignos receptores, & si in ea Religione vigeat regularis obseruantia , ne tam ipse , quàm receptores iuxta nostra priuilegia excommunicationem incurrant .

Sex IV
ann. 1477

De Capitulo culparum singula hebdomada congregando .

Caput XXXIX .

VT ea, quæ in Regula , & Ordinis Constitutionibus præcipiuntur, inuiolabiliter seruentur , & si quid seruatum minus fuerit non negligenter prætereatur, sed emendandum , corrigendumque curetur, semel in hebdomada, nimirum die dominico, si commodè fieri possit, Generale Capitulum per Patrem Monasterij congregetur, cui omnes Canonici, & Conuersi professi, & etiam Nouitij non professi intersint , in quo Capitulo ad virtutem exercendam omnes subditi coram Prælato genuflexi de proprijs culpis quotidianis, & manifestis, humiliter sese accusabunt, incipiendo à Nouitijs non professis , deinde ad Conuersos professos,

fessos, Clericos, & tandem Sacerdotes procedendo.

Cum professi de suis culpis se accusaturi erunt, Nouitij non professi è Capitulo exhibunt, quod etiã in Capitulis quotidianis seruandum erit, vt nunquã non professi professorum culpas audiant: postea verò signo facto in Capitulum etiam non professi reuocari poterunt. Nullus cum à Prælato corripitur, suos defectus audeat excusare: sed cum patientia, & humilitate ferat, cum verò emendationis, & profectus spiritalis desiderio, etiam si pro defectu non culpabili reprehendatur. Nemo cum à Prælato similiter arguitur siuè in Capitulo, siuè extra, audeat temerè illi respondere, & qui hoc fecerit, pro qualibet vice faciat disciplinam publicè in Refectorio, & grauiùs iuxta excessus qualitatem puniatur.

Omniū culpis auditis, & iniunctis vnicuique salutaribus pœnitentijs, prout ad spiritualem vniuscuiusque profectum magis expedire ipse Prælatus iudicauerit, omnes coram illo genuflexi faciant generalem confessionem, ac deinde facta per illum generali absolutione, iuxta morem Congregationis, cunctisque sedentibus, habeatur ab illo brevis sermo de regulari disciplina, de profectu spiritali, & perseverantia in timore Domini. Fiat deinde singulorum officiorum distributio, prout supra dictum fuit: Demum status S. R. E. omnesque illius ordines, religiosorum cœtus, Principes Catholici, præsertim illi, in quorum ditionibus sunt nostri Ordinis Monaste-

naſteria, deinde propinqui, & Benefactores noſtræ Congregationis viui, ac defuncti, & quicunque ſpiritualia ſubſidia à nobis expectant, orationibus Fratrum, ab ipſo Præſato plurimum commendentur.

De Admittendis ad habitum probationis. Caput XL.

Quemadmodum nemini, qui in noſtra Cōgregatione verè, & ex corde Deo ſeruire velit, ingreſſus eſt præcludendus, ita nullus facilè admitti debet, ſed vt Ioannes Apoſtolus 1 Ioan. 4. monet, probandi erunt ſpiritus, an ex Deo ſint. Qui ad habitum Clericorum admitti poſtulauerit, prius per Patrem Monafterij, aut Vicarium, aut Magiſtrū Nouitiorum, cum duobus, vel tribus Sacerdotibus ſenioribus, & prudentioribus diligenter interrogandus erit, quoniam ſpiritu ductus Religionem ingredi velit, & quanto tempore in propoſito boni perman erit. Inquirendū etiam erit de illius vita, & de moribus anteaſtis: nullus enim criminofus, aut alieno ære grauatus, aut reddendæ rationi alicuius adminiſtrationis obnoxius, vel qui pro alijs fideiuſferit, vel qui matrimoniū cōtraxerit, & conſūmauerit, viuēte vxore, nullus etiam, qui mala corporis valetudine ita laborare deſperchenſus fuerit, vt obſeruā-tias, & onera Congregationis ferre nō valeat, nullus, qui mētis deliquio patiat, vel aliquādo paſſus fuerit (quia tales rarò, aut nunquā verè ſanant) nullus, qui

qui parentes ita pauperes, & egentes habeat, vt propter illius ingressum in religionem, ope, & auxilio valde destituti relinquantur; nullus etiam, qui alterius Religionis; aut Congregationis etiam Canonicorum Regularium habitum suscepit, siuè professus, siuè non professus, siuè spontè egressus, siuè dimissus; ad habitum Clericorum, aut etiam Conuerforum nostræ Congregationis vlllo modo possit admitti; sed etiam admissus ante professionem statim ad seculum ablato habitu Religionis, dimittendus erit. Nullus Bigamus, aut alio quouis modo irregularis inter Clericos admittatur, nullus, qui non sit de legitimo matrimonio natus; cum iuxta antiquam Ordinis Constitutionem illegitimi ad habitum Clericorum nostræ Cōgregationis recipi prohibeantur. Nullus etiam, qui non sit in Grammatica, & literis humanis ita instructus, vt rectè legere, & scribere, & linguam latinam rectè intelligere, & loqui nouerit, ad habitum Clericorum similiter admittatur; sed etiam admissi ante professionem ablato habitu probationis, ad seculum statim dimittantur.

Qui annum ætatis quadagesimum excesserint in nostram Congregationem nullo modo suscipiatur sine expresso consensu totius Capituli Generalis. Pueri verò non ante quintumdecimum completum annum recipiatur, ita vt expleto anno probationis iuxta Decretum Concilij Tridentini solennem professionem emittere valeant.

Si quis cum supradictis requisitis, & cessantibus simi-

similiter supradictis impedimentis, ad habitum nostræ Congregationis admitti postulauerit, antequam patribus diffinitoribus in Capitulo Generali, vel in Dieta acceptandus proponatur, prius Prælato monasterij suæ originariæ habitationis, vel nationis præsentari debebit, & ab illo cum duobus, vel tribus Canonicis eiusdem Monasterij diligenter examinatus, & idoneus repertus toti Capitulo eiusdem Monasterij proponi, à quo Capitulo si acceptatus fuerit, tunc Prælatus, & Capitulum literas testimoniales super sufficientia, & requisitis ipsius admittendi conficiant, quas patribus visitatoribus tempore visitationum cum ipso admittendo præsentabunt, & sic præsentatus cum prædictis literis in Capitulo Generali, vel Dieta toti Diffinitorio proponendus erit; & si Diffinitores illum acceptandum iudicauerint, tunc demum de licentia Abbatis Generalis, & de illius mandato ad habitum Religionis recipiatur. Si quis contra formam huius Constitutionis fuerit admissus ante professionem ad seculum statim remittatur. Prælati, qui sine licentia patrum Diffinitorum aliquem ad habitum probationis admiserint, vel in literis testimonialibus falsitatem fecerint, vel ab alijs factam sciuerint, & non detexerint, Prælatu-
ra priuentur, & ad illam inhabiles existant.

Antequam aliquis in nostra Congregatione suscipiatur per Prælatum, vel Magistrum Nouitiorum, vel alios graues, & idoneos Sacerdotes diligenter instruendus erit, de Regula, & tribus votis, & alijs peculiaribus institutis, & obseruantijs nostræ

stræ Congregationis , proponenda erunt illi dura , & aspera , per quæ itur ad Regnum Dei . Et tunc demum recipi poterit, si spes sit, illum in proposito boni in sancta Religione firmiter mansurum .

Et quamuis in ijs , qui ad habitum Conuersorū admitti postulabunt, non omnes supradictæ conditiones sint requirendæ , nullus tamen ad habitum Conuersorum admittatur , qui annum ætatis vigesimum non expleuerit, & bona corporis habitudine aptus non sit ad exercitia , & labores corporales, propter quos præsertim ipsi in nostram Congregationem inducuntur . Probandus etiam erit an zelo perfectionis vitæ , & Deo liberiùs in Sancta Congregatione seruiendi, an potiùs leuitate, aut necessitate, aut alio fine inordinato ductus, postulet admitti, quod vt faciliùs valeat dignosci, nullus ad habitum probationis recipiatur, nisi priùs per annum alicui Monasterio Congregationis cum habitu seculari serurierit, & nisi de Regulæ, votorum, & Constitutionum nostri Ordinis substantia, & pondere sufficienter pro eius capto fuerit instructus, & nisi omnia, & singula quæ sunt necessaria ad rectè seruiendum, & respondendum in Missa, & alia rudimenta Christianæ Religionis optimè didicerit . Demum nullus quantumuis idoneus ad habitum Clericorū, aut Conuersorum admitti poterit, neque profiteri , nisi in certis domibus probationis, iuxta Apostolica Decreta, specialiter ad hæc deputatis , vel in posterum deputandis, iuxta facultatem à Sede Apostolica nobis factam , de qua in actis Dietæ celebratæ Romæ

rec. clem.
p. VIII.
e Refor.
cg. 33.

Romæ anno 1610. sub pœnis in dec. fel. record. Clementis PP. VIII. contentis contra recipientes, & receptos extra domos sic deputatas: Pro locis verò & domibus probationis ea Monasteria deputari debebunt, in quibus maior numerus familiæ teneri solet.

Dec. Clem.
PP. VIII.
de Noui-
tiji.

Caueant autem omnes Patres, ne quid accipiant à volentibus ingredi Religionem pro ipso ingressu vel ut ad professionem admittantur, neque ab ipsis in Nouitiatu constitutis, vel etiam ab eorum parentibus, excepto victu, & vestitu eorundem Nouitiorum, sub pœnis per Sacros Canones, & Concilium Tridentinum transgressoribus decretis.

C. non sati-
de simonia

sess. 25. de
Regul. c. 17

Regulæ instituendorum Nouitiorum. Caput XLI.

Quia non sufficit circa admittendos diligentiam adhibere; sed multò magis curandū est, ut admissi optimè instituantur, ideo circa illorum institutionem, hæc in primis obseruanda monemus. Cum quis ad habitum probationis admittendus erit, in ingressu Religionis, vel ante habitum susceptum, vel statim post susceptionem generalem confessionem omnium peccatorū præmittere debebit, & Sanctissimum Eucharistiæ Sacramentum sumere, & sic sexto quoque mense generaliter confiteri, ab vltima confessione semper inchoando: Cū dabitur Nouitio habitus probationis fiat illi protestatio, quòd nunquam censebitur

(170)

L

pro-

professus etiam transacto anno probationis, nisi expressam professionem emiseric . Habitus Nouitiorum nondum professorum ab habitu Professorum, quoad Clericos, hoc signo distinguetur , quod non Professi rochetum sine manicis gerent; Professi verò cum manicis. Conuersorum autem habitus professionis erit hasta, seu patientia linea, quam non ferent Conuersi non professi .

Statim ut aliquis habitum probationis sumpserit , ad locum Nouitiatus ducatur; qui locus ab ea parte Monasterij, in qua degēt Professi, propria clausura separatus esse debet; in quo sint tot numero cellæ distinctæ , quot numero Nouitij in eo teneri debent, ac etiam cella, & determinatus locus, pro Magistro Nouitiorum. In eodem loco Nouitiatus, præter alias communes commoditates , sit etiam locus aptus ad spirituales colloquutiones , nec non lectiones & instructiones audiendas, & si fieri possit, commune Oratorium , hortus quoque , & camera , ad quam tempore hyemis Nouitij ad se calefaciendum communiter conueniant , sit is locus claue obsertatus, quæ semper apud Magistrum Nouitiorum maneat . Ipsum locum Nouitiatus nullus ingrediatur excepto Prælato, & Magistro Nouitiorum, aut eiusdem Magistri socio . Si verò ex causâ necessaria , & à Prælato , ac Magistro Nouitiorum probanda ingressus alicui permittatur, is non, nisi præsentem Magistrum, vel socio, Nouitios alloquatur , idque semper seruetur , cum Nouitios cum aliquo loqui contigerit. Nullus verò excepto Prælato , & Magistro , ac eius socio

focio cum Nouitijs loquatur , neque eis literas , aut aliquid aliud mittere audeat . Si lecus fecerit , pro prima vice faciat disciplinam publicè in Refectorio , pro secunda stet in clauſtro per menſem , pro tertia per tres menſes , & , ſi contumax adhuc fuerit , carceri per ſex menſes mancipetur .

Curabit diligenter Magiſter Nouitiorum , vt in Regula , & Ordinis Conſtitutionibus , & alijs omnibus , quæ ad regularem diſciplinam ſpectabunt , exactè inſtruantur , & exerceantur . Diſcant diuinæ vocationis præſtantiam , neceſſitatem obſeruatiſſimæ ſolennium votorum , obedientiam , humilitatem , abſtinentiam , caſtigationem carnis , cuſtodiam ſenſuum . Exerceantur in oratione mentali , in examine , ac diſcuſſione propriæ conſcientiæ , cuius puritatem vt melius valeant cuſtodire , frequenter Sacramenta pœnitentiæ , & Euchariſtiæ ſuſcipere debebunt .

Quilibet Nouitijs ſaltem ſemel ſingula hebdomada confeſſetur , & Euchariſtiam ſumat . Soli autem Magiſtro Nouitiorum confeſſiones audire permittatur ; poterit tamen Prælatus , ſi ita viderit expedire , bis , aut ter in anno , alium præter Magiſtrum ad illorum confeſſiones audiendas deputare . Quotidie Miſſæ ſacrificio interſint , bis quotidie mentali orationi vacent , nocturnis , & diurnis Officijs ſemper aſſiſtant . Non tamen durante anno probationis cum Profeſſis niſi in Choro , Eccleſia , communibus proceſſionibus , & communi Refectorio comoretur , neque illos domo egredientes comitentur .

Instruantur etiam accuratè in cæremonijs, & functionibus Ecclesiasticis ad formam Missalis, & cæremonialis Romani; Rubricas Breuiarij, & cantum Ecclesiasticum optimè doceantur; vt valeant Ecclesiæ iuxta Clericalia instituta, tùm in Choro diuina Officia decantando, tùm ad Altare ministrando rectè, & decenter seruire. Et licèt nullus ad habitum Clericorum, nisi sufficienter in Grammatica, & literis humanioribus instructus admitti debeat; tamen quia difficilè erit, omnes perfectè eruditos recipi, & pueri, nisi quotidiana exercitatione teneantur, quæ in seculo didicerunt, facilè obliuiscuntur, curandum erit, vt etiam literis humanis per Magistrum Nouitiorum diligenter incumbât. In corporalibus quoque exercitijs ad valetudinem seruandam ad Magistri arbitrium exerceantur, & honestæ, ac religiosæ recreationes certis diebus, semper tamen præsentem Magistro illis concedantur.

Quamuis præcipua cura Magistri circa Clericos benè instituendos esse debeat; non tamen prætermittenda est Conuersorum religiosa institutio. Qui quidem annum probationis non, nisi in Nouitiatu sub disciplina Magistri transigere debebunt, & non solum circa corporalia obsequia, exercendi, ac probandi erunt, sed etiam circa spiritualia, præsertim circa orationem mentalem, ac examen propriæ conscientiæ pro illorum capacitate. Doceantur etiam modum rectè seruiendi sacerdotibus in Missa, & quæ ea, quæ ad rectè seruiendum, & respondendum in

Missa

Missæ non didicerint, ad professionem nullo modo admittantur .

Indumenta Nouitiorum , quæ ex sæculo detulerunt, & alia illorum bona, nullo pacto ante factam professionem distrahantur; sed in loco tuto seruentur, vsque ad emissam professionem, ijs exceptis, quæ quis ante ingressum Religionis Monasterio, aut Congregationi donauerit per liberam donationem inter viuos, nõ autem intuitu ingressus Religionis.

De solenni professione .

Caput XLII.

TEmpore probationis expleto; qui religiosæ perfectionis capaces, & regularibus institutis apti reperti fuerint, si in ea sint ætate constituti, in qua professionē emittere possint. quæ iuxta Concilium Tridentinū est post annum sextumdecimum expletum, & quoad Conuersos ex Decreto Clementis Octauī, post annum vigesimūprimum similiter expletum, hoc modo ad professionem admittendi erunt. Prælatus congregabit Capitulū Monasterij, cui omnes in sacris existentes interesse debebunt. Capitulo congregato exponet illi desiderium Nouitij, qui ad professionē admitti postulabit; & si ipsi Capitulo admittendus videatur, fiat secretum scrutiniū iuxta formam tradendam in secunda parte in Capitulo. de congregādo Capitulo Monasterij, & si plura vota sint collata pro parte affirmatiua, aut etiam si sint paria vota, admittatur, quia

quia gratiæ sunt ampliandæ, & iuxta auream D. Ioannis Chrysostomi sententiam, magis in misericordia abundare debemus, quàm in iusticia. Si autem plura vota sint collata pro parte negatiua, ablato habitu probationis ad sæculum dimittatur. Eum verò, qui fuerit ad sæculum dimissus, aut etiam spontè egressus, nullus iterum recipiat ad habitum nostræ Congregationis, sine expressa licentia Capituli Generalis. Caueant tamen omnes ne aliquem Religioni idoneum, odio, vel malo zelo à Congregatione eijciant, aliòquin sciant, se pro eius anima, qui illorum causa ad sæculum fuerit reuersus, coram Deo strictissimam rationem esse reddituros. Ipsa professio non in loco priuato, sed publicè in Ecclesia inter Missarum solennia fieri debet coram Prælato, aut Vicario, ex speciali tamen commissione ipsius Prælati, & Canonicis Monasterij, & publico Notario, vbi viget cõsuetudo, vt professio fiat coram Notario. Si autem ob infirmitatem cum aliquo dispensabitur, vt extra Ecclesiam profiteatur: id tamen non aliter fiat, quàm præsentem Prælato, vel Vicario, & Capitulo, & publico Notario rogato.

Professiones Nouitiorum in libro particulari scribantur; & registrentur, vel per manus profitentium, vel per manum Notarij, cum subscriptione tamen eorundem profitentium, & duorum testium, qui fuerint præsentem ipsi professioni. Si verò Nouitij sint Conuersi, & scribere nesciant, testes ipsi subscribant, & Nouitij loco subscriptionis coram

coram eisdem testibus signum Crucis apponant. Huiusmodi autem liber in Archiuo scripturarum Monasterij perpetuò seruetur.

Post emissam professionem nullus de Clerico fiat Conuersus, vel de Conuerso Clericus, sed nec etiam intra annum probationis, vel in actu professionis.

Vt Nouitij professi in timore Domini, & Regulari disciplina magis firmetur saltè per duos annos integros post emissam professionem sub disciplina Magistri Nouitiorum indispensabiliter manebunt, siuè in eodem Monasterio, siuè alibi à conuersatione tùm personarum secularium, tùm etiam aliorum Professorum separati degent, & negotijs Monasteriorum, & publicis, communibusque tractatibus non intererunt. Poterunt tamen intra illud tempus studijs literarum vacare.

Vt autem omnium Canonicorum, & Conuersorum professio respectiuè vniformiter fiat, sequens modus, & forma profitendi ab omnibus seruari debet. Qui profiteri voluerit, inter Missarum solennia genibus flexis ante Altare constitutus, dictis per Prælatum, vel Vicarium consuetis orationibus, dicat alta, & intelligibili voce. Adiutorium nostrum in nomine Domini, & responso per Chorum. Ex hoc nunc, & vsque in seculum, legat suam professionem hoc pacto.

*Anno Domini M^o CC^o Die CC^o Mensis, CC^o.
Ego Dominus N. in seculo vocatus N. Filius
N. de*

N. de tali loco, vel Patria voueo, profiteor, & promitto Deo, Beata Maria Virgini, et Beato Augustino, et tibi Patri Domino N. de tali loco, Abbati, seu Priori, seu Vicario huius Monasterij Sancti N. Ordinis Canonorum Regularium Sancti Augustini Congregationis Salvatoris Lateranensis recipienti nomine, & vice Reuerendissimi Patris D. N. de tali loco, vel Patria eiusdem Congregationis Abbatis Generalis, ac successorum eius canonicè intrantium obedientiam, castitatem, & viuere in communi sine proprio, usque ad mortem, secundum Regulam Sancti Augustini. Et quod nunquam absque licentia Capituli Generalis dictæ Congregationis, vel eius auctoritate fungentis aliquod cum cura, vel sine cura beneficium acceptabo intus, vel extra Ordinem nostrum, renunciando omnibus iuribus, priuilegijs, & consuetudinibus in contrarium mihi competentibus, vel quomodolibet competituris. Ego Dominus N. superscriptus manu propria scripsi, & ore proprio pronunciaui.

Conuersi, si scribere nesciant, dicant in fine [Ego Frater N. superscriptus, manu aliena scripsi, & ore proprio pronunciaui] omittant etiã illa verba [& quod nunquam absque licentia Capituli Generalis &c.] cum sint laici, & beneficiorum incapaces.

De Oblatis . Caput XLIII.

Quia ex antiqua Ordinis consuetudine præter Conuersos , nonnullas personas seculares ad corporalia obsequia , & seruitia Canonicis præstanda in nostris Monasterijs recipere solemus , sub nomine oblatorum , seu donatorum , & commissorum , quæ personæ licet solenniter nõ profiteantur, castitatem tamen, & obedientiam, & communem vitam , quamdiu nobiscum in Monasterijs manserint, seruare debebunt, probamus , vt hæc consuetudo , quantum fieri poterit , vbique retineatur . Permittimusque vt huiusmodi oblatis à Prælati, cum consensu tamen suorum Capitulorum , in proprijs Monasterijs recipiantur , qui vt præmittitur obedientiam , castitatem , & vitam communem nobiscum seruent , vestiantque iuxta formam traditam in Capitulo de habitu Conuersorum , & Oblatorum . Nulla tamen mulier siue nupta , siue virgo , siue vidua quantacunque sanctitate, aut nobilitate fulgeat , recipiatur pro Olara absque speciali licentia , & diffinitione Capituli Generalis .

Ipsi Oblati postquam per biennium in nostris Monasterijs steterint, si præmissa obseruauerint, & Prælato, & Capitulo Monasterij ita expedire videatur, in manibus Prælati obedientiam, castitatem, & comunem vitam iterum promittant , absque tñ vlla solennitate , ne solennis professionis ratione in-

M

duere

duere videatur ; & tunc fiat illis scriptura receptionis sub tali forma .

N. de tali loco, vel Patria Abbas, siue Prior Monasterij Sancti N. talis loci, tibi honesto viro N. de tali parentela, et de tali loco salutem, & illam, quam mundus dare non potest, pacem.

Oblationi tuæ, qua te Omnipotenti Deo, et nostræ Religioni in perpetuum obiulisti, pietatis intuitu morem gerere volentes, tenore præsentium, auctoritate, qua fungimur, ac de consensu Capituli nostri, te in hoc Monasterio nostro ad viuendum in communi spontè donatum, in numero donatorum nostrorum unanimiter acceptamus. Ita tamen, quòd iuxta formam Ordinationum nostrarum obedientiam, castitatem, & vitam communem sine proprio, quam promittis, usque ad mortem fideliter serues. Quibus omnibus obseruatis, ut nemo te de Monasterio quouis pacto possit expellere, de Dei munere, & nostri regiminis potestate libenter impartimur. In quorum fidem præsentem fieri, & nostri Monasterij sigilli impressione muniri mandauimus. Datum in nostro Monasterio Sancti N. Die tali, Mensis, Anni, &c.

Ego Dominus N. scriba de mandato .

Eius-

Prima Partis. Caput XLIII. 91


Eiusmodi verò concessionis pagina illis facta à Monasterio expelli non possint, nisi scandalum notorium, aut graue aliquod delictum admiserint; idque sine consensu expresso Abbatis Generalis, & Capituli proprij Monasterij omnino fieri non possit.



1. The first part of the document is a letter from the President of the United States to the Congress, dated January 1, 1861. It is a formal communication, and it is written in a very formal and dignified style. The President expresses his regret that he cannot deliver the message in person, and he asks the Congress to excuse his absence. He then proceeds to discuss the state of the Union, and he mentions the recent election of Abraham Lincoln as President. He also mentions the secession of the Southern States, and he expresses his hope that the Union will be preserved.

205

25



CONSTITVTIONVM CANONICORVM REGVLARIVM

ORDINIS SANCTI AVGVSTINI,
Congregationis Saluatoris Lateranensis.

P A R S S E C V N D A.

De Abbate, siuè Rectore Generali. Caput I.



Vemadmodum omnes in Sancta Congregatione regulariter professi vnū corpus sumus, ita omnes vnū Caput agnoscere debemus, & vnum Abbatem Generalem; ac Rectorem totius Congregationis, cui per omnia secundum Deum subijciamur, & ex corde humiliter obediamus:

Abbas Generalis in tota Congregatione tanquā Pater, & Caput ab omnibus suscipiendus, & venerandus erit, in omnibus locis nostræ Congregationis primum locum, & sedem super omnes de Congregatione existentes tenebit; & tanquam ordinarius

rius Iudex in omnibus causis ciuilibus, & criminalibus in foro interiori, & exteriori potestatem habebit super omnes, & singulos de nostra Congregatione siuè subditos, siuè etiam Prælatos, & suam iurisdictionem, vel per se ipsum exercere, vel alijs delegare, prout illi videbitur expediens, liberè valebit; poterit etiam processus, contra delinquentes formare, reos conuenire, capi facere, incarcerari, constituere, ad quæstiones (si opus fuerit) ponere, suspendere ab officio, & regimine, excommunicare, de loco ad locum transferre, & alia oportuna facere, iuxta moderationem tamen præsentium Constitutionum, & priuilegij Martini Papæ V. quo cauetur vt Rector Generalis, ac etiam Visitatores, seu Diffinitores per Capitulum deputati illam tantum auctoritatem habeant, & potestatem super Canonicis, & subditis, & eorum Monasterijs, & locis, & super tota Congregatione in spiritualibus, & temporalibus, quam ipsum Capitulum sanius, & vtilius pro communi omnium pace, & conseruatione regularis obseruantia, ac eorum humilitate seruanda, dignum fore censebit.

Abbas Generalis in tota Congregatione, & in singulis Monasterijs, & supra singulas personas in spiritualibus; ea possit auctoritate vti, ac si singuli Monasterij Prælatus esset. Circa regimen verò, & administrationem bonorum temporalium particularium Monasteriorum, in quolibet Monasterio, cui præsens erit, vocem in Capitulo habebit consul-

sultiuam, & deliberatiuam . Poterit etiam , immo
debebit de administratione temporalium bonorū
cuiusque Monasterij diligenter inquirere ; Præla-
tos , & cæteros temporalium bonorum admini-
stratores ad reddendam rationem illorum admini-
strationis compellere ; libros computorum exami-
nare , & si quos infideles , vel negligentes , vel im-
peritos , in notabile detrimentum alicuius Mona-
sterij inuenerit, ab officio, & regimine suspendere,
& alios idoneos , & Monasterijs vtiles loco illorum
substituere . Si etiam ex administratione bonorum
temporalium in aliquo Monasterio scandalum , vel
spirituale detrimentum oriatur , cum consilio Præ-
lati , & loci Capitulo modum adhibebit , vel cum
consilio Patrum Visitatorum , si Prælatus , & Ca-
pitulum prouisioni per ipsum factæ nollent assen-
tire .

Circa administrationem æris publici diligentif-
simè inuigilabit ; & pro viribus efficiet, vt Congre-
gatio non solum ære alieno minimè grauetur ; sed
multo magis si quod aderit subleuetur . Publicum
æs in vsus priuatos cuiusuis loci ; aut personæ con-
uerſi non permittet, aut etiam sui ipsius , Visitato-
rum vel aliorum Officialium sub quouis prætextu,
etiam in parua quantitate ; licebit nihilominus ipsi
Abbati Generali , ac Diffinitoribus cum participa-
tione Illustrissimi Cardinalis Protectoris , & dum-
modo nouum æs alienum non contrahatur, particu-
laribus quibuscumque Congregationis Monasterijs le-
gitima causa indigentibus , ex ærario publico sub-
uenire ,

Ex Const.
Pauli V
edita anno
1608.

uenire,iuxta formam breuis Sanctissimi D.N. Pauli Quinti super hoc editi anno 1608. ad quod habeatur relatio .

Ciuiles etiam controuerfias, quæ nonnunquam inter Monasterium,& Monasterium,vel inter Monasteria,& personas oriuntur, ad pacem, & iustitiã in Congregatione feruandam ; iudicialiter cognoscere, ac debito fine terminare valebit cum consilio, & assensu Patrum Visitatorum . Poterit etiam Canonicos, & Conuersos quoscunque de loco ad locum transferre ; Prædicatoribus in Capitulo Generali probatis, & electis licentiam prædicandi concedere, & Canonicis nostris facultatem audiendi confessiones personarum secularium vtriusque sexus , & Clericis nostræ Congregationis, vt ad sacros Ordines promoueri possit similiter facultatem tribuere, & alia omnia facere, quæ de iure, vel de consuetudine illi conuenire dignoscuntur .

Difficilia tamen, & graua negocia cum consilio, & assensu Patrum Visitatorum, qui ei tanquam socij à Capitulo Generali adiungentur ; definire debebit; neque aliquid agere poterit supra id, quod à præfato Capitulo illi concessum fuerit ; neque aliquid contrarium nostris Constitutionibus factis, vel , quas in posterum fieri continget, attentare, neque nomine Congregationis supplicare pro impetrando aliquid in præiudicium Congregationis, vel contrarium nostris Constitutionibus, & consuetudinibus à quocunque Principe, siuè seculari, siuè Ecclesiastico . Cauebit etiam amore Dei, ne
alio-

aliorum Prælatorum auctoritatem , & iurisdictionem sibi vsurpet, vel eos ab officio, & regimine suspendat , aut incarcerari faciat, aut de loco ad locum transferat, nisi ob necessitatem ita urgentem, vt nõ possit alio modo remedium adhiberi ; & tunc de consilio saltem vnus ; vel duorum Visitatorum id faciat, nisi periculum sit in mora : sed omnes Prælatos suis officijs liberè vti, & fungi permittet .

Ad officium Abbatis Generalis præcipuè spectabit Regulam , & Ordinis Constitutiones tum in primis seruare; tum vt ab alijs obseruentur diligentissimè curare . Et ideò non erit adstrictus in certo loco nostræ Congregationis residere; sed ibi morabitur , vbi suam præsentiam magis viderit esse necessariam . Ab omni etiam regimine cuiusvis particularis Monasterij , durante triennio sui Generalatus absolutus manebit ; quo liberius suum officiũ valeat exercere . Demùm locum ex nostris Canonicis, quem maluerit, poterit diligere, qui ei in officio Secretarij inferuiat, qui socius in Monasterio, cuius familiæ erit adscriptus, vocem actiuam , & passiuam habebit .

De quatuor socijs Abbatis Generalis Visitatoribus Congregationis. Caput II.

Quo facilius, & vtilius ipse Abbas Generalis propriij officij munus valeat exercere , ex Canonicis nostræ Congregationis proue-

N etio-

etioribus, ac dignioribus, rerumque usu magis peritis, quatuor socij eidem Abbati Generali per Capitulum Generale adiungendi erunt, quorum consilio, & adiutorio difficilia, & graua negocia pro tempore occurrentia tractare, & definire debet. Hi erunt etiam Visitatores Generales totius Congregationis.

Eorum præcipuum officium erit, Abbati Generali in grauioribus negocijs Congregationis tractandis adiumento esse; quod ut facilius exequantur toto triennio illorum Visitationis, ab omni regimine particularium Monasteriorum liberi, & absoluti erunt; & etiam ab officio prædicationis, nec poterunt sese alicui personæ, Ciuitati, vel Vniuersitati ita obligare, quin semper ad nutum Abbatis Generalis ipsi adesse, & ad quæuis loca Congregationis sine vlla mora mitti possint, & proficisci. Poterit tamen Abbas Generalis, si ipse prædicare noluerit, vni ex Visitoribus tantum licentiam concedere, ut prædicare possit.

Ad ipsos spectabit, omnia Monasteria, & loca Congregationis visitare. Dum autem Officium Visitationis, actualiter exercebunt, in singulis Monasterijs visitationi illorum subiectis primum locum tenebunt super quoscunque Prælatos etiam in proprijs Monasterijs ipsorum Prælatorum. In omni Capitulo vocem habebunt, præterquam in electione socij Capitularis, in qua tantum in Capitulo propriæ residentiae vocem habere poterunt. Eandem quoque potestatem, & iurisdictionem habebunt in
omnes

omnes de gremio nostræ Congregationis, siuè subditos, siuè Prælatos; quam habet Abbas Generalis. Quare dum actuales visitationes exercebunt, poterunt quoscunque delinquentium excessus corrigere, processus formare, delinquentes iudicialiter cōuenire, capi facere, & incarcerari, tortura, si opus sit, exponere, Prælatos ab officio, & regimine suspēdere, excommunicare, & processus confectos per sententiam diffinitiuam terminare, ijs exceptis, quæ non nisi per totum diffinitorium iudicialiter terminari possunt, sicut in privilegio Pij Papæ Quarti nobis facto cauetur. In quibus tamen processus informatiuos conficere, & causarum merita ipsi diffinitorio terminanda, referre debebunt.

In literis
directis R.
ctori Ger.
Ann. 1561
die 28. lu
nij.

Poterunt etiam actualem visitationem exercentes, Canonicos, & Conuersos de loco ad locum trāsferre, facultates audiendi confessiones suspendere, & Confessarios pro audiendis subditorum confessionibus deputare, vel si subdiri maluerint, illorum etiam confessiones audire; non tamen illos compellere poterunt, ut si nolint, illis confiteantur, iuxta Decretum Clementis Papæ Octauī. Poterūt etiam, & debebunt diligenter inquirere, an bona temporalia Monasteriorum fideliter ab illorum administratoribus tractentur, sicut infra in Capitulo de visitationibus specialiter dicetur.

Grauiora tamen negocia, iuxta antiquas Ordinis Constitutiones sine Abbatis Generalis consilio, & auctoritate diffinire minimè debebunt. Si verò dum Abbas Generalis, & Visitatores inter se distan-

tes erunt , graue aliquod negotium emergat , illud per literas, vel fidos nuncios ad inuicem significant, & ad arbitrium Abbatis Generalis, vel omnes, vel saltèm propinquiores conueniant, vel aliter opportunè remedium adhibeant .

Extra actuales visitationes , in illis Monasterijs morabuntur , in quibus Abbas Generalis illorum præsentiam magis necessariam iudicabit. Ibi verò sicut Prælati forenses erūt: neque Prælato loci subijcientur, & poterunt quemcunque ex nostris Sacerdotibus in confessarium deligere , & aliorum siuè Canonorum, siuè Conuersorum confessiones audire, si ipsi eis voluerint confiteri ; & in suos socios ordinariam iurisdictionem, tanquam illorum Prælati exercebunt . Supra omnes Canonicos etiã Prælatos primum locum , & sedem tenebunt , excepto Prælato Monasterij, in quo erunt; culpas etiam omnium tam publicè, quàm priuatè poterunt audire, & corrigere , non tamen Capitulum congregare : In quolibet Monasterio absente Prælato benedictionem in mensa facièt, & alia signa, quæ ad præminentiam spectant, siuè in Refectorio, siuè in Ecclesia, siuè alibi .

Non poterunt tamen in messem alienam manū mittendo, iurisdictionem Prælatorum, aut Vicariorum, absentibus Prælatis, exercere, nisi (quod absit) notabile scandalū occurrat , aut aliquid, quod graue detrimentum spirituale, vel temporale toti Congregationi , vel alicui particulari Monasterio , aut personæ possit asferre ; nam in similibus casibus nō

solum

solum cum sunt in actuali exercitio visitationum, sed etiam extra illas, non solum in locis subiectis illorum visitationi, sed extra illa, in quibuscunque locis, & personis de nostra Cōgregatione suam iurisdictionem exercere valebunt, tanquam si essent in actuali exercitio visitationum, quia in similibus casibus semper censentur esse in actuali visitatione, admonito tamen statim Abbate Generali, cuius consiliū in similibus debebunt expectare.

De Procuratore Generali .

Caput III.

OB graues causas in dies occurrentes, propter quas necesse habemus ad Sedem Apostolicā, & ad Romanā Curiam sæpius accedere, eligatur per Capitulū Generale iuxta antiquā Ordinis cōsuetudinē aliquis Canonicus nostræ Cōgregationis prudens, sani consilij, & rerum gerendarum vsu expertus, in Procuratorem Generalem totius Congregationis apud Romanam Curiam, cū pleno mandato ad omnes causas ipsi Congregationi, vel particularibus locis, vel personis dictæ nostræ Congregationis pro tempore occurrētes, & ad alia, quæ Capitulū Generale illis specialiter committet, in Romana Curia tractanda. Ipse verò Procurator Generalis in Monasterio nostro Romano S. Mariæ de Pace, suam ordinariam residentiam habebit; & si Congregationi videbitur, eiusdem Monasterij Abbas esse poterit. Sed & si non fuerit Prælatus, nihilominus

lominus in omnibus locis nostræ Congregationis supra locorum Vicarios sedebit, neque aliter quàm Prælati, erit alicui subiectus. Ad Generale Capitulum semper accedere debet, officio suo renunciaturus, & etiam ad dietas, & in eodem Capitulo Generali sicut ceteri Prælati vocem habebit; poterit etiam cui voluerit ex nostris Canonicis confiteri. Ad illius officium spectabit, Congregationis, & singulorum eius locorum, & personarum iura, & priuilegia in Romana Curia pro viribus tueri; & eiusdem Congregationis, ac particularium locorū, & personarum causas diligenter, & fideliter tractare, coram quibuscunque Iudicibus, & Tribunalibus; Quæcunque edicta Congregationem nostrā, vel particularium eius loca, & personas quomolibet tangentia in Romana Curia promulgabūtur, ad singula loca, & personas statim transmittere; & ijs, qui falsis narrationibus etiam nomine Congregationis aliquid contra illius immunitatem, libertatem, priuilegia, statuta, & laudabiles consuetudines impetrare procurauerint, viriliter secundum Deum seclē pro Congregatione opponere; & si quid tale impetrauerint, cum primū poterit, Sanctissimum D. nostrum de subreptione, & falsitate narratorum certiolem facere, & vt malē impetrata per eundem Sanctissimum D. nostrum abrogentur, impensē procurare. Quare ipse in primis cauere debet, ne prætextu Generalis mandati sibi facti aliquid contra Congregationis priuilegia, statuta, immunitates, laudabilesque consuetudines etiam nomine

mine Congregationis audeat procurare .

Breuium quoque Apostolicorum , Literarum , vel Edictorum , quæ à Sancta Sede Apostolica ad Capitulum Generale , vel ad totam Congregationem transmittentur , vel nomine Congregationis impetrari contigerit , & similiter aliorum Decretorum , quæ à Sacris Congregationibus Illustrissimorum DD. Cardinalium fient , publicum Congregationis interesse tangentium , ipse Procurator Generalis , & Abbas Generalis , vel Scriba totius Capituli Generalis teneantur in primo quoque Generali Capitulo , vel dieta , postquam eiusmodi emanauerint , integras , & veras copias ad valuas diffinitorij affigere , easque ibi relinquere , ita vt ab omnibus in dieta , vel in Capitulo Generali existentibus legi , considerari , & transcribi possint . Spectabit etiam ad officium Procuratoris Generalis , fugitivos , & apostatas , præsertim Romæ degentes , ad Congregationem reuocare , cum pleno mandato , & potestate eos capi faciendi , incarcerandi , & puniendi iuxta Canonicas sanctiones , ne huc , & illuc cum nostræ Congregationis dedecore , & populorum scandalo vagentur .

De Prælatis locorum . Caput IV.

Quemadmodum tota Congregatio vnum Caput habet ; ita quodlibet Monasterium suum peculiarem Prælatum habere debet , quem omnes , & singuli de familia Monasterij
exi-

rius Iudex in omnibus causis ciuilibus, & criminalibus in foro interiori, & exteriori potestatem habebit super omnes, & singulos de nostra Congregatione siuè subditos, siuè etiã Prælatos, & suam iurisdictionem, vel per se ipsum exercere, vel alijs delegare, prout illi videbitur expediens, liberè valebit; poterit etiã processus, contra delinquentes formare, reos conuenire, capi facere, incarcerari, constituere, ad quæstiones (si opus fuerit) ponere, suspendere ab officio, & regimine, excommunicare, de loco ad locum transferre, & alia oportuna facere, iuxta moderationem tamen præsentium Constitutionum, & priuilegij Martini Papæ V. quo cauetur vt Rector Generalis, ac etiã Visitatores, seu Diffinitores per Capitulum deputati illam tantum auctoritatem habeant, & potestatem super Canonicis, & subditis, & eorum Monasterijs, & locis, & super tota Congregatione in spiritualibus, & temporalibus, quam ipsum Capitulum saniùs, & vtiliùs pro communi omnium pace, & conseruatione regularis obseruantie, ac eorum humilitate seruanda, dignum fore censerebit.

Abbas Generalis in tota Congregatione, & in singulis Monasterijs, & supra singulas personas in spiritualibus; ea possit auctoritate vti; ac si singuli Monasterij Prælatus esset. Circa regimen verò, & administrationem bonorum temporalium particularium Monasteriorum, in quolibet Monasterio, cui præsens erit, vocem in Capitulo habebit consul-

sultiuam, & deliberatiuam . Poterit etiam , immo
debebit de administratione temporalium bonorū
cuiusque Monasterij diligenter inquirere ; Præla-
tos , & cæteros temporalium bonorum admini-
stratores ad reddendam rationem illorum admini-
strationis compellere ; libros computorum exami-
nare , & si quos infideles , vel negligentes , vel im-
peritos , in notabile detrimentum alicuius Mona-
sterij inuenerit, ab officio, & regimine suspendere,
& alios idoneos , & Monasterijs vtiles loco illorum
substituere . Si etiam ex administratione bonorum
temporalium in aliquo Monasterio scandalum , vel
spirituale detrimentum oriatur , cum consilio Præ-
lati , & loci Capitulo modum adhibebit , vel cum
consilio Patrum Visitatorum , si Prælatus , & Ca-
pitulum prouisioni per ipsum factæ nollent assen-
tire .

Circa administrationem æris publici diligentif-
simè inuigilabit ; & pro viribus efficiet, vt Congre-
gatio non solum ære alieno minimè grauetur ; sed
multo magis si quod aderit subleuetur . Publicum
æs in vsus priuatos cuiusuis loci ; aut personæ con-
uerſi non permittet, aut etiam sui ipsius , Visitato-
rum vel aliorum Officialium sub quouis prætextu,
etiam in parua quantitate ; licebit nihilominus ipsi
Abbati Generali , ac Diffinitoribus cum participa-
tione Illustrissimi Cardinalis Protectoris , & dum-
modo nouum æs alienum non contrahatur, particu-
laribus quibuscumque Congregationis Monasterijs le-
gitima causâ indigentibus , ex ærario publico sub-
uenire ,

Ex Con-
Pauli
edita ani
1608.

uenire, iuxta formam breuis Sanctissimi D.N. Pauli Quinti super hoc editi anno 1608. ad quod habeatur relatio .

Ciuiles etiam controuerfias, quæ nonnunquam inter Monasterium, & Monasterium, vel inter Monasteria, & personas oriuntur, ad pacem, & iustitiã in Congregatione feruandam; iudicialiter cognoscere, ac debito fine terminare valebit cum consilio, & assensu Patrum Visitatorum . Poterit etiam Canonicos, & Conuersos quoscunque de loco ad locum transferre; Prædicatoribus in Capitulo Generali probatis, & electis licentiam prædicandi concedere, & Canonicis nostris facultatem audiendi confessiones personarum secularium vtriusque sexus, & Clericis nostræ Congregationis, vt ad sacros Ordines promoueri possit similiter facultatem tribuere, & alia omnia facere, quæ de iure, vel de consuetudine illi conuenire dignoscuntur .

Difficilia tamen, & graua negocia cum consilio, & assensu Patrum Visitatorum, qui ei tanquam socij à Capitulo Generali adiungentur; definire debebit; neque aliquid agere poterit supra id, quod à præfato Capitulo illi concessum fuerit; neque aliquid contrarium nostris Constitutionibus factis, vel, quas in posterum fieri continget, attentare, neque nomine Congregationis supplicare pro impetrandò aliquid in præiudiciũ Congregationis, vel contrarium nostris Constitutionibus, & consuetudinibus à quocunque Principe, siuè seculari, siuè Ecclesiastico. Cauebit etiam amore Dei, ne alio-

aliorum Prælatorum auctoritatem , & iurisdictionem sibi vsurpet, vel eos ab officio, & regimine suspendat , aut incarcerari faciat, aut de loco ad locum transferat, nisi ob necessitatem ita vrgentem, vt nõ possit alio modo remedium adhiberi ; & tunc de consilio saltèm vnus , vel duorum Visitatorum id faciat, nisi periculum sit in mora : sed omnes Prælatos suis officijs liberè vti, & fungi permittet .

Ad officium Abbatis Generalis præcipuè spectabit Regulam , & Ordinis Constitutiones tùm in primis seruare; tùm vt ab alijs obseruentur diligentissimè curare . Et ideò non erit adstrictus in certo loco nostræ Congregationis residere; sed ibi morabitur , vbi suam præsentiam magis viderit esse necessariam . Ab omni etiam regimine cuiusvis particularis Monasterij , durante triennio sui Generalatus absolutus manebit ; quo liberius suum officiũ valeat exercere . Demùm locum ex nostris Canonicis, quem maluerit, poterit diligere, qui ei in officio Secretarij inferuiat, qui socius in Monasterio, cuius familiæ erit adscriptus, vocem actiuam , & passiuam habebit .

De quatuor socijs Abbatis Generalis Visitatoribus Congregationis. Caput II.

QVo facilius, & vtilius ipse Abbas Generalis proprii officij munus valeat exercere , ex Canonicis nostræ Congregationis proue-

N

ctio-

etioribus, ac dignioribus, rerumque usu magis peritis, quatuor socij eidem Abbati Generali per Capitulum Generale adiungendi erunt, quorum consilio, & adiutorio difficilia, & grauiata negocia pro tempore occurrentia tractare, & definire debet. Hi erunt etiam Visitatores Generales totius Congregationis.

Eorum præcipuum officium erit, Abbati Generali in grauioribus negocijs Congregationis tractandis adiumento esse; quod ut facilius exequantur toto triennio illorum Visitationis, ab omni regimine particularium Monasteriorum liberi, & absoluti erunt; & etiam ab officio prædicationis, nec poterunt sese alicui personæ, Ciuitati, vel Vniuersitati ita obligare, quin semper ad nutum Abbatis Generalis ipsi adesse, & ad quæuis loca Congregationis sine ulla mora mitti possint, & proficisci. Poterit tamen Abbas Generalis, si ipse prædicare noluerit, vni ex Visitationibus tantum licentiam concedere, ut prædicare possit.

Ad ipsos spectabit, omnia Monasteria, & loca Congregationis visitare. Dum autem Officium Visitationis, actualiter exercebunt, in singulis Monasterijs visitationi illorum subiectis primum locum tenebunt super quoscunque Prælatos etiam in proprijs Monasterijs ipsorum Prælatorum. In omni Capitulo vocem habebunt, præterquam in electione socij Capitularis, in qua tantum in Capitulo propriæ residentiae vocem habere poterunt. Eandem quoque potestatem, & iurisdictionem habebunt in
omnes

omnes de gremio nostræ Congregationis, siuè subditos, siuè Prælatos; quam habet Abbas Generalis. Quare dum actuales visitationes exercebunt, poterunt quoscunque delinquentium excessus corrigere, processus formare, delinquentes judicialiter cõuenire, capi facere, & incarcerari, torturæ, si opus sit, exponere, Prælatos ab officio, & regimine suspẽdere, excommunicare, & processus confectos per sententiam diffinitiuam terminare, ijs exceptis, quæ non nisi per totum diffinitorium judicialiter terminari possunt, sicut in priuilegio Pij Papæ Quarti nobis facto cauetur. In quibus tamen processus informatiuos conficere, & causarum merita ipsi diffinitorio terminanda, referre debebunt.

In literis
directis R. e.
ctori Gen.
Ann. 1561
die 28. lu-
nij.

Poterunt etiam actualem visitationem exercentes, Canonicos, & Conuersos de loco ad locum trãf-ferre, facultates audiendi confessiones suspendere, & Confessarios pro audiendis subditorum confessionibus deputare, vel si subditi maluerint, illorum etiam confessiones audire; non tamen illos compellere poterunt, vt si nolint, illis confiteantur, iuxta Decretum Clementis Papæ Octau. Poterũt etiam, & debebunt diligenter inquirere, an bona temporalia Monasteriorum fideliter ab illorum administratoribus tractentur, sicut infra in Capitulo de visitationibus specialiter dicetur.

Graviora tamen negocia, iuxta antiquas Ordinis Constitutiones sine Abbatis Generalis consilio, & auctoritate diffinire minimè debebunt. Si verò dum Abbas Generalis, & Visitatores inter se distan-

tes erunt , graue aliquod negotium emergat , illud per literas, vel fidos nuncios ad inuicem significant, vt ad arbitrium Abbatis Generalis, vel omnes, vel saltẽ propinquiores conueniant, vel aliter oportu- nẽ remedium adhibeant .

Extra actuales visitationes , in illis Monasterijs morabuntur , in quibus Abbas Generalis illorum præsentiam magis necessariam iudicabit. Ibi verò sicut Prælati forenses erũt: neque Prælato loci subij- cientur, & poterunt quemcunque ex nostris Sacer- dotibus in confessarium deligere , & aliorum siuè Canonorum, siuè Conuersorum confessiones au- dire, si ipsi eis voluerint confiteri ; & in suos socios ordinariam iurisdictionem, tanquam illorum Præ- lati exercebunt . Supra omnes Canonicos etiã Præ- latos primum locum , & sedem tenebunt , excepto Prælato Monasterij, in quo erunt; culpas etiam om- nium tam publicè, quàm priuatè poterunt audire, & corrigere , non tamen Capitulum congregare : In quolibet Monasterio absente Prælato benedi- ctionem in mensa faciẽt, & alia signa, quæ ad præe- minentiam spectant, siuè in Refectorio, siuè in Ec- clesia, siuè alibi .

Non poterunt tamen in messẽ alienam manũ mittendo, iurisdictionem Prælatorum, aut Vicario- rum, absentibus Prælatis, exercere, nisi (quod absit) notabile scandalũ occurrat , aut aliquid, quod grã- ue detrimentum spirituale, vel temporale toti Con- gregationi , vel alicui particulari Monasterio , aut personæ possit asserre ; nam in similibus casibus nõ
solum

solum cum sunt in actuali exercitio visitationũ; sed etiam extra illas, non solum in locis subiectis illorũ visitationi, sed extra illa, in quibuscunque locis, & personis de nostra Cõgregatione suam iurisdictionem exercere valebunt, tanquam si essent in actuali exercitio visitationum, quia in similibus casibus semper censentur esse in actuali visitatione, admonito tamen statim Abbate Generali, cuius consiliũ in similibus debebunt expectare.

De Procuratore Generali .

Caput III.

OB graues causas in dies occurrentes, propter quas necesse habemus ad Sedem Apostolicã, & ad Romanã Curiam sæpius accedere, eligatur per Capitulũ Generale iuxta antiquã Ordinis cõsuetudinẽ aliquis Canonicus nostræ Cõgregationis prudens sani consilij, & rerum gerendarum vsu expertus, in Procuratorem Generalem totius Congregationis apud Romanã Curiam, cũ pleno mandato ad omnes causas ipsi Congregationi, vel particularibus locis, vel personis dictæ nostræ Congregationis pro tempore occurrẽtes, & ad alia, quæ Capitulũ Generale illis specialiter committet, in Romana Curia tractanda. Ipse verò Procurator Generalis in Monasterio nostro Romano S. Mariæ de Pace, suam ordinariam residentiam habebit; & si Congregationi videbitur, eiusdem Monasterij Abbas esse poterit. Sed & si non fuerit Præatus, nihilominus

mine Congregationis audeat procurare .

Breuium quoque Apostolicorum , Literarum , vel Edictorum , quæ à Sancta Sede Apostolica ad Capitulum Generale , vel ad totam Congregationem transmittentur , vel nomine Congregationis impetrari contigerit , & similiter aliorum Decretorum , quæ à Sacris Congregationibus Illustrissimorum DD. Cardinalium fient , publicum Congregationis interesse tangentium , ipse Procurator Generalis , & Abbas Generalis , vel Scriba totius Capituli Generalis teneantur in primo quoque Generali Capitulo , vel dieta , postquam eiusmodi emanauerint , integras , & veras copias ad valuas diffinitorij affigere , easque ibi relinquere , ita vt ab omnibus in dieta , vel in Capitulo Generali existentibus legi , considerari , & transcribi possint . Spectabit etiam ad officium Procuratoris Generalis , fugitivos , & apostatas , præsertim Romæ degentes , ad Congregationem reuocare , cum pleno mandato , & potestate eos capi faciendi , incarcerandi , & puniendi iuxta Canonicas sanctiones , ne huc , & illuc cum nostræ Congregationis dedecore , & populorum scandalo vagentur .

De Prælati locorum . Caput IV.

Quemadmodum tota Congregatio vnum Caput habet ; ita quodlibet Monasterium suum peculiarem Prælatus habere debet , quem omnes , & singuli de familia Monasterij
exi-

existentes , tanquam patrem suscipere, venerari, & illi per omnia secundum Deum debent obedire, siue ille Abbas sit, siue Prior, siue Præpositus, siue Archipresbyter: nam quocunque titulo nuncupentur, quo ad prærogatiuas, & præminentias, intra Cōgregationem pares erunt, & quique in suis Monasterijs parem auctoritatem habebunt. Prælati omni studio nitantur tales suis familijs se ipsos exhibere, quales Apostolus requirit, irreprehensibiles, sobrios, prudentes, moribus ornatos, pudicos, hospitales; qui potentes sint subditos exhortari in patientia, & doctrina, non dominantes in Cleris, & ut in Regula scriptum est, qui magis amari appetant, quam timeri, & non se existiment potestate dominante, sed charitate seruientes felices. Conditiones verò eligendorum ad Prælaturas in tertia parte in Cap. De electione Prælatorum dicentur.

Quilibet Prælatus suorum subditorum culpas, & defectus corrigere poterit, & debebit, iuxta Regulam charitatis, sacrorum Canonum, & præsentium Constitutionum, cum sit ordinarius illorum Iudex, in utroque foro, habens facultatem ligandi, & soluendi, casus reseruandi, censuras infligendi, delinquentes corrigendi, processus formandi, reos iudicialiter conueniendi, constituendi, carceribus deputandi, & iudicialiter condemnandi, exceptis grauioribus causis, in quibus sententia diffinitiuæ, à Reuerendissimo Abbate Generali, vel à Patribus Visitoribus, siue à toto diffinitorio erit expectanda, & alia omnia faciendi, quæ ad regularis disciplinæ

plinæ obseruationem, & regimen propriæ familiæ necessaria videbuntur, iuxta modum per Sacros Canones, & Ordinis Priuilegia, & statuta illi præscriptum. Quare in primis curabit quilibet Prælati Regulam, & Ordinis Constitutiones exactè seruare, & ut à sibi subditis seruentur pro posse efficere, subditorum defectus per se ipsum corrigere, nec Abbati Generali, aut Patribus Visitatoribus, & Definitoribus corrigendos differre. Qui in erroribus subditorum corrigendis negligentes erunt, corrigantur ipsi à maioribus, & si opus sit, iuxta antiquas Ordinis Constitutiones à regimine amoueantur.

Et si verò Prælati in virtute obedientiæ, & sub pœna suspensionis, & excommunicationis iubere possint, non tamen nisi rarissimè, & ex grauissima, & urgentissima causa id facere debebunt.

Illud porrò Superiores omnes in Dño admoneamus, ut memores sint rationis, quā in nouissimo die reddituri sunt pro grege sibi cōmisso, ac propterea omni studio inuigilent, ut quæ in Regula, & constitutionibus nostris de oratione mentali, silētio, ieiunijs, capitulo culparū, alijsq; spiritualibus exercitijs prudenter, ac piè sancita sunt, ea omnia, & singula ad vnguem obseruetur, intelligantq; super his veluti fundamentis Religionis ædificanda, construenda, & amplianda esse, quæ ut faciliorem exitum fortiantur, & fructus vberiores in animis Fratrum producant, valdè oportunitate erit, si in quolibet Conuentu singulis hebdomadis habeatur sermo de religiosa disciplina, regularique obseruantia.

De Prælatorum facultate circa administrationem bonorum mobilium. Cap. V.

Prælati administrationem bonorum mobilium suorum Monasteriorum, ita illis concessam esse intelligant, ut nullus administrationem talium bonorum, aut aliarum rerum, dispensationemque pecuniarum, & reddituum sui Conventus per se ipsum habere, siue exercere possit; sed vniuersum id onus œconomo, vel Procuratori, vel Depositario committere, & demandare debebit. Nullus Prælati, aut alius cuiusvis administrator præter ordinarios, & necessarios sumptus pro victu, & vestitu familiæ, & alias ordinarias expensas in Sacrificiis, Dormitorio, & alijs officinis, quotidie fieri solitas, aliquos extraordinarios sumptus faciat; sed quidquid ex redditibus Monasterij ultra prædictos sumptus supererit, fideliter seruet, in extinctionem debitorum Monasterij, si quæ aderunt, statim conuertendum, & implicandum, sub pœna suspensionis à Prælatura ipsi Prælato, & carceris alijs ministris contrafacientibus, ad arbitrium Abbatis Generalis. Quod si casus contingat, quo necessè sit, præter ordinarios sumptus aliquam expensam facere, ea nõ fiat sine expressa licentia Abbatis Generalis in scriptis obtenta, & expresso consensu Capituli proprii Mona-

ec. Clem.
8. VIII.
Refor.
eg. 12

Monasterij per vota secreta præstando. Si etiam casus grandinis, pruinae, incendij, vel eruptionis fluminum contingant, Prælatus Visitatori Prouinciæ id statim denunciabit, qui Visitator ad damnum inspicendum illico sese transferre debebit, eoque inspecto, & adnotato, de huiusmodi Abbatem Generalem admonere, vt remedium opportunum valeat adhiberi.

Nullus Prælatus equos, aut famulos seculares in suo Monasterio teneat præter eos, qui erunt cuilibet Monasterio necessarij. Sumptus etiam, qui in nonnullis diebus festiuis locorum, vel in musicis, vel in Monasteriorum domesticis conuitadis fieri solent, sint moderati; & musici ex locis extra Diocesium existentibus non aduocentur. Nullus Prælatus suæ pellectilem domus, vel Ecclesiæ magni valoris vendere possit, aut aliquo modo alienare sine licentia Abbatis Generalis, vel Visitatoris Prouinciæ, & expresso consensu proprij Capituli. Minima tamen, & parui momenti ex causa rationabili vendere possit, & in meliora permutare. Nullus quoque siluas seu nemora incidi faciat, exceptis consuetis incisionibus, quæ statutis annis fieri consueuerunt, quæ omnino anticipari non possint: qui absque licentia Abbatis Generalis, aut Visitorum Prouinciæ, & expresso consensu proprij Capituli huiusmodi uarietas incisiones fieri fecerit, sit suspensus à Prælatis per duos menses, & iuxta excessus qualitatem grauius usque ad depositionem, puniri debebit. Nullus etiam subsidiarias pecunias, quæ vulgò scortæ Mo-

monasteriorum appellantur, à suis Prædecessoribus sibi relictas minuere possit, quin expleto proprio regimine illas in eadem qualitate, & quantitate in pecunia numerata, in manu Depositarij actualiter resignet, sub pœna priuationis officiorum, & perpetuæ inhabilitatis ad gradus, officia, & dignitates, prout dicitur in Capitulo de Depositario.

Spolia Defunctorum nullus Prælatus, vel administrator, aut quisuis alius sibi audeat appropriare, sed illa omnia inter redditus, & prouentus Monasterij, de cuius familia defunctus extiterat, integrè, fideliter, & veraciter incorporentur, & in libris cõputorum Monasterij inter illius redditus scribatur, sub pœnis impositis administratoribus bonorum temporalium fideliter non scribentibus in libris Monasteriorum omnes illorum redditus, & prouentus, de quibus infra dicitur.

Si quis missus de Monasterio ad Monasterium in itinere ex hac vita decesserit, illius spolia sint Monasterij, ex quo discesserat: quia illud Monasterium onus expensarum, quas circa ipsum defunctum, fieri contingeret, siuè in ægritudine, siuè etiam in funeralibus sustinere debet.

Si quis Prælatus in administratione bonorum temporalium Monasterij infideliter egisse, aut de eius bonis sibi aliquid occultè, & fraudulenter usurpasse conuictus fuerit (præter alias pœnas contentas in literis fel. rec. Pauli PP. III. quæ incipiunt: (Graue gerimus) & in fine huius libri sunt appositæ ab Abbate Generali cum consilio duorum Visita-

torum statim à regimine deponatur, & grauius etiã iuxta qualitatem, & quantitatem delicti puniatur. Quolibet anno saltẽm bis omnia bona mobilia Monasteriorum per Prælatos, vnà cum ratiocinatoribus, & inuentarijs visitentur, & cum ipsis inuentaris conferantur, & illorum status, cum visitabuntur, in inuentarijs notetur.

De Prælatorum facultate circa administrationem bonorum immobilium. Caput VI.

N Villus Prælatus bona aliqua Monasterij immobilia, vel iura, vel census perpetuos, & similia vendere, permutare, aut alio modo, seu titulo, alienare, vel hypothecare, vel Monasterium, aut aliquod eius membrum, aut partem cuius personæ Collegio, vel Vniuersitati valeat obligare, sine expressa licentia Abbatis, vel Capituli Generalis, & etiã Capituli sui Monasterij, sub pœna priuationis omnium dignitatum, & omnium officiorum, quæ obtinebit ipso facto incurrendi, & perpetuæ inhabilitatis ad hæc in posterum obtinenda, præter alias pœnas per sacros Canones contra alienatores bonorum Ecclesiasticorum promulgatas. Nullus Prælatus absque licentia Sedis Apostolicæ, & Abbatis Generalis, aliquam partem bonorũ immobilium, etiam minimam, alicui personæ, Collegio, vel Vniuersitati in emphyteusim, siuè ad cen-

censum perpetuum concedat, ijs exceptis, quæ aliàs solita essent in emphyteusim tradi, & nòdum essent Monasterio incorporati. Imò cum de cætero contigerit, aliquam inuestituram bonorum emphyteuticorum renouari, id minimè fiat sine notitia, & consensu Abbatis Generalis, vel Visitatorum Prouinciæ. Bona verò, quæ ob lineam finitam ad Monasteria reuertentur, statim ipsis Monasterijs incorporentur; neque deinceps personæ seculares de eiusmodi bonis inuestiantur; nisi de communi consensu totius definitorij, & cum hac conditione, vt accipientes inuestituram, soluant duas ex tribus partibus valoris dictorum bonorum. Inuestiturae absque huiusmodi consensu factæ sint nullæ, & Prælati sic inuestientes, ipso facto Prælaturæ priuati existant, saltèm per annum.

Locationes bonorum immobilium ultra triennium non fiant sine licentia Sedis Apostolicæ exceptis casibus in Breui Sanctissimi D. N. Pauli V. anno 1608. editi expressis, in quibus cõceditur nobis facultas locandi bona immobilia ad longum tẽpus, ad quod habeatur relatio. Nec possint Prælati eorundem bonorum locationes anticipare, sed in ultimo anno primæ locationis secunda fiat. Non possint etiam fructus, siuè affectus anni sequentis anticipatò præaccipere, quòd si aliquid præacceperint, illud in fine anni apud Depositarios fideliter, & integrè deponere inter redditus anni sequentis computandum, & Prælato anni sequentis resignandum teneantur. Contrafacientes careant voce acti-
ua, &

ua, & passiva per annum, & grauius iuxta excessus qualitatem puniantur.

Locationes bonorum immobilium, quorum annui fructus, seu affectus summam centum aureorum excedent, Prælati nullo modo facere possint sine tractatu, & expresso consensu Capitulorum suorum Monasteriorum, aliter locationes sint nullæ. Nô liceat etiã bona Monasteriorum nostris Canonicis, vel Conuersis in affectum cõcedere; si autem concessa fuerint, ipsi Canonici, vel Cõuersi ab eiusmodi administrationibus statim remoueantur, & grauissimè tam locatores, quàm Conductores puniantur.

Laudemia, quæ pro renouatione inuestiturarum bonorum emphyteuticorum à Prælati accipientur, & pecunias, quas in initio cuiuslibet locationis iuxta morem, & consuetudinem locorum titulo donationis perceperint, teneantur inter redditus Monasteriorum fideliter incorporare, & in libris cõputorum scribi facere, sub pœnis impositis ministris fideliter non scribentibus bona, & redditus Monasteriorum.

Bona immobilia saltèm semel in anno per quilibet Prælatum visitentur cum Inuentario, in quo singulis vicibus illorum status describatur.

De Vicarijs. Caput VII.

Vicarij locorum à proprijs Prælati eligendi erunt ex Canonicis familiæ suorum subditorum, quibus ipsi Prælati vices suas committant, & ipsos Prælatos adiuent in proprijs offi-

cij muneribus exequendis. Sic autem electi, Abbati Generali, & Diffinitoribus tempore Generalis Capituli, vel Dietæ proponendi erunt, ab ipsis vel approbandi, vel reprobandi. Vicarij locorum in Monasterijs, in quibus Prælati sunt Abbates, vocabuntur Priores Claustrales: vbi autem Prælati non sunt, Abbates vocabuntur Vicarij. In proprijs Monasterijs, in quibus erunt Vicarij, primum locum, & sedem habebunt post Prælatos Monasteriorum, & & Visitatores, & alios Prælatos. Ipsius neque Visitatores, neque cæteri Prælati cum domo egredientur, vel cum reuertentur genuflectent, imò in omnibus in quibus attenditur dignitas, & præeminetia, ipsos Vicarios etiam in proprijs Monasterijs illorum residentie præcedere debebunt, non tñ aliquam iurisdictionē ibidem exercebūt. Cū Vicarij fuerint extra loca propriæ residentie iuxta priorem, vel posteriorem susceptionem habitus Religionis in proprijs locis apud cæteros Canonicos manebunt cum Vicariatus sit officium, & non dignitas.

Auctoritas, & iurisdictione Vicariorum tanta erit, quantam Prælati locorum illis tribuendam esse oportunitum iudicabunt. In absentia propriorum Prælatorum spirituales iurisdictionem in subditos exercebunt subditis: licetiam confitendi, & domo exeundi tribuent; qui subditi domo exeuntes ab eis licentiam petere debebunt, & genuflexi benedictionem accipere, & similiter cum domum egredientur, si tamen contingat aliquem Prælatum forensē adesse cum aliquo suorum subditorum, ille

ille non à Vicario loci, sed à proprio Prælato huiusmodi licentias petere debebit, sub cuius obedientia, & iurisdictione etiam in tali casu intelligitur esse constitutus. Poterunt Vicarij culpas subditorum, etiam Nouitiorum audire, & poenitentibus in Congregatione confuetis corrigere. Administrationem vero bonorum temporalium siue mobilium, siue immobilium nullo modo exercebunt, neque bona Monasteriorum commodabunt, aut locabunt, nec alio modo alienabunt, nec aliquem Nouitium, siue Canonicum, siue Conuersum ad habitum probationis, aut professionis recipere poterunt, neque de Monasterio eicere, nisi ex speciali commissione propriorum Prælatorum; aut nisi Prælati ab initio omnem iurisdictionem in spiritualibus, & temporalibus ipsis Vicarijs tribuerint, & delegauerint.

Ad officium Vicariorum spectabit primum quidem Ordinis Constitutiones seruare, deinde vt à subditis obseruentur impensè curare, præsertim quæ spectabunt ad silentium in Ecclesia, & Dormitorio, & Refectorio, & ad modestiam in conuersatione seruandam, ad curam infirmorum, & hospitem, & ad seruitium Chori, & Ecclesiæ, cui die noctuq; assistere studebunt. Quare ipsi Vicarij in primis curare debebunt vt diuina officia statutis horis siue cū cantu, siue absque illo in Choro conuentualiter dicantur, & vt in officijs recitandis, & Missis cantandis, & in oïbus alijs ecclesiasticis functionibus Rubricæ Missalis, cæremonialis, & Breuiarij, & Directorij Romani, & Calendariorum, quæ ab Ordinarijs locorum

edi solent, exactè obseruentur. Curabunt etiam ut Altarium ornamenta, mappæ, Candelabra, Cruces, Icones, & similia mundissimè, & decentissimè per Sacristam teneantur, quæ omnia saltèm semel in hebdomada visitare debebunt. Peculiarem etiam habebunt diligentiam, & curam, ut domus nostræ mundæ sint, & saltèm semel in hebdomada per eos, quibus iniunctum id fuerit, euerrantur: & ut hi, qui infirmorum curæ, vel hospitum deputabuntur, suo muneri diligenter satisfaciant. Cùm autem illi, qui hospitiorum curæ erunt deputati, ab officijs amoueantur, curabunt ipsi Vicarij, ut omnis hospitiorum supellex ijs, qui in officio succedent, integrè per inuentarium resignetur.

Officium Vicarij etiam vacante Prælato, cuius erit Vicarius, non vacabit, nisi Abbati Generali videatur aliter expedire. Non poterit tamen Vicarius duo officia simul incompatibilia vlllo pacto exercere, ut officiũ Vicarij, & œconomi, vel Procuratoris, vel Curati animarum, aliàs Vicariatus ad nullum effectum illi valeat prodesse. Nullus etiam Vicarius ab officio hebdomadariæ, & Missæ cantandæ pro vice illum tangente, immunis censeatur.

Et quia assumendi ad officia tales esse debet, qui per se ipsos propria munera dignè, & laudabiliter valeant exercere, præsertim ea, quæ ad seruitium Chori, & Ecclesiæ spectabunt, iuxta Constitutionem nostram aliàs factam, quam nunc innouamus; statuimus, ut nullus ad officium Vicariatus sit eligibilis, qui tantum Ecclesiasticum, & cæremonias Ecclesiasti-

siasticas ita rectè non didicerit , vt valeat Chororum regere , Missas cùm opus fuerit , cantare , & alia ad suum officium spectantia per se ipsum laudabiliter exercere . Quicumque contra formam huius Constitutionis fuerit electus, ab officio remouetur, & Vicariatus ad nullum effectum ei proffit, siuè ad Prælaturas obtinendas , siuè ad quiduis aliud .

Nullus etiam in Vicarium eligi possit, qui ea scientia, & prudentia præditus non sit, qua propriæ iurisdictionis munera rectè valeat exercere & aptus sit ad curam animarum exercendam, & hoc præcipuè seruetur in locis studiorum , necnon in Monasterijs, quæ habent adiunctum regimen sanctimonialium, cum longa experientia docuerit, absentibus Prælati ob imperitiâ Vicariorum non læuia inconuenientia multoties euenire . Quare eligendi in Vicarios, debebunt esse vel Prædicatores confirmati, vel saltèm ab examinatore deputatis corâ Abbate Generali, aut Visitatoribus diligenter examinati, & taliter probati, vt propriæ sufficientiæ habeant testimonium per scripturam eorundem examinerum manu, & iuramêto firmatam , aliàs sint ineligibiles, & etiam electi ab officijs amoueantur . Nullus quoque in Vicarium eligi possit, qui non steterit saltèm per duodecim annos in nostra Congregatione , & quadriennium in Sacerdotio nō expleuerit, nullus priuatus voce actiua, & passiua, nullus de aliquo crimine, ex quo incurritur infamia , vel conuictus , vel inditiatus, nisi canonicè prius se

ipsum purgauerit, quia infamibus ianuæ dignitatum patere non debent.

Et uti ipsi Vicarij ad propria munera obeunda idonei liberius, & libentius sua officia possint exercere, non licebit Prælati locorum, præter ipsos Vicarios, alios Viceprælatos in proprijs Monasterijs creare, nisi ob causam grauissimam absentia, aut ægritudinis ipsorum Prælatorum, aut Vicariorum, vel ob aliam causam ab Abbate Generali probandam, & si contra formam huius Constitutionis aliqui Viceprælati in quibusvis Monasterijs reperiantur, Patres Visitatores illos remoueant, & in Ordinem statim redigant. Si autem Vicarij minus sint idonei proprijs muneribus exercendis, ab officijs remoueantur, & alij loco eorum constituentur.

Demum iuxta antiquas Ordinis Constitutiones Vicariatus ipsæ nulli suffragetur ad aliquem effectum nisi fuerit absolutus in aliquo Monasterio, vbi saltèm sit septenarius numerus Canonorum, & vbi Horæ canonicae conuentualiter recitentur.

De Magistris Nouitiorum.

Caput VIII.

Magistri Nouitiorum in Capitulo Generali, vel in Dieta saltèm per tres annos duraturi à toto Diffinitorio eligendi erunt; neque licebit Prælati locorum, in quibus Nouitiatus existent, propria auctoritate, absque certa notitia, & assen-

& assensu Diffinitorii Magistros Nouitiorū creare, nisi casus contingat, vt propter infirmitatem, aut aliud legitimum impedimentum Magister à Diffinitorio creatus in proprio officio minimè durare possit, quo casu Abbas alterum eius loco vsque ad proximum inde habendum Capitulum, vel Dietam substituet: maximè enim refert, vt huic officio non nisi personæ laudatæ, & probatæ vitæ deputentur.

Magistri Nouitiorum Sacerdotes saltè per decem annos in nostra Congregatione professi, qui trigesimum ætatis annum excesserint, esse debebūt: doctrinæ, & vitæ antea ita exemplo præstantes, orationis, & mortificationis operibus addicti, prudentes, & cum affabilitate graues, zelum Dei cum mansuetudine coniunctum habentes, & ab omni animi perturbatione, præsertim ira, & indignatione alieni, & tales, qui in omnibus se ipsos bonorum operum præbeant exempla. Et si fieri poterit, erunt etiam in scientiis optimè eruditi, vt valeant, non solum Grammaticam, verum etiam Logicam, & principia naturalis Philosophiæ Nouitios docere, quæ saltè post emissam professionem Nouitii discere debebunt.

Præcipuū officium Magistri Nouitiorū erit curam diligentem adhibere, vt Nouitii in regulari disciplina rectè instituantur, & exerceantur, necnō in cantu, & cæremoniis ecclesiasticis, & aliis functionibus obseruatiis, exercitiis, & cōluetudinibus nostræ Congregationis tū spiritualibus, tū corporalibus, si-

cut

cut dictum est in fine primæ partis præsentium Constitutionum . Quare absolutam , & plenam potestatem habebit circa regimen Nouitatus , & ipsorum Nouitiorum institutionem , nullusque præter illum , exceptis Abbate Generali , Visitatoribus , & loci Prælato , in regimine , & institutione Nouitiorum sese intromittere vlllo pacto audebit .

Quo facilius Magistri Nouitiorum suis muneribus incûbere possint, & plures personæ ad hæc munera idoneæ in nostra Congregatione habeantur , primùm quidem statuimus , illas ab omnibus alijs officijs , & oneribus, quæ regimen , & curam Nouitiorum impediunt, omnino vacare debere. Deinde vt Magistri à Diffinitorio in Capitulo Generali, vel in Dieta electi si per tres annos integros officium Magisterij laudabiliter exercuerint, & alia requisita habuerint, quibus in Vicarios eligi possint, Magisterium Nouitiorum eis valeat pro tribus annis Vicariatus, ita vt absque aliquo Vicariatu eligi possint ad omnes dignitates , gradus , & officia nostræ Congregationis .

De literarum studijs .

Caput IX.

Quia nostri instituti ratio expostulat , vt non solum propriæ salutis , & perfectioni insistamus, sed populos docendo, etiam illorum

rum salutem cum Dei gratia procuremus, quippè qui sumus per essentiam Clerici, quibus ex officio incumbit non solum propria peccata plangere, sed etiam populos legem Domini docere ut S. Hieronymus, & D. Thomas docent. Abbas Generalis, Visitatores, ac ceteri omnes Congregationis Patres totis viribus studere debebunt, ut nostri Canonici in Diuina Scriptura, in facultate casuum conscientiarum, necnon in Sacra Theologia, & alijs scientijs liberalibus, quæ ad eandem Sacram Theologiam addiscendam disponunt, diligentissimè, & exactissimè, quantum fieri poterit, erudiantur. Hoc autem, quo rectius fieri possit, in Capitulo Generali, vel in Dieta per Diffinitorium certa Monasteria pro locis studiorum designanda erunt, in quibus studia scientiarum ita inter se distincta sint, ut in aliquibus sint studia Logicæ, in alijs Philosophiæ, in alijs verò Theologiæ, & nunquam in eodem loco discipuli diuersis studijs simul vacent, neque simul sit studium duarum facultatum, excepto quod in studijs Logicæ, ad Nouitiorum mutationes vitandas, etiam principia naturalis Philosophiæ legi poterunt.

Ipsis Monasterijs pro literarum studijs designatis, non nisi personæ morum grauitate, & doctrinæ eruditione conspicuæ præficiantur, quæ in scientijs scholasticis sint versatæ, & tales, ut non solum vitæ exemplo, & auctoritate seruientem adolescētiam valeant coercere, sed quantum quisque in scientijs proficiat, cognoscere, & negligentes redarguere: quare ut tales Prælati in locis studiorum haberi possint,

c. Alia 1
q. 3. 2. 2
183. art.

sint, absque villa personarum, vel nationum exceptione, aut acceptione personæ virtute, & meritis præstantes ad prælaturas dictorum Monasteriorum assumantur:

Prælati locorum studiorum quo frequentius poterunt publicis lectionibus, repetitionibus, & disputationibus interesse debebunt; observabuntque diligenter, an tam Lectores, quam Scholares sua munera obire studeant; an sint aliqui ad facultates, quibus incumbunt, addiscendas minus apti, vel qui quotidianis lectionibus, & disputationibus sine legitimo impedimento non intersint, ut valeant non solum negligentes disciplinis, & obiurgationibus ad studia literarum excitare; sed etiam de singulorum studentium profectu Abbatem Generalem, Visitatores, & studiorum Reformatores certiores facere; quod tum ipsi Prælati, tum etiam Lectores tempore visitationum, Dietæ, & Capituli Generalis, aut viva voce, aut per literas omninò facere debent.

In quibuslibet studiis nostræ Congregationis, fieri possit, Lectores ex nostris Canonicis, præsertim in studiis Sacræ Theologiæ constituentur; quia maximè refert plures in hac facultate optimè versatos in Congregatione habere. Si tamen non omnes Lectores ex nostris assumi possint, ex alijs Ordinibus præsertim ex D. Dominici Ordine assumantur: Laici verò non nisi probatæ vitæ, & doctrinæ, ad quamcunque facultatem in nostris studiis profitemdam conducantur.

Qui-

Quibus temporibus generales vacationes non erunt; quilibet Lector singula hebdomada saltē quatuor lectiones ordinarias habebit; nisi plura festa intra eandem hebdomadam occurrentia impediāt; quo casu in die vacationis ordinariæ, lectio haberi debebit. Singulis diebus, quibus ordinariæ lectiones habebuntur, fiant repetitiones illarum, ad quas cum Præfato, vel Vicario Præfato absente; ac Lectoribus omnes scholares conuenire debebunt, ex quibus vnus, Præfato, aut Lectore iubente, lectionē replicabit, absoluta verò repetitione duo, aut tres contra dicta in lectione, dubia mouendo disputabunt.

Singulis, aut saltē alternis sabbathis, fiant publicæ disputationes in scholis, aliquo ex scholaribus proponente ad disputandum themata ex ordinarijs lectionibus habitis deprompta; alijs verò duobus, vel tribus contra arguentibus; quibus disputationibus cum scholaribus, & Lectoribus, Prælati, nisi grauissimo impedimento detenti, interfint.

In studijs Philosophiæ, & Theologiæ, saltē quater in anno proponantur à nostris aliqua themata publicè disputanda; fiantque publicæ disputationes inuitatis Religiosis aliorum Ordinum, & alijs scholasticis doctis ad argumentandum. Eiusmodi verò disputationes tunc commodè fieri poterunt, cum vacationes erunt ab ordinarijs lectionibus.

Lectiones ordinariæ habebuntur Feria secunda, tertia, quarta, & sexta: feria quinta semper vacabit,

nisi sit dies vigiliæ, vel nisi plura festa intra hebdomadam occurrant. A festo exaltationis S. Crucis vsque ad festum Præsentationis B.M.V. à Dominica prima Aduentus, vsque ad Dominicam Septuagesimæ, A Dominica prima Quadragesimæ, vsque ad Dominicam Palmarum; à Dominica in Albis, vsque ad festum Pentecostes; à Dominica Sanctissimæ Trinitatis vsque ad Calendas Augusti ordinariæ lectiones hebebuntur; cæteris diebus vacationes erunt.

Dec. Clem.
PP. VIII.
pro Refor.
Reg. 2.

In omnibus studiis saltèm semel in hebdomada, nempe die dominico, vel alio festo intra hebdomadam occurrète habebitur lectio de diuina Scriptura, vel de iure canonico, aut de casibus conscientie, ad quam non solum studentes, sed ceteri omnes Canonici conuenire teneantur. Die verò sabbathi collatio circa eosdem casus conscientie fieri debet; cui collationi similiter omnes Canonici intersint; parati ad dicendum circa ea, de quibus per Prælatus, aut Lectorem fuerint interrogati. In alijs verò Monasterijs extra loca studiorum, eadem lectio casuum conscientie saltèm bis in hebdomada habenda erit, per Lectorem, qui sit in re benè versatus, & difficultatibus propositis tum domi, tum foris satisfacere possit. Ipsis autem lectionibus Canonici omnes cum Prælato intersint, & post lectiones collationes faciant circa casus, & dubia in lectionibus proposita. Canonici, qui lectionibus, & collationibus non intererunt, pro qualibet vice; habeant claustrum per quindecim dies; & Prælati hanc Constitutione

in

in suis Monasterijs seruari minimè facientes, faciāt ipsi disciplinam publicè tempore visitationum .

Et quia non sunt æqualia omnium ingenia , & plures inuenientur ad discendas scientias speculatiuas minus idonei ; ne eiusmodi Canonici otiosi absque disciplina per claustra vagari permittantur, in Capitulo Generali, vel Dieta primo quoque tempore celebrandis , Abbas Generalis cum Diffinitoribus vnum, vel plura Monasteria deputabunt , in quibus Clerici ad discendas scientias speculatiuas minus apti, ea doceantur, quæ saltem ad sacros Ordines suscipiendos , & omnibus Sacerdotibus sunt scitu necessaria . Prouidebiturque eiusmodi Clericis de Magistro idoneo, vel ex nostris, vel ex alio Ordine secundum illorum indigentiam, iuxta antiquā Ordinis Constitutionem, quam modò innouamus. Si verò extra prædicta loca Prælati ob seruitium Ecclesiarū voluerint Clericos in suis Monasterijs habere, teneantur de idoneo Magistro illis prouidere ; aliàs Patres Visitatores , tempore visitationum, aut de idoneo Magistro illis prouideāt, aut ad alia Monasteria transmittant, in quibus adsint Magistri ad illos erudiendos, idque fiat expensis Prælatorum , à quorum Monasterijs amouebuntur, & hæc Constitutio indispensabiliter seruetur .

Tandem curabunt Abbates Generales, Visitatores, & cæteri Patres, vt studiorum Vniuersitates , & Nouitiatus optimè regantur, & in dictis locis regularis disciplina minimè relaxetur .

Qualiter Canonici nostri ad studia scientiarum sint admittendi.

Caput X.

Canonici nostri ad literarum studia sine delectu non admittantur. Post emissam professionē Clerici omnes per studiorum Reformatores examinentur, & qui scientijs speculativis addiscendis idonei reperientur, Logicæ facultati statim opera dare incipient; alij verò, qui vel ob ætatem, vel ingenij debilitatem minus apti fuerint, casibus conscientiaē similiter discendis deputabuntur.

Logicæ cursus integro anno absoluendus erit. Nullus tamen post huiusmodi cursum absolutum ad studium Philosophiæ admittendus erit, nisi prævio examine per Reformatores studiorum in logica facultate, & præsertim in arte argumentandi, & disputandi sufficienter instructus repertus fuerit. Quod si ad Philosophiam discendam nondum aptus videbitur, iterum per annum Logicæ facultati operam dabit. Si autem post secundum annum minus idoneus repertus fuerit, à studio scientiarum scholasticarum remouendus erit, & ad discendos casus conscientiaē transmittendus.

Naturalis Philosophiæ cursus integro biennio explendus erit, binis quolibet die lectionibus matutinis scilicet, ac vespertinis. Qui cursus postquam

absolutus fuerit, non tamen scholares ad Theologiã admittentur, nisi iterum examinati, in Philosophia sufficienter eruditi reperti fuerint; si autem in eam minus rectè fuerint instructi, iterum per annum ipsi Philosophiæ operam dabunt.

Theologiæ cursus binis quolibet die lectionibus matutinis, & vespertinis integro quadriennio perficiatur, cui studio tanquam fini aliorum studiorum principaliter incumbere debebunt. Nullus autem à studio ipsius Theologiæ licentiarum poterit, qui integro quadriennio huic facultati addiscendæ operam non dederit, & per examen rigorosum idoneus repertus fuerit, qui possit, ac debeat licentiarum. Si autem ob aliquam causam, ante absolutum cursum studiorum, aliquis à quouis loco remouendus erit, ad alium locum transmitti debebit, in quo studiorum suorum cursum vsque ad finem ordinatè prosequatur, nisi ob graue delictum aliter cum eo sit agendum.

Cum quis absoluto cursu studiorum à scholis licentiarum postulabit, hoc pacto ad illi concedatur: Proponantur ei per illos, ad quos spectabit, duo themata explicanda, vel ex primo, & tertio sententiarum, vel ex secundo, & quarto: quæ licentiandus ipse intra spatiū viginti quatuor horarum in schola publicè explicabit, & defendet, Lectoribus, vel alijs ad libitum Reformatorum, contra eadem themata dubitantibus, & arguentibus. Et tunc demum si Reformatores studiorum, ac ipsi Lectoribus videbitur, poterit licentiarum. Publicas tamen Conclusiones ex Sacra Theologia, saltè in fine studiorum, quisque publicè de-

fen-

fendere teneatur. Idem seruetur in fine studiorum Philosophiæ, & Logicæ.

Prælati studiorum, scholares quos desides, & negligentes viderint, adhortationibus, & increpationibus ad studia excitabunt, etiam ad vrtiliora exercitia, si opus fuerit, illos deputando, & in loco infimo inter condiscipulos constituendo.

De Lectoribus. Caput XI.

Lectores in nostris studijs per Abbatem Generalem, & Reformatores studiorum prius examinati, & approbati ad huiusmodi munus deputentur: nec liceat Prælati locorum studiorum, aliquem siuè ex nostris Canonicis, siuè extraneum ad legendum quamcunque facultatem propria auctoritate aduocare.

Qui ad legendum facultates deputabuntur, tales esse debebunt, qui non solum doctrina, sed etiam moribus, & vitæ exemplo discipulos doceant; qui simultates in Monasterijs non foueant, nec conuenticula scholarium faciant, sed pacem, & concordiam, & obedientiam, ac reuerentiam erga Superiores ipsos discipulos instruant: & qui tales non fuerint, ad lecturas non admittantur, & admissi statim remoueantur, & si ex nostris fuerint, grauiter à Superioribus corripiantur, non solum priuatione officij Lecturæ, verum etiam Prædicatoratus, & alijs pœnis ad arbitrium Superiorum. Nullus ex nostris nisi absoluto cursu studiorum, & præcedentibus

exa-

examine, & alijs, de quibus in capitulo præcedenti, idoneus repertus, & licentiatus, & in Capitulo Generali Prædicator electus ad legendas scientias speculatiuas in nostris studijs possit deputari, etiam ad legendum Logicam, quæ vt à Lectoribus in ea optimè versatis, & eruditis legatur, impensè curari debet, tum propter graues difficultates, quibus illa vndique scatet, tum propter debilitatem ingeniorum quæ illi addiscendæ operam dare primò incipient. Quapropter Abbas Generalis, & alij Patres diligentissimè curabunt, vt ad Logicam legendam, & principia naturalis Philosophiæ Lectores idonei ex nostra Congregatione habeantur, quia maximi interest tyrones in principijs optimè erudiri, & paruus error in principio, est maximus in progressu.

In studijs Philosophiæ duo Lectores ordinarij, si fieri possit, in quolibet loco erunt, quorum alter matutinis, alter vespertinis horis profitebitur: sin autem, vnus & idem Lector binas quolibet die lectiones matutinas, & vespertinas habere debet. In quolibet verò studio Sacræ Theologiæ duo distincti Lectores semper erunt, quorum a ter mane, alter vespere profiteatur: cum per vnum Lectorem integer cursus Theologiæ quadriennij spatio minimè expleri possit. Si tamen ambo Theologi ex nostris haberi non poterunt, saltem alter sit ex nostris, alter verò ex Ordine D. Dominici, vel ex alio, qui viam D. Thomæ Aquinatis sequatur, quam in nostris scholis sequendam fore mandamus.

Vt autem omnis occasio altercandi de primatu
inter

inter nostros Lectores tollatur, primum præcipimus ut nullus in messem alienam manum mittat, aliterius doctrinam siuè publicè, siuè priuatim notando, sub pœna priuationis vocis actiue, & passivæ per annum, sed si inter illos sit diuersitas opinionum, quilibet cum modestia suam opinionem proferre debeat, & alterum honore semper præuenire; deinde statuimus, inter ipsos Lectores eiusdem facultatis nullam rationem maioritatis habendam esse, præter eam, quæ vel ex anterioritate susceptionis habitus, vel ex priuilegio, vel ex aliqua dignitate habenda erit.

Porro ut Lectores certam methodum in legendò obseruent; in primis in Sacra Theologia viam D. Thomæ sequendâ præcipimus, quæ cæteris scholasticorum vijs ordine doctrinæ, facilitate, integritate, & soliditate meritò præferri debet. In ijs verò, quæ ad naturalem Philosophiam spectant, à via Aristotelis minimè recedendum erit; nec nouæ sectæ in nostras scholas erunt introducendæ, per quas sapè ingenia sine fructu discruciantur, & latenter ad errores sternitur via. In ijs tamen, in quibus sententia Aristotelis discrepat à catholica veritate, non solum ab illo recedendum erit; sed illius sententia solidis argumentis confutari, & eius rationes solui debebunt iuxta Decretum Concilij Lateranensis. Quod etiam in aliorum Philosophorum placitis cum Fide Catholica pugnantibus, pro viribus semper efficiendum erit.

**De Reformatoribus studiorum , &
publicis Examinatoribus .**

Caput XII.

VT ea, quæ pro studiorum institutione, ac reformatione in præcedentibus statuta fuerunt, inuiolabiliter seruëtur, & exequutioni quâprimû mandentur, præter Abbatem Generalẽ , & Visitatores, qui semper studiorum Reformatores erunt, eligantur per Diffinitorium in Capitulo Generali, vel Dieta aliquot graues, & periti ex nostris Canonicis, quibus studiorum Reformatio committatur, qui omnes, ac singulos tum scholares, tû etiam Lectores intimè valeant cognoscere, & scire, quid quolibet anno in quouis studio legi contigerit, & quantum quisque in studijs proficiat, vsque ad absolutum cursum ipsorum studiorum. Eligendorum autem in Reformatores hæ potissimum cõditiones esse debebunt; erunt enim non solum ætate graues, & omnes, si possibile fuerit, Prælati; sed in scientijs scholasticis optimè etiam versati; quorum saltèm aliqui cursum Theologiæ profitendo expleuerint.

Ad illorum officium spectabit diligenter curare, vt Constitutiones Ordinis circa studiorû Reformationẽ editæ, vel in posterum edendæ executioni demandentur, tam circa Lectores, quã circa scholares; Quoties aliquis deputandus erit alicui facultati

R addi-

addiscendæ priùs à duobus Reformatoribus, vel saltem ab vno illorum , & tunc coram Abbate Generali, vel aliquo ex Visitatoribus, & loci Prælato examinari debebit: ipsum autem examen in particulari libello, quem ad hoc destinatum quilibet Reformator habebit, adnotandum erit , quod semper obseruabitur, quotiescunque continget, Reformatores aliquem examinare . Quotiescunque aliquis à studijs licentiari postulabit , vel in Prædicatorem eligendus erit, priùs à duobus Reformatoribus, vel saltem ab aliquo illorum coram Abbate Generali, vel aliquo ex Visitatoribus , & loci Prælato examinari debebit .

Nullus alicui scientiæ addiscendæ poterit deputari , nisi priùs à Reformatoribus studiorum per præuium examen idoneus repertus de sua sufficientia, & idoneitate ab eisdem Reformatoribus literas testimoniales illorum manu subscriptas, & iuramento firmatas obtinuerit .

Cum primùm poterunt curabunt Reformatores , omnes , & singulos scholares in quibusvis studijs existentes , & cuius facultati vacantes examinare . Idque vel duo illorum simul , vel quisque per se efficiat, cum assistentia tamen Prælati cuiuslibet loci studiorum, aut etiam Abbatis Generalis, si commodè id fieri possit. Examen verò desuper confectum scribere , & Catalogum omnium , & singulorum studiorum conficere debebunt , in quo distinctè sint adnotata nomina singulorum Lectorum , & scholarium, qui in quouis studio existent, & cui quisque

que scientiæ vel legendæ, vel addiscendæ sit deputatus, & quantum in ea valeat, vel proficiat, quem Catalogum postea alter alteri mittet, vt quilibet illorum integrum Catalogum habeat, & statum omnium, & singulorum studiorum intelligat: quem integrum Catalogum Abbati Generali, & Patribus Visitatoribus exhibere debebunt.

Eligantur etiam in Capitulo Generali, vel Dieta ex qualibet Prouincia saltem tres ætate graues, docti, & periti, qui admittendos ad prædicationem verbi Dei, vel ad audiendas confessiones, etiam ipsorum Canonicoꝝ, ac Lectores publicos simul examinent, priusquam probentur, & ad huiusmodi ministeria admittantur. Horum etiam munus erit probare quoad doctrinam, promouendos ad quoscunque Ordines.

Dec Cl
PP. VI
de Refi
Reg. 37.

De nonnullis Priuilegijs Lectorum. Caput XIII.

VT libentiùs, ac faciliùs Lectores nostri studiorum labores subeant, & maiori sollicitudine in profectum discipulorum insudent, dum actu in studijs nostris lectiones habebunt, à seruitio Chori, & alijs communibus exercitijs immunes erunt, & cum honore à Prælati, & alijs omnibus tractari debebunt. Qui per sex annos in studijs nostris per Abbatem Generalem, & Diffinitores designatis, aliquam facultatem, vel plures earum

legerit, siuè cursu continuato, siuè etiam non continuato, dummodo per sex integros annos professus fuerit, & ad id per Abbatem Generalem, & alios, ad quos spectabit, deputatus fuerit, lectura sex annorum erit illi pro Vicariatu trium annorū; si tamen alia requisita habuerit, & impedimenta cessauerint, de quibus dictum est in Capitulo de Vicarijs.

Quicumque ex nostris Canonicis in locis studiorum sic, vt præmissum est, designatis, vel in posterum designandis, per quindecim integros annos logicam facultatem, aut Philosophiam, aut Sacram Theologiam, aut omnes huiusmodi facultates, aut plures illarum successiue, professus fuerit, & in suo munere laudabiliter se gesserit, & ad munus legendi per Abbatem Generalem, & alios, ad quos spectabit iuxta formam nostrarum Constitutionum, fuerit deputatus, in proxima Dieta, vel Capitulo Generali, postquam integrū cursum eiusmodi Lecture quindecim annorum expleuerit, eligatur in Prælatū titulare ab ijs, ad quos spectabit. Sic verò electus omnibus priuilegijs, & præeminentijs verorū Prælatorum nostræ Congregationis gaudebit; vestietur sicut vestiuntur cæteri Prælati ex cōmunibus pecunij, Monasterij; deputabitur illi vnus Conuersus, qui in suis necessitatibus, & oportunitatibus illi intersuiat, vocem actiuam, & passiuā in omnibus Capitulis Generalibus, & in omnibus actionibus habebit, quā regulariter habent cæteri omnes veri Prælati nostræ Cōgregationis; & ad omnia munera, gradus,

dus, & officia, ad quæ cæteri Prælati nostræ Congregationis sunt eligibiles, similiter eligi poterit, tanquam si actualem administrationem exercuisset, quo priuilegio, & prælatura minimè priuari poterit, nisi ob graue delictum, propter quod aliquis à prælatura deponi mereretur. Et ne illi, qui hæctenus in nostris studijs facultates legerunt, fructu laborum suorum priuentur, statuimus, vt hi, qui antea in nostris publicis studijs de mādaro Abbatum Generalium ordinarias lectiones habuerunt, & dictum cursum quindecim annorum expleuerunt, eodem priuilegio statim gaudere possint. Si autem ipsum cursum nondum expleuerunt, dummodo in studijs designatis, vel designandis easdem facultates vsque ad expletum integrum cursum quindecim annorum profecti fuerint, eodem priuilegio similiter gaudere valebunt; cessantibus tamen alijs priuilegijs, quæ illis hoc intuitu aliàs concessa fuissent. Eiusmodi verò priuilegio nullus in posterum decorari poterit, nisi ob similia, & alia publica seruitia toti Congregationi præstita, ne præmia virtutum personis minus dignis, & sine meritis conferantur.

Et quia hæc omnia idè Lectoribus conceduntur, vt maior illorū copia in Congregatione habeatur, precipimus, vt personę ad legendum habiles, cū per Abbatem Generalem, & Reformatores studiorum ad legendum requisitæ fuerint, cessante vero, & legitimo impedimento munus legendi assumant; aliòquin omni, & quocunque priuilegio, etiamque prædicandi officio priuati existant, & alijs grauioribus

bus pœnis ad arbitrium Abbatis Generalis puniantur. Non poterunt etiam Lectores extra tempora vacationum à proprijs studijs abesse, nisi ex aliqua grauiſſima causa, & ad breue tempus, nec etiam tempore Aduentus, & Quadragesimæ, prædicare, ne studia Lectoribus destituta cum graui detrimento, remanere contingat.

De Prædicatoribus. Caput XIV.

Quia maximè interest, munus prædicationis à personis idoneis, & probatæ vitæ, ac doctrinæ exerceri, statuimus, vt nullus ex nostris Canonicis publicè conciones ad populos in pulpitis habeat, nisi per Diffinitorium in Capitulo Generali, vel in Dieta de consensu Capituli Generalis, fuerit pro idoneo ad hoc munus probatus, & electus, sine qua probatione, & electione nec etiam Abbas Generalis, nec Visitatores licentiam prædicandi alicui concedere poterunt; & qui non probatus, & electus, & sine licentia in scriptis obtenta publicè prædicare ausus fuerit, voce actiua, & passiuâ per tres annos, & ipse prædicandi in perpetuum careat.

Nullus in prædicatorem eligi possit, nisi Sacerdos, qui absoluto cursu Theologiæ, & factis tentatiuis per recitationem thematum sibi propositorum, & propositis ad disputandum publicè aliquibus conclusionibus, à Reformatoribus studiorum fuerit à studijs licentiatus, & tanquam idoneus ad hoc munus

nus obeundum approbatus, & qui suæ approbationis literas testimoniales manu eorūdem Reformatorum, & illorum iuramento firmatas obtinuerit, & Diffinitorio præsentauerit, & insuper alias literas testimoniales proprii Prælati circa illius vitam, & mores, eiusdem Prælati manu, & iuramento firmatas similiter obtinuerit, & Diffinitorio præsentauerit. Qui verò sine huiusmodi literis testimonialibus tam circa doctrinam, quàm circa vitam, & mores in prædicatorem electus fuerit, non censeatur verè electus, & electio ad nullum effectum illi suffragetur.

Electio Prædicatorum in hunc modum fieri debet. Exhibitis Diffinitorio, veris, & legitimis attestationibus de sufficientia doctrinæ, & probitate vitæ eligendorum, & per Scribam, seu publicum Notarium Congregationis diligenter visis, & consideratis, Diffinitores singulos eligant per vota secreta iuxta formam electionis canonice in tertia parte tradendam, Abbate Generali singulos proponente, & singulis Diffinitoribus propria vota ferentibus per fabas, seu calculos nigros, & albos. Sic verò per Diffinitores electi toti Capitulo Generali proponendi erunt, & si Capitulo videbitur, pro verè electis habebuntur, sufficietque consensus ab ipso Capitulo viua voce præstitus sine scrutinio secreto. Prædicatores tamen sic in Capitulo Generali electi, prædicare non poterant absque speciali licentia Abbatis Generalis, aut Visitatorum tempore visitationum in scriptis obtinenda, nec non etiam proprii

prij Prælati , cui subiecti erunt .

Prædicatores sic electi, non permittentur publicè prædicare in aliqua Ciuitate , vel Diœcesi , nisi ab Ordinarijs locorum, in quibus prædicabunt, vel in quibus erunt de familia , ad confessiones personarum secularium audiendas admissi, vt maior copia Confessariorum in nostris Ecclesijs habeatur .

Vt etiam ipsis Prædicatoribus occasiones vagandi amputentur, nullus ad quemcunque locum ultra tres dietas à loco propriæ residentiæ distantem, causa prædicandi proficisci possit , exceptis Prædicatoribus insignioribus , quos si ad loca distantia causa prædicandi ire oportuerit, licentiam specialem ab Abbate Generali , aut Visitatoribus tempore visitationum super hoc obtinere debebunt . Cauebunt insuper locorum Prælati ne à proprijs Monasterijs , tot Prædicatores discedere permittant , vt propter illorum absentiam Ecclesiæ destituantur, præsertim in Quadragesima ; quas si per absentiam Prædicatorum solitis seruitijs Missarum , vel Diuinorum Officiorum destitui contingat , ipsi Prælati acriter corripiantur , nullus etiam in aliqua Ciuitate , aut Oppido , aut Diœcesi audeat prædicare sine licentia Prælatorum existentium in huiusmodi Ciuitate, aut Oppido, aut Diœcesi .

Prædicatores electi in Prælatos nullo modo per Villas , & pagos prædicare permittantur tempore Aduentus, & Quadragesimæ; neque etiam in Ciuitatibus, vel Oppidis, extra quæ illorum Monasteria erunt, ne prætextu prædicationis, absint à proprijs Mona-

Monasterijs, in quibus de iure diuino debent residere. Si ob publicam utilitatem Fidelium videbitur Abbati Generali, aut Visitatoribus tempore visitationum super hoc, cum aliquo dispensandum, id non fiat, nisi causa diligenter inspecta, & ex occasione prædicandi in Ecclesijs Ciuitatū insignibus, & cum hac conditione, vt propter illius absentiam Monasterium, cui præerit, nullum detrimentum in spiritualibus, vel temporalibus patiatur.

Canonici nostri non permittantur in Quadragesima alicubi prædicare, nisi eis conueniēter prouisum fuerit de domo, in qua toto tempore Quadragesimæ commorentur, ac etiam de expensis, ne victum ostiatim mendicare cogantur, & si de huiusmodi domo, & expensis illis conuenienter prouisum non fuerit, ad propria Monasteria redeant. Non etiam faciant collectas eleemolynarum, quæ in nonnullis locis pro Prædicatoribus fieri consueuerunt per se ipsos immediatè, siuè in Quadragesima, siuè postea quocunque tempore, ne dignitas habitus nostri vilescat, sub pœna priuationis officij prædicationis per tres annos ipso facto incurrenda. Habeant etiam nostri Prædicatores, si fieri poterit, cum actu prædicabunt, socium nostri Ordinis, vel Canonicū, vel Conuersum, & hoc saltē a Prædicatoribus, qui in Ciuitatibus prædicabunt seruari prorsus debet. In ipsos autem socios tempore prædicationis, Prædicatores eam auctoritatem habebūt, quam in subditos habent proprii illorum Prælati.

Et quia magis exemplo, quàm verbo prædicare

debemus , si quis ex nostris talis, quod absit, esse dignoscatur, qui verbo, vel facto populis scandalo esse possit, nullo pacto licentia prædicandi illi concedatur, & si in tantum progressus fuerit malum , ut actualiter prædicando, vel eundo ad prædicationē, vel redeundo scandalum admiserit, officio prædicandi perpetuò priuatus existat, neque possit cum illo nisi per Generale Capitulum dispensari . Prædicatores non ante à proprijs Monasterijs discedant quam ut commodè ad loca , in quibus prædicare debebunt accedere possint , peracta verò prædicatione ad propria Monasteria statim reuertantur sub pœna contrasacientibus priuationis officij prædicationis per biennium , si qui tardiores ad propria Monasteria redierint, illorum Prælati de huiusmodi tarditate Abbatem Generalem , aut Visitatores certiores facere teneantur .

Ut autem Prædicatores , qui laudabiliter in suo munere se gerēt, officio prædicationis liberius possint vacare , cum in officio prædicandi actualiter erunt occupati, à seruitio Chori, & Ecclesiæ, à communi refectiōe, & alijs omnibus communibus officijs, & exercitijs absoluti erunt . Cùm autem quibusdam tantum diebus prædicabunt, ijs diebus , & nocte sequente, ac etiam antecedēte à seruitio Chori, & communi refectiōe absoluti erunt ; cæteris diebus horis matutinis, & vespertinis, & Missæ conuentuali , & communi refectiōi interesse , & suis vicibus hebdomadariam facere debebunt, & legere in mensa, cessante legitimo impedimento . Ab alijs
verò

verò communibus exercitijs exempti erunt.

Qui per quindecim integras Quadragesimas conciones habuerint in Ciuitatibus, in Ecclesijs insignioribus, & laudabiliter se gesserint, iuxta antiquam Constitutionem primum locum habeant super omnes Canonicos nostræ Congregationis, exceptis Prælati, & eorum Vicarijs, & amplioribus priuilegijs per Capitulum Generale decorentur, prout illorum virtutis, & laudabilis vitæ merita postulare videbuntur.

De mittendis ad Sacros Ordines.

Caput XV.

Clerici nostræ Congregationis ubi professionem emiserint, per proprium Prælatum si fuerit Abbas, vel alius habens vsum Pontificalium Clericali tonsura initiari debebunt, cum simus per essentiam Clerici, & iuxta sententiam Pij Quarti cum primam professionem emittimus Clericali dignitate insignitos nos esse oporteat. Exinde quatuor ordines minores, vel ab eodem Abbate, vel ab alio vsum pontificalium habente suscipere poterunt Sacerdotibus tamen proprii Monasterii saltè pro maiori parte assentientibus.

Circa mittendos ad Sacros Ordines primò seruetur Decretum Sacre Congregationis Concilii Tridentini interpretatum, ad Subdiaconatus autem Ordinem nullus mittatur nisi per quatuor annos ex-

c. Clem.
VIII.
Refor.
§. 37.

pletos in nostra Congregatione professus, & de licentia expressa Abbatis Generalis, aut Visitatorum tempore visitationum concedenda; qui eam concedere non possint, nisi is, qui ad Ordines promoueri voluerit, ab Examinatoribus deputatis prius fuerit idoneus repertus, & suæ idoneitatis literas testimoniales illorum manu, & iuramento firmatas obtinuerit, & eisdem Abbati Generali, aut Visitatoribus præsentauerit.

Nullus ad Sacros Ordines suscipiendos mitti possit, nisi de licentia Sacerdotum Capituli proprii Monasterij, saltèm maiori parte eorundem Sacerdotum consentiente: Qui sine prædictis requisitis Sacrum Ordinem susceperit ab illius exercitio sit ipso facto suspensus, prout de iure, & grauioribus pœnis puniatur. Ad Sacerdotium nullus accedere permittatur, qui ultra prædicta requisita per octo integros annos in nostra Congregatione non steterit. Poterit tamen Abbas Generalis in aliquibus casibus ex causa rationabili super hoc dispensare.

De admittendis ad exercendam curam animarum. Caput XVI.

AD exercendam curam animarum personarum secularium in Ecclesijs nostræ Congregationi vnitis, ac subiectis nullus ex nostris constituatur, nisi prius ab Examinatoribus deputatis

putatis prævio examine idoneus repertus ab Abbate Generale, aut Visitatoribus tempore visitationū specialem licentiam ad hoc obtinuerit, & similiter ab Ordinario loci examinatus, vel alio modo approbatus fuerit, cui Ordinario in ijs tantum, quæ ad curam animarum exercendam spectabunt, subijci debet. Si casus contingat, ob quem sit necesse aliquem ex nostris curæ animarum exercende in aliquo loco statim assignare, nec possit super hoc licentia Abbatis Generalis, vel Visitatorum expectari, Prælatus Monasterij, cui hoc incumbet, de Sacerdote idoneo providebit, & loci ordinario approbandum proponet, & sic approbatum ipsi curæ exercendæ statim deputabit; postea tamen de eare Abbatem Generalem, vel Visitatores certiores facere debet.

Qui causâ exercendi curam animarū extra claustra manebunt, habeant socium nostri Ordinis, si commodè fieri possit, & si redditus beneficiorum ad utrūque alendum sufficiant, iuxta dispositionem Capituli, Quod Dei timorē. Et in omnibus Regulâ, & Cōstitutiones Ordinis obseruent. Abstineât prorsus ab omni illicita negotiatione, & conuersatione, habitum professionis nunquam temerè aut dimittant, aut ita occultent, quin faciliè cuius sint instituti valeant agnosci. Si pedestres incedent, tunicam albâ saltē usque ad mediâ tibiâ longam semper deferat neque vestibus alterius coloris, aut formæ, aut materiæ utantur, quàm permissis per Ordinis Cōstitutiones, ut dictum est in prima parte in Capitulo de habitu

cap. Q
Dei ti
rem, de
tu Moi

bitu Canonorum . Ad curam animarum in locis forensibus exercendam non nisi personæ probatæ vitæ deputentur, & si contingat per ignorantiam aliter fieri, quia fortasse Prælati eorum vitam non satis exploratam habuerunt, statim à locis remoueantur .

Curent etiam diligenter Prælati, habere copiam Sacerdotum, qui in suis Ecclesiis ad audiendas confessiones secularium deputari possint; neque ipsas Ecclesias eiusmodi confessarijs destitui patiantur. Qui confessionibus secularium audiendis erunt assignandi, ætate graues, & eruditi in ijs præsertim, quæ spectant ad casus conscientiæ, & probati non solum ab examinadoribus nostræ Congregationis, sed etiam ab ordinarijs locorum esse debebunt .

Dec. Clem.
P. VIII.
a Refor.
eg. 37.

Expositi ad audiendas confessiones personarum secularium habeant tabellam casuum reseruatorum ab ordinarijs locorum, & Bullam in Cœna Domini publicari solitam, vt sciant quid soluere possint, & quid non possint.

De Confessarijs sanctimonialium.

Caput XVII.

Quia regimen Sanctimonialium difficillimum est, & magnam tum prudentiam tum scientiam requirit, præcipimus iuxta antiquam Ordinis Constitutionem, vt nullus sine licentiâ Capituli Generalis audeat curam Sanctimonialia-

monialium cuiuscunque Ordinis à quocunque sibi oblatam, acceptare siuè subditus, siuè etiam Prælatus. Monialium verò nostræ Congregationis regi-
mini subiectarum confessiones nullus possit audire, nisi à toto Diffinitorio in Capitulo Generali, vel Dieta ad hoc specialiter electus, & deputatus. Nullus possit eligi in Confessarium Monialium, qui annum ætatis quadragesimum non attigerit, & ab examinatore deputatis per præuiū examen idoneus repertus, literas testimoniales suæ idoneitatis eorundem subscriptione, & iuramento firmatas nō habuerit, & Patribus Diffinitoribus præsentauerit; & non fuerit in his, quæ ad regimen Monialium spectant, præsertim in Decretis Pontificijs ad hoc spectantibus optimè instructus.

Dec. Clem.
PP. VIII.
de Refor.
Reg 37.

Deputandi in Confessores extraordinarios Monialium sint etiam ipsi, ætate graues, & periti, ac probatæ vitæ, & præuio examine, vt præmittitur idonei reperti. Neque huiusmodi Confessarios extraordinarios nisi temporibus à Sacro Cōcilio Tridentino statutis Prælati locorum valeant alicui Monasterio Monialium deputare.

sess. 25. de
Reg. c. 10.

Electi in Confessarios Monialium ordinarios nō possint tempore Aduentus, & Quadragesimæ extra illarum Ecclesias prædicare; neque in eodem loco ultra triennium confirmari.

De Sacristis . Caput XVIII.

IN singulis locis, vbi commodum fuerit, præficiatur Sacristiæ aliquis Canonicus Sacerdos, vel saltèm in Sacris constitutus, eique ad corporalia, & laboriosa exercitia, si opus sit, aliquis Conuersus in coadiutorem deputetur, qui in ijs, quæ ad seruitium Ecclesiæ, & Sacristiæ spectabunt illi subsit, & pareat. Qui verò Sacristiæ præficietur, talem se ipsum studeat in omnibus exhibere, vt dignus iudicetur, cui cura domus Dei sit demandata. Curet quantum poterit, vt Ecclesia, & Sacristia, & omnis earum supellex decenter, & mundissimè seruetur. Singulis sabbathis in propria tabella adnotabit, quemadmodum in hebdomada sequenti qualibet die, & quo ordine, Missæ sint dicendæ. Det operam, vt in Ecclesijs, in quibus erit frequens populi concursus, & copiosus numerus Sacerdotum, nunquam non dicantur Missæ; quod vt commodè fiat, nunquam plures Missæ simul inchoare permittet; sed suis spatijs altera post alteram incipiat.

Tabellam in Sacristia permanentem habeat cū Catalogo distincto singulorum Officiorum, & Missarum pro viuis, & defunctis, ad quæ dicenda singulis diebus obligamur; curetque vt tam Officia, quàm Missæ statutis diebus dicantur.

Teneat etiam in Sacristia aliam tabellam, in qua adnotatum sit, quibus temporibus per anni circulum Canonici ad diuina Officia dicenda in Chorū

voca-

vocari debebunt, eosque statutis horis signo dato cum Campana, semper aduocari sataget. Det operam, vt Sanctissimum Eucharistiæ Sacramentum in propria custodia decentissimè seruetur, & ante illud lampas olei purissimi semper ardeat, & saltèm quolibet die quintodecimo renouetur, & tabernaculum clauis obseratum maneat. Oleum etiam Infirmorum annis singulis renouari procuret, ac decenter seruari, quod munus, vbi aderunt Parochi, ad ipsos etiã spectare debebit. Sanctorũ quoque reliquias, quæ mobiles erunt, in tabernaculis, & vasculis ad id deputatis honorificètissimè custodiendas curabit, quæ si aliquãdo gratia deuotionis ostendètur, sèper duo cerei ad min⁹ ante illas accèdi debebũt.

Altarium, & Sacerdotum ornamenta, & Sacras vestes, habita temporum, & festorum ratione mutari faciet, iuxta ritum Romanæ Ecclesiæ. Pannos lineos semper mundos seruabit: vestes quoque sacras, & libros vetustate consumptos, si resarciri poterũt, statim resarcienda curabit; sin autem, Prælato id renuntiabit, vt noua emanent, maximè quæ quotidianis vsibus solent deferuire.

Externos Sacerdotes ad Sacram faciendum non sine delectu admittet, nisi prius sciat, an legitimam licentiam celebrandi à suis Superioribus habeãt, ac etiam tonsuram clericalem decenter aptatã. Neque illos in nostris Ecclesijs sacrũ facere permittet, quos dubium sit, an in Missa dicenda adificationi populi sint futuri, an potiùs scandalo, vtpotè si benè legere, vel cæremonias ecclesiasticas ignorent. Mis-

T

fas,

fas, quæ singulis diebus dicentur, & à quibus, & pro quibus, & quot quolibet die dici contingeret, in libro ad hoc specialiter præparato adnotabit.

Habebit etiam librum, in quo distinctè per singulos dies scribet eleemosynas, quas, vel pro Missis celebrandis, vel pro vsibus Ecclesiæ, vel alio quocunque titulo percipiet, adnotatis etiam Missis, vel Officijs, pro quibus dicendis ipsæ eleemosynæ dabuntur, quæ statim dicenda curabit, & cum dicta fuerint facto aliquo signo in eodem libro, aut in alio distincto similiter adnotabit. Omnes quoque expensas, quas pro vsibus Ecclesiæ, vel Sacristiæ per eum fieri contingeret, in libro distinctè, ac fideliter describet, & tam de eleemosynis perceptis, quàm de expensis, ut præmittitur, factis, quas fideliter, integrè, & distinctè in libris adnotare debebit, sub pœnis impositis aliis ministris fideliter non scribentibus introitus, & expensas Monasteriorum, proprio Prælato rationem reddere debebit.

Duo etiam distincta Inuentaria habebit, alterum rerum pretiosarum Ecclesiæ, & Sacristiæ, cuiusmodi sunt Cruces, Candelabra, Calices, Eucharistiæ Custodia, Pixides, Lápades, Paropsides, Vrcei, Pellunia, Ampullæ, Thecæ reliquiarum Sanctarum aureæ, vel argenteæ, & alia id genus; alterum vniuersæ suppellectilis quotidianis vsibus deseruientis, cuiusmodi sunt pallæ, seu pallij altarium, pluuialia, planetæ, mappæ, & similia, quorum Inuentariorum copias in manibus Prælati relinquet, & cum dictis Inuentarijs omnem suppellectilem Ecclesiæ, & Sacristiæ custodien-

studiendam accipiet, & acceptam resignabit. Et si quid de nouo pro vsibus Ecclesiæ, vel Sacristiæ fieri contingeret, in eisdem Inuentarijs adnotandum curabit. Demum ad eius officium spectabit, vt quolibet sero in Dormitorio lampas accendatur, & non solum Ecclesia, sed etiam Sacristia, & Capitulum quoties opus fuerit, euerrantur curare, necnon vasa, & calculos ad secreta scrutinia in Capitulis facienda præparare, & seruare.

De Bibliothecarijs.

Caput XIX.

Bibliothecæ, quæ in quouis Monasterio existunt, diligenti custodia seruentur, & quantum fieri poterit per Prælatos Monasteriorum reparentur, & præsertim in locis studiorum. In quibus autem locis Bibliothecæ, extructæ non sunt, saltem aliquis locus idoneus pro custodia librorum deputeretur, vbi omnes libri sub diligenti custodia seruentur. Cum aliquem ex nostris Canonicis ex hac vita decedere contingeret, omnes libri, qui erant illius vsibus concessi, statim in Bibliotheca eius loci, in quo erit de familia, reponantur, & in Inuentario cum cæteris libris eiusdem Bibliothecæ notentur, nec possint Prælati, aut quiuis alij huiusmodi libros vendere, aut donare, aut alio modo distrahere, vel alienare: secus facientes furti iudicio, & pœnis condemnentur. Si tamen multi adessent eiusdem

generis libri, poterūt, & debebūt in alios alterius generis, qui in Bibliotheca non reperiūtur, cōmutare. In quolibet Monasterio præficiatur Bibliothecæ vnus Canonicus, eiq; omnes libri per Inuentarium custodiendi tribuantur. Eius officium erit omnes libros in Bibliotheca sic disponere, vt suus cuique facultati sit locus proprio titulo inscriptus, necnon Bibliothecā clausam tenere, nec permittere, aliquē sine licētia Prælati libros ex ipsa Bibliotheca asportare. Et si concedatur alicui licentia librum aliquē auferendi ex ipsa Bibliotheca, eum, qui auferet propria manu in libro ad id præparato scribere faciet, quod talis, tali die, talem, aut talē librum ex Bibliotheca abstrahit, quem librum cum ipsi Bibliothecæ reddiderit, ex eodem libro delebit.

Habebit etiam Indicem omnium librorum, qui in Bibliotheca seruantur, necnon Indicem librorum prohibitorum, vt scire possit, an in Bibliotheca sit aliquis liber vel prohibitus, vel suspensus, vel talis, cuius vsus communis esse non possit. Curabit denique, vt Bibliotheca munda sit, & pulvis sæpius ex libris excutiat, & ne humiditate, vel alio pacto lædantur.

Prælati locorum studiorū in Bibliothecis suorum Monasteriorum quam maximam poterunt librorū copiam, qui nostris studentibus vsui sit, asseruandā curabunt. Nullus verò siuē subditus, siuē Prælatus libros vnius Monasterij ad aliud transferat, aut vendat, aut alio quouis modo distrahat, qui contrafecerit furti iudicio condemnatur.

De Infirmarijs . Caput XX.

IN omnibus Monasterijs; in quibus familiæ copioſæ erunt, præficiatur Infirmis curandis aliquis Sacerdos discretus, & patiēs, qui cum humilitate, & charitate Infirmorum ſolicitudinem gerat, & curam cui ab ipſo Præſato deputentur coadiutores Conuerſi, vel oblati, prout ægrotantium numerus poſtulabit.

Qui Infirmariæ præficietur in primis ſtudebit, ut ea omnia, quæ circa curam ægrotantium habendam in prima parte ſtatuta ſunt, ad vnguem ſeruentur. Cùm quis in morbum inciderit, ipſe ad Medicum mittat, & Medico ægrotum viſitanti adſit; ut intelligat, quæ ab ipſo præſcribentur, & caueat ne aliquid illorum aut prætermittatur, aut mutetur, aut extra tempora ſtatuta ægrotis detur.

Curet etiam, ut quæ ægrotantibus danda erunt, & bona ſint, & benè præparata miniſtrentur; ut ægrotantium cubicula ſint munda, & ne quid deſit, quod ad illos exhilarandos, & iuuandos conferat: Patienter ferat moleſtias, & difficultates, quas interdum in curandis infirmis ſuſtinere oportet, recogitās apud ſe, quod cura Infirmorum inter præcipua miſericordiæ opera cõnumeretur, cui ſi ex charitate exerceatur. ſtat præparata merces, de qua ſcriptum eſt, Venite benediſti Patris mei, poſſidete paratum vobis regnum à conſtitutione mundi, quia infirmus fui, & viſitaſtis me. Omnia verò circa curam infirmorum cum conſilio

Matt. 25.

filio Prælati, & Medici ægrotos visitantis disponantur.

De Oeconomis Monasteriorum.

Caput XXI.

Quia Oeconomis Monasteriorum non solum administrandorum bonorum temporalium, sed etiam seruandæ, & augendæ apud personas seculares exultationis Monasteriorum, & totius Cõgregationis onus potissimum incumbit, ad eiusmodi officia, non nisi personæ valde prudentes, fideles, probatæ vitæ, & Deum timentes eligi debebunt, quare electio Oeconomorum singulorum Monasteriorum nostræ Congregationis non ad locorum Prælatos pro eorum libito spectabit, sed ad totum Diffinitorium in Capitulo Generali, aut in qualibet Dieta, & illi quibuscunque Monasterijs in Oeconomos, erunt deputandi, quos Patres Diffinitores eisdem Monasterijs magis viderint expedire, attenta tamen in omnibus debita reuerentia, & obedientia, quam Oeconomi proprijs Prælati exhibere debebunt.

Nullus eligi possit in Oeconomum alicuius Monasterij, qui saltẽ trigessimũ ætatis annum non expleuerit, & in nostra Congregatione non vixerit saltẽ per nouem annos integros professus, sub pœna Prælati, qui contra hanc Constitutionem aliquẽ ad hoc officium constituerint, vacationis à Prælatu-

ris

ris per annum, & Canonicis qui contra eandē Constitutionem fuerint in eiusmodi officijs intrusi priuationis officiorum, & vocis actiuz, & passiuaz per annum.

Ad officium Oeconomi spectabit, introitus, seu prouentus Monasteriorum fideliter seruare: & administrare Prælato, Canonicis, & toti familiæ victum, vestitum, & alia necessaria iuxta patris arbitrium, & Ordinis Constitutiones diligenter prouidere, & ministrare, in quibus ministrandis iuxta Regulam charitatis ita benignus, patiens, humilis, & liberalis esse debebit; vt in primis nihil necessarium alicui denegetur, & cum aliquid ex rebus minimè necessarijs negandum erit, absque omni prorsus superbia id fiat, cum mansuetudine, & religiosa modestia. Ad eundem oconomum pertinebit redditus, & fructus, seu bona quzlibet Monasterij annuatim colligere, vbi procurator ad hæc specialiter deputatus ab œconomo distinctus non erit; Collecta seruare, & vendenda debito tempore vendere, & emenda emere: mercedes quoque stipendiarijs soluere, & omnium tam exactorum, quam exigendorum reddituum, & expensarum exactam, & distinctam rationem tenere. Quapropter tres libros distinctos conficere debebit manu Prælati in principio anni per singula folia signatos, qui in factoria perpetuò maneant, ita vt Prælatus quotiescunque voluerit, illos videre, & examinare possit, quam ob causam ipse Prælatus alteram clauem factoriæ habere debebit. Horum librorum in primis ipse

Dec. Clem
pp. VIII
de Refor-
Reg. 12.

ipse Oeconomus per singulos dies distinctè notabit omnes, & singulos redditus, seu prouentus, quos de die in diem percipiet, & similiter expensas, quas singulis diebus faciet . Qui liber apud nos Squarciafolium, rectius, Diurnale vocari debebit . In altero libro similiter omnes introitus Monasterij, & expensas ex primo libro extracta sub proprijs distinctis titulis adnotabit , qui liber apud nos Diurnale, rectius, liber Magistralis reddituum , & expensarum Monasterij vocabitur . In tertio autem libro singula credita , & debita Monasterij notabuntur ; cum singulis circumstantijs personarum, temporis, cause, & quantitatis ipsorum creditorum , & debitorum , qui propterea liber creditorum , & debitorum vocandus erit ,

Porro in eisdem libris omnes , & singulos redditus, & prouentus sui Monasterij, loci, & officij, & similiter omnes, & singulos exitus, & expensas distinctè, & sub proprijs titulis integrè, fideliter, & veraciter nec plus, nec minus adnotabit, & hoc sub pœnis contentis in Decreto super hoc facto à Reu. DD. Conrado Tartarino Episcopo Forol. Auth. Apost. Præsid. in Cap. Gen. celebrato Rauennæ anno Domini 1600. tenoris sequentis .

Quilibet Prælati, et administrator , tam vrbani, quàm forensis debeat veraciter, et fideliter scribere, et adnotare redditus , et prouentus sui Monasterijs loci, et Officij, et pariter exitus, et expensas , nec plus, nec minus, quàm veritas postulet, sub pœna excommunicationis, cuius absolutionem ipsimet

Re-

ec. Reue-
ndiss. E-
sc. Contr.
art. Præf.
post. ann.
100.

Reuerendissimo Generali referuemus ; necnon contraueniētes voce actiua, & passiua, & officio priuati existant ipso facto : Et si Conuersi, vel Oblati fuerint, ultra excommunicationem, & priuationem officij, carcere plectantur. Magistri computorum, & eorū Reuiflores si in reuisione repererint dictos Prælatos, & Administratores fideliter non adnotasse redditus & prouentus, exitus & expensas, teneantur, & obligati sint sub iisdem pœnis eisdem inuiolabiliter infligendis id notificare Commissario, seu Visitatori eiusdem Prouinciæ, & sub eisdem pœnis teneantur Computistæ Monasteriorum, & Locorū facere, & calculare, & superfluas expensas, ac contra has Constitutiones, seu Decreta aliàs emanata, & facta, adnotare, & eas denunciare Commissario, seu Visitatori Prouinciali, vt supra .

Oeconomi nihil largiantur, vendant, emant, neque pecunias mutuo dent, vel accipiant, neque aliquid agāt sine consilio, & licentia suorum Prælatorum, quibus in omnibus reuerentiam, & obedientiam præstare debebunt . Cæteri verò ministri, qui cellæ vinarie, coquinæ, piltrino, vestiario, & alijs officinis deputabuntur, ipsis Oeconomis obedire, & rationem reddere debebunt. Ipsi autem Oeconomi saltē semel in mense coram proprijs Prælati, & duobus Canoniceis cuiuslibet Monasterij senioribus, & rerum vsu peritiōribus ad computa Monasteriorum specialiter examināda deputatis, & electis, suæ administrationis, tā quoad redditus perceptos, quā quoad expensas factas reddere teneantur ; Prælati ve-

rò quolibet mēse, rationem huiusmodi administrationis coram dictorum computorum examinatoribus, & reuisoribus sibi ab Oeconomis reddi facere, sub pœna faciendi disciplinam in Refectorio tempore visitationum.

De Oeconomis forensibus.

Caput XXII.

Administratores bonorum Monasteriorum extra Claustra in villis degētes, libros diurnales, & Magistrales ipsi quoque conficere teneantur, in quibus omnes, & singulos redditus, & prouentus, necnon etiam exitus, & expensas suæ ipsorum administrationis veraciter, distinctè, & fideliter scribere debebunt, & omnia sub proprijs titulis, sub pœnis impositis ministris veraciter, & fideliter non scribentibus redditus, & expensas propriæ illorum administrationis, de quibus dictum est in Capitulo præcedenti. Eiusmodi autem libros in fine cuiuslibet anni proprijs Prælati deferent, ab illis, & computorum Reuisoribus examinandos, & subscribendos, & sapius etiam id facient, si Prælati ita videbitur expedire, qui libri postea in sacristia Monasterij seruari debebunt.

Ipsi autem Administratores extra Claustra degentes Regulam, & Ordinis Constitutiones, præsertim quoad habitum, & cōuersationem omninò seruent, semper tunicam albam saltē usque ad mediā tibiam

ribiam longam deferant, &, si fieri possit, cum socio proprij Ordinis maneant; Ancillas verò nullo pacto domi teneant, sed famulis secularibus utantur. Illicitas Clerici negotiationes penitus nō exerceant, & nihil omnino nomine proprio, sed tantū suorum Monasteriorum pertractabunt; non Societates cum Laicis contrahēt, siuē de animalibus, siuē de alijs rebus; non fient Procuratores personarum secularium, neque illarum ministri, neque illarum prædia, aut etiam Regularium alterius Ordinis proprio nomine conducent; non vacabunt venationibus, nec arma deferent; non ludent cum personis secularibus, neque spectatores ludorum præsertim illicitorum erunt; sub pœnis per Sacros Canones, & Ordinis Constitutiones trāsgressoribus inflictis. Demū ab omni illicita conuersatione ita abstinebunt, ut populis non solū scandalo non sint; sed illos potius valeant ædificare. Qui tales non erunt, statim ab administratione remoueantur, & Prælati circa hoc maximè inuigilare teneantur.

De Ratiocinatoribus, siuē Reuiforibus computorum.

Caput XXIII.

IN quolibet Monasterio per Diffinitorium duo saltem ex nostris Canonicis probatæ vitæ, rerū vsu periti, & in computis faciendis experti deputari debebūt, ad computa ipsius Monasterij examinan-

Dec Clem.
PP. VIII.
de Reformatione.
Reg. 13.

minanda. Hi saltē quolibet mense coram Prælato, & Oeconomo libros rationum, & computorum, & singulos introitus, & etiam expensas factas diligenter examinabunt; & omnes alij bonorum temporalium Administratores coram Prælato, et ipsis ratiocinatoribus propriæ administrationis rationē reddere, et libros propriæ administrationis ipsis examinandos exhibere debebunt. Ad ipsos ratiocinatores spectabit, non solum libros administratorū bonorum temporalium diligēter examinare, et obseruare, an omnes redditus, et expensæ ab illis factæ integrè, et veraciter sub proprijs titulis distinctis sint adnotatæ; sed etiam animaduerrere, an iidem administratores superfluos aliquos sumptus fecerint, vel per Ordinis Constitutiones interdictos; an pecunias mutuo acceperint, vel debita contraxerint; quæ si repererint, sciant se ad illa quamprimum Abbati Generali, aut Visitatoribus, siuè Commissarijs Prouinciæ notificanda obligari sub pœna priuationis, et inhabilitatis ad omnes gradus, dignitates, et officia obtinenda ad arbitrium Diffinitorij, et sub alijs pœnis contentis in Decreto Reu. DD. Episcopi Conradi Tartarini superius in Cap. 21. huius secundæ partis adnotato.

Ad ipsos etiam spectabit in fine cuiuslibet anni omnes libros administratorum bonorum temporalium videre, summas cōputorum, vulgò Capsas nūcupatas, examinare, et cum ipsis libris conferre, et si cum Diurnalibus, et libris magistralibus rationum cōcordare inuenerint, propria manu subscribere, vt

ad

Dec. Reu.
DD. Episc.
Conr. Tart.
Præf. Apof.
ann. 1602.

ad Dietam, vel Generale Capitulum transmitti possint; libros etiam computorum eorumdem administratorum si fideliter scriptos inuenerint, subscribere debebunt, qui in factoria, & alijs eorumdem administratorum officinis perpetuò manebunt. Inspicient etiam an in fine cuiuslibet anni deposita realiter à Prælatis facta fuerint in pecunia numerata & in debita quantitate boni pòderis, & valoris realiter in manibus Depositarij resignata, & relicta; ac etià omnia alia, quæ à Prælato in fine cuiusque anni erunt relinquenda, & in annū sequentē seruanda, ut sunt frumentum, vinum, oleum, sal, caseum, & similia diligenter inspicient; & animaduertent illarum mensuram, qualitatem, & quantitatem, an verè, & realiter à Prælato res eiusmodi in Monasterio relinquuntur in subsidium anni sequentis, an verò fictè, & solùm secundum apparentiam. Inquirent etiam an mercatores, apothecarij, ac cæteri, qui suas merces, vel operas Monasterijs vendere solent, & salaria percipere, in fine anni integra pretia, salaria, & mercedes suarum mercium, & operarum acceperint, de quibus omnibus, Patres Diffinitores tempore Generalis Capituli, vel Dietæ certiores facere debebunt.

Si videbitur Abbati Generali, aut Visitatoribus, vel Commissarijs Prouinciarum ita expedire, poterunt iidem ratiocinatores, vel aliquis illorum in aliquibus Monasterijs tempore messis, aut vindemiæ, ad villas exire, & informationes capere super veris quantitibus frumenti, vini, & aliorum bladorum, & fru-

& fructuum collectorum, etiam cum delatione iuramenti ipsis Administratoribus forensibus, & alia opportuna facere, & omnia in scriptis redigere, ut de vera, legitima, & integra quantitate reddituum Monasteriorum valeat constare.

De Monasteriorum Depositarijs, & depositis faciendis. Caput XXIV.

ec. Clem.
P. VIII.
: Refor.
cg. 12.

IN quolibet Monasterio erit vnus Depositarius, vel à Capitulo Monasterij electus, vel ab Abbate Generali deputatus, apud quem omnes pecuniæ Monasterij quocunque titulo in manuseius peruenientes, seruari debebunt in communi Capſa duabus ſeris, & clauibus diuerſis obſerata, quarum clauium alteram Prælatus loci, alteram Depositarius tenebit: Capſa verò in cubiculo ipſius Prælati ſemper manebit. Depositarius peculiarem librum habeat, in quo ſummam omnium pecuniarum, quas cuſtodiendas recipiet, adnotari curabit, ſcribendo quo die, & à quibus ipſas pecunias receperit, ut ſimiliter omnes pecunias, quas Oeconomus, aut cuiſlibet de mandato Prælati per ſingulos dies expendas tradet, eodem modo in eodem libro adnotari curabit. Non tamen depolita per quamcunque perſonam recipiet, niſi cum ſcientia, & licetia proprij Prælati, & ut fidelius omnes pecuniæ tam à Depositario receptæ, quàm ab illo cuius traditæ in dicto

dicto libro adnotentur, in altera pagina ipsius libri videlicet sinistra notabuntur pecuniæ, quas Depositarius per singulos dies recipiet, in altera verò pagina è regione à dextris opposita, notabuntur similiter omnes pecuniæ, quas Depositarius per singulos dies alijs expendendas tradet. Singuli verò tam deponentes ipsas pecunias, quàm recipientes prius quam illas deponant, scribant in eodem libro in suis locis propria manu eam quantitatem pecuniæ, quã deponent, vel recipient, adnotando etiam personã, & diem: ita vt liber ipse non manu Depositarij, sed deponentium, vel recipientium pecunias sit scriptus. Et si Deponentes, vel Recipientes pecunias sint Cõuersi, vel Oblati, qui scribere nesciant, alios pro se scribere faciant. Huiusmodi autem liber semper in Capsa cum ipsis pecunijs depositis seruari debebit.

Deposita quæcunque siuè annatarum, siuè quindenniorum, siuè ex bonis immobilibus venditis, siuè aliàs quouis modo facta Prælati: omnes antequàm è Monasterijs discedant, vel Prælaturis renuntient, realiter, & integraliter in pecunia numerata boni pòderis, & valoris apud Depositarios resignare, & illi s modo, & forma supradictis tradere teneantur, quæ Prælati subsequentes inueniant in aliquos vsus Monasterij minimè consumpta, & ea etiam, quæ ipsi Prælati ex redditibus propriæ administrationis similiter deponere debebunt, præter inuenta apud Depositarios, & hoc sub pœna vacationis à Prælaturis. Nullus Prælatus subsidia pecuniarum, vulgò sortæ Monasteriorum appellata, à suis Prædecessoribus

ribus relicta, possit in toto vel in parte alienare, consumere, vel diminuere, sed huiusmodi subsidia, & scortas teneatur Prælato, qui illi in regimine succedet, integra relinquere, vel consumpta reintegrare in pecunia boni ponderis, & valoris, vel saltem in rebus vendibilibus, vel creditis realibus, & exigibilibus, per ratiocinatores Monasterij recognitis, & probatis, sub pœna vacationis à Prælatura, & perpetuæ inhabilitatis ad omnes dignitates, officia, & gradus in Congregatione obtinenda.

Prælati omnes curent habere formam faciendi depositum quindenniorum pro rata quolibet anno illos tangente, & iuxta eandem formam ipsum depositum integrare, si diminutum fuerit; & ipsum depositum quindenniale, faciant in pecunia boni ponderis, & valoris sub pœna suspensionis à Prælaturis per annum; formam autem faciendi eiusmodi depositum in factoria in loco conspicuo affigant, et ibi semper maneat, ut facile videri possit.

Depositarij realiter deposita non resignantes, careant voce actiua, et passiva per annum, et grauius iuxta delicti qualitatem à Patribus Diffinitoribus puniantur.

De Procuratoribus Monasteriorum.

Caput XXV.

Procuratores tales esse debebunt, qui non solum iura Monasteriorum tueri possint, sed etiam

etiam omnes , cum quibus tractare oportebit verbo, & exemplo ædificare. Si procurator Monasterij ab Oeconomo distinctus erit, à loci Prælato, & Capitulo eligi poterit ; si verò propter paucitatem Canonicorum idem fuerit Oeconomus, & procurator in Capitulo Generali , vel Dieta per Diffinitorium eligi debebit . Eligendus in procuratorem saltem trigésimum ætatis annum ; & decimum in nostra Congregatione attigisse debebit , aliàs erit ineligibilis , sicut de Oeconomo supra dictum est .

Præcipuum officium Procuratoris erit, creditorum exigendorum, iurium, & bonorum immobilium Monasterij curam gerere ; agros, villas, prata, silvas, aquas, molendina, domos, & omnem Monasterij possessionem , & omnia iura distinctè scire , visitare, defendere, ac seruire ; Quæ omnia in proprijs libris distinctè adnotata habere debebit, cum proprijs circumstantijs, quantitatis, & qualitatis dictorum bonorum , & quo iure à Monasterio teneantur , & possideantur . Ad ipsum etiam spectabit scire conductores bonorum Monasterij, colonos, emphyteutas , censum , siue liuellum annuū soluentes, inquilinos, quinam sint, quæ bona Monasterij teneant, quo tempore , quo titulo , cuius quantitatis, & qualitatis , & quo tempore solutiones Monasterio fieri debebunt .

Et nè iura Monasterij, census , credita , locationes, & similia obliuioni tradantur, ea omnia vel in eodem libro, vel in duobus distinctis, altero censuū, & liuellorum, altero locationum clarè, distinctè, &

per ordinem adnotari curabit. Instrumenta verò originalia, nec non titulos, quibus constat de iure eorum, quæ à Monasterio possidentur, suis locis reposita in Archiuo monasterij diligenter seruanda curabit; quæ omnia in forma authentica publici Notarij manu subscripta, vel in libro particulari registrata, vel saltem distinctè in suis locis collocata seruari debebunt. Curabit etiam librum confici, in quo summa eorundem instrumentorum, & titulorum, & omnium scripturarum, quæ in Archiuo seruabuntur per ordinem Alphabeti, aut alium ordinem disposita, contineatur, vt faciliè ipsæ scripturæ, cum opus fuerit, valeant reperiri.

Si contractus magni momenti præsertim rerum perpetuarum fient, eorum authentica exempla statim conficienda, & ad publica Congregationis Archiua, sicut dicetur in Capitulo de publicis Archiuis, transmittenda curabit. Cum autem aliquas scripturas ex Archiuo monasterij accipiet, earum memoriam in libello in Archiuo semper manente, statim adnotabit, scripto die, mense, anno, & ijs, quibus ipsæ scripturæ tradentur, quas scripturas cū receperit, & suis in locis reposuerit, memoriam ex libro delebit.

Cauebit omninò, nè aliquid, quoad locationes, contractus, debita contrahenda, nouas lites inchoandas, & alia huiusmodi negotia faciat absque scientia, & voluntate Prælati, & etiam Capituli monasterij, si res tractanda id postulabit: nouas verò lites de rebus grauioribus, præsertim quæ publicum interesse

teresse Congregationis tangent, absque expressa scientia, & consensu Abbatis Generalis minimè inchoabit, nisi in re necessaria, in qua illius responsum nequeat expectari; de qua re nihilominus ipsū Abbatem Generalem postea certiozem facere debet.

Quando lites, & causæ terminadæ erunt, curabit, ut rectè, & solidè fiant expeditiones, & ut tales fiant, Iurisperitos super rebus agendis diligenter consultare debet. Nullius personæ extraneæ præsertim secularis procuracionem accipiet, nisi fortasse obpiam causam (quod Sacri Canones nobis permittunt, absque tamen alicuius mercedis interuentu) idque de consilio, & licentia Prælati fieri debet. Demum ipse Procurator omnes sui officij prouentus, & expensas in libro particulari fideliter, & distinctè adnotare debet, & coram Prælato, ac Reuisoribus computorum propriæ administrationis rationem reddere, sub pœnis impositis administratoribus fideliter non scribentibus redditus, & expensas propriæ administrationis, de quibus dictum est in Capitulo de Oeconomis.

c. obseruandum. 15. q.

De Archiuis, & registris scripturarum. Caput XXVI.

VT bona, & Iura monasteriorum illæsâ seruentur, sit in quolibet monasterio locus aptus, & tutus ab omni periculo incendij,

X 2

vel

164 *Secundæ Partis. Caput XXVI.*

vel humiditatis, vel rapinæ, in quo scripturæ Monasterij, originalia instrumenta, priuilegia, iura, & tituli, quibus constat de iure omnium eorum, quæ per Monasterium possidentur, diligētissimè custodiantur, quod Archiuum duabus clauibus sit obferatum, quarum altera apud Prælatum, altera apud Procuratorem maneat.

Instrumenta, & aliæ scripturæ, quibus constat de iure eorum, quæ à Monasterio possidentur, manu alicuius Notarij publici sint subscripta, & similiter exempla omnium contractuum alicuius momenti, præsertim rerum perpetuarum, quos in dies fieri continget, quæ omnia in Archiuo suis quæque locis distincta reponenda erunt. Vt autem facilè omnes scripturæ, quæ erunt in Archiuo, possint reperiri, conficiatur illarum inuentarium per ordinem Alphabeti dispositum; & iuxta eundem ordinem inuentarii ipsæ scripturæ in Archiuo in locis distinctis reponantur. Sit etiam in Archiuo liber, in quo adnotentur scripturæ, quas Procurator, vel quilibet alius ex eodem Archiuo auferet, adnotato die, mense, & anno, & iis, quibus ipsæ scripturæ tradentur, quas cum restitui continget, ex eodem libro delebuntur.

Et nè deinceps authentica exemplaria scripturarum, quæ totius Cogregationis, aut alicuius particularis Monasterii, iura, priuilegia, fundationes, donationes, bonorum acquisitiones, & contractus magni momenti, & rerum perpetuarum continēt, casu aliquo incendii, hostilis incurfionis, & direptionis, aut

aut alio simili amittantur , præcipitur omnibus , & singulis Prælatiſ Monafteriorum , vt quamprimùm exempla huiusmodi ſcripturarũ ſaltẽm ad propria Monafteria ſpectantium fieri procurent in forma authentica , ita vt in iudicio eis plena fides valeat adhiberi ; quæ ad publicum Archiuum per Generale Capitulum deputandum tranſmittenda erunt .

Archiuum Romanum quamprimùm diligenter reformandum erit , & omnium ſcripturarum publicarum , priuilegiorum , indultorum , Breuium Apoſtolicorum , Bullarum , & aliarum omnium , quæ publicum intereſſe Congregationis tanguunt , vel originalia , vel ſaltẽm authẽtica exempla in ipſo reponenda erunt , per ordinem cum inuentario diſpoſita , ita vt Procurator Generalis , cum opus fuerit , illa præ manibus habere poſſit Omnium etiã Bullarum , Breuium , Reſcriptorum , & Decretorum Apoſtolicorum , vel alicuius Congregationis Illuſtriſſimorum DD. Cardinalium intereſſe Congregationis tangentium , quæ deinceps emanabunt , Abbates , Procuratores , ſeu Vicarij Generales pro tempore exiſtentes , vel originalia , vel ſaltẽm exempla authentica in eodem Archiuo Romano , relinquere teneantur .

De Inuentarijs . Caput XXVII.

Quilibet Prælatuſ tria inuentaria bonorum ſui Monafterij , vbi conſecta non erunt , ſtatim conſicienda curabit ; in quorũ primo bo-

mo bona omnia immobilia monasterij, Iura, Censūs, liuellariæ pensiones, agri, vineæ, nemora, prara, flumina, stagna, mœdina, ædificia, domus, & similia sub proprijs, & distinctis nominibus, quibus appellari consueuerunt distinctè notabuntur, scribendo territoria, in quibus illa existent, illorum cohærentias, quantitates, & qualitates, quo Iure, & à quibus Monasterium illa obtineat; vbi sint Instrumenta, per quæ de legitima illorum possessione, & acquisitione doceri possit; & etiam Colonos, seu affectuarios emphyteutas, et liuellarios, qui eiusmodi bona successiue tenebunt. Hoc autem Inuentarium in Archiuo Monasterij, vel apud Procuratorem manebit.

In altero Inuentario describentur omnia bona mobilia monasterij, et tota illius supellex, quod quidem Inuentarium generale ex particularibus Inuentarijs Sacristiæ, Dormitorij, & aliarum officinarum monasterij conficiendum erit, distinctè tamen, ita vt sub suis titulis distinctis ponantur spectantia ad Sacristiam, Dormitorium, & ad alias officinas: hoc autem Inuentarium apud Prælatum, vel eo absente apud Vicarium manebit. Porro ipsa Sacristia, Dormitorium, Factoria, Coquina, Refectorium, Vestiarium, Hospitia, & cæteræ monasterij officinæ sua quæque Inuentaria distincta habebunt, ita ut cum quis ab officio remouendus erit, & alius loco eius subrogandus, per Inuentarium fiat resignatio totius supellectilis officinæ, cui præficietur.

In tertio Inuentario notabuntur omnia bona mobilia monasterij existentia in domibus ruralibus, scribendo distinctè quid in vnaquaque domo reperiatur, tam de spectantibus ad vſualem ſupellectilem Canonikorū, & Conuerſorum, quàm de spectantibus ad ſeruitia Agriculturæ, horreorum, & cellarum vinariarum. In eodem libro notabuntur omnia bona Monasterij ſemouentia, vt ſunt Equi, Boues, Pecudes, Bubali, Sues, Capræ, & ſpectantia ad illa, vt ſunt ſupellectiles equitiorum, currus, & plauſtra, & ſimilia; quod Inuentarium apud Oeconomum, vel Procuratorem manere debebit.

Præter hæc fiat quolibet anno Inuentarium peculiare, in quo adnotetur tota ſupellex, quæ vnicuique Canonico, ſiue Conuerſo pro illius vſu tribuetur, vt ſi contingat aliquem aliò mitti, ſupradicta ſupellex cum Inuētario ab illo reſignetur. Optimum etiam erit; libellum in Camera Oeconomi, vel ſaltē Ianitoris ſemper teneri, in quo ea per ſingulos dies notentur, quæ nos alijs commodabimus, vel illis nobis commodabunt, nè ex obliuione perdantur.

De Ianitoribus Monasteriorum. Caput XXVIII.

Quia non eſt dubium, Ianitorem vniuerſam domum repræſentare; ideo Prælati nullū Ianuæ cuſtodiendæ præficere debebunt, quem

Dec Clem.
PP. VIII.
de Refor.
Reg 12.

quem probabiliter talem futurum non existiment, qui non solum ianuam valeat, custodire, sed etiam laicos, & quascunque personas ad nostra Monasteria accedentes, verbo, & exemplo sit ædificaturus. Qui Ianuæ custodiendæ fuerit deputatus, eam semper clausam teneat, eique iugiter assistat; neque aliquem ex nostris exire permittat, nisi prius à Superiore licentia obtenta. Cum Canonici erunt, in Choro, vel communi refectioni, Capitulo, lectionibus, repetitionibus, in oratione mentali, occupari, & similibus, nihil cuiquam nuntiabit, neque vllum inde auocabit, nisi ob causam necessariam, vel ob conditionem personæ requirentis; idque de licentia Prælati, vel Vicarij. Neque eotempore, vel etiam tempore silentij aliquem extraneum per monasterium vagari patietur. Portas Monasterij ante noctem semper claudet, & post datum signum angelicæ salutationis nulli sine licentia Prælati eas aperiet. Quolibet sero clauēs Monasterij Prælato deferet, & si qui de familia foris manserint, renuntiabit.

Cum tintinabulum pulsabitur ad ianuam festinabit, ne pulsantes diutius faciat expectare; & si fieri poterit ianua non aperta, per fenestrellam expediet. Si quis externus aliquem ex nostris alloqui velit, illum in loco propè ianuam ad hoc deputato sisti faciet, aut saltè in Claustro ipsi ianuæ, propinquiore, donec illum, qui quæretur, vocet; nullum verò in Dormitorium adducet, ac etiam in Claustum interius, & alia omnia tradita in prima parte
in

in Capitulo de Ianuæ custodia, diligenter obseruabit .

Cum Hospites aduenerint, aut Medici ad ægrotos visitandos, signo facto cum campanula præfectos hospitiorum, & infirmarios statim aduocabit, ut ad illos recipiendos, & associandos oportunè adsint. Pauperibus eleemosynam petentibus benignè respondere studebit; & quæret quid de Patris licentia illis valeat distribuere: in eleemosynarum distributione regulam charitatis sequetur, neque humano affectu adtribuendum potius vni, quam alteri seipsum duci sinet. Ab externis nihil in Monasterio custodiendum recipiet, sine patris licentia, neque bona Monasterij foras portari vlllo modo permittet; Mulieres ad ianuam accedentes paucis expediet, ac dimittet; neque ibi aliquem ex nostris cum illis colloquutiones habere patietur.

De Fabricis construendis, vel reparandis. Caput XXIX.

N Vllus siuè Prælatus, siuè Oeconomus, vel administrator forensis, de redditibus Monasterij aliquid expendere possit in fabricis construendis absque licentia Abbatis Generalis in scriptis obtenta, & Monasterij Capituli consensu: exceptis tamen reparationibus necessarijs, in quibus mora dari non potest. Qui contrafecerit, omni Prælatura, regimine, & officio priuatus existat, & nullo modo dispensetur cum eo.

Y

In

In nouis fabricis exercendis non inscribantur nomina, neque ponantur stemmata eorum, qui ipsas fabricas extruxerint; nisi sint benefactores Monasteriorum non existentes de gremio Congregationis, qui suis expensis ipsas fabricas extruxerint. Nullus etiam Prælatas fabricas à suis prædecessoribus extructas audeat demoliri sine expresso consensu Abbatis Generalis, & Capituli sui Monasterij.

Fabricas collabentes, vel ruinam minantes Prælati, & cæteri Administratores statim studeant reparare, & similiter fluminum irruptiones; re tamē cum proprijs Capitulis prius communicata. Si quis ob auaritiam, vel culpabilem negligentiam huiusmodi reparationes necessarias non fecerit, & graue aliquod damnum ex tali omisione Monasterijs euenerit, suspendatur à Prælatura, & alijs officijs per annum, & iuxta damni grauitatem, & illius culpam grauius puniatur.

De Monasterijs acceptandis, vel dimittendis. Caput XXX.

Nillus Prælatas, sed nec etiam Abbas Generalis sine speciali licentia, & mandato Capituli Generalis, possit aliquod Monasterium nostræ Congregationi oblatum acceptare, siuē iam extructum, siuē de nouo extruendum. Si aliquod Monasterium titulo Abbatiali decoratum de nouo acceptari contingat, sub titulo Abbatix recipia-

cipiatur, sicut in literis Sixti Papæ Quarti iubetur. Si recipiatur aliquod Monasterium, id consultissimè fiat, & cum tali, at tanta præparatione, vt regularis disciplina ibi retineri valeat.

1480. die
30. Maij.

Nullus absque licetia Abbatis Generalis aliquod beneficium cum cura, vel sine cura alicui Monasterio nostræ Cõgregationis valeat vnire. Nullus Prælatus, nec etiam Abbas Generalis, aut alius quicunque de nostra Congregatione aliquod Monasteriũ, membrum Monasterij, vel beneficium alicui Monasterio quouis modo vnitum possit à Congregatione separare, aut renuntiare, aut alio modo alienare, aut ab vno Monasterio separare, & alteri Monasterio nostræ Congregationis vnire sine Capituli Generalis diffinitione certissima.

De modo congregandi Capitulum ad graua negotia Monasteriorum tractanda. Caput XXXI.

Quia graua negotia Monasteriorum non debent à Prælati sine consensu suorum Capitulorum iuxta Canonicas sanctiones definiri, præcipimus, vt nullus huiusmodi negotia sui Monasterij qualia sunt bonorum immobilium, alienationes, permutationes, locationes, grauium litium contestationes, & bonorum etiam mobilium magni valoris distractiones, & alia, quæ per Ordinis Constitutiones prohibentur, audeat si-

c. Quando
De ijs, qu
fiunt a Pri
lar. sine cõ
sensu Cai

ne consensu proprij Capituli definire, etiamsi in principio anni generale mandatum procurationis ab ipso Capitulo receperit.

Cum ad negotia tractanda Capitulum congregari debebit, cum sono campanulæ secundum antiquam consuetudinem nostræ Congregationis id fiat. Ut autem quisque scire possit quando Capitulum ad negotia tractanda conuocabitur, & quando ob alias causas: cum pro negocijs tractandis Capitulum congregandum erit, sacrista in principio, & sine pulsationis campanulæ aliquot ictibus campanulam ipsam, vnum tantum eius latus tangendo, pulsabit, & hoc signo monstrabitur, eos solos vocari, qui in Capitulo votum consueuerunt. Quilibet Canonicus in sacris constitutus, nec voce actiua, & passiua priuatus, in eo Capitulo vocem habebit, cuius Monasterio erit per Superiores legitime deputatus, etiamsi alibi professionem emisserit. Clerici verò nondum in sacris constituti, & Conuersi quamuis ad Capitulum vocari possint, votum tamen, seu suffragium in eodem Capitulo non habebunt. Nullus ad Capitulum vocatus, accedere recuset, cessante legitimo impedimento, de quo, si occurrat, ipsum Capitulum certius facere debebit. Nullus etiam Prælati aliquem, qui in Capitulo votum habeat ex industria vocare omittat, aut in id tempus differat ipsum Capitulum congregare quando quis à Monasterio abiens fuerit, ita ut Capitulo adesse non possit; aliòquin vnus solus malitiosè omissus, & contemptus, acta totius Capituli iuxta Cano-

onc. Trid.
ess. 22. de
refor. c. 4.

cap. Bonz
nem. de
lectio.

Canonicas sanctiones vitare poterit.

Vt quisque valeat circa res sibi propositas liberè secundum Deum absque vlllo metu, vel humano respectu in Capitulo votum suum ferre, præcipimus, vt posteaquam de re proposita habita fuerit in Capitulo conueniens tractatio, semper fiat secretum scrutinium votorum in hunc modum. Datis vnicuique Canonico calculis, seu signis albis, & nigris siuè fabarum, siuè alterius materiæ, quorum signorum album dabitur pro parte affirmatiua, nigrum verò pro parte negatiua, minor de gremio Capituli, cum vasculo per Sacristam ad hoc præparato colliget à singulis Canonicis proprium votum, & signum, quod quilibet per se ponet in vasculo secretè ita ut à nemine videatur: collectis autè omnibus votis, aperto vase coram Prælato, & tribus senioribus de gremio Capituli, numerabuntur signa tam alba, quam nigra; & si plura fuerint signa alba, quam nigra, intelligatur consensus affirmatiuus, circa rem propositam ad ipso Capitulo præstitus; si verò plura fuerint signa nigra, quam alba, aut si fuerint paria, intelligatur eiusmodi consensus circa rem propositam negatus, exceptis casibus, in quibus ad validitatem alicuius actus, vel contractus requiritur, vt duæ partes ex tribus totius Capituli consentiant, excepto etiam cum de electione tractabitur, quia tunc forma constitutionis Sanctissimi D.N. Pauli V. nuper editæ, & etiam nostrarum Constitutionum seruari debet, sicut in tertia parte dicitur. Hic autem modus deliberandi, & definiendi de quibuscunque rebus in quouis Capitulo

Ann. 1

tulo propositis, ita necessario seruandus erit, vt nullus actus, siuè contractus ad cuius validitatem Capituli consensus erit necessarius, in posterum pro valido haberi possit, nisi præstito consensu ab ipso Capitulo per vota secreta iuxta modum prædictum; Et ne quis plura conferat suffragia, vel alio modo fraudes in scrutinijs faciendis contingant, numerentur prius Canonici, deinde numerentur suffragia, & si minor fuerit numerus suffragiorum, quàm personarum votantium, & actus aliàs sit legitimus, ex hoc etiam capite vitiari non debet; quia quilibet potest iuri suo renuntiare. Si autem maior sit numerus suffragiorum collatorum, quàm personarum, & nihilominus vltra illum numerum, vel duæ partes Capituli conueniant, vel saltèm maior pars in casibus, in quibus consensus maioris partis Capituli sufficiet, etiam tunc actus erit validus; quia vtile per inutile vitiari non debet, si autem propter vota excedentia numerum personarum votantium, incertum sit in quam partem maior pars Capituli consentiat; actus erit nullus, & scrutinium de nouo fieri debet: Si quis verò in duobus Monasterijs, & Capitulis simul erit deputatus, & registratus in neutro Capitulo vocem habere poterit.

In grauioribus negocijs terminandis cuiusmodi sunt alienationes bonorum immobilium, aut venditiones, aut concessiones bonorum in emphyteusim tres tractatus distincti habeantur, inter quos saltèm duo dies singulis vicibus excurrant. De tractatibus verò in Capitulo habitis nullus extra

Capi-

Vtile de
g. iu. in 6

Capitulum loquatur , præsertim ex quorum reuelatione quies, & pax fraterna turbari, vel scandalum generari possit , & hoc sub pœna priuationis vocis actiuæ, & passiuæ per annum ipso facto, & sine aliqua declaratione incurrendæ. Eligatur etiam à quolibet Capitulo vnus Canonicus , qui omnes actus ipsius Capituli in libro perpetuò in Monasterio seruando diligenter scribat , nè obliuioni illos tradi contingat.

De excessibus corrigendis, & facultate per Sedem Apostolicam Congregationi ad hæc specialiter attributa. Caput XXXII.

Quamuis præcipua cura eorum, qui alijs præfunt, eò sit dirigenda, vt magis amore Dei ac desiderio eterne salutis, quàm timore penarum regularis disciplina custodiat, & ipsi Prælati magis amari, quàm timeri appetere debeant, quæ admodum in regula cauetur ; tamen ne prætextu clementiæ , & pietatis delicta maneant impunita , & quos Dei amor, & propriæ salutis desiderium ab excessibus non continet, saltèm imminentis pœnæ timor refrœnet, studebunt locorum Prælati, & imprimis Patres visitatores, & Abbates Generales, qui totius Congregationis vniuersalem curam gerunt, nè subditorum culpæ inultæ remaneant ; sed vnicuique iuxta eius qualitatem , & grauitatem cum misericor-

fericordia, & iustitia conueniens adhibeatur medicina, secundum facultatem per Martinum Papam Quintum, & Pium Quartum ad hæc specialiter nobis concessam, prout in sequentibus priuilegijs per hæc verba formalia continetur.

Priuilegium Martini Papæ Quinti incipiens. Solitudinis pastoralis officium, quod super omnes orbis Ecclesias. Et infra. Vniuersos quoque Cōgregationis Religionis eiusdem Prælatos, Priores, Rectores, & subditos pro eorum excessibus, & delictis corrigere possint, prout eidem Capitulo, seu regimini principali eorum melius, & vtilius secundum Deum Religionisque debitum videbitur expedire.

Literæ Pij Papæ Quarti Rectori Generali Congregationis directæ incipientes. Cum sicut nos non sine animi nostri displicentia accepimus. Et infra. Nos, ad quos talibus, nè deteriora parturiant, debitam adhibere diligentiam, pertinet, super ijs prouidendum esse censentes discretionis tuæ, de cuius, & institutorum diffinitorum fiducia in nostra plurimum confidimus, & pro tempore existenti Rectori Generali dicti Ordinis, vt quoscunque dicti Ordinis Canonicos, & personas errantes, vel delinquentes, ac irregularitatem contrahentes, tempore Capituli per vos celebrari soliti vnà cum toto Diffinitorio eiusdem Ordinis, per te, & ipsius Ordinis Canonicos ipso tempore deputatos ad te euocandi, ac eos iuxta illorum excessus errores, & crimina per te, & eosdem Diffinitores, nemine eorum discrepante

pante corrigēdi, puniēdi, & mulctandi, nec non in rebelles, & inobedientes excommunicationis, & irregularitatis, ac alias sentētiās, censuras, & pœnas promulgandi, facta illorum, qui si in seculo essent, ultimo supplicio damnarentur, prius degradatione, si supradicto Rectori Ordinis, & octo Diffinitoribus incorrigibiles visi fuerint, aut sine graui scandalo diutius sustineri in Religione non posse dijudicauerint, illos perpetuò, vel ad tempus ad triremes mittendi, & condemnandi, eosque in manus exequutorum n. secularium consignandi; ac contra non parentes, seu inobedientes ad declarationem incursum censurarum, ac pœnarum huiusmodi, illarumque aggrauationem, ac aliàs, prout necessarium fuerit donec paruerint procedendi, omniaque, & singula alia in præmissis, & circa illa necessaria, & quomodolibet opportuna faciendi, & exequendi, quacunque appellatione remota Apostolica auctoritate tenore præsentium liberam licentiam, & facultatem concedimus, tibi que pariter indulgemus.

Habeatur itaque in quolibet Monasterio locus tutus, & aptus pro carcere, in quo delinquentes, cum opus fuerit, valeant sub custodia detineri. Nouitijs tamē, nisi periculum fugæ immineat, cella pro carcere assignari poterit, & si opus fuerit, verberibus emendabuntur; cauebunt tamen prælati, nè si nouitius siue Clericus, siue etiam Cōuersus fuerit verberandus, per laicum id fiat, nè iuxta sacros Canones tam præcipientes, quàm exequentes sententiam excommunicationis ipso facto incurrant.

c. Vniuersitatis de sent. excō.

In leuibus culpis puniendis prælati iuxta regulas charitatis, & discretionis proprio arbitrio vtantur, prout saluti suorum subditorum magis viderint expedire, salua manente dispositione præsentium Constitutionum. In grauioribus tamen delictis, quando ad pœnam spiritualem, aut grauem pœnâ corporalem agere oportebit, substantialia iudiciorum seruari debebunt. Quibus delictis certa pœna per Ordinis constitutiones statuta erit, constituto de delicto, & de delinquente per legitimas probationes, ipsâ pœna à proprijs, ordinarijsque Prælati delinquentium statim sine mora infligi poterit, vel à Visitatoribus Prouinciarum; vel ab Abbate Generali; nam in similibus casibus sententia à toto Capitulo Generali iam lata esse intelligitur.

Cum autem ob grauius crimen, cui non est per Ordinis Constitutiones aliqua pœna præscripta, quis puniendus erit, Prælati delinquentis, aut Visitatores, aut Abbas Generalis, aut alij, quibus Abbas Generalis vices suas committet, processum informatiuum conficiant; sententia verò diffinitiuâ à toto Diffinitorio ferri debebit. In absentes tamen, & non auditos sententia diffinitiuâ nunquam feratur, præsertim in ijs, in quibus ad grauem pœnâ procedendum erit, vel fama delinquentis denigrabitur, tunc enim ordo iudicij, quoad substantialia, seruandus erit.

Si quis Prælati crimen admiserit, ob quod suspendi mereatur, non tamen à gradu deijciatur, sed Vicarius loco illius constituatur vsque ad expletum

tem-

tempus sui regiminis, nisi crimen tale esset, quod non solum impediret promouendum, sed etiam deijceret promotum.

A pœnitentijs, seu pœnis per Diffinitorium ob delictum statutis nullus valeat dispensare, neque etiam Abbas Generalis, præter ipsum Diffinitoriũ. Prælati sententias contra suos subditos latas irrefragabiliter faciant executioni demandari, sub pœna faciendi disciplinam publicè tempore visitationũ. Si contingat, aliquem subditum ante expletam pœnitentiam illi impositã de vno Monasterio ad aliud mitti, Prælatus loci, ex quo mittetur teneatur alteri Prælato, ad quem mittetur, ac etiam Abbati Generali, & Visitatoribus prouinciæ id per suas literas significare.

Si quis in aliquo Monasterio ita deliquerit, vt necesse sit processum desuper formari, hoc fiat à Prælato loci, aut Visitatoribus, aut alio, cui Abbas Generalis committet quantum fieri poterit secretè, nè delicta extraneis innotescant; nec vlllo modo in processu conficiendo notario seculari vtantur, neque causæ criminales eorum, qui sunt de nostra Congregatione ad personas seculares vlllo pacto deferantur, nec illis imprudenter, vel per malitiam processus desuper confecti tradantur, nec permittantur Iudices seculares in causis criminalibus personarũ de nostra Congregatione existentium se intromittere quouis pacto. Si quis malitiosè, vel per imprudentiam crimina eorum, qui sunt de nostra Congregatione ad Tribunalia extranea ab ipsa Cõ-

gregatione, vel ad Principes seculares, vel ecclesiasticos, aut alias personas extraneas detulerit, sit suspensus à Prælatura per tres menses, & si illius excessus ita postulauerit, pœnis contra reuelantes secreta Religionis inferius in proprio capite statutis subiaceat. Si tamen ob delicti grauitatem Iurisperitos cōsulere oportuerit, Aduocati, & Procuratores Monasteriorum, & aliæ personæ erga Congregationem affectum dilectionis gerentes cum prudentia, & sobrietate consulantur. Non etiam interdicitur reo, quin possit in causis grauioribus aliquē Aduocatum secularem patronum in propria causa sibi eligere.

De Culparum diuersitate.

Caput XXXIII.

Quia omnia delicta paria non sunt, vt, iuxta mensurā cuiusq; delicti, sit modus, & quantitas pœnarum, primò omnia culparum genera ad quatuor poterunt reduci: quædam enim culpæ leues, aliæ graues, aliæ grauiores, & aliæ grauissimæ censerī debebunt. Culpa leuis ællimabitur, quā aliquis per inaduertentiā, vel ignorantia, aut ex lapsu linguæ absque perfecta animi deliberatione in rebus non magni momenti admittet, vt. silentium loco, & tempore statutis non seruare, comedere, vel bibere sine licentia, ridere in Choro, oculis curiosè vagari, fratres deridere, de otiosis, & inuti-

inutilibus loqui, in scholis, vel circulis strepitum facere, vas frangere, aliquid in mensa indecenter effundere; quæ tamen culpæ accedente expressa prohibitionem, & præcepto Prælati, aut si quis pluries de huiusmodi à Superioribus correptus emendare neglexerit, graues fient.

Pro culpa graui habenda erit, præceptum expressum transgredi, ac etiã ea, quæ in Regula præcipiuntur, non tamen ad substantialem votorum obseruantiam spectantia, aut quæ scandalum proximis generare possit, etiamsi de se minimè lethalis fuerit, vt sine licetia Prælati literas, vel aliquod munus accipere, res ex Cella alterius auferre, cum quis domo egreditur etiam de licentia Prælati à socio disijungi, colore, aut forma vestibus prohibitis vti, comam, vel barbam nutrire; cum secularibus nimia familiaritate vti, vel cum eis ludere, arma occultè ferre, nouitios alloqui sine licentia Prælati, vel Magistri, & alia similia, quæ prudentiæ patrum ponderanda, & æstimanda relinquuntur.

Inter grauiores culpas numerabuntur quæ manifestum scandalum proximis præbent, & quæ ex suo genere ab omnibus peccata lethalia reputantur, & quæ per Sacros Canones sub grauib. pœnis præsertim excommunicationis, & depositionis Clericis sunt interdicta, vt illicita negotiatio, ludus alearum, lapsus carnis, vitium proprietatis, furtum, aperta inobedientia, apostasi, rebellio, blasphemia, & aliæ pro quibus aliquis secundum Canones deponi, vel excommunicari mereretur.

Culpæ

182 *Secunda Partis. Caput XXXIII.*

Culpæ grauissimæ censebuntur illæ omnes, pro quibus secundum leges seculi aliquis ultimo supplicio afficiendus esset, nec non propriæ Religionis proditio, & incorrigibilitas.

Leuium, & etiam grauium culparum pœna, quæ per Ordinis Constitutiones statuta non est, Superiorum arbitrio relinquatur. Culpæ grauissimæ pro quibus aliquis ultimo supplicio afficiendus esset, perpetuo carcere, vel deputatione ad perpetuas triremes à Diffinitoribus, seruato ordine iudicij, puniantur. Reliquæ secundum dispositionem Sacrorum Canonum, & sequentium Constitutionum ita puniri debebunt, ut sit in potestate Patrum Diffinitorum, omnes, & singulas pœnas pro quouis delicto impositas, vel imponendas augere, vel minuire, ijs exceptis, quæ specialiter per Ordinis Constitutiones illis prohibentur.

De pœnis vagantium, & Prælatorum non residentium.

Caput XXXIV.

VT tollatur subditis occasio vagandi, studeant in primis ipsi locorum Prælati in proprijs Monasterijs residere, nec sub quocunque prætextu huc, & illuc vagentur, cum residentia sit de Iure diuino; si quis Prælatus non resederit in suo Monasterio, acriter corripiatur ab Abbate Generali; si correptus residere neglexerit, à Prælatura remo-

remoueat; & super residētia nec ipse Abbas Generalis, nisi in casibus à Iure permissis, valeat cum aliquo dispensare. Nullus autem Prælatus sine licentia ab Abbate Generali, vel à Visitatoribus Prouinciæ in scriptis obtinenda, vltra duas Dietas valeat proficisci, sub poenis ad arbitrium ipsius Abbatis Generalis infligendis; neque sine licentia in scriptis obtenta ab ijs, ad quos spectabit, permittat, suos subditos extra Diocesim proficisci, sub poena suspensionis ab officio per tres menses.

Subditi sine licentia in scriptis, vt præmissum est, obtenta à proprijs Monasterijs discedere non audeant, etiam sub prætextu adeundi Abbatem Generalem, aut aliquem ex Visitatoribus, excepto aliquo casu vrgentissimæ necessitatis; qui secus fecerint, carceribus mancipentur, & puniantur ad præscriptum Constitutionis positæ in prima parte Capituli trigesimoquinto.

Nullus Prælatus, aut Visitator, aut etiam Abbas Generalis in posterum concedere possit licētiās alicui ex nostris siuè Canonico, siuè etiam Conuerso, vt maneat extra loca nostræ Congregationis in seruitio, vel ministerio alicuius personæ, quæ non sit de nostra Congregatione, siuè secularis, siuè etiā Regularis alterius Ordinis, siuè in eorum villis, ruribus, casalibus, siuè etiam oppidis, & Ciuitatibus, neque vt conducat bona personarum, Collegiorū, aut etiam Religiosorum non existentium de nostra Congregatione ad firmam, siuè ad affectum; nisi habuerit aliquod beneficium in titulum, vel specialem

184 *Secunda Partis. Caput XX XV.*

lem licētiā à Sede Apostolica , & in omnibus fer-
netur Decretum Sanctissimi D.N. Pauli Quinti, &
Sacrae Congregationis super negotijs Regularium
nuper editum, quo Regulares extra Claustra degē-
tes , ad illa quamprimum reuocari iubentur .

Dec Clem.
PP. VIII. de
Ref. Reg.
12.23

Nullos Fratres Romam venire Superiores per-
mittant , nisi prius à Generali, vel Protectore dum-
taxat licentiā in scriptis impetrauerint: si quis
autem sine huiusmodi facultate Romam venire
præsumpserit, voce actiua , & passiuabiennio pri-
uatus existat , subiturus etiam alias arbitrato Su-
periorum infligendas pœnas . Quæ item omnia ad-
uersus eos , qui supradictos admiserint , & recepe-
rint , sine vlla exceptione locum habeant . Quod
quidem Decretum Sanctissimus D.N. Clemens PP.
VIII. fel. rec. declarauit extendi etiam ad Prouin-
cialē , ita vt Prouincialis ipse ex causa communi
totius Prouinciæ dumtaxat facultatem huiusmodi
facere valeat , declarauitq; pœnam priuationis vo-
cis actiuae , & passiuæ contrafacientibus inflictam
Sanctitati suæ reservatam esse , interdicta omnino
eorum Superioribus singulis , etiam Generali , &
Protectori facultate illam moderandi , & relaxan-
di sub Dat. Romæ die 20. Martij 1601.

De pœnis ludentium.

Caput XXXV.

NE sub honesta recreationis nomine Canonici, & Conuersi nostri, quos summa de-
bet sanctitas, criminosa sectentur, ea pro-
pter qui cartis lusisse conuictus fuerit, pro prima
vice priuetur voce actiua, & passiua per annum, &
faciat disciplinam in Refectorio tempore commu-
nis refectionis. Prælati ludentes, aut ludum scienter
in suis Monasterijs permittentes, vacent per annũ:
si secundò id fecerint, pœna eis duplicetur: si ter-
tiò, subditis habitus professionis auferatur, Prælati
à prælaturis deponantur, & sint inhabiles ad illas
obtinendas quousque per Generale Capitulum cū
eis dispensetur. Quia verò ludus alearum Clericis
sub pœna excommunicationis, & deiectionis à gra-
du proprij Ordinis est interdictus, quicumque aleis
lusisse deprehensus fuerit, si sit Canonicus, pro pri-
ma vice priuetur voce actiua, & passiua per annum
& habitu professionis per mensem; si Conuersus,
habeat Claustrum per sex menses, & priuetur pa-
tientia per mensem. Si Prælatus ipse lusierit, aut lu-
dere permiserit, aut ludentes non castigauerit, vacet
à Prælatura per annum: Si secundò relapsi fuerint,
pœna illis duplicetur: Si tertio, Canonici priuentur
voce actiua, & passiua per decem annos, & habitu
professionis per annũ, & qualibet sexta feria faciant

c. inter di-
lectos de
excef. prel.
Bened. xij.
in Decreto
reform. ca-
non. Reg.

disciplinam; Conuersi stent in carcere per tres menses, priuentur habitu professionis per biennium, & singulis sextis feriis faciant disciplinam publicè in refectorio. Prælati verò priuentur Prælatibus in perpetuum. Spectatores ludi alearum stent in Claustro per sex menses.

Ludi, qui causa exercitij, vel honestæ, ac religiosa recreationis Clericis permittuntur, nostris ea lege concedantur, ut pecuniæ non interueniant, nec in diebus pœnitentiæ ludatur, nec etiam magnam temporis iacturam expendant ludentes, & tandem ut nullus absque licentia Prælati ludere audeat, secus facientes, pro qualibet vice faciant disciplinam publicè in Refectorio. Nullus etiam ludat cum secularibus, exceptis domesticis, ac familiarissimis nostræ Congregationis siuè extra, siuè etiam intra Claustra, sub pœna priuationis vocis actiuæ, & passiuæ per annum.

De pœnis exercentium illicitam negotiationem, & alias quasdam,
artes. Caput XXXVI.

Q Vicunque mercaturam, & omnem illicitam negotiationem Clericis, & Regularibus interdictam exercuerit, pro prima vice, si sit Prælatus, vacet ab omni regimine per tres annos: si Canonicus, aut Conuersus claustrum habeat per annum; & omnes, pecunijs, & rebus, in quibus

quibus mercaturam exercuerunt, statim priuentur. Nomine verò illititæ negociationis illa omnis intelligatur, quam quis nomine proprio, non autem Monasterij exercuerit, & ex qua lucrum principaliter intendet, vt res emere, & carius vendere, pecunias lucri causâ in societatem conferre, animalia quæque ad societatem alijs dare, prædia, & alia bona in afflictum conducere, & pecunias sub vsuris mutuare. Quod si Canonici secundò, aut tertio admoniti ab huiusmodi negociationibus non destiterint voce actiua, & passiua in perpetuum priuati existant, & ad omnia officia, gradus, & Prælaturas inhabiles: & sciãt etiam se iuxta sacros Canones, debere excommunicationi subiaceri: Conuersi verò carceribus per annum deputentur, & habitu professionis in perpetuum priuentur.

c. secundi
inflicta
Ne cleric
vel mon.

Quicumque artem Alchimie, quæ per Sacros Canones prohibetur, & quam exercentes pro infamibus habentur, exercuisse conuictus fuerit, tanquam infamiae notatus ad omnia officia, gradus, ac dignitates perpetuò inhabilis existat, & si sit Conuersus, poena carceris ad arbitrium Superioris punietur.

Extra de
crimine
falsi.

De poenis scribentium literas sine licentia, & aperientium, aut detinentium, aut etiam falsificantium literas aliorum. Caput XXXVII.

Literas sine licentia Prælati nemo scribat, excepto ad Superiores; neque ab alijs sibi scriptas recipiat, vel legat: si secùs fecerit pro prima vice dicat, Misere, brachijs extensis in Refectorio; pro secunda comedat in terra sine ferculo; pro tertia faciat disciplinam publicè in Refectorio: si contumax fuerit, ad arbitrium Prælati grauius corripiatur.

Nemo cuiuscunque gradus literas aliorum audeat intercipere, vel aperire, exceptis literis suorum subditorum, sub poena priuationis vocis actiuæ, & passiuæ per annum, præter alias poenas per sacros Canones, & Bullas Pontificum contra huiusmodi delinquentes statutas. Qui verò literas à Superioribus ad subditos, vel à subditis ad Superiores directas intercipere, aut legere, aut detinere ita, ut ad illos peruenire non possint, ausus fuerit, sit sit Prælatus, vacet à prælatura per annum; si Canonicus subditus priuetur voce actiua, & passiua per bienniū; si Conuersus priuetur habitu professionis per sex menses, & alijs grauioribus poenis ad arbitrium Abbatis Generalis plectantur. Nullus literas infamatorias, nisi proprio nomine subscriptas, scribat,

vel

vel scribi faciat, sub pœna Canonici, siuè Præ-
latis, siuè subditis priuationis vocis actiuæ, &
passiuæ per quinquennium; Conuersis verò priua-
tionis habitus professionis per quinquennium ipso
facto, si conuicti fuerint incurrendæ. Nemo
etiam accusatorias; & infamatorias literas contra
quemcunque siuè Canonicum, siuè Conuersum
Capitulo Generali, vel Diffinitoribus, vel Abbati
Generali, vel alijs quibuscunque scribat, nisi valeat
per testes idoneos, aut per verisimiles coniectu-
ras narrata comprobare. Aliòquin ad pœnam ta-
lionis teneatur; nisi calore instantis iracundiæ se
id fecisse publicè fateatur; quo casu mentitum se
fuisse fateri debebit, & pedes Fratrum osculando
humiliter veniam sui erroris petere, & nihilo-
minus Claustrum cum silentio per sex menses ha-
beat.

Si quis literas Superiorum, aut Officialium Mo-
nasterij, aut alterius personæ, vel sigillum Monaste-
rij, vel akerius falsificauerit, pœna criminis falsi
puniatur.

De pœnis Calumniatorum.

Caput XXXVIII.

SI quis fratri suo, etiam verum crimen obiece-
rit, de quo per condignam emendationem
iam satisfecerit, vel se canonicè purgauerit,
siuè is sit Prælatus, siuè subditus, quoties id fecerit,

tres

tres disciplinas coram omnibus faciat, ter in pane, & aqua ieiunet, ter Psalmos Pœnitentiales cum Litanij dicat. Similiter si verum crimen obiecerit, non seruata fraternæ charitatis forma, stet in Claustro per sex menses. Si quis in aliquem delicta protulerit, aut quempiam voce, vel scriptis infamauerit, etiam prætextu quòd ab alijs audierit, nec probauerit, quod dixit, aut scripsit; vel dixerit, à quo audiuit, & probauerit, pœnam talionis subeat, & si talis sit, qui pro maledictis pari pœna affici nò possit, maneat in carcere per tres menses, & voce actiua, & passiua per decennium sit priuatus, nisi calore instantis iracundiæ id fecisse confessus fuerit; in quo casu mentitum se fateri debebit, & fratrum pedes osculari, & veniam humiliter petere, & ad arbitriũ Superioris puniri. Si tamen famoso libello alterius famam læserit ad famæ restitutionem teneatur, voce actiua, & passiua per decennium priuatus existat, & per annum carceri mancipetur; Eandem pœnam subeat, qui eiusmodi famosos libellos, etiam si à se minimè compositos fateatur, inuulgare ausus fuerit.

Si quis per viam accusationis falsum crimen aliqui obiecerit, teneatur statim ad famæ restitutionem: quod si facere noluerit, & actione iniuriarum condemnatus fuerit, stet ad pœnam talionis; & propter notam infamiæ, quam incurrer, perpetuò sit inhabilis ad omnes dignitates. Si autem verum crimen obiecerit, sed in probatione defecerit, donec suam innocentiam probauerit, voce actiua, & passiua priuatus

uatus existat. Si quis in iudicio falsum testimonium contra aliquem dixerit, ad famæ restitutionem teneatur, et si falsi testimonij conuictus fuerit, omni officio, ac dignitate, & voce actiua, & passiua in perpetuum priuatus existat, & iuxta grauitatem delicti pœna carceris puniatur.

c. si Episcopus. 90. d

Super prædictis pœnis dispensari non possit, nisi toto Discriminatio contentiente: & in omnibus similibus casibus, præceptum regulæ seruetur, ut quicumque conuictio, vel maledictio, vel criminis obiectu aliquem læserit, pro iniuria illata fratri satisfacere teneatur, etiam publicè, si iniuria publicè fuerit irrogata.

De maledicis, & seminantibus discordias. Caput XXXIX.

MAledici, & qui mala solent imprecari, seuerè à Superioribus corripiantur: pro prima vice faciant disciplinam publicè in Refectorio; si correpti murmurare, & maledicere non destiterint, ab aliorum consortio separentur, silentium habeant ad arbitrium Prælati, nemo cum eis audeat loqui. Qui seditiones in Monasterijs excitare solent, & omnes carpere, linguam suam sursum deorsum vibrantes, & omnia perturbantes, eadem pœna puniantur; & si secundo, aut tertio correpti emendare, & linguam refrenare noluerint, in carcerem ad Patris arbitrium conijciantur.

Si quis

Si quis de Ecclesiasticorum, vel etiam laicorum Principum personis ausu temerario oblocutus fuerit, grauiſſima pœna iuxta delicti grauitatem, ad arbitrium Superiorum corripitur. Quicumque alterius facta, vel dicta alijs retulerit, per quæ scandalum in animis audientium generari possit, aut discordias inter fratres disseminauerit, pro qualibet vice ieiunet in pane, & aqua in terra tempore communis refectionis; si secundò, aut tertio relapsus fuerit, grauius ad Patris arbitrium puniatur Eidem pœnæ subiaceat qui verba turpia, vel scâdalosa protulerit, & qui bella Principum, & nationum cum studio partium in colloquio adduxerit, vnde sæpè tumultus, & contentiones perperam excitantur. Debemus enim de omnibus nationibus, in quibus nomen Domini laudatur, benè sentire, & loqui.

De pœnis blasphemantium.

Caput XL.

SI quis (quod Deus auertat) in tantum progressus fuerit malum, vt Deum, aut Beatam Virginem blasphemare ausus fuerit, si blasphemix hæreticales erunt, Inquisitoribus hæreticæ prauitatis denunciari debebit; illæ verò blasphemix hæreticales censentur, quæ aut nefandam infidelitatis significationem habent, aut fidei confessioni directè opponuntur, vt abnegare Deum, Fidem, Crucem, Sacramenta, integritatem B. V. & similia: si quis
etiam

etiam verba, quæ hæresim saperent protulisse verbo, aut scripto, aut maleficijs, incantationibus, & similibus operam dedisse reperiretur, ne contagione pestifera, alios posset inficere, Inquisitoribus hæreticæ priuitatis statim denuntiari deberet.

Si autem alias blasphemias non tamen hæreticales in Deum, aut Beatam Virginem quis protulisse conuictus fuerit, per Prælatos nostræ Congregationis tanquam ordinarios Iudices puniendus erit. Pro prima vice, si sit Prælatus per annum ab officio, & regimine sit suspensus; si subditus, careat voce actiua, & passiua per annum: pro secunda vice pœna ei duplicetur: si tertio relapsus fuerit omnibus officijs, & dignitatib⁹, & voce actiua, & passiua ipso facto in perpetuum priuatus existat. Conuersi pœnis corporalibus carceris, & similibus proportionabiliter puniantur. Qui verò nomen Domini, aut B. Virginis, aut Sanctorum irreuerenter, & indecèter usurpauerit iurando per Deum, vel Sanctos, vel ad corpus, & sanguinem, &c. & alia similia protulerit, quæ blasphemix vulgariter nuncupantur, pro prima vice faciat tres disciplinas publicè in Refectorio & comedat ter in terra in pane, & aqua: pro secunda habeat Claustrum per sex menses: si tertio relapsus fuerit, puniatur pœna Canonis, in Cap. si quis per capillum 22. quæst. 1. & in cap. 2. de maledicis. Prælati verò teneantur subditos delinquentes ad præscriptam præsentiam Constitutionum, admonere, & castigare.

Demùm Constitutio Sacri Concilij Trid. seruetur,

B b

uetur, quæ sic habet, post hæc temeritatem illam reprimere volens, qua ad profana quæque conuertuntur, & torquentur verba, & sententiæ Sacræ Scripturæ, ad scurrilia scilicet, fabulosa, vana, adulationes, detractones, superstitiones, impias, & diabolicas incantationes, diuinationes, sortes, libellos etiam famulos, mandat, & præcipit ad tollendam huiusmodi irreuerentiam, & contemptum, ne de cætero quisquam quomodolibet verba Sacræ Scripturæ ad hæc, & similia audeat vlturpare, vt omnes huius generis homines temeratores, & violatores verbi Dei iuris, & arbitrij pœnis per ordinarios coerceantur.

De pœnis proprietariorum, & furum. Caput XLI.

SI quis pecunias, vestes, libros, aut quodcunque aliud pecunia æstimabile occultè apud se, vel apud personas extra Congregationem existentes absque licentia tenuerit, nec Prælato reuelauerit saltem post factas generales admonitiones iuxta morem, & consuetudinem Congregationis, tanquam voti transgressor, acriter puniatur; ipsis rebus statim priuetur, & per annum habeat Claustrum cum silentio. Ipsi Prælati tempore visitationum quidquid pecuniarum, aut aliud pretio æstimabile habuerint apud se, vel apud alios, Patribus Visitatoribus tempore visitationum veraciter reuelare

lire teneantur sub pœna priuationis officiorum, & prælaturarum per tres annos. Si autem aliquis in sua nequitia obduratus tempore mortis inuentus fuerit, pecunias, aut aliud pretio æstimabile tenuisse, nec suis Superioribus reuelasse, iuxta canonicas sanctiones sepultura ecclesiastica priuatus existat.

cap. super
quodam c
statu m
nac.

Si quis pretium ducati vnus furatus fuisse sit conuictus, stet in carcere per mensem: si pretiū ducatorū duorū, stet similiter in carcere per duos menses, & trium per tres menses: si verò tale furtum admiserit, ob quod secundum leges seculi vltimum supplicium mereretur, carceri perpetuo, vel ad triremes deputetur. Prælati hanc constitutionem contra subditos delinquentes irrefragabiliter exequantur; & ne delicta iudiciorum collusionem regantur, & impunita maneant, quotiescunque in suis Monasterijs, aliquod furtum admissum fuerit, processus desuper conficere, & de eiusmodi Abbatem Generalem, & Visitatores certiores facere teneantur.

Quicumque de crimine furti conuicti fuerint, vel de eo accusati, & grauiter inditiati, nisi se ipsos canonicè purgauerint, sciant se iuxta canonicas sanctiones infamiæ notam incurrisse, & ideo inhabiles esse ad omnia officia, gradus, & dignitates in Congregatione obtinenda.

De pœnis incontinentium, & laborantium vitio luxuriæ.

Caput XLII.

SI quis ex nostris Canonicis hoc vitio laborare cōuictus fuerit, omni regimine, & voce actiua, & passiva per decennium sit priuatus, per duos menses carceri mancipetur, & per annum ieiunet semel in hebdomada in pane, & aqua. Conuersi stent in carcere per duos menses, priuentur habitu professionis per decem annos, & per annum similiter ieiunent semel in hebdomada in pane, & aqua. Si autem aliquis de hoc crimine grauitur fuerit diffamatus, non tamen conuictus, canonica purgatio ei indicenda erit, in qua si defecerit, pro conuicto habeatur, & prædictis pœnis puniatur. Si quis in hoc genere delicti taliter deliquerit, vt secundū leges seculi vltimum supplicium mereretur, perpetuo carcerari, vel trirēmibus ad arbitrium Patrum Diffinitorum deputetur. Super prædictis pœnis dispensari non possit, nisi à toto Diffinitorio, nemine discrepante. Accusanti tamen se ipsum sponte, ad arbitrium proprij Prælati, & etiam Abbatis Generalis pœna ex aliqua parte relaxari, & alleuiari possit.

**De poenis percutientium Fratres .
Caput XLIII.**

SI quis aliquem subditum de nostra Congregatione percutere comminatus fuerit, stet in carcere per mensem : si percusserit leui percussione , pugno , alapa , aut calce , stet in carcere per tres menses : si cum lapide , vel ligno , stet in carcere per sex menses , & singulis sextis feriis ieiunet cum pane , & aqua : si autem cum armis percutere comminatus fuerit , & ad hoc arma ipsa detulerit , stet in carcere per sex menses : si cum armis percusserit , stet in carcere per annum . Et si percussio grauis , & enormis fuerit grauius secundū iuris dispositionem puniatur . Si verò Prælatus percutere comminatus fuerit , vel etiam percusserit , iuxta prædictum modum poena illi duplicetur .

Qui subditum , vel Prælatum occultè percusserit , si de crimine per vero similes coniecturas fuerit diffamatus , canonica purgatio illi indicatur per tres testes sui Ordinis bonæ vocis & famæ ; in qua si defecerit , tanquam de crimine conuictus puniatur . Qui laicum secularem percusserit , iuxta qualitatem delicti , & modum percussioneis puniatur poena duplo minori proportionabiliter ad supradictas poenas .

De contumacibus, & appellantibus à correctione. Caput XLIV.

SI quis proprio Prælatō, aut etiam Vicario, dum ab eo corripitur, temerè respōdere ausus fuerit, faciat pro qualibet vice disciplinā publicè in Refectōrio, & si assuescat temerè suis Superioribus respondere, ita corripiatur, ut religiosā discat humilitatem. Cum ad leuem culpam corrigendam, aut ad virtutem humilitatis, & patientiæ probandam, & exercendam alicui pœnitentia iniungetur, nullus etiam si culpæ, ob quam eiusmodi pœnitentia illi iniungetur, innoxius sibi videatur, audeat à correctione appellare, quod si quis fecerit, ieiunet per annum singulis sextis feriis in pane, & aqua, & careat voce actiua, & passiua per decem annos.

Si tamen grauis pœna ei pro delicto imponatur, ob quam illius fama denigretur, & grauari se sentiat, non interdicitur illi recursus ad Superiores, si debito modo fiat; & cum debita humilitate, aliàs si quis cum proteruita, & indebitis modis ad Superiorem appellauerit, prædictæ pœnæ subiacebit. Ut verò subditorum indemnitati, qui se à Prælatīs grauari sentient, oportune prouideatur: statuimus, ut quicumque grauatum se senserit, & à proprio Prælatō ad maiores Superiores recurrere voluerit, lite-

ras ipsis maioribus Superioribus directas , in quibus suum grauamen illis humiliter exponet, ipsi Prælato corā duobus, vel tribus testibus præbeat, & Prælatus ipse teneatur, easdem literas maioribus Superioribus statim recta via fideliter transmittere ; interim verò contra talem subditum nihil innouetur .

Et quoniam Diabolo operante nonnunquam reperiuntur in Monasterijs, qui non solum obedientiam, & regulare correctionem refugiant, sed etiā contra Superiores simultates excitent , & nutrant: si quis alicui, ne suo Prælato humiliter obediat, cōsiliū, vel auxilium, vel fauorem præbuerit , & de hoc fuerit conuictus ; si fuerit Prælatus , vacet à prælatura per triennium ; si subditus Canonicus , priuetur voce actiua , & passiua per triennium ; si Conuersus, priuetur patientia per annum , & habeat Claustum cum silentio per sex menses .

De fugitiuis , & Apostatis .

Caput XLV .

SI quis leuitatis causa, vel indignationis, vel vitandi correctionis rigorem sine licentia è Monasterio aufugerit , & infra tres dies reuersus, proprii erroris veniam postulauerit, recipiatur, & ad arbitrium Prælati ieiunijs, & disciplinis , uel etiam sequestratione à consortio aliorum castigetur ; si autem ad aliud Monasterium infra idem

tem-

tempus confugerit, recipiatur in carceribus, & de illius aduentu Abbas Generalis, vel propinquior ex Visitatoribus admoneatur, & eius responsum expectetur. Idem seruetur, si quis ob delictum aufugerit, & ad proprium, vel alienum Monasterium infra idem tempus reuersus fuerit; excepto quod pœna illi ob delictum aggrauari debet.

Si verò ultra tres dies steterit extra Congregationem, & habitum professionis non dimiserit, & infra mensem reuersus fuerit, recipiatur, & pro sui erroris emendatione stet in carcere per tres menses, & si fuerit Canonicus voce actiua, & passiua per triennium priuatus existat, & toto illo tempore vltimus inter Canonicos sui Ordinis in locis publicis maneat; si autem sit Conuersus, habitu professionis per annum sit priuatus, & per tres menses singulis sextis feriis ieiunet in pane, & aqua.

Si autem ultra mensem extra Congregationem habitu retento steterit, nullus illum recipere possit nisi de consensu Abbatis Generalis, & Diffinitorū omnium tempore Capituli Generalis, vel Dietæ, & receptus stet in carcere per tres menses, & si sit Canonicus vltimus stet in Choro, & alijs locis publicis inter Canonicos sui Ordinis, voce actiua, & passiua priuetur per decem annos: si autem sit Conuersus priuetur patientia per decem annos, & bis in hebdomada ieiunet in pane, & aqua.

Si verò animo apostatandi habitu relicto è Monasterio discesserit, & extra Congregationem ultra mensem similiter steterit, eidem pœnæ subiacebit,
& si

& si fuerit Canonicus, præter dictam pœnam decem annorum, ad omnia officia, gradus, & dignitates in perpetuum inhabilis erit, & tempus, quod extra Congregationem consumpserit, ei non computabitur inter annos Religionis, & si in seculo scandalosè vixisse deprehensus fuerit, manebit in carcere per annum, & grauioribus pœnis iuxta criminum grauitatem, puniri debet. Conuersi verò loco priuationis vocis actiue, & passiuæ, & perpetuæ inhabilitatis ad officia, & dignitates, habitu professionis priuari, & colore taneto, sicut oblati, perpetuò vestiri debebunt. Super hoc nec etiam Abbas Generalis, nisi toto Diffinitorio consentiente, valeat dispensare.

Et nihilominus ne huiusmodi fugitiui, & apostatæ extra claustra cum dedecore Congregationis vagentur, Abbas, & Procurator Generales, & Visitatores ex proprio officio, & alij locorum Prælati, illos diligenter inquirere, & capi facere debebunt, & in carceribus sine habitu detinere, donec per Diffinitorium in Capitulo Generali, vel dicta quid de huiusmodi fieri debeat, decernatur. Apostatæ verò ad Congregationē ter recepti, si vltra apostatauerint pro incorrigibilibus habeantur, & amplius ad Congregationē non admittantur. Si tamen postulauerint aliam ingredi Religionem Abbas Generalis id eis concedere poterit, cū hac tamen conditione, vt infra tres mēses à die habitæ huiusmodi cōcessionis, teneātur ingredi aliquā Religionē, in qua regularis vigeat obseruantia, & illū de suo ingressu cer-

tiores facere sub pœna excommunicationis latæ sententiæ, si infra illud tempus, legitimo impedimento cessante, ipsam Religionem ingressi non fuerint.

Fugitivos, aut apostatas, aut eiektos, seu licentiatos à Congregatione nullus contra formam præsentis Constitutionis recipiat in nostris Monasterijs ad manendum, comedendum, vel loquendum; sed si quid eis dicendum fuerit, ad ianuam Monasterij, vel in Ecclesia breuissimè dicatur.

De poenis reuelantium secreta Congregationis, vel defectus personarum in ipsa existentium.

Caput XLVI.

Cum nihil tam impium sit, quàm patris, aut matris turpitudinem reuelare, si quis occultos defectus alicuius ex nostris personis quibuscunque extra Congregationem existentibus manifestauerit, vel crimina alicuius personæ de nostra Congregatione ad Tribunalia personarum siuè secularium, siuè ecclesiasticarum iurisdictionem in ipsam nostram Congregationem non habentiũ directè, aut indirectè detulerit, vel processus contra personas de nostra Congregatione existentes formatos, vel illorum copias eis dederit, vel dari fecerit, aut alio quouis modo fuerit in causâ, vt personæ in nostram Congregationem iurisdictionem non

non habentes, in causis eorum, qui sunt de Congregatione se intromittant, de illorum excessibus informationes capiendo, vel cognoscendo, aut illos ad sua Tribunalia quouis modo trahendo: talis omni officio, dignitate, & regimine in perpetuum priuatus existat, & cum eo non possit, nisi à toto Capitulo per vota secreta dispensari.

Qui occulta negotia Congregationis, præsertim quæ tractantur in Capitulis Generalibus, vel Dietis, vel in Capitulis Monasteriorum, alicui personæ de gremio Congregationis non existenti in damnum, & præiudicium Congregationis reuelauerit, voce actiua, & passiuæ per annum sit priuatus, & iuxta excessus qualitatem grauius puniatur.

De ijs, qui Congregationem extraneis subiugare tentauerint, vel contra illam impetrauerint.

Caput XLVII.

Qvicunque nostram Congregationem Potestatibus quibuscunque, aut personis de gremio Congregationis non existentibus in toto, aut in parte, subiugare tentauerit, perpetuò, dum vixerit, carceri mancipetur.

Qui falsis narrationibus nomine Congregationis aliquid nostris Constitutionibus, & consuetudinibus contrarium à Sede Apostolica impetrare tentauerit, cum iuxta canonicas sanctiones taliter im-

c. ex parte
c. cum dilectus de

elect. c. cū
olim de
fent. & re
iudicata.

petrata tanquam per subreptionem obtenta, nullū robur habeant; omni gradu, & officio, ac dignitate, voce actiua, & passiuā in perpetuum priuatus existat, & carceri deputetur, quamdiu per Capitulū Generale cum illo fuerit dispensatum. Abbas verò Generalis, & similiter Procurator Generalis, & Visitatores Sanctissimum D.N. de huiusmodi subreptione, & falsitate narratorum quamprimum certiores facere teneantur.

De incorrigibilibus.

Caput XLVIII.

Quia sapientis est Medici putrida membra, quæ omnibus medicamentis adhibitis non conualescunt, sed in peius deficiunt, ne reliqua membra inficiant, ferro abscindere; idcirco inhærendo Regulæ nostræ, & antiquæ Ordinis constitutioni, statuimus, ut quicumque ex nostris sapius de grauioribus, & grauiſſimis culpis cōuictus, & punitus, vitam emendare noluerit, excommunicetur, & ab omnium Fratrum conuersatione separatus maneat; & si hoc nihil prodesse visum fuerit, & a toto Diffinitorio incorrigibilis iudicabitur, ablato illi habitu professionis, aut perpetuo carceri, aut eremiis deputetur, ne contagione pestifera alios inficere possit, sicut etiam in priuilegio Pij Quarti nobis conceditur. Si autē illius delicta sint notoria non solum nostris, sed etiā personis secularibus, ita ut scandali-

Ann. 1561.
28. Iunii.

dalizentur extranei, & nostri ex eius conuersatione inficiantur, & à toto Diffinitorio incorrigibilis iudicatus fuerit, ablato similiter habitu Religionis, de nostra Congregatione expellatur, vt sic nostri timeant, & extranei scandalizari desinant, ita verò licentia, & expulsus in nostris domibus non recipiatur ad edendum, manendum, vel loquendum, vt in Capitulo precedenti dictum fuit. Illi pro incorrigibilibus habeantur, qui de grauiori, aut grauissimo delicto ter conuicti, & puniti vitam emendare noluerint, cuiusmodi sunt crimen apostasie, percuSSIONIS Fratrum, furti, concubinatus, proprietatis, atrociſ blasphemie, rebellionis, proditiONIS, & similia.

Circa verò apostatas & eieetos seruentur Decreta à Sac. Cong. Conc. ex peculiari facultate. S. D. N. Urbani PP. VIII. edita.

In illis verò Capitibus, in quibus certa poena præscripta non est, arbitrio Generalis, vel alterius immediati Superioris infligatur.

De Generali Visitatione Congregationis. Caput XLIX.

CUm ad Catholicam, & orthodoxam Fidem seruandam ad errores tollendos, vitia estirpanda, mores reformandos, & regularem disciplinam in Congregationibus statuendam, maximo adiumento semper visa, & reperta fuerit ipsarum

Dec. fa.
Cong. C.
de Reg.
post & ei
ctis. an
1624
Der. Cle
pp. VIII
reſor. Re
cap. 40.

c. in ſingu
lis de ſtat
Monac.

rum Congregationum frequens, & diligens visitatio; idcirco iuxta sacrorum Canonum Constitutiones, & antiquam nostri Ordinis consuetudinem, præcipimus, ut tota Cõgregatio quolibet anno per Visitatores ad hoc specialiter deputatos visitetur. Erunt autem Visitatores Congregationis in primis Abbas Generalis, qui saltẽ semel spatio triennij sui Generalatus, cessante legitimo impedimento, totam Congregationem visitare debebit; nec non quattuor socij eidem Abbati Generali per Generale Capitulum adiuncti, quibus hoc munus specialiter incumbit, unde & Visitatores Congregationis appellantur. Qui quidem singulo anno bini, & bini totam Congregationem visitabunt: videlicet bini dimidiam Congregationem, & bini alteram dimidiam. Cum autem Abbas Generalis visitationes peragere voluerit, in optione illius erit, quibus voluerit se adiungere; si verò vrgenti aliqua necessitate aliquis ex Visitoribus detineatur, ne possit peragere visitationes, ipse Abbas Generalis alteri ex Visitoribus adiunctus, cum illo visitationes perficiet, itaut semper duo simul visitent, ob maiorem huius muneris reuerentiam, & auctoritatem. Si autem etiam ipse Abbas Generalis ex causa necessaria impediatur, ne possit visitationes obire, cum consilio Visitoris, cui socius erit adiungendus, aliquem Prælatum, vel subditum idoneum eligat, qui Visitoris sic (ut præfertur) impediti supplẽat vicem. Quibus autem Monasterijs visitandis quisque sit deputandus, Abbas Generalis determinabit.

Visita-

Visitationes eotempore agantur, quod ipsis peragendis magis videbitur opportunū, itaut ante Quadragesimam omninò absoluantur: ne Visitatores sacro illo tempore peccatis per pœnitentiam redimendis destinato, huc, & illuc discurrentes, spirituales quietem, & deuotionem aliorum perturbent. Acta visitationum exactè, & diligenter scribantur, præsertim Decreta, quæ pro reformatione cuiuslibet, loci, vel personæ fieri continger; quorum exempla Visitatores anni præcedentis sequentibus semper exhibebunt, vt videre possint ea, quæ pro reformatione sanctè ordinata fuerunt, an sint executioni demandata.

Visitatores hæc præsertim ante oculos habeant, ad quæ principaliter visitationes fuerunt institutæ, nimirum Fidem orthodoxam, puram, & sinceram in Cōgregatione seruare, errores extirpare, regulare disciplinā sū regulam, & Ordinis Cōstitutiones in Congregatione instaurare, rebelles cohibere, negligentes ad virtutem excitare, debiles fouere, oppressos subleuare, paterna charitate omnes completi, & spirituales singulorum ægritudine pro viribus curare. Cum ad aliquod Monasterium visitandum accedent, cum omni honore, & charitate suscipiantur, & ad Ecclesiam statim accedentes, sanctissimum Eucharistiæ Sacramentum prius humiliter adorent, & post orationem factam se se ad hospitia recipiant. Interim Capitulum cum sono cāpanulæ de more congregetur; eo verò congregato maior ex Visitoribus breui sermone causam, & finem

De contumacibus, & appellantibus à correctione. Caput XLIV.

SI quis proprio Prælatō, aut etiam Vicario, dum ab eo corripitur, temerè respondere ausus fuerit, faciat pro qualibet vice disciplinā publicè in Refectōrio, & si assuescat temerè suis Superioribus respondere, ita corripiatur, ut religiosā discat humilitatem. Cum ad leuem culpam corrigendam, aut ad virtutem humilitatis, & patientiæ probandam, & exercendam alicui pœnitentia iniungetur, nullus etiam si culpæ, ob quam eiusmodi pœnitentia illi iniungetur, innoxius sibi videatur, audeat à correctione appellare, quod si quis fecerit, ieiunet per annum singulis sextis feriis in pane, & aqua, & careat voce actiua, & passiua per decem annos.

Si tamen grauis pœnæ ei pro delicto imponatur, ob quam illius fama denigretur, & grauari se sentiat, non interdicitur illi recursus ad Superiores, si debito modo fiat; & cum debita humilitate, aliàs si quis cum proteruia, & indebitis modis ad Superiorem appellauerit, prædictæ pœnæ subiacebit. Ut verò subditorum indemnitati, qui se à Prælatīs grauari sentient, oportunè provideatur: statuimus, ut quicumque grauatum se senserit, & à proprio Prælatō ad maiores Superiores recurrere voluerit, lite-

ras ipsis maioribus Superioribus directas , in quibus suum grauamen illis humiliter exponet, ipsi Prælato corā duobus, vel tribus testibus præbeat, & Prælatus ipse teneatur, easdem literas maioribus Superioribus statim recta via fideliter transmittere ; interim verò contra talem subditum nihil innouetur .

Et quoniam Diabolo operante nonnunquam reperiuntur in Monasterijs, qui non solum obedientiam, & regulare correctionem refugiant, sed etiā contra Superiores simultates excitent , & nutrant: si quis alicui, ne suo Prælato humiliter obediat, cōsiliū, vel auxilium, vel fauorem præbuerit , & de hoc fuerit conuictus ; si fuerit Prælatus , vacet à prælatura per triennium ; si subditus Canonicus , priuetur voce actiua , & passiua per triennium ; si Conuersus, priuetur patientia per annum , & habeat Claustum cum silentio per sex menses .

De fugitiuis , & Apostatis .

Caput XLV .

SI quis leuitatis causa, vel indignationis, vel vitandi correctionis rigorem sine licentia è Monasterio aufugerit , & infra tres dies reuersus, proprii erroris veniam postulauerit, recipiatur, & ad arbitrium Prælati ieiunijs, & disciplinis , uel etiam sequestratione à consortio aliorum castigetur ; si autem ad aliud Monasterium infra idem

tem-

tempus confugerit, recipiatur in carceribus, & de illius aduentu Abbas Generalis, vel propinquior ex Visitatoribus admoneatur, & eius responsum expectetur. Idem seruetur, si quis ob delictum aufugerit, & ad proprium, vel alienum Monasterium infra idem tempus reuersus fuerit; excepto quod poena illi ob delictum aggrauari debet.

Si verò ultra tres dies steterit extra Congregationem, & habitum professionis non dimiserit, & infra mensem reuersus fuerit, recipiatur, & pro sui erroris emendatione stet in carcere per tres menses, & si fuerit Canonicus voce actiua, & passiua per triennium priuatus existat, & toto illo tempore vltimus inter Canonicos sui Ordinis in locis publicis maneat; si autem sit Conuersus, habitu professionis per annum sit priuatus, & per tres menses singulis sextis feriis ieiunet in pane, & aqua.

Si autem ultra mensem extra Congregationem habitu retento steterit, nullus illum recipere possit nisi de consensu Abbatis Generalis, & Diffinitorū omnium tempore Capituli Generalis, vel Dietæ, & receptus stet in carcere per tres menses, & si sit Canonicus vltimus stet in Choro, & alijs locis publicis inter Canonicos sui Ordinis, voce actiua, & passiua priuetur per decem annos: si autem sit Conuersus priuetur patientia per decem annos, & bis in hebdomada ieiunet in pane, & aqua.

Si verò animo apostatandi habitu relicto è Monasterio discesserit, & extra Congregationem ultra mensem similiter steterit, eidem poenæ subiacebit, & si

& si fuerit Canonicus, præter dictam pœnam decem annorum, ad omnia officia, gradus, & dignitates in perpetuum inhabilis erit, & tempus, quod extra Congregationem consumpserit, ei non computabitur inter annos Religionis, & si in seculo scandalosè vixisse deprehensus fuerit, manebit in carcere per annum, & grauioribus pœnis iuxta criminum grauitatem, puniri debet. Conuersi verò loco priuationis vocis actiua, & passiva, & perpetua inhabilitatis ad officia, & dignitates, habitu professionis priuari, & colore tancto, sicut oblato, perpetuò vestiri debebunt. Super hoc nec etiam Abbas Generalis, nisi toto Diffinitorio consentiente, valeat dispensare.

Et nihilominus ne huiusmodi fugitiui, & apostatæ extra claustra cum dedecore Congregationis vagentur, Abbas, & Procurator Generales, & Visitatores ex proprio officio, & alij locorum Prælati, illos diligenter inquirere, & capi facere debebunt, & in carceribus sine habitu detinere, donec per Diffinitorium in Capitulo Generali, vel dicta quid de huiusmodi fieri debeat, decernatur. Apostatæ verò ad Congregationem ter recepti, si ultra apostatauerint pro incorrigibilibus habeantur, & amplius ad Congregationem non admittantur. Si tamen postulauerint aliam ingredi Religionem Abbas Generalis id eis concedere poterit, cū hac tamen conditione, vt infra tres menses à die habitæ huiusmodi cōcessio- nis, teneatur ingredi aliquam Religionem, in qua regularis vigeat obleruantia, & illū de suo ingressu cer-

tiores facere sub pœna excommunicationis latae sententiæ, si infra illud tempus, legitimo impedimento cessante, ipsam Religionem ingressi non fuerint.

Fugitivos, aut apostatas, aut eieetos, seu licentiatos à Congregatione nullus contra formam præsentis Constitutionis recipiat in nostris Monasterijs ad manendum, comedendum, vel loquendum; sed si quid eis dicendum fuerit, ad ianuam Monasterij, vel in Ecclesia brevissimè dicatur.

De poenis reuelantium secreta Congregationis, vel defectus personarum in ipsa existentium.

Caput XLVI.

Cum nihil tam impium sit, quàm patris, aut matris turpitudinem reuelare, si quis occultos defectus alicuius ex nostris personis quibuscunque extra Congregationem existentibus manifestauerit, vel crimina alicuius personæ de nostra Congregatione ad Tribunalia personarum siue secularium, siue ecclesiasticarum iurisdictionem in ipsam nostram Congregationem non habentiū directè, aut indirectè detulerit, vel processus contra personas de nostra Congregatione existentes formatos, vel illorum copias eis dederit, vel dari fecerit, aut alio quouis modo fuerit in causâ, ut personæ in nostram Congregationem iurisdictionem non

non habentes, in causis eorum, qui sunt de Congregatione se intromittant, de illorum excessibus informationes capiendo, vel cognoscendo, aut illos ad sua Tribunalia quouis modo trahendo: talis omni officio, dignitate, & regimine in perpetuum priuatus existat, & cum eo non possit, nisi à toto Capitulo per vota secreta dispensari.

Qui occulta negocia Congregationis, præsertim quæ tractantur in Capitulis Generalibus, vel Dietis, vel in Capitulis Monasteriorum, alicui personæ de gremio Congregationis non existenti in damnum, & præiudiciū Congregationis reuelauerit, voce actiua, & passiuæ per annum sit priuatus, & iuxta excessus qualitatem grauius puniatur.

De ijs, qui Congregationem extraneis subiugare tentauerint, vel contra illam impetrauerint.

Caput XLVII.

Q Vicunque nostram Congregationem Potestatibus quibuscunque, aut personis de gremio Congregationis non existentibus in toto, aut in parte, subiugare tentauerit, perpetuò, dum vixerit, carceri mancipetur.

Qui falsis narrationibus nomine Congregationis aliquid nostris Constitutionibus, & consuetudinibus contrarium à Sede Apostolica impetrare tentauerit, cum iuxta canonicas sanctiones taliter im-

c. ex parte
c. cum dilectus de

elect. c. cū
olim de
sent. & re
iudicata.

petrata tanquam per subreptionem obrenta, nullū robur habeant; omni gradu, & officio, ac dignitate, voce actiua, & passiua in perpetuum priuatus existat, & carceri deputetur, quamdiu per Capitulū Generale cum illo fuerit dispensatum. Abbas verò Generalis, & similiter Procurator Generalis, & Visitatores Sanctissimum D.N. de huiusmodi subreptione, & falsitate narratorum quamprimum certiores facere teneantur.

De incorrigibilibus.

Caput XLVIII.

Quia sapientis est Medici putrida membra, quæ omnibus medicamentis adhibitis non conualescunt, sed in peius deficiunt, ne reliqua membra inficiant, ferro abscindere; idcirco inhærendo Regulæ nostræ, & antiquæ Ordinis constitutioni, statuimus, ut quicumque ex nostris sæpius de grauioribus, & grauissimis culpis cōuictus, & punitus, vitari emendare noluerit, excommunicetur, & ab omnium Fratrum conuersatione separatus maneat; & si hoc nihil prodesse visum fuerit, & a toto Diffinitorio incorrigibilis iudicabitur, ablato illi habitu professionis, aut perpetuo carceri, aut eremiis deputetur, ne contagione pestifera alios inficere possit, sicut etiam in priuilegio Pij Quarti nobis conceditur. Si autē illius delicta sint notoria non solum nostris, sed etiā personis secularibus, ita ut scandali-

Ann. 1561.
28. Iunij.

dalizentur extranei, & nostri ex eius conuersatione inficiantur, & à toto Diffinitorio incorrigibilis iudicatus fuerit, ablato similiter habitu Religionis, de nostra Congregatione expellatur, vt sic nostri timeant, & extranei scandalizari desinant, ita verò licentiat, & expulsus in nostris domibus non recipiatur ad edendum, manendum, vel loquendum, vt in Capitulo precedenti dictum fuit. Illi pro incorrigibilibus habeantur, qui de grauiori, aut grauissimo delicto ter conuicti, & puniti vitam emendare noluerint, cuiusmodi sunt crimen apostasiæ, percuSSIONIS Fratrum, furti, concubinatus, proprietatis, atroCIS blasphemix, rebellionis, prodicionis, & similia.

Circa verò apostatas & eiectos seruentur Decreta à Sac. Cong. Conc. ex peculiari facultate. S. D. N. Urbani PP. VIII. edita.

In illis verò Capitibus, in quibus certa pœna præscripta non est, arbitrio Generalis, vel alterius immediati Superioris infligatur.

De Generali Visitatione Congregationis. Caput XLIX.

CUm ad Catholicam, & orthodoxam Fidem seruandam ad errores tollendos, vitia estirpanda, mores reformandos, & regularem disciplinam in Congregationibus statuendam, maximo adiumento semper visa, & reperta fuerit ipsarum

Dec. fac
Cong. C6
de Reg. A
post & cie
tis. ann
1624
Der. Glen
pp. VIII d
refor. Ref
c2p. 40.

c. in singu
lis de stat
Monac.

rum Congregationum frequens, & diligens visitatio; idcirco iuxta sacrorum Canonum Constitutiones, & antiquam nostri Ordinis consuetudinem, præcipimus, ut tota Cōgregatio quolibet anno per Visitatores ad hoc specialiter deputatos visitetur. Erunt autem Visitatores Congregationis in primis Abbas Generalis, qui saltē semel spatio triennij sui Generalatus, cessante legitimo impedimento, totam Congregationem visitare debet; nec non quattuor socij eidem Abbati Generali per Generale Capitulum adiuncti, quibus hoc munus specialiter incumbit, unde & Visitatores Congregationis appellantur. Qui quidem singulo anno bini, & bini totam Congregationem visitabunt: videlicet bini dimidiam Congregationem, & bini alteram dimidiam. Cum autem Abbas Generalis visitationes peragere voluerit, in optione illius erit, quibus voluerit se adiungere; si verò vrgenti aliqua necessitate aliquis ex Visitoribus detineatur, ne possit peragere visitationes, ipse Abbas Generalis alteri ex Visitoribus adiunctus, cum illo visitationes perficiet, itaut semper duo simul visitent, ob maiorem huius muneris reuerentiam, & auctoritatem. Si autem etiam ipse Abbas Generalis ex causa necessaria impediatur, ne possit visitationes obire, cum consilio Visitoris, cui socius erit adiungendus, aliquem Prælatum, vel subditum idoneum eligat, qui Visitoris sic (ut præfertur) impediti supplēat vicem. Quibus autem Monasterijs visitandis quisque sit deputandus, Abbas Generalis determinabit.

Visita-

Visitationes eo tempore agantur, quod ipsis peragendis magis videbitur opportunū, itaut ante Quadragesimam omninò absoluantur: ne Visitatores sacro illo tempore peccatis per pœnitentiam redimendis destinato, huc, & illuc discurrentes, spirituales quietem, & deuotionem aliorum perturbent. Acta visitationum exactè, & diligenter scribantur, præsertim Decreta, quæ pro reformatione cuiuslibet, loci, vel personæ fieri continger; quorum exempla Visitatores anni præcedentis sequentibus semper exhibebunt, vt videre possint ea, quæ pro reformatione sanctè ordinata fuerunt, an sint executioni demandata.

Visitatores hæc præsertim ante oculos habeant, ad quæ principaliter visitationes fuerunt institutæ, nimirum Fidem orthodoxam, puram, & sinceram in Cōgregatione seruare, errores extirpare, regulare disciplinā sū regulam, & Ordinis Cōstitutiones in Congregatione instaurare, rebelles cohibere, negligentes ad virtutem excitare, debiles fouere, oppressos subleuare, paterna charitate omnes completi, & spirituales singulorum ægritudine pro viribus curare. Cum ad aliquod Monasterium visitandum accedent, cum omni honore, & charitate suscipiantur, & ad Ecclesiam statim accedentes, sanctissimum Eucharistiæ Sacramentum prius humiliter adorent, & post orationem factam se se ad hospitia recipiant. Interim Capitulum cum sono cāpanulæ de more congregetur; eo verò congregato maior ex Visitoribus breui sermone causam, & finem

finem illorum accessus significabit, & vt omnes, & singuli de his rebus, de quibus fuerint secundum Deum interrogati circa res, & personas Monasterij veritatem dicant, similiter videbunt, aut si quid prauum, aut corrigendum in capite, vel in membris eiusdem Monasterij, vel in rebus, vel bonis spiritualibus, vel temporalibus occurrat, omni odio, & mala voluntate semotis ipsis Visitatoribus confidenter aperiant. Promittentque nullo pacto, quæ interrogati respondebunt, verbis, aut scriptis se alicui reuelaturos.

Postea ad Ecclesiam visitandam proficiantur à sanctissimo Sacramento Eucharistiæ visitationes inchoando, quod facta prius adoratione, & incensatione cum superpelliceo, & stola, cantatoq; versiculo, Tantum ergo Sacramentum, cum oratione consueta, summa cum diligentia inspicient cum pixide, custodia, & tabernaculo obseruantes, an decenter (vt oportet) singula teneantur exinde ad visitationem aliarum rerum ad Ecclesiam spectantium procedent, vt sunt Sanctorum reliquiæ, altaria, Icones, & Imagines, & si Ecclesia parochialis sit, fons baptismalis, oleum catechumenorum, & infirmorum, & Chrisma, postea ad cœmeterium procedet, cuiusque rei statum, & qualitatem prospicientes, & in actis visitationum describentes, & quæcunque reformatione opus habuerint, animaduertentes, & in eisdem actis notantes, & cum actis visitationum anni præcedentis conferrentes, vt videre possint, an Decreta in visitationibus præcedentibus facta executioni

cutioni fuerint demandata ; deindè ad Sacristiam visitandam accedent , & sacrorum vasorum , & librorum , & sacrarum vestium rationes exquirent ; catalogos etiam perpetuarum obligationum sibi exhiberi facient , & nam ipsis obligationibus tempore conuenienti, & integrè satisfiat ; diligenter inquirent de eleemosynis etiam quotidianis, quæ pro Missis celebrandis recipiuntur, in quos vsus illæ cõuertantur, & vtrum Missæ, pro quibus dicendis cõferuntur, re vera dicantur : librum quoque inspicient , in quo singulæ Missæ , quæ quotidie in Ecclesia celebrantur, describi solent ; quorum omnium statum in actis visitationum similiter notabunt.

Demùm in Monasterium reuersi, Dormitoriũ , Vestiarium, & singulas Monasterij officinas, & particulares onanum siuè subditorum , siuè Prælatorũ cellas, & omnem supellectilem, tam communibus, quàm particularibus , & priuatis personarũ vsibus deputatam similiter visitabunt. Libros etiam computorum, introituum , & expensarum Monasterij , & totam temporalem administrationem tam extra, quàm intra Monasterium diligenter examinabunt, aduocatis etiam Administratoribus forensibus , & inspectis cuiusque Monasterij redditibus non solũ certis, sed etiam verosimilibus cuiusque anni instãtis , & præcedentis ; inspectis etiam libellis, seu inuentarijs bonorum, tùm mobilium, cùm immobilium , quorum omnium statum , qualitatem , & quantitatem in actis visitationum similiter adnotabunt.

De generali examine familiæ .

Caput L.

Visitata Ecclesia, & Sacristia, cū officinis Monasterij Visitatores in sua hospitia se recipientes toti familiæ examinandæ operam dare incipient, per viam Generalis Inquisitionis procedentes, delato cuique iuramento de veritate dicenda super ijs, de quibus fuerit legitimè secundum Deum interrogatus, adnotato cuiusque examine, vt possit Abbati Generali, aut alijs Visitatoribus, cum opus fuerit exhiberi. Quod examen vt ordinatè, & vtiliter fiat, tam circa res, quam circa personas, duæ series, altera rerum, altera personarū constituendæ erunt, circa quas suo ordine interrogationes fieri debebunt.

Prima series rerum continebit in primis Decreta, quæ pro reformatione à Visitatoribus anni antea facta fuerunt, circa quæ inquirent, an in Visitationibus anni præcedētis facta fuerint aliqua Decreta; an illorum copia in Monasterio habeatur; an illa in totum, vel in parte sint executioni demandata.

Secundò Regulam, & Ordinis Constitutiones, circa quas inuestigabūt, an in Monasterio habeatur ipsa Regula, & Constitutiones; an statutis temporibus, & diebus legantur; an ab omnibus obseruentur.

Tertiò

Tertiò votorum obseruationem, circa quæ perquirent, an sit aliquis in Monasterio parum obediens, temerariè Superioribus respondens, seditio- nes excitans, & fouens; an aliquis turpiloquus, vel de incontinentia diffamatus; an aliquis proprietatis vitio infectus; an aliquis habeat apud se, vel apud alios pecunias, aut aliquid pecunia æstimabile, & illarum quantitatem.

Quartò Diuina officia, & Missarũ celebrationẽ, circa quæ interrogabunt, an quolibet die in Choro statutis horis Diuina officia conuentualiter dicantur; an sit in Monasterio aliquis Canonicus suspectus, quod Diuinum Officium minimè dicat; an quoti- die Missa conuentualis cantetur; an singuli Sacer- dotes frequenter sacrum faciant; an officia, & Missæ, quibus dicendis Monasterium obligatur, re vera dicantur; an aliquis Sacerdos in Missa dicenda talẽ se præbeat, qui populis scandalum, vel admiratio- nem generare possit.

Quintò frequentiam Sacramentorum pœnitenti- æ, & Eucharistiæ, circa quæ inquirent, an saltẽ decimoquinto quoque die fiat generalis cõmunio; an aliqui Clerici, aut Conuersi, aut oblati ex con- suetudine ipsi communioni generali minimè in- tersint; an sit aliquis diffamatus, quod rarò sacra- mentaliter confiteatur.

Sextò curam ægrotantium, & senum; circa hæc examinabunt, an sit in Monasterio certus locus cu- randis infirmis assignatus; an sint aliquæ personæ ipsorum infirmorum curæ spiritali deputatæ; an

illorum diligens cura habeatur ; an aliquid illis defit circa spiritualia, & corporalia seruitia, an medicamenta necessaria de consilio Medicorū illis præbeantur; an sint Medici, qui statutis horis, illos visitent, & curent; an eorum, qui senio erunt confecti diligens cura habeatur .

Septimò literarum studia, circa quæ perquirent; an in studijs lectiones ordinariæ iuxta locorū exigentiam habeantur, & à quibus ; an fiant quotidiana repetitiones, & disputationes in Sabbathis; an Prælati lectionibus repetitionibus, ac disputationibus ipsis frequenter intersint; an habeatur in singulis locis lectio casuum conscientiæ; an singuli Canonici eiusmodi lectioni adsint; an fiant collationes casuum conscientiæ; an in locis, in quibus sunt Clerici, extra studia sint aliquæ lectiones, quibus erudiantur in ijs, quæ ad illorum officia erunt scitu necessaria .

Octauò bonorum temporalium administrationē, circa quæ interrogabunt, an fideliter illa, & prudenter administrantur; an fiant sumptus inutiles, in conuiujs, aut secularibus recipiendis ; an seculares in locis Monasteriorum detineantur cum illorum detrimento ; an Prælati per se ipsos immediatè bona Monasteriorum administrant; an sint in Monasterio ratiocinatores, seu computorum Reuifores ; an singulis saltè mensibus libros computorum, & introitus, atque expensas examinent, an Prælati bona mobilia, & immobilia frequenter visitent ; an Monasterium aliquas graues lites habeat, & quo tēpore,

pore, & à quibus illæ sint inchoatæ; an iura Monasterij diligenter defendantur; an scripturæ, & archiuum diligenter custodiantur.

Altera series personarū has personas præsertim continebit; primò Visitatores anni anteaçti, circa quos inquirent; an anno præterito suo munere diligenter functi fuerint; an eiusmodi interrogationes fecerint; an odio, vel alia causa ducti aliquem grauauerint; an præter taxas illis debitas aliquod munus ab aliquo acceperint.

Secundò Prælatum loci, circa quem interrogabunt, an verbo, & exemplo talis sit, qualem Constitutiones requirunt; an diuinis officijs, & communi refectiõni cum alijs frequenter intersit; an aliqua re particulari præter communem vsum Congregationis in victu, aut vestitu vtatur; an infirmos frequenter visite, & ope, ac medicamentis iuuari procuret; an necessaria subditis quoad victu, & vestitum præbeat; an aliquem in suo Monasterio scandalosè viuere in habitu, & cõuersatione patiat; an regulare disciplinã in Monasterio faciat seruare; an cum grauitate mansuetudinem erga omnes seruet.

Tertiò Vicarium, circa quem inquirèt, an conditionibus, & qualitatibus iuxta nostras Constitutiones requisitis præditus sit; an suo muneri præsertim circa ea, quæ spectant ad seruitium Chori, & Ecclesiæ, diligenter satisfaciat.

Quartò Lectores studiorū, circa quos examina-
bunt, an sint solliciti in scholaribus erudiendis; an ordinarias lectiones, & illarū repetitiones absque necessario

cessario impedimento intermittant; an illorum doctrina sit solida, & utilis, & præsertim circa Theologos, an in profitendo viam D. Thomæ sequantur.

Quintò Scholares, circa quos requirent, an studijs literarum pro viribus incumbant; an lectionibus, repetitionibus, & disputationibus assiduè intersint; an sint aliqui scientijs speculatiuis, vel ei facultati, cui operam dabunt, minus idonei.

Exinde circa Oeconomum, Procuratorè, & alias personas de ijs, quæ ad cuiusque officium spectabunt inquirere poterunt, ac demùm de tota familia in capite, & membris, an in Monasterio regularis disciplina ab omnibus obseruetur; an sit aliquod malum, vel scandalum, cui necesse sit occurrere: quòd si graue aliquod delictum, vel scandalum perpetratum fuisse ex huiusmodi generalibus Inquisitionibus deprehensum fuerit, aduertant Patres Visitatores, illos specialem inquisitionem, & processum desuper conficere de nouo oportere, testes iterum examinando, reum conueniendo, & alia opportuna, seruato iuris ordine quoad substantialia, exequèdo.

Caueant autem diligenter ipsi Visitatores, ne depositiones, quas contra quamlibet personam, siuè Canonicum, siuè Conuersum fieri cõtinget, aliquo pacto verbo, vel scripto reuelent, præterquam Abbati Generali, aut Visitoribus; aliàs si nomina, vel cognomina deponentium reuelabunt scripto, voce, vel signo, per annum ab officio Visitationum suspendantur.

De modo terminandi visitationes. Caput LI.

Peracta visitatione, absolutòque Generali examine, si quid reformatione opus habere deprehensum fuerit, ipsi Visitatores communi consensu, & matura deliberatione de remedijs opportunis decernent. Si verò in aliquo decernendo non consentiant, tertium eligant, & sibi in decernendo adiungant, & illud pro rato habeatur, & fiat, quod à duobus fuerit definitum. Decreta verò, quæ pro reformatione fieri contingeret, in scriptis redigant, & illorum copias authenticas Prælati locorum relinquunt.

Studeant autem inprimis charitati, & concordia tum inter se, tum inter alios siuè subditos, siuè Prælatos, & etiam Prælatorum auctoritati, & apud subditos æstimationi, ac reuerentiæ quantum fieri poterit, seruandæ, & augendæ. Ac demùm ne ex nimia visitationum prorogatione Monasteria non leuia detrimenta sustinere cogantur, ipsas visitationes quàm citius poterunt, nitantur explere: quare prædictis omnibus absolutis iterum Capitulum conuocabunt, & singulorum culpis auditis iuxta antiquam consuetudinem nostram, maior ex Visitoribus unicuique salutarem pœnitentiam imponat. Si verò ob defectum peculiarem culpabilem, aut scandalum perpetratum alicui particularis pœna im-

na imponenda erit, in Capitulo coram omnibus publicari, & imponi debebit. Similiter Decreta, quæ pro morum reformatione facta fuerint, publicæ in Capitulo legenda erunt.

Omnibus deinde genuflexis fiat generalis cōfessio, & à maiori Visitatore generalis absolutio. Postea cunctis surgentibus, & sedentibus utilis sermo de regulari obseruantia, & spiritali profectu ab eodem maiori Visitatore habeatur. Demùm vterque eorum singulos Canonicos, & Conuersos ad pacis osculum recipientes cum Dei benedictione discedant, ad alia loca profecturi.

Si verò præter generalem visitationem, casus cōtingat, ob quem aliquod Monasterium particulari visitatione indigeat, ea toties fieri debebit, quoties ipsis Patribus Visitoribus necessaria visa fuerit.

De subsidio Abbati Generali, & Visitoribus pro viaticis exhibendo. Caput LII.

Quia necesse est, Abbatem Generalem, & Visitatores, tùm in itineribus, tùm in alijs rebus necessarijs, plures sumptus facere; ne propter huiusmodi sumptus aliqua Monasteria nimium grauari contingat; præcipitur, vt singula Monasteria pecuniarum quantitatem siuè pro Abbate Generali, siuè pro quolibet Visitatore in Capitulo Generali à Patribus Distinctioribus taxatam, vel

vel pro tempore taxandam ipsis Abbati Generali, & Visitationibus absolutis visitationibus statim persoluant. Si autem aliquod Monasterium casu aliquo tantam iacturam temporalium bonorum fecerit, ut ratam ipsum tangentem solvere non possit, de communibus contributionibus totius Congregationis supplenda erit; quod etiam fieri debet in alijs omnibus expensis, quas pro communi causa totius Congregationis fieri oportebit.

Abbas Generalis, & Visitatores modesto, & convenienti famulatu, & equitatu contenti sint, & studeant visitationes quam celerrimè absolvere; ea tamen maturitate, ut si alicubi pro utilitate Monasteriorum spirituali, vel temporali aliquod remediū adhibere necessarium sit, nō prius a loco discedant, quàm omnibus diligenter inspectis, opportunum remedium adhibuerint. Præter taxam præscriptam nihil omninò ab aliquo exigant, neque dono oblatum accipiant, siue nomine Monasterij, siue alicuius particularis personæ illud doneatur, neque inutilibus sumptibus Monasterijs sint graues. Contrafacientes ad restitutionem teneantur, & in generalibus Capitulis grauissimè puniantur.

Superiores omnes, etiam Generalis, qui redditus, aut præstationes, peculiare rationes officiorum habent, eorum accepta, & expensa in libro distincto fideliter, & diligenter adnotari curent, neque in alios vsus, quàm ratione officij sui necessarios, quidquam expendant. Cum ve-

Dec. Clem.
pp. VIII
de Refor
reg. 11.

ro contigerit ipsos in aliquo Conuentu commora-
 ri, eam pecuniæ quantitatem in commune confe-
 rant, ex qua sibi, & ijs, qui secum erunt, victus
 ad præscriptum Regule, & Constitutionum sup-
 pedietur.



CONSTITVTIONVM
CANONICORVM
REGVLARIVM
ORDINIS SANCTI AVGVSTINI
Congregationis Saluatoris Lateranensis
PARS TERTIA.

De Generali Capitulo singulo
triennio celebrando

Caput I.



Vxta Constitutionem Sacri Concilij Lateranensis, & antiquam Ordinis consuetudinem, statui-
mus, vt generale Capitulum to-
tius Cōgregationis singulo tri-
enio celebretur Locus verò, in quo
celebrari debebit, nisi Abbati Generali, & Dissini-
toribus aliter ex causa legitima visum fuerit, erit
Monasterium nostrum Sanctæ Mariæ in Portu Ci-
uitatis Rauennæ; si autem alibi celebrandum erit,
in Diœcesi ipsius Capitulum, immediate præcedente
huiusmodi locus statuendus erit. Tempus celebra-

c. in singu-
lis de stat
monac.

di Generale Capitulum erit Dominica tertia, post Pascha Resurrectionis. Ideò qui generali Capitulo interesse debebunt, Sabbatho immediatè præcedenti ipsam Dominicam tertiam post Pascha Resurrectionis in loco, vbi illud celebrandum erit, legitimo impedimento cessante, omnes personaliter adesse debebunt: non tamen ante illud tempus, ne Monasterium, in quo ipsum Capitulum celebrari debebit, superfluis expensis nimium grauetur, exceptis Abbate Generali, & Visitatoribus Congregationis.

Omnes in Capitulo generali votum habentes, teneantur ad illud debito tempore personaliter conuenire; qui autem sine legitimo impedimento nõ conuenerint, per Patres Diffinitores grauiter puniantur, si quis ob legitimum impedimentum ipsi Capitulo interesse non poterit, eiusmodi impedimentum per suas literas significare teneatur; & si sit Prælatus alicuius Monasterij, per socium capitularem, vel alium resignationem sui regiminis eidem generali Capitulo in scriptis mittat, vt per illos eiusmodi resignatio in ipso Capitulo generali fieri possit. Fungatur tamen propria auctoritate Prælati tam in spiritualibus, quàm in temporalibus, donec nouus loci Prælatus accesserit, vel aliquem loco sui miserit, vel alicui per scripturam vices suas commiserit, & hoc semper seruetur siuè dum generale Capitulũ celebrabitur, siuè Dieta, siuè Prælatus ipse regimen resignauerit, siuè illius officium ob expletum triënum sui regiminis vacauerit.

Nullus

Nullus in Capitulo generali votum non habens absque licentia speciali Abbatis Generalis ad illud accedat. Sed nec Abbas Generalis absque vrgenti necessitate eiusmodi licentiam alicui concedat; excipiuntur Conuersi, quos Prælati pro suis seruitijs secum ducent. Prædicatores verò, Lectores, vel studentes ad conciones, & publicas disputationes habendas quotquot necessariòs viderit, aduocare possit. Canonici tamen in Capitulo generali votum non habentes, si ex aliqua causa rationabili ad illud vocentur, ad tractatus, qui in ipso Capitulo fient, non admittantur sine licentia eiusdem Capituli generalis.

Si postquam Prælati locorum è Monasterijs discesserint ad Capitulum generale profecturi, casu vrgentis necessitatis occurrat, ob quem necesse sit aliquem ad ipsum generale Capitulum ire, non tamen sine literis Vicarij, vel Capituli ipsius Monasterij vadat, aliòquin tanquam fugitiuus puniatur, nisi Diffinitorium causam illius accessus probauerit. Idem seruetur cum cæteris omnibus sine licentia Abbatis Generalis, ad generale Capitulum accedentibus.

De ijs, quæ à Prælatiſ fieri debent, antequam è ſuis Monafterijs diſcedant, ad Capitulum Generale proſecturi . *Caput II.*

Quilibet Prælatuſ ad Capitulũ generale proſecturuſ ſuum Monafteriũ circa ſpiritualia, & temporalia, in hunc modum priuſ diſponat . Per aliquot dieſ antequam è Monafterio diſcedat, Capitulo congregato, ſuum diſceſſum omnibꝯ ſignificet, & illoſ vt diuinuſ auxiliuſ ad ipſuſ generale Capituluſ rectè celebranduſ aſſiduè precibuſ implorent, pro viribuſ adhortetur, Moneat etiam, vt ſinguli recogitent, ſi quid habeat, quod pro Dei gloria, vel pro publica totiuſ Congregationiſ, vel particulari alicuiuſ perſonæ, aut loci utilitate ipſi Capitulo generali in Domino ſignificanduſ videatur . Si Abbas Generaliſ, vel Viſitatores aliqua Decreta tempore Generaliſ Capituli ſeruanda illiſ dederint, vel tranſmiſerint, publicè legi faciet, & Vicario, aut Proprælato ab ipſo relinquendo, iuxta præſcriptuſ Conſtitutioniſ ſecundæ partiſ in Capitulo de Vicarijſ in fine, vt ea ſeruari faciat, coram omnibuſ tradet, cui Vicario, ſeu Proprælato curam totiuſ Monafterij ſaltè in ſpiritualibuſ tradet, donec expleto Capitulo ipſe, vel aliuſ ad Monafteriuſ regenduſ redierit. Præcipiet etiã vt treſ Miſſæ antequam Generale Capituluſ inchoetur,

tus, conuēntualiter cantentur, prima de Spiritu sancto, secunda de Beata Virgine, tertia de D. Patre Augustino cum collectis pro Prælatiſ, & Congregationibus, vel pro pace in Congregatione ſeruanda: Deindè cum Vicario, & ratiocinatoribus ſingulas Monasterij officinas, & omnem illius ſupellectilem cum inuentario viſitabit, incipiendo ab Eccleſia, & Sacriſtia, & ſingula cum ipſo inuentario cōferendo, vt videatur, an aliquid in inuentario adnotatum deſit, & ſingula particularibus officinarū præſectis coram Vicario, & ratiocinatoribus reſignando. Ipſum autem generale inuentarium apud Vicarium remanebit. Viſitabit exinde omnia deſcripta coram eiſdem Vicario, & Ratiocinatoribus, quæ in pecunia numerata boni pōderis, & valoris in manibus Depositarij reſignabit, & ab ipſo Depositario ſingrapham quantitatis, & qualitatis eorundē deſcriptorum apud ipſum relictorum accipiet, illius & Ratiocinatorum ſubſcriptione firmatam, quam ad generale Capitulum ſerre debebit, & clauem alteram capſæ deſcriptorum, quam ipſe Prælatus tenere ſolebat, Vicario reſignabit.

Ea etiam, quæ poſt rationes pro alenda familia in annum ſequentem ſolent relinqui, cum eiſdem Vicario, & Ratiocinatoribus videbit, ſiue pecuniæ ſint, ſiue granum, vinum, & oleum, ſiue aliud ſimile. Et omnium, ac ſingulorum quantitate, & qualitate adnotata Oeconomo, aut alijs Monasterij officialibus reſignabit, ſingrapha illorum, & Ratiocinatorum manu ſubſcripta, ab eis accepta, quam ſimi-

similiter ad generale Capitulum ferre debebit. Postea libros rationum, seu computorum Monasterij cum eisdem ratiocinatoribus diligenter examinabit, omnes introitus, seu prouentus, exitus, & expensas singillatim perpendendo, ex quibus libris summam, vulgò capsam appellatam, tam introitus, & prouentus, quàm exitus, & expensas distinctè, & fideliter continentem, manu ratiocinatorum firmatam accipiet ad generale Capitulum deferendam, & deputatis per ipsum Capitulum exhibendam.

Mercatores, & apothecarios, qui merces, vel cibaria Monasterio præbere solent, coram eisdem ratiocinatoribus accersiri faciet, & factis computis, si quid eis soluendum erit, statim persoluet, & singrapham veræ solutionis, & quietationis illorum, & ratiocinatorum manu subscriptam accipiet, generali Capitulo deferendam, & deindè Prælato, qui illi in regimine succedet, resignandam, & ad propriū Monasterium reportandā, & inter scripturas ipsius Monasterij registrandam.

De eligendo socio capitulari ad generale Capitulum mittendo.

Caput III.

IN quolibet Monasterio, vbi septem Canonici conuentualiter degent, eligatur vnus Canonicus à Capitulo Monasterij, quem cum Prælato ad

ad generale Capitulum mittat, quique in ipso generali Capitulo vocem habeat in omnibus electionibus, & determinationibus, quas per ipsum generale Capitulum fieri continget. Eligendus in locum capitularem sit Sacerdos, & de gremio Capituli, à quo eligitur, carens canonico impedimento, propter quod eligi non possit, prudens, & sani consilij, bonis moribus ornatus, & idoneus ad negocia, quæ publicam totius Congregationis utilitatem spirituales, & temporalem respicient, in ipso generali Capitulo tractanda. Quamvis autem absentes vocem actiuam in huiusmodi, & alijs electionibus habere non possint, vocem tamen passiuam concurrentibus alijs requisitis, habere poterunt.

Electio socij capitularis à Dominica prima Aduentus, usque ad Vigiliam Dominicæ Natiuitatis generale Capitulum proximè præcedentis inclusiue fieri debet. Qui intra illud tempus eligere noluerint, ultra illud ad huiusmodi electionem minimè procedent: vt tamen propria malitia non valeat alicui prodesse, si Prælatus noluerit intra illud tempus Capitulum congregare, vt ad electionem deueniatur, expletis Vesperis Vigiliæ Natiuitatis Domini Nostri Iesu Christi Vicarius, aut eo absente, vel nolente maior de Capitulo ipsum Prælatum adibit, & videbit, an velit congregare Capitulum ad socium eligendum; & si Prælatus noluerit, tunc, & eo casu ipse Vicarius, vel maior de Capitulo (vt præfertur) ipsum Capitulum congregabit iuxta morem solitum,

& sic Capitulum ad huiusmodi electionem deueniet, seruatis in reliquis seruandis, & dummodo electio aliter fuerit legitimè facta, taliter electus habeatur pro legitimè electo, & vocem habeat in Capitulo generali in omnibus, vt supra. In huiusmodi verò electione Prælatus Monasterij, nec vocē passiuam, nec actiuam habebit, nec ipse, nec alius quiuus. Canonicus, aut Conuersus procurabit verbo, scripto, aut nutu, vt aliquis in socium capitularem eligatur, sub pœnis contra practiçantes infra in capitulo sexto statutis. Vicarij verò locorum, etsi in electione socij capitularis vocem actiuam habeant, vocem tamen passiuam non habebunt, cum oporteat, illos tempore generalis Capituli ad Monasteria in absentia Prælatorum regenda, in ipsis Monasterijs residere.

Si contingat, eum, qui intra prædictum tempus electus fuerat, ante generale Capitulum ex hac vita migrare, alius eligi poterit, etiam extra illud tempus: si autem electioni de se factæ aliquis renuntiauerit, vt alius eligatur, intra prædictum tempus quod curret intra Dominicā primam Aduentus, & Vigiliam Natiuitatis Domini inclusiue, alius loco eius eligi possit: extra illud tempus, nullus alius loco illius eligatur.

Munus socij capitularis erit, nomine proprij Capituli, ipsi generali Capitulo interesse in omnibus tractatibus, electionibus, & deliberationibus, & in illis votum suum dare, iura proprij Monasterij, & Capituli pro viribus tueri, literas eiusdem Capituli,

pituli, aut particularium illius personarum generali Capitulo, Patribus Diffinitoribus, alijsque Præ-
latis, & Iudicibus directas, fideliter ferre, & nego-
cia proprij Monasterij, & personarum de dicto
Monasterio sibi commissa secundum Deum fide-
liter tractare.

In electione socij capitularis talis modus serue-
tur; scribantur per aliquem, qui non sit de gremio
Capituli cedula, in quarum singulis sint nomina
omnium Canoniconum eligibilium in socios capi-
tulares, quæ quidem cedulae tot numero esse debe-
bunt, quot erunt Canonici de gremio Capituli exi-
stentes, in qualibet etiam cedula singula nomina
Canoniconum eligibilium triplicata scribi debe-
bunt, tali pacto, ut singula nomina ex dicta cedula
per se excidi possint, ut si prima electio canonica
non fuerit, ad secundam, & tertiam procedi possit;
huiusmodi autem cedulis sic scriptis Prælati con-
gregato Capitulo, cuilibet canonico propriam ce-
dulam distribuet, exciso prius nomine illius Cano-
nici, cui quælibet cedula distribuetur, quod nomen
in principio eiusdem cedulae scribendum erit, ne
quis sibi ipsi votum, & suffragium ferre possit. Ce-
dulis autem sic distributis, quilibet ex propria ce-
dula secretò excipiet nomen illius, quem in socium
capitularem eligere voluerit, & plicatum, ita ut tunc
legi non possit, deferet publicè ad mensam coram
Prælato positam, & propria manu reponet in vase
ad hoc super mensa præparato. Delatis autem om-
nibus votis, Prælatus aduocatis duobus, vel tribus

ex maioribus de Capitulo coram omnibus faciet scrutinium votorum, & si quis canonicè electus inuentus fuerit, itaut duas ex tribus votorum partibus obtinuerit, pronuncietur pro electo, si verò electio canonica non fuerit, ad secundam electionem eodem modo deueniatur; & si neque secunda, canonica fuerit, ad tertiam pari modo deueniendum erit. Facta tertia electione ille pro electo habeatur, & pronuncietur, qui plura vota obtinuerit, etiam si vno cæteros superauerit. Si autem plures paria vota obtinuerint, is pro electo habeatur, qui sit antiquior habitu in Religione.

Facta huiusmodi electione singuli de Capitulo existentes proprias cedulas à Prælato illis datas, complicatas, itaut legi non possint, statim in vnum locum deferant, & cum suffragijs collatis coram omnibus ibi comburantur; vt libertas in electionibus, & pax fraterna seruetur; idque sub pœnis contra practicantes infra statutis.

De ijs, quæ à Prælato, & focio capitulari ad generale Capitulum ferri debebunt. Caput IV.

Quilibet Prælatus vt in Capitulo generali propriæ administrationis rationem reddere possit, hæc ad Capitulum generale secum ferre debet; primò summam, seu capsam omnium

omnium reddituum, & expensarum cuiuslibet anni propriæ administrationis ex libris computorum fideliter extractam, & manu ratiocinatorum subscriptam: secundò summam omnium depositorum in Monasterio relictorum, depositarij, & ratiocinatorum manu similiter subscriptam; tertio summam omnium creditorum, & debitorum proprij Monasterij præsertim quæ sub illius regimine facta fuerunt eodem modo subscriptam; quartò singraphas mercatorum, & apothecariorum, ex quorum apothecis Monasteria diètim merces, vel cibaria accipere solent, illorum, & ratiocinatorum manu similiter subscriptas.

Nomina etiam omnium Canonorum, & Conuersorum, & totius familiæ in libello descripta secum feret, adnotatis cuiusque ordine, statu, & conditionibus, vt Patres Diffinitores cuiusque statum, & conditionem scire, & vnicuique oportune providere possint. Ferat etiam paruum sigillum Monasterij, & eam pecuniarum quantitatem, quæ sufficiat pro expensis, quæ fient in eundo ad generale Capitulum pro se ipso, & socio capitulari, & in subsidio præstando ipsi Monasterio, in quo generale Capitulum celebrabitur, & etiam in redeundo, & reducendo nouum Prælatum; attenta in omnibus illius ætate, & dignitate.

Socius capitularis ferat literas proprij Capituli, per quas significetur electio de illius persona canonicè facta, & quod firmum, & ratum habebunt quidquid in Capitulo generali secundum Deum, fuerit defini-

definitum . Eiusmodi autem literæ , per aliquem
 existentem de gremio Capituli, & sigillo Monaste-
 rij scribi , & signari debebunt ; quas literas socius
 capitularis, cum primùm ad generale Capitulum
 accesserit, Patribus Diffinitoribus, aut Notario ge-
 neralis Capituli præsentabit, neque antequam eadē
 literas, vt præmittitur, præsentauerit , ad ferendum
 votum in Capitulo generali admitti possit . Si autē
 ultra prædictas literas Capitulum Monasterij com-
 muni cōsensu aliquid generali Capitulo significare
 voluerit, id fiat per alias literas distinctas, & subscri-
 ptas propria manu singulorū , qui tales literas scri-
 bere voluerint, idque semper seruetur cum aliquis
 literas Abbati Generali , vel Diffinitorio , vel alijs
 quibuscunque scribere voluerit . Literas verò accu-
 latorias, aut infamatorias scribentes contra quascu-
 que personas , pœnis in secunda parte statutis irre-
 missibiliter puniantur .

De subsidio pro expensis generalis Capituli à singulis præsentando .

Caput V.

NE Monasterium , in quo Capitulum gene-
 rale celebrabitur , nimijs expensis graue-
 tur , sed quisque suum onus in partes di-
 uisum leuius ferat, singuli ad generale Capitulum
 conuenientes certam portionem pecuniæ in gene-
 rali Capitulo per Diffinitorium pro tempore taxā-
 dam

dam soluant ipsi Monasterio, in quo generale Capitulum celebrabitur. Eiusmodi pecuniæ colligendæ aliquis ex nostris Canonicis per Vicarium Generalem deputetur, qui in libro ad hoc spiritualiter parato summam, & quantitatem à singulis acceptam scribat, & illam postea Diffinitorio exhibeat qui non soluerit integrè pecuniam per totam diem Lunam proximè sequentis, soluat duplum, & de cætero non habeat vocem in illo Capitulo. Eiusmodi pecuniæ portionem Abbas Generalis, & Visitatores, qui ratione officiorum annuas præstationes habent, pro se ipsis, & eorum socijs, famulis, & equis, quos secum ducent, ex dictorum præstationibus soluere debebunt. Prælati verò habentes administrationem pro se ipsis, & socijs capitularibus, famulis, & equis, quos secum ducent, ex pecunijs propriorum Monasteriorum ratam illos tangentem soluent. Pro Prælatibus verò non habentibus administrationem, & illorum Conuersis, seu famulis, & equis, si illi Diffinitores extiterint, illorum Prouinciæ summam eos tangentem soluent. Si autem ob publica seruitia toti Congregationi exhibita priuilegio decorati fuerint, ratam illos tangentem tota Congregatio ex communibus contributionibus soluet. Si autem non fuerint Diffinitores, neque sic priuilegiati, illorum Monasteria nationalia pro portione illos tangente soluere debebunt,

Prælati administrationem habentes, præter socium capitularem, vnum tantum Conuersum, aut si maluerint, famulum secularem, & totidem equos ad
gene.

definitum . Eiusmodi autem literæ , per aliquem exilientem de gremio Capituli, & sigillo Monasterij scribi , & signari debebunt ; quas literas socius capitularis, cum primùm ad generale Capitulum accesserit, Patribus Diffinitoribus, aut Notario generalis Capituli præsentabit, neque antequam easdē literas, vt præmittitur, præsentauerit , ad ferendum votum in Capitulo generali admitti possit . Si autē ultra prædictas literas Capitulum Monasterij communi cōsensu aliquid generali Capitulo significare voluerit, id fiat per alias literas distinctas, & subscriptas propria manu singulorū , qui tales literas scribere voluerint, idque semper seruetur cum aliquis literas Abbati Generali , vel Diffinitorio , vel alijs quibuscunque scribere voluerit . Literas verò accusatorias, aut infamatorias scribentes contra quascunque personas , pœnis in secunda parte statutis irremissibiliter puniantur .

De subsidio pro expensis generalis Capituli à singulis præsentando . Caput V.

NE Monasterium , in quo Capitulum generale celebrabitur , nimijs expensis grauetur , sed quisque suum onus in partes diuisum leuius ferat, singuli ad generale Capitulum conuenientes certam portionem pecuniæ in generali Capitulo per Diffinitorium pro tempore taxandam

dam soluant ipsi Monasterio, in quo generale Capitulum celebrabitur. Eiusmodi pecuniæ colligendæ aliquis ex nostris Canonicis per Vicarium Generalem deputetur, qui in libro ad hoc spiritualiter parato summam, & quantitatem à singulis acceptam scribat, & illam postea Diffinitorio exhibeat qui non soluerit integrè pecuniam per totam diem Lunę proximè sequentis, soluat duplum, & de cætero non habeat vocem in illo Capitulo. Eiusmodi pecuniæ portionem Abbas Generalis, & Visitatores, qui ratione officiorum annuas præstationes habent, pro se ipsis, & eorum socijs, famulis, & equis, quos secum ducent, ex dictorum præstationibus soluere debebunt. Prælati verò habentes administrationem pro se ipsis, & socijs capitularibus, famulis, & equis, quos secum ducent, ex pecunijs propriorum Monasteriorum ratam illos tangentem soluent. Pro Prælati verò non habentibus administrationem, & illorum Conuersis, seu famulis, & equis, si illi Diffinitores extiterint, illorum Prouinciæ summam eos tangentem soluent. Si autem ob publica seruitia toti Congregationi exhibita priuilegio decorati fuerint, ratam illos tangentem tota Congregatio ex communibus contributionibus soluet. Si autem non fuerint Diffinitores, neque sic priuilegiati, illorum Monasteria nationalia pro portione illos tangente soluere debebunt.

Prælati administrationem habentes, præter socium capitularem, vnum tantum Conuersum, aut si maluerint, famulum secularem, & totidem equos ad genus

generale Capitulum ducere possint . Vbi verò socius capitularis electus non fuerit, Prælati aut Conuersum , aut famulum secularem , & duos tantum equos ducere possint , & similiter Prælati administrationem non habentes. Nullus præter Abbatem Generalem, & Visitatores, & illos, qui antea Abbates Generales extiterunt Conuersum , & famulum secularem ad Capitulum generale ducere possit : cæteri, quos ad generale Capitulum ire contingeret, soli , & sine equis ibunt .

De non procurandis suffragijs .

Caput VI.

Quia nullus debet honores sibi assumere , nisi tanquam Aaron à Deo vocatus , ideò iuxta antiquam Ordinis constitutionem statuitur , vt nullus siuè Canonicus , siuè Conuersus votum alterius quærat adulatione , verbo , aut quacunque promissione siuè per se , siuè per interpositam personam , ad effectum obtinendi aliquod regimen magnum, vel paruum, aut etiam mittendi , vel eundi ad Capitulum Generale , sub pœnis contentis in dec. fel. rec. Clem. PP. VIII. confirmatis per sanctissimum D. N. D. Urbanum PP. VII. subsequenter tenoris .

Vt omnis officiorum ambitus occasio præcludatur, caueant omnes à directâ, vel indirectâ vocum, seu suffragiorum procuracione, tam pro se ipsis, quâ
pro

pro alijs, tùm in Capitulis locorum, tùm in cæteris, præsertim generalibus Capitulis, aut Congregationibus, seu alibi: quicūque secus fecerint, præter alias pœnas, & censuras hætenus contra huiusmodi ambientes inflictas, quas in suo robore permanere volumus, in pœnam priuationis officiorum, quæ obtinent, eo ipso incidant, & ad futura quæcunque pariter inhabiles habeantur. Super quo cum eis dispensari à nemine possit, nisi à Nobis, vel successoribus nostris, & pro qualitate culparum grauius etiam plectantur. Porro supradictas omnes pœnas ad cõplices, & simpliciter scientes, & non reuelantes extendimus. Quòd si Conuersi huic Constitutioni contraire præsumpserint, habitu professionis priuentur per quatuor annos, à qua pœna, nec etiam Abbas Generalis, valeat dispensare. Quisque verò per duos contestes, vel tres testes bonæ famæ convinci possit.

De nonnullis tempore generalis Capituli inuiolabiliter seruandis.

Caput VII.

Feria sexta immediatè præcedente inchoationem Capituli generalis in loco, vbi Capitulum celebrabitur, Missa solemnis cantetur de D. Patre Augustino, & exposito sanctissimo Sacramento Eucharistiæ publica oratio inchoetur. Canonici bini, & bini maioribus incipientibus singulis horis coram eodem sanctissimo Sacramento

genuflexi assistant, Sabbatho sequenti Missa solemnis cantetur de Beata Virgine. Die verò Dominica, quæ erit tertia post Pascha Resurrectionis Missa solemnis de Spiritu sancto cantabitur, cui tam Abbas Generalis, & Visitatores, quam cæteri omnes Prælati, & alij in Capitulo existentes interesse debent.

Toto tempore Capituli omnes diuinis Officijs die, nocturneque intersint: silentium in Dormitorio, & Refectorio statutis horis ab omnibus seruetur. Ad mensam non tumultuariè, & confusè, sed modestè, & ordinatè omnes accedant: in mensa, & in Capitulo, & in omnibus alijs locis suo ordine stent, vel sedent. Contrafacientes per Priorem claustralem corripiantur, & si non emendauerint, faciant publicè disciplinam in Refectorio tempore communis refectionis. In sero tempore conuenienti fiat signum dormitionis, secundùm morem consuetum, quo signo facto singuli siuè Prælati, siuè subditi, sine comitatu, ac strepitu cum silentio in suas cellas se recipiant sub pœna contrafacientibus comedendi in terra in Refectorio pro qualibet vice. Non ferantur ientacula in Dormitorium, nec ibi omnino fiant sub pœna faciendi pro qualibet vice disciplinam in Refectorio tempore communis refectionis. Prior claustralis diligenter curet hanc constitutionem executioni demandari.

De ingressu Generalis Capituli, &
ordine in sessionibus seruando .

Caput VIII.

Dominica tertia post Pascha Resurrectionis post dictam Nonam signo facto cum campanula, omnes ad locum pro Capitulo celebrando paratum accedentes cum modestia, & grauitate in suis locis secundum ordinem maioritatis, & minoritatis inter illos seruandum sedebunt. Porro in huiusmodi, & alijs omnibus sessionibus, & publicis conuentibus, & actibus hic ordo maioritatis, & minoritatis inter nostros Canonicos seruabitur. In primo, & digniori loco seper stabit Abbas Generalis tanquam Pater, & Caput totius Congregationis, post Abbatem Generalem stabunt quatuor Visitatores, duo à dexteris ipsius Abbatis generalis, & duo à sinistris iuxta ordinem maioritatis, itaut per ordinem maiores stent à dexteris, & minores à sinistris. Inter ipsos autem Visitatores si quis aliàs extiterit Abbas Generalis, is omnes alios Visitatores præcedet; si autem plures ex Visitoribus fuerint Abbates Generales, ille præcedat, qui sit antiquior habitu in Congregatione. Si nullus ex Visitoribus Abbas Generalis aliàs extiterit, illi per ordinem præcedent, qui erunt antiquiores habitu in Congregatione. Post Visitatores in primo loco stabit Prælatus Monasterij, in quo Generale Capitulum cele-

brabitur, deindè illi omnes, qui Abbates Generales, vel Visitatores alias extiterant, deindè alij omnes Prælati, inter quos maioritas ex sola prioritate susceptionis habitus Religionis attendi debebit, siuè actualem administrationem exerceant, siuè non exerceant, cùm dignitas det locum non administratio, itaut ille maior censeatur, qui prius habitum Religionis suscepit, quocumque titulo Prælatuæ nuncupetur. Post Prælatos stabunt priuilegiati non Prælati, post priuilegiatos sedebunt cæteri in ipso generali Capitulo votum habentes, inter quos sola prioritas, & maioritas ex prioritate susceptionis habitus erit attendenda. Et hic ordo seruari debebit à nostris Canonicis in omnibus alijs conuentibus, actionibus, & locis, excepto quòd Prælati in proprijs Monasterijs omnes alios præcedēt, præter Visitatores quando visitationes actualiter exercebunt. Propriæ tamen etiam in suis Monasterijs ipsos Prælatos forenses siuè administrationem habentes, siuè non habentes, nullo modo præcedant.

Omnibus igitur sic per ordinem cum silentio sedentibus Abbas Generalis, aut alius de ipsius mandato, breuem aliquem, & efficacem sermonem habebit de diuino auxilio, & gratia S. Spiritus imploranda, de moribus reformandis, & regulari disciplina instauranda, de pace, & concordia in Congregatione seruanda. Et absoluto, qui votum in Capitulo non habebunt, statim recedent, illis solis remanentibus, qui votum, ac suffragium in ipso Capitulo daturi erunt, quos omnes Scriba, seu Notarius

tarius publicus Congregationis ex cedula, quam scriptam in manibus habere debet, nominatim aduocabit. Qui aderunt, vocati respondebunt: qui verò non aderunt, signo aliquo notabuntur, ut numerus vocalium, qui præsentes erunt constare possit.

Omni^{bus} deinde genuflexis ante sacram Imaginem fiat brevis oratio, Abbate Generale incipiente Psalmum, Ad te leuavi oculos meos, & cæteris prosequentibus cum Gloria Patri in fine, dicto deinde, Pater noster, & reliqua secretè prosequendo; ipse Abbas Generalis dicat versiculum, Et ne nos, &c. alijs respondentibus, sed libera nos, &c. Versiculus, Saluos fac seruos tuos. Resp. Deus meus sperantes in te. Vers. Mitte nobis Domine auxilium de Sancto. Respon. Et de Sion tuere nos. Vers. Esto nobis Domine turris fortitudinis. Resp. A facie inimici. Vers. Nihil proficiat inimicus in nobis. Resp. Et filius iniquitatis non apponat nocere nobis. Vers. Domine exaudi, & Dominus vobiscum. Oratio. Mentis nostras quæsumus Domine paracletus, &c. in fine, per Christum Dominum nostrum. Amen. Hic mos orandi seruetur quotidie antequam de quacunque re in Capitulo Generali tractetur.

Regulæ generales in electionibus seruandæ. Caput IX.nc. Tri.
25. de
ul. c. 6.

Implorata sancti Spiritus gratia ad electiones deueniendum erit, in quibus faciendis, sequentes Regulæ inuiolabiliter seruari debebunt, & primò in electione quorumcunque Superiorum, siuè Abbatum Generalium, siuè Vicariorum, & Visitatorum, Prælatorum, Officialium, & aliorum quorumcunque: vt omnia rectè, & sine vlla fraude, & liberè secundùm Deum peragantur, ipsæ electiones fiant per vota secreta, itaut singulorum eligentium nomina nunquam publicentur, nec publicari possint, aliàs electiones sint nullæ.

Electioes ita sint liberæ, vt nullus metu, vel humano respectu adduci possit ad aliquem eligendũ, & electores ipsi cum in vnum locum conuenerint, in quo electiones fieri debebunt, inuocata Spiritus sancti gratia personas idoneas eligant, ita liberè, vt semper quamdiu ad actuale electionem ventum non erit, valeant propositum, prout ipsis videbitur in melius mutare.

c. Bonæ
m. de
ctione.

Nullus votum habens in electionibus per malitiam, & contemptum emittatur aliòquin electionē infringere valebit.

Electioes omnes tã Abbatis Generalis, & Procuratoris Generalis, quàm Visitorum, Diffinitorum, Superiorum, & aliorum quorumcunque, qui

ad

ad gradus, dignitates, & officia eligendi erunt, nec-
non sociorum capitularium, tam in Capitulis, &
Dietis generalibus, quàm in Capitulis particulari-
bus, alijsque Congregationibus, in quibus electio-
nes huiusmodi fieri solent, canonicè fiant, & nemo
verè electus, neque electio de eius persona facta va-
lida censeatur, nisi duæ ex tribus votorum ipsorum
eligentium partes interueniant; aliàs irritæ sint, &
ad secundam electionem deueniatur. Quòd si ne-
que prima, neque secunda electiones huiusmodi
canonicè factæ fuerint, tunc, & eo casu volumus, vt
ad tertiam electionem deueniatur; & ille electus
censeatur, qui plura suffragia reportauerit, etiamsi
in vno cæteros superauerit. Si facta tertia electione
plures paria vota obtinuerint, neque alter alterum
superauerit, tunc, & eo casu, nè electores frustra la-
borauerint, & Congregatio suo capite, & alijs Præ-
latis, & Officialibus destituta remaneat, inter plures
paria vota obtinentes ille pro electo habeatur, qui
sit antiquior habitu in Congregatione.

In Superiorum, & Officialium omnium electio-
nibus forma præscripta à Sac. Conc. Trid. & Ordini
Constitutionibus inuiolabiliter seruetur, iurètq;
Electores secundum veritatem cuiusque conscien-
tiæ probiores, ac magis idoneos se electuros, ac pro-
pterea priusquam ad electiones deueniatur Consti-
tutiones de qualitate, & requisitis eligendorum le-
gendæ erunt. Qui contra aliquam personam exci-
pere voluerit, antequam ad electionem faciendam
deueniatur, excipere valebit, facta verò electione

ad

Paulus V.
in breui e-
dito anno
1615.

dec. Clem.
pp. VIII.
de refor.
Reg. 36.

ad excipiendum nullo modo admittatur.

Nati ex illegitimo thoro ad officia, gradus, & dignitates eligi non possint, nisi specialem dispensationem obtinuerint, vel à Sede Apostolica, vel à Capitulo generali ad præscriptum Constitutionis Sixti Quinti, & moderationis Gregorij Decimi-quarti, iuxta quam moderationem Diffinitorium non poterit per se cum aliquo super illegitimitate dispensare, ad effectum consequendi officia gradus, & dignitates, in nostra Congregatione, sed huiusmodi dispensatio toti Capitulo generali erit reservata; quam ipsum generale Capitulum cum nullo intelligatur fecisse, vel facere, nisi prius exposito eisdem Capitulo vero impedimento eiusmodi illegitimitatis, duæ saltèm ex tribus partibus dicti Capituli facto secreto scrutinio votorum cum illo duxerint dispensandum; aliàs tam dispensatio, quàm electio de persona eiusmodi impedimentum illegitimitatis habente similiter facta, nullæ sint, & ad nulum effectum sic electo valeant suffragari.

Ad officia, gradus, & prælaturas personæ eligantur, quæ Regulam, & Ordinis Constitutiones valeant observare, præsertim quæ ad servitium Chori & Ecclesiæ, & communem victum, atque vestitum spectabunt; nullusque ad aliquod munus, regimen, aut officium eligi possit, qui ijs requisitis præditus non sit, quibus sui regiminis, aut officij munera per se ipsum laudabiliter valeat exercere.

Eligendi ad publica, & generalia officia, ac regimina totius Congregationis non solum sacris literis.

teris, & probatis moribus exornati, & nullius delicti infamia notari, verum etiam prudentia, & sacrarum literarum scientia præ cæteris insignes, & eminentes esse debebunt.

Nullus verò, qui aliquod prædictorum officiorum generalium, Abbatis scilicet Generalis, Visitatoris, & Diffinitoris, in Diffinitorioq; iuxta Ordinis constitutiones suffragium tulerit, possit immediatè iterum, & de nouo ad aliquod prædictorum officiorum, & ad vota ferenda in prædicto Diffinitorio, eligi, & admitti; nisi postquam aliquod prædictorum officiorum exercuerit, & vota vt supra in Diffinitorio tulerit, per sex annos immediatè subsequentes à voto ferendo in Diffinitorio vacauerit, aliàs electiones factæ contra formam præsentis Decreti sint ipso facto nullæ, exeipiantur autè illi, qui non ad aliquod prædictorum officiorum exercendum sed tantummodo ad complendum numerum nouenariû Diffinitorium ad suffragia ferenda in Diffinitorio iuxta constitutiones nostras in locum quomodocunque deficientium fuerint subrogati.

Dec. Cap.
Gener. Bon.
nou. celebrat. anno
D. 1627.

Ad prælaturas non eligantur, neque de cætero promoueantur, qui non sint literis exornati, iuxta Ordinis constitutiones aliàs electio sit nulla.

Cùm æquum sit, & rationi cõsentaneum, vt qui sub eadem regula militant, & æqualiter onera sustinent, æqualiter honoribus, & prælaturis gaudeant, Abbatia, & aliæ prælaturæ Congregationis cû vacabunt, Canonicis cuiuscûque nationis meritis suffultis, absque aliqua nationum, & personarum exce-

ptione, vel acceptione assignentur, & ad eas Canonici virtute, ac meritis præstantes, & idonei dumtaxat eligantur.

paul. v.
breue ann.
606.

Vt in Diffinitorio æqualitas votorum respectu omnium Prouinciarum, & nationum seruetur; in quolibet Capitulo generali, ex qualibet Prouincia vnus Diffinitor assumatur, & eligatur, qui simul cū quatuor Diffinitoribus anni præcedentis numerum nouem Diffinitorum constituent, & totum Diffinitorium complebunt; qui numerus Diffinitorum interuenire debet in omnibus electionibus, & determinationibus faciendis in Capitulo generali, & in dietis.

Clemente
III Breue
dictum an.
98.

Electiones omnes Prælatorum siuè in Capitulo generali, siuè in dietis ita necessariò per nouem Diffinitores prædictos semper fieri debebunt; vt si aliquis eorum decesserit, aut absens, vel infirmus, seu aliàs impeditus fuerit, cæteri ex dictorum nouem Electoribus alium eiusdem Congregationis canonicum idoneum eorum arbitrio, quorum super hoc conscientiam oneramus, in defuncti, absentis, infirmi, vel aliàs impediti locū sufficere possint.

De electione Vicarij generalis.

Caput X.

OMnibus igitur in Capitulo generali votum habentibus sic, vt præmissum est, congregatis, Abbas Generalis electionem Vicarij
Gene-

Generalis faciendam esse intimabit , qui toto tempore generalis Capituli , vsque dum nouus Abbas eligatur , ipsi generali Capitulo præsit . Eligendus verò in Vicarium Generalem Sacerdos professus nostræ Congregationis , & de gremio generalis Capituli , sacris literis exornatus , rerum gerendarum experientia probatus , & prudentia , ac morum grauitate insignis esse debet , & illius Prouinciæ , ex qua Abbas Generalis assumendus erit .

In electione Vicarij Generalis talis modus seruabitur , singuli existentes de gremio Capituli scribent , vel scribi facient (non tamen ab aliquo alio existente de gremio Capituli) nomina eorum , quos ad officium Vicarij Generalis eligendos iudicauerint , secundum veritatem vniuscuiusque conscientiæ , nomen tamen proprium eligentium tacendo , hoc pacto , videlicet ; Ego eligo in Vicarium Generalem R.P.D. de tali Patria , siue Natione . Caueant autem nè huiusmodi cedulas , vel ab aliquo existente de gremio Capituli accipiant ; vel alijs scribant ; sed quisque per se , vel aliquem non existentem de gremio Capituli , illas ita secretò scribat , vt iuxta Decretum Sacri Concilij Tridentini eligentium nomina nunquam publicari possint . Quilibet etiã scribat , vel scribi faciat in cedulis nomina eorum , quos ad officium Vicarij Generalis eligendos iudicauerit ; triplicata , vt si prima electio canonica non fuerit , ad secundam , & tertiam deueniri possit , cedulis autem ita scriptis quisque ferat per se ipsum nomen illius , quem in Vicarium Generalem eli-

gere voluerit in cedula ita plicata, vt tunc minimè legi possit, & ipsum ponat in altero ex duobus vasisculis super mensa posita ante Abbatem Generalē, & Diffinitores, existentibus. Omnibus autem votis delatis, & singulis Canonicis ad suas sedes reuersis, Abbas Generalis, cum quatuor Visitatoribus vota sic collata scrutabuntur, & si aliquem canonicè electum repperint, Abbas Generalis coram Capitulo generali illius electionem pronūtiabit. Si verò electio non fuerit canonica, dicat nullum electum fuisse; & ad secundam electionem deueniatur. Si autem neque secunda electio canonicè facta fuerit, ad tertiam simili modo deueniendum erit, & tunc facta tertia electione ille pro verè electo censendus, & pronuntiandus erit, qui plura vota obtinuerit, etiam si in vno ceteros superauerit, si autem plures paria vota obtinuerint, facta tertia electione ille pro electo habeatur qui fuerit maior, & antiquior habitu in Congregatione.

Facta electione Vicarij Generalis, & absque alia solemnitate per Abbatem Generalem pronunciata, electus coram ipso Abbate Generali statim genuflectus, & se ipsum orationibus patrum plurimum commendās, officium sibi commissum omni excusatione postposita promptè acceptabit, & ab ipso Abbate Generali eleuatus in eius loco sedebit. Ipse autem Vicarius Generalis ita electus toto tempore generalis Capituli cum omni reuerētia, ab omnibus pro Patre, & capite totius Congregationis habendus erit, donec ad electionem noui Abbatis Generalis deuenia-

deueniatur. Ad ipsum spectabit cum consilio aliorum
Diffinitorum Sacerdotes deputare ad confessiones Canonico-
rum, & Conuersorum in Capitulo generali
existentium audiendas; nullusque confiteri poterit,
nisi Sacerdotibus per illum deputatis. Postquam
autem notus Abbas Generalis electus fuerit, vel
eosdem confirmabit, vel alios pro suo arbitratu de-
putabit.

**De renūciatione regiminum, & præ-
laturarum coram Vicario Genera-
li per Abbatem Generalem, Visi-
tatores, & alios Prælatos facienda .
Caput XI.**

Vicario Generali ita electo, & in suo loco se-
dente Abbas Generalis ante illum statim
humiliter genuflectens proprii regiminis
officium resignabit, præsentando, ac tribuendo ei-
dem Vicario Generali Regulam, & Constitutiones
nostri Ordinis, librum quoque gestorum, Capituli
generalis, & dietarum, & sigillum nostræ Congre-
gationis: qua renūciatione per Vicarium Generalem
recepta, de omnibus culpis circa proprii regiminis
executionem admissis se ipsum humiliter accusabit;
deinde iubente Vicario Generali surgens apud illū
à sinistris sedebit. Postea Visitatores per ordinem ma-
ioribus incipientibus coram eodem Vicario Gene-
rali genuflexi propria officia pariter resignabunt,
& sic

& sic deinceps ceteri omnes Prælati monasteriorū facient, de suis culpis circa propria officia, & regimina admissis se ipsos pariter accusantes. Qui postquam officijs, & prælaturis renuntiauerint, omnes ordinatè sedebunt iuxta ordinem maioritatis, vel minoritatis ex priore susceptione habitus Religionis attendendum; quod etiam in alijs locis, & monasterijs in tota Congregatione seruari debet, præcedentibus tamen semper Sacerdotibus eos, qui fortè Sacerdotes non essent, etiamsi illi habitum Religionis prius suscepissent.

De electione Diffinitorum Capituli generalis. Caput XII.

Diffinitores Capituli generalis semper nouē esse debebunt. Primus erit ipse Vicarius generalis vsque ad electionem noui Abbatis generalis exclusiue. Post Vicarium Generalem primus erit Abbas Generalis triennij præcedentis. Deindè quatuor alij noui Diffinitores statim eligi debebunt singuli ex singulis Prouincijs, ea excepta, ex qua Abbas Generalis assumendus erit. Hi erunt etiam Visitatores Congregationis toto triennio frequenti, vsque ad celebrationem noui Capituli generalis, qui cum Vicario Generali nouum Diffinitorium constituent; quibus alij quatuor maiores ex Diffinitoribus triennij immediatè præcedentis adiuncti videlicet Abbas Generalis, & tres ex maioribus

ioribus Visitatoribus triennij præcedentis numerū nouem Diffinitorum complebunt . Qui numerus, integrum Diffinitorium constituet , & in omnibus determinationibus , & electionibus , quæ in Capitulo Generali , vel in dietis per Diffinitorium fient semper interuenire debebit .

Eligendi in Diffinitores, seu Visitatores has conditiones habere debebunt, oportebit enim illos esse Canonicos nostræ Congregationis professos, & Sacerdotes de gremio Capituli existentes , qui saltē per triennium fuerint Prælati in nostra Congregatione , & in administratione prælaturæ se se laudabiliter gesserint, vitæ, & morum integritate conspiciui , literis præsertim scholasticis exornati , vt spectantia ad reformationem studiorum rectè valeant exequi , & exercere; & in causis Regularium ita instructi , ac versati , vt proprii officij munera, laudabiliter per se ipsos exercere possint : In huiusmodi verò electionibus modus, & forma in electione Vicarij Generalis præscripta seruetur , ac iuxta Regulas generales in electionibus seruandas, vt supra Cap. IX. descriptas .

Diffinitorum officium erit , quascūque personas de nostra Congregatione errantes, ac delinquentes iuxta illarum excessus , corrigere , & punire , in rebelles , & inobedientes censuras ecclesiasticas promulgare , & incorrigibiles, & alios grauiter delinquentes ad perpetuos carceres , vel etiam ad triremes deputare , sicut in nostris priuilegijs habetur . Ad ipsos etiam spectabit , particularium monasteriorum,

riorum, & personarum absentium literas generali Capitulo directas legere, & in eis contenta diligenter examinare, & quoscunque voluerint audire etiã illos, qui de familia monasterij, in quo generale Capitulum celebrabitur existent, omisso tamen generali examine familiæ. Culpas etiam Prælatorum, & aliorum quorumcunque audire, & illorum defectus iustè, & misericorditer corrigere.

Ad illos spectabit electio omnium Prælatorum, Confessariorum monialium, & Prædicatorum nostræ Congregationis, & similiter admittendos ad habitum Religionis siuè Canonorum, siuè Conuersorum probare, & deligere, nullusq; nisi à Diffinitorio probatus, & delectus ad habitum nostræ Congregationis recipi poterit, & receptus statim à Congregatione eijs, & qui illum receperit, à prælatura deponendus erit, nec poterit super huiusmodi cum aliquo dispensari.

Spectabit etiam ad eosdem Diffinitores nonnullos Iudices ex Canonicis de gremio generalis Capituli existentibus constituere ad cognoscendum in causis ciuilibus, & criminalibus personarum de nostra Congregatione existentium, & ad videndas rationes, seu computa totius administrationis temporalis singulorum monasteriorum. Qui tamen Iudices si quid reformatione dignum inuenerint, ipsis Patribus Diffinitoribus referre debebunt, vt ab illis opportunum remedium adhibeatur.

In Monasterijs tamen de nouo acceptandis, aut dimittendis, vel nouis constitutionibus condendis,
vel

vel antiquis, & præsentibus, aut quas in posterum per generalia Capitula fieri continget mutandis, & alijs similibus, quæ ad totum Generale Capitulum spectare dignoscuntur, non poterunt ipsi Diffinitores etiam omnibus consentientibus per se ipsos aliquid diffinire, sed in eiusmodi diffinitivam sententiam ipsius Capituli generalis expectare debent.

De eligendo publico Notario Capituli generalis.

Caput XIII.

EX Visitatoribus sic electis vnus in publicum Notarium totius Capituli generalis, & Congregationis ab ipso generali Capitulo eligendus erit, cuius quidem Notarij sic electi scriptis plena fides in omnibus ad Congregationem spectantibus intra ipsam Congregationem iuxta Apostolicum priuilegium adhiberi debebit. Ad ipsum verò spectabit, acta generalis Capituli fideliter, ac diligenter scribere, distinctè notando ea, quæ per totum generale Capitulum fiunt, & distinctè alia, quæ per solum Diffinitorium, vel per alios Iudices, aut officiales à Capitulo, & Diffinitorio constitutos fieri, ac decerni continget. Illius etiam munus erit, omnes literas Capitulo generali, seu Diffinitorijs præsentatas legere, & in eis contenta, quæ alicuius momenti erunt, per modum memorialis

Pauli II.
concessi an-
no 1464.
18. Ian.

adnotare, & toti Diffinitorio examinanda exhibere; eisdem literis nomine generalis Capituli, vel Patrū Diffinitorum respondere, copias Constitutionum editarum à Capitulo generali omnibus poscentibus præbere, & demum omnia acta, & statuta per generale Capitulum, vel per Diffinitorium facta, antequam ipsum Capitulum generale absoluat, coram omnibus legere.

Quæcunque verò per generale Capitulum, vel per Diffinitores in Capitulo generali, vel dietis acta & diffinita erunt, in libro ad hoc specialiter præparato per ipsum Notarium fideliter, integrè, & per ordinem registrari debebunt, ac etiam quæcunque alia, quæ in particularibus Congregationibus, seu Conuentibus ad totam Congregationem spectantia fieri contingeret, iuxta ordinem temporum ipsorum gestorum. Eiusmodi autem liber apud Abbatem Generalem semper manebit, quem ne viciari, vel abradi, aut alio modo deprauari contingat, ipse Abbas Generalis imprimis curare debebit. Ne verò casu aliquo contingat, ipsum librum apud Abbatem Generalem existentem deperdi, alterum eiusdem libri authenticum exemplum fiat, illudq; proprium in aliquo publico Archivo Congregationis seruetur.

Singuli etiam Iudices à generali Capitulo, vel Diffinitorio constituti, ut inferius dicitur libellos eorum, quæ per illos decerni, & fieri contingeret diligenter conficiant, & in eis singula gesta, decreta, & sententias distinctè, & per ordinem scribant, eosque

eosq; absoluto, generali Capitulo in manibus ipsius
Notarij publici Congregationis relinquunt.

**De Priore claustrali, & oeconomo ge-
neralis Capituli. Caput XIV.**

Quia Vicarium Gen- ralem, ac ceteros Dis-
finitores necesse erit circa plurima ad cō-
munem vtilitatem, & reformationem
Congregationis spectantia occupari, Vicarius Ge-
neralis cum consilio Diffinitorum aliquem ex Pa-
tribus de gremio eiusdem generalis Capituli exi-
stentibus moribus, & atate grauem eligat, illumq;
reliquis Canonícis, & Conuersis tam Monasterij, in
quo Capitulum celebrabitur, quàm totius præfati
Capituli præficiat; qui Prior Claustralis vocetur,
eique omnes in Capitulo generali existentes, Diffi-
nitoribus exceptis, humiliter obediant, & primum
locum super omnes, Diffinitoribus similiter exce-
ptis, tenet ipse Prior Claustralis toto tempore ge-
neralis Capituli, diuinis officijs die noctuq; interesse
studeat, & vt alij omnes legitimo impedimento
cessante intersint, exemplo, & mandato, cum opus
fuerit, sollicitè procuret. Silentium statutis horis ser-
uari faciat, præsertim in Dormitorio, & in mensa
communi, cui semper interesse debebit, & absen-
tibus Diffinitoribus in primo loco mensæ Superio-
ris stabit. Qui domi egredientur, ab illo benedi-
ctionem, & licentiam accipere debebunt, non ta-

men in praesentia Diffinitorum aliquam iurisdictionem exercebit.

Vicarius Monasterij, in quo generale Capitulum celebrabitur, ipsius prioris claustralis Vicarius erit, & in eius absentia culpas subditorum sui Monasterij publice audire poterit; stabit etiam super omnes Canonicos durante ipso Capitulo generali, & benedictionem, ac gratiarum actionem in mensa faciet sicut prior claustralis.

Qui verò authoritas prioris claustralis tantummodo circa spiritualia, non autem circa temporalia se extendet, ab ipso Vicario Generali cum consilio Patrum Diffinitorum alius Canonicus fidelis, prudens, & discretus in oeconomicum totius generalis Capituli eligendus erit; ad illum verò spectabit sollicitè procurare, ut omnibus in Capitulo existentibus Canonicis, & Conuersis, famulis, & equis necessaria ad victum, & accubitus oportune cum charitate, & humanitate ministrentur. Ad ipsum etiam pertinebit pecunias à singulis Capitulo generali interuenientibus pro rata singulos tangente soluedas colligere, & singulorum soluentium nomina, & quantitatem pecuniae solutae in libello distinctè adnotare, & sic notata Diffinitoribus exhibere: ipsas verò pecunias sic collectas Monasterio, in quo Capitulum celebrabitur, tribuere debeat, aut in solutionem debitorum occasione eiusdem Capituli contrahentium conuerrere, iuxta voluntatem Patrum Diffinitorum.

**De quibusdam Iudicibus in Generali
Capitulo constituendis.**

Caput XV.

QUO facilius citiusque negocia Generalis Capituli tractari, & expediri possint, præter Diffinitores, qui totius Congregationis supremi erunt Iudices intra ipsam Congregationem, quidam alij Iudices per ipsum Diffinitorium creari debebunt, ac inprimis tres saltèm Iudices ad causas civiles audiendas constituendi erunt, quilibet, & causas inter Monasteria, & personas nostræ Congregationis cognoscere, & debito fine valeant terminare; reservata nihilominus ipsis Diffinitoribus facultate, huiusmodi sententias moderandi, corrigendi, aut etiam cassandi, prout illis videbitur magis expedire.

Tres quoque Iudices ad causas criminales cognoscendas constituent, cum facultate, ipsas iudicialiter per diffinitivam sententiam terminandi, exceptis causis gravioribus soli Diffinitorio reservatis, ac etiam reservata ipsis Diffinitoribus facultate huiusmodi sententias corrigendi, confirmandi, aut etiam infirmandi, & cassandi; quas sententias, tam ipsi, quàm alij Iudices ad causas civiles deputati antequam publicent, Patribus Diffinitoribus probandas exhibebunt.

Alios etiam Iudices deputabunt ad computa, seu
ratio-

rationes, & administrationes temporales singulorū Monasteriorum diligenter examinandas, coram quibus locorum Prælati, & etiam Procurator Generalis Romanus, & Venetus totius administrationis temporalium bonorum particularium Monasteriorum, & pecuniarum totius Congregationis exactā, rationem reddere debebunt.

Clem.
VIII.
Refor.
13.

Deniquè ipse Generalis in quolibet proximo Capitulo generali saltē coram tribus Iudicibus ab ipso Capitulo ad hoc constitutis vniuersam suæ administrationis tam publicæ, quàm priuatæ rationem reddere teneatur, cuius etiam exemplum authenticum ex actis Capituli describatur, ad hoc, vt ad omne mandatum Sedis Apostolicæ Romam transmitti possit.

Supradicti Iudices qualibet die mane, & vespere cum Diffinitores congregabuntur, statutis in locis ad sua munera exercenda conuenire debebunt. Singulis autem officijs singuli Conuersi, vel etiam plures pro ostiarijs deputentur ad eos vocandos, quos ipsi Iudices vocandos duxerint.

Constituent etiam Depositarium, apud quem locorum Prælati pecunias, quas pro viaticis ex proprijs Monasterijs detulerunt, deponent. Vt autem singulorum deposita facilius agnoscantur, singuli deponentes proprium nomen, qualitatem, & quantitatem pecuniarum depositarum in cedulis descripta cum ipsis pecunijs tradent, ac cum ipsis pecunijs quilibet Prælatus sigillum proprii Monasterij ipsi Depositario præbebit.

De

De ijs, quæ in generali Capitulo tractanda erunt, & qualiter grauia negotia in eodem Capitulo determinari debebunt. **Caput XVI.**

QUæ hætenus dicta sunt, ipsa prima die inchoati generalis Capituli, si possibile fuerit, omninò absoluenda erunt, vt diebus sequentibus negocijs in Capitulo tractandis, ac determinandis Patres faciliùs incumbere possint, quibus diebus mane, & vespere tùm Diffinitores, tùm cæteri officiales in suis locis semper congregari debebunt. Quæ verò in generali Capitulo tractanda erunt, ea præsertim sunt, quæ morum reformationem, & disciplinæ regularis instaurationem, nec nõ totius Congregationis spiritualem, & temporalem vtilitatem respiciunt, in quibus tractandis talis ordo poterit seruari, vt in primis Vicario Generali cum cæteris Diffinitoribus simul congregatis legantur literæ Capitulo generali, vel Diffinitorio directæ, habitæque super singulis in eis contentis matura deliberatione, quid respondendum sit, per ipsos Diffinitores decernatur, & per Notarium generalis Capituli adnotetur.

Singulos deindè locorum Prælatos, ac cæteros Canonicos, & Conuersos, prout illis videbitur, ipsi Diffinitores aduocari facient, & de singulorum Monasteriorum statu tam circa spiritualia, quàm circa
tem-

temporalia diligenter inquirent, nec non de cuiusque Canonici, aut Conuersi vita, moribus, & conditionibus : & si quid animaduersione dignum reppererint , Notarius in particulari schedula adnotabit, vt circa illud conueniens tractatio, & deliberatio fieri possit; absoluto verò examine Vicarius Generalis , aut ipse Notarius singula proponet , circa quæ aliquid deliberandum erit. Habeatur verò circa vnaquamque rem propositam matura tractatio, & deliberatio , ipso Vicario Generali singulos Diffinitores interrogante, singulis verò modestè, & si ne vlla prorsus contentione sententiam proferrentibus : Quæ per ipsos Diffinitores decerni poterunt , ab illis definiatur , quæ verò ad totum generale Capitulum spectare dignoscuntur, ipsi generali Capitulo decernenda proponent, & reseruabunt.

¶ *Vt autem deliberationes, & determinationes, quæ per generale Capitulum fieri debebunt, postposito omni metu, & humano respectu liberiores secundum Deum fiant, in huiusmodi deliberationibus hic modus seruari debet; proposita per Vicarium, vel Abbatem Generalem, seu quemcunque alium ipsi generali Capitulo quacunque re, super qua deliberandum erit, habitaque circa rem conuenienti tractatione, duo ex Canonicis de gremio Capituli accipient de inuenta Diffinitorum vascula, in quorum altero erunt signa fabarum, vel alterius materiæ alba, & nigra, singulis de gremio Capituli existentibus præbenda; in altero verò colligent vota singulorum, quæ quisque secreto per se ponet in iplo*

ipso vasculo, & signum album ponetur pro parte affirmatiua, nigrum verò pro negatiua: Omnibus autem votis sic collectis, aperto vase coram toto Diffinitorio, fiet scrutinium votorum, & illud firmiter teneri debebit, & pro certo, ac definito, quod à maiori parte Capituli per huiusmodi secretum scrutinium votorum fuerit approbatum, & obtentum, sicut dictum est in secunda parte Capituli trigessimoprimo, hic modus deliberandi, & definiendi, de quibuscunque rebus per Capitulum Generale definiendis, semper, & necessariò erit seruandus, prout dictum est in secunda parte loco citato, ad quod habeatur relatio.

De electione Abbatis Generalis.

Caput XVII.

His peractis, quæ ad Ordinis reformationem, & instaurationem spectare videbuntur, die Iouis post horam nonam, omnibus de gremio Capituli existentibus de more congregatis, Vicarius Generalis admonebit, vt ad electionem Abbatis Generalis deueniatur; omnesq; efficaciter hortabitur, vt eum eligant, quem ad tale munus obeundum magis dignum, & idoneum secundum veritatem cuiusque conscientie iudicabunt. In electione verò ipsius Abbatis Generalis modus, & forma, quæ in electione Vicarij Generalis præscribitur seruari debebit, præmissa prius oratione genibus flexis

& litanij ad diuinum auxilium implorandam deuotè recitatis.

Eligendus in Abbatem Generalem has præsertim conditiones habere debet, vt nimirum sit Sacerdos nostræ Congregationis professus, qui saltem per viginti annos vixerit sub obedientia ipsius Congregationis, quique per sex annos fuerit Prælati, & in suo munere se laudabiliter gesserit; nullius delicti infamia notatus; prudentia, & rerum gerendarum experientia, morum grauitate, & vitæ probitate, & sacrarum literarum, ac eorum omnium, quæ ad suum munus laudabiliter exercendum necessaria erunt, scientia optimè probatus, & præ alijs eminens, & insignis.

Facta electione ipsius Abbatis Generalis, Vicarius Generalis illam toti Capitulo denunciabit, nomen tamen electi reticendo, donec in Ecclesia solemniter publicetur; statim verò omnes in Monasterio existentes bini, & bini processionaliter ad Ecclesiam procedentes per ordinem in suis sedibus stabunt, omnibusq; silentibus Notarius Capituli generalis ante maius Altare constitutus mandante Vicario Generali ipsam electionem sic solemniter publicabit: primò intonabit versiculum, Adiutorium nostrum in nomine Domini; & responso per Chorum, Qui fecit Cælum, & Terram. voce alta, & intelligibili ita prosequetur. Ego D.N. de tali patria auctoritate Sedis Apostolicæ, & vigore priuilegiorum nostræ Congregationi à Sede Apostolica indultorum, nomine totius Capituli nostri Gene-

ralis

ralis eligo, & electum pronuncio in Abbatem Generalem totius Congregationis, & Ordinis nostri Reuerendissimum Patrem D.N. de tali Patria, quibus dictis, omnes respondebunt. Deo gratias. Publicata verò electione, ipse electus humiliter genuflectens per Vicarium Generalem, vel maiores ex Diffinitoribus eleuetur & ante medium altaris maioris per illos ducatur (vbi prostratus officium suum ac se ipsum ex corde Christo Domino comedabit) Choro interim de more canente Hymnum, Te Deum laudamus. Et cum ibi aliquantulum orauerit, per eosdem maiores Diffinitores eleuatus ad Chorum ducatur, & in sede maiori collocatus, ac sedens regimen sibi commissum omni excusatione postposita suscipiet; Vicarius Generalis, vel maior ex Diffinitoribus Regulam, & Ordinis Constitutiones, & sigillum Congregationis illi præbendo dicat. Accipe Reuerendissime Pater Regulam, & Constitutiones nostri Ordinis, quas ipse, quantum humana fragilitas patietur, obseruabis, & ab alijs obseruari cum omni sollicitudine procurabis: Accipe etiam sigillum Ordinis nostri, & custodi gregem tibi commissum, vt cum illo accipias vitam æternam.

His omnibus de manu maioris Diffinitoris susceptis Abbas Generalis singulos Canonicos, ac etiã Conuersos ad osculum pacis recipiet, maioribus incipientibus, & coram eo genuflectentibus, & eius manum osculantibus, ac dicentibus pax tecum, ipso verò respondente, Et cum spiritu tuo. Demùm ha-

bita per aliquem Canonicum graui, & eleganti oratione, vel in laudem, & congratulationem personæ ad tale officium assumptæ, vel de partibus, & officio ipsius Abbatis Generalis omnes cum religiosa modestia ad locum generalis Capituli redibunt, & Vicarius Generalis, nisi fuerit electus in Abbatem Generalem, statim coram ipso Abbate Generali, officium Vicariatus in manibus illius resignabit, qui nihilominus durante ipso Capitulo generali, post Abbatem Generalem primum locum super omnes tenebit, votum tamen in Diffinitorio nullo modo habebit.

De electione Procuratoris Generalis Caput XVIII.

E Lecto Abbate Generali eiusq; electione solemniter publicata, Procurator Generalis totius Congregationis, à toto Capitulo generali statim eligendus erit, iuxta modum, & formam superius traditam in electione Vicarij Generalis. Eligendus in Procuratorem Generalem, ex ipsa Prouincia, ex qua Abbas Generalis triennij immediatè præcedentis extiterat, assumendus erit, cuius istæ præsertim erunt conditiones; nimirum debet esse Sacerdos, saltè per viginti annos in nostra Cõgregatione professus, morib⁹ grauis, literis exornatus, valdè prudens, in reb⁹ agendis prouidus, qui saltem per trienniu fuerit Prælatus alicuius Monasterij

& in

& in suo munere, ac regimine se laudabiliter gesserit; quique triennio immediatè præcedenti Abbatibus Generalis officio minimè functus fuerit.

Ipsi Procuratori Generali sic electo, sicut etiam Abbati Generali; mandatum generale Procurationis iuxta formam in Congregatione consuetam fieri debet, cum hac tamen clausula, eidem mandato specialiter inferenda, quod vigore dicti generalis mandati nihil agere possit, vel impetrare contra Constitutiones, & laudabiles consuetudines nostræ Congregationis; quæ clausula in omnibus mandatis generalibus, quæ per ipsum generale Capitulum fient quibuscunque personis, ponenda erit.

De electione Prælatorum singulorum locorum nostræ Congregationis.

Caput XIX.

Constituto per generale Capitulum publico, & vniuersali regimine totius Congregationis, ad electionem Prælatorum particularium locorum deueniendum erit, quæ quidem electio non ad totum Capitulum, sed ad solum Diffinitorium spectabit. Eligendi in Prælatos has præcipuè conditiones habere debebunt: nimirum erunt Sacerdotes nostræ Congregationis professi, qui saltem annum quintumdecimum expleuerint in Congregatione, & per tres annos officium Vicariatus, iuxta

iuxta modum traditum in secunda parte in Capitulo de Vicarijs, laudabiliter exercuerint in aliquo Monasterio, in quo eligitur socius capitularis, & Horæ canonicæ in Choro conuentualiter quotidie recitantur, vt supra in prima parte cap. 12. præscriptum est, nullius criminis infamia notati, vel inquisiti, de quo prius se ipsos canonicè non purgauerint, neque reddendis rationibus alicuius administrationis obnoxij, de legitimo thoro nati, virtute, & meritis suffulti, literis exornati, vt supra cap. 9. huius tertiæ partis præfinitum est, & tales, qui valeant Regulam, & Ordinis Cõstitutiones præsertim quæ spectant ad officium Chori, & Ecclesiæ, & cõmunem victum, & vestitum obseruare, & ab alijs obseruari facere, & sui officij munera per se ipsos laudabiliter exercere; qui has conditiones non habuerint, in Prælatos eligi non possint.

Et quanquam prædictæ conditiones in omnibus ad prælaturas eligendis, debeant necessariò requiri: quia tamen non sunt æqualia omnia regimina, Patres Diffinitores locorum, & personarum conditionibus diligenter inspectis, cuiuslibet Monasterio illum præficiant, quem ad illud regendum magis idoneum iudicabunt: idq; præsertim in eligendis Prælati Monasteriorum, in quibus studia literarum, vel Nouitiatus exillent, quæque Sãctimonialium curam adiunctam habebunt diligentissimè seruetur.

Et quia frequens mutatio Prælatorum de Monasterio ad Monasterium grauissima incommoda

! spiri-

Spiritualia, & tēporalia ipsis Monasterijs afferre solent, iuxta antiquam Ordinis Constitutionem statuimus, vt qui semel alicui Monasterio erit præfectus, integro triennio in regimine eiusdem Monasterij perseueret, neque durante huiusmodi triennio ad aliud Monasterium regendum, nisi ex grauissima, & necessaria causâ transferri possit. Expleto verò triēnio proprii regiminis, quilibet Prælatus saltē per integrum annum ab omni regimine, & administratione vacabit, nec poterit quouis prætextu, vel titulo in eodem Monasterio, vel alibi in ipso regimine, & administratione cōfirmari, scū prorogari, nisi ex speciali dispensatione Illustrissimi D. Cardinalis Protectoris, iuxta facultatem à Sanctissimo Domino Nostro sibi factam, de qua in literis in forma Breuis.

In electione omnium Prælatorum talis modus seruetur; quilibet ex nouem Diffinitoribus nomen illius, quem eligendum iudicauerit, & eligere voluerit, scriptum in cedula ita complicata, vt tunc minimè legi possit, propria manu ponet in vase super mensâ coram ipsis Diffinitoribus præparato. Omnibus autem votis collatis, per ipsos Diffinitores fiat scrutinium ipsorum votorum, & quicumque canonicè electus inuentus fuerit, ita ut duas ex tribus ipsorum votorum partes obtinuerit, pro vere electo habeatur. Si autem prima electio canonica non fuerit ad secūdā pari modo deueniatur, quòd si neque secunda canonicè facta fuerit, ad tertiam similiter deueniatur. Facta tertia electione, ille pro
verè

164 *Tertia Partis. Caput XX.*

verè electo habeatur, qui plura vota obtinuêrit, etiã si in vno ceteros superauerit: si autem plures paria vota obtinuerint, ille pro electo habeatur, qui sit antiquior habitu in Religione. Vt autem electiones secretè iuxta Sacri Concilij Tridentini decreta fiant; Constitutio facta in generali Capitulo anni 1594. & omnibus votis per scrutinium secretum in ipso Capitulo generali obtenta obseruetur, in qua præcipitur, quòd in electione Prælatorum seruetur mos, & forma antiqua, super addendo, quòd cedula, siuè bollettini, quibus facienda erit electio, qui prius fiebant manu propria cuiuslibet Diffinitoris, in posterum fiant manu tantùm vnius, qui non sit de gremio Diffinitorij.

De modo eligendi Confessarios Monialium, Prædicatores, Reformatores studiorum, & publicos Examinatores. Caput XX.

Qui in Confessores ordinarios Monialium erunt deputandi, per Diffinitores eligendi erunt, per vota secreta iuxta modum, & formam traditam in Capitulo præcedenti in electione Prælatorum seruandam, conditiones eligendorum in Confessores ordinarios Monialium, ex secunda parte, in proprio capite de Confessarijs Monialium, peti debebunt.

Facta electione Confessariorum Monialium, ad electio-

electionem Prædicatorum deueniendum erit. Eligendi in Prædicatores per Abbatem Generalem, vel alium ex Diffinitoribus toti Diffinitorio proponantur. Exhibeantur deinde ipsi Diffinitorio literæ testimoniales Reformatorum studiorum, & propriorum Prælatorum super requisitis eligendorum, & diligenter examinentur, vt videatur, an propositi reuera habeant requisita tam quoad mores, quam quoad doctrinam. Si quis in aliquo ex requisitis defecerit, rejiciatur, nec possit cum aliquo requisita non habere super ipsis requisitis dispensari. Qui requisita habuerint, singuli Diffinitoribus proponantur, & circa singulos fiat secretum scrutinium votorum, qui duas ex tribus votorum partibus obtinuerit, pro electo habeatur; qui verò saltè[m] duas ex tribus votorum partibus, vt præmittitur, non obtinuerit, reiectus censeatur. Singuli verò per Diffinitorium sic electi, iterum toti Capitulo generali proponantur; & si maior pars Capituli consenserit, pro Prædicatoribus à tota Congregatione habeantur; sufficiatq; consensus ab ipso Capitulo viua voce præstitus, absque secreto scrutinio votorum. Conditiones eligendorum in secunda parte Capitulo de Prædicatoribus requirantur. Semel autem reiectus à Prædicatoratu iterum Patribus Diffinitoribus eligendus minimè proponi possit, nisi saltè[m] per duos annos expletos in aliquo studio formali Sacræ Theologiæ studijs operam dederit, & ab Examinatoribus, scù Reformato-ribus studiorum, præuio examine iterum probatus, suæ idoneitatis literas testimoniales eorum subscri-

ptione, & iuramento firmatas obtinuerint.

Demum iuxta ea, quæ in secunda parte in Capitulo de Reformatoribus studiorum, & publicis Examinatoribus traduntur; tres saltèm Reformatores studiorum pro tota Congregatione, per ipsos Diffinitores eligi debebunt; nec non etiã publici Examinatores, ex qualibet Prouincia saltèm tres, qui per Diffinitorium electi, & per generale Capitulum, saltèm viua voca probati, in suis officijs ad beneplacitum ipsius Diffinitoris perdurabunt, quo cum maiori totius Congregationis profectu sua munera exercere possint. Abbas verò Generalis, & Visitatores semper in tota Congregatione Reformatores, & Examinatores censeri debent.

De distributione familiæ totius Congregationis. Caput XXI.

MVnus distribuendæ familiæ Congregationis per singula Monasteria, ad Abbatem Generalem, & quatuor Visitatores triennij antea acti præsertim spectabit, quippè qui singulorum locorum indigentias, & personarum qualitates nouerunt: in eiusmodi verò distributione illud in primis seruandum erit, vt in singulis Monasterijs, is tantùm constitutatur personarum numerus, qui vel ex proprijs redditibus Monasteriorum, vel ex consuetis eleemosynis commodè sustentari possit.

possit. Distributores familiarū vniuscuiusque Monasterij familiam ita constituent, vt in omnibus pax, & charitas inter Prælatos, & subditos, & Regularis disciplinæ obseruantia, & cultus Ecclesiarum attendatur, & locorum, ac personarum conditionibus inspectis quilibet ei Monasterio depute-
tur, cui magis videbitur expedire.

Caueatur à frequentibus, & non necessarijs mutationibus, quæ non nisi ex causa vrgenti, ac necessaria fieri debebunt, cum ex his Monasteria inutilibus expensis grauentur, & regularis disciplina plurimum relaxetur. Canonici, qui annum ætatis sexagesimum quintum expleuerint, vnum Monasterium eligere possint, in quo dies suos quiete agāt, vel saltē de loco conuenienti per Patres Diffinitores illis prouideatur.

Quilibet Prælatus antequam è Capitulo discedat, vel alter loco ipsius absentis, cedula familiæ proprij Monasterij per Abbatem Generalem triennij anteacti registratam, & illius manu subscriptam, nec non sigilli minoris Abbatis Generalis impressione signatam accipere teneatur. Singularum autem familiarum cuiuslibet Monasterij, Catalogus in libro particulari descriptus apud Abbatem Generalem pro tempore existentem manere debet.

**De nonnullis priuilegijs Abbatum
Generalium, Visitatorum, & Præ-
latorum, qui proprijs officijs renun-
tiauērunt. Caput XXII.**

QUicūque officio Abbatis Generalis functus fuerit, si postea in Visitatore eligatur, omnes alios Visitatores præcedere debet; si plures Visitatores Abbates Generales antea extiterint, ille præcedat, qui sit antiquior habitu in Religione. Si postquam Abbas Generalis officio Generalatus renuntiauerit, nullum regimen habuerit, sit Prælatus de titulo, vocem actiuam, & passiuam habeat in omnibus Capitulis generalibus, & ad ipsa interuenire possit, & debeat, & cum illius consilio, quæ spectant ad regimen totius Congregationis tractentur: quem voluerit Sacerdotem nostræ Congregationis in Confessarium sibi eligere possit; & etiam vnum Conuersum, qui in omnibus ipsi inserviet, in quem tanquam proprius illius Prælatus, omnimodam iurisdictionem habeat, cui Cōuerso per Prælatum loci, in quo existeret in omnibus ad victum, & vestitum spectantibus provideatur; possitq; sibi deligere, quod voluerit Monasterium, in quo dies suos in Dei seruitio ducat.

Qui Visitatoratus officio functi fuerint, postquā eidem officio renuntiauerint, si ad nullum regimen assumantur, similiter sint Prælati titulares, vocem actiuam,

aëtiuam, & passiua[m] habeant in Capitulis generalibus, cæteros Prælatos extra illorum residentiam præcedant, Conuersum vnum sibi eligere possint, qui illis in omnibus inferuiat, & priuilegijs Prælatorum forensium gaudeant. Prælati, qui in aliquo Monasterio gesserint insignia pontificalia, cum à Prælaturis vacabunt, in eodem Monasterio reliquos Canonicos excepto loci Vicario præcedant. Ipsi Canonici prælaturis vacantes, in villis, vel alio modo extra claustra minimè commorentur, nisi sint officiales Monasteriorum consueti, ac necessarij, secus facientes à Patribus Visitatoribus tempore visitationum acriter corripiantur; teneantur etiam seruitio Chori; & Ecclesiæ, die, noctuq; interesse, aliàs ad gradus, officia, & dignitates in Congregatione obtinendas inhabiles erunt.

De absolute[n]te Capituli generalis. Caput XXIII.

NEx nimia generalis Capituli prorogatione tota Congregatio graue dispendium patiatur, curabunt imprimis Abbas Generalis, ac cæteri Patres, vt quàm citiùs fieri poterit, ipsum generale Capitulũ absoluatur, ita tñ, vt graui negotia imperfecta minimè relinquantur, sed cū debita maturitate tractentur; quã ob causam ipsũ generale Capitulũ saltẽ per duodecim dies durare debet. Omnibus verò debito fine terminatis, toto

Con.

Conuentu congregato, Abbas Generalis singulis locorum Prælatis coram se genuflectentibus, literas patètes Capitulis suorum Monasteriorum directas, nec non sigillum Monasterij, cum pecunijs pro viatico à prædecessoribus depositis, præbendo dicat, Accipe Pater insignia officij, ac regiminis tui, & stude, vt gregis tibi commissi, ita curam habeas, quatenus cum eo vitam merearis æternam. In eiusmodi autem literis patentibus, significabit electionem de singulis canonicè factam, in Prælatos singulorum locorum, & Canonicos eorundem locorum, vt ipsis tanquam veris Prælatis in omnibus secundùm Deum obediant, admonebit.

Postea omnes de gremio Capituli existentes, coram ipso Abbate Generali genuflectentes, humiliter de consuetis defectibus suis se ipsos accusent. Ac deindè facta per illos generali confessione, ipse Abbas Generalis faciat generalem absolutionem, omnibus postea surgentibus, & cum silentio sedentibus, breui sermone ad votorum, & Regulæ, ac Cõstitutionum nostrarum obseruationem efficaciter hortetur omnes, tùm communes totius Congregationis, tùm particulares locorum Benefactores, orationibus Fratrum plurimum commendet, & ante omnia Sanctissimum D N. Illustrissimos DD. Cardinales Prælatos, & Principes orthodoxos, Statum Catholicæ Ecclesiæ, ceteros Religiosorum Ordines, & nostram Congregationem; Catalogum quoque eorum, qui triennio præcedente ex nostra Cõgregatione defuncti erunt, coram omnibus legifaciet,

ciet, vt singulis debita fiant fuffragia; pro quibus etiam die fequenti, in eodem loco generalis Capituli, folemnis Miffa celebrabitur. Ac demùm, fi ita Patribus placuerit, ipfum generale Capitulum abfolutum pronuntiabit; & fic data omnibus benedictione, finguli cum modellia difcedent in nomine Domini, ac Saluatoris noſtri Iefu Chriſti ad ſua loca celeriter profecturi.

Qualiter Fratres de loco ad locum mitti debeant. Caput XXIV.

PRælati, cùm primùm poſt abſolutum generale Capitulum, ad propria Monaſteria peruenierint, cum gaudio, & charitate ab omnibus excepti Capitulum congregabunt: & literas Abbatis Generalis eidem Capitulo directas, publicè legi facient; eisq; lectis abſque vlla dubitatione, vel mora pro veris, & legitimis Prælatiſ ab omnibus recipi, & timeri debebunt.

Postea ſi qui aderunt, ad alia Monaſteria mittendi, eis ſignificabitur, vt ad illa quamprimùm vadant. Nullus verò ad Monaſterium, cui per obedientiam fuerit deputatus, ire recuſet, aliàs pœna carceris, & alijs etiam grauioribus puniatur, ita vt diſcat obedire. Quilibet Canonicus, & Conuerſus cum ſuis indumentis, & conuenienti ſupellectili mittatur, ne alteri Monaſterio, ad quem mitteretur grauis exiſtat, nihil tamen ſecum feret, ſine ſcientia, &

tia, & licētia Prælati, ex cuius Monasterio discedet. Teneaturq; ipse Prælatus, aut Vicarius loci, ex quo quis discedet, Inuentarium totius supellectilis huiusmodi, quod quisque conficere debebit, & Prælato, siuè Vicario subscribendum exhibere, cum rebus descriptis conferre, & sic subscriptum Prælato loci, cui is erit deputatus, statim transmittere, qui illud seruet, & conferat cum ipsis rebus delatis. Qui plus, aut minus habuisse deprehensi fuerint, quàm in Inuentario scriptum erit, nisi rationem conuenientem reddiderint, voce actiua, & passiua per annum priuati existant. Prælati locorum, ex quibus Canonici, vel Conuersi discedent, teneantur eis præbere pecunias pro expensis, quas facient in cundo ad sua Monasteria, tam pro ipsis, quàm pro conducendis rebus, quas secum ferent. Canonici nunquam pedestres incedant. Qui mittentur, singulas expensas, distinctè scribant, & pecunias, quæ superfuerint proprio Prælato resignent, alteri Prælato, ex cuius Monasterio discesserunt, fideliter restituendas. Cum quis à Monasterio discedet, ad aliud profecturus cum benedictione literas patentes à Prælato, vel ab eius Vicario accipiat, in quibus scribatur quod tali die, ex tali Monasterio, cum debita licentia discessit, ad tale Monasterium profecturus; quas literas statim, ut ad aliquod Monasterium perueniet, loci Prælato, aut Vicario præsentabit. Quilibet verò in itinere quoad habitum, & cætera omnia Regulas in prima parte Capite trigesimoquinto præscriptas diligenter obseruet, & recto tramite ad proprium

Mona-

Monasterium vadat; si quis à recto tramite deflexerit, habeat claustrum per sex menses, & faciat disciplinam publicè in Refectorio.

Hospites nostræ Congregationis, qui ex obedientia de loco ad locum mittentur, in nostris Monasterijs cum omni charitate, & humanitate excipiantur, & tractentur, & quæ ad hospitalitatem spectant exactè erga illos seruentur; non tamen ultra duos, vel tres dies, nisi ex causa necessaria alicubi morentur. Solus autem Abbas Generalis, & Visitatores, tempore visitationum, aliquem de Monasterio ad Monasterium transferre possint.

De Dietis celebrandis.

Caput XXV.

IN annis, quibus Generale Capitulum non celebrabitur, Abbas Generalis vnâ Dietam congregabit tum ad electiones Prælatorum faciendas, tum ad publica totius Congregationis, & priuata particularium locorum negocia tractanda; & alia peragenda, quæ pro bono totius Congregationis fieri debebunt; locus in quo Dieta celebrabitur, erit locus residentiae ipsius Abbatis Generalis, aut alius, quem ille magis idoneum iudicabit: tempus verò eidem Dietæ celebrandæ, oportuum erit Dominica quarta post Festum Dominicæ Resurrectionis.

Ad Dietas hi necessariò conuenire debebunt, vi-

Clem. VII
ann. 1602.
Paul. V.
1606.

delicet, in primis Abbas Generalis cum quatuor Visitatoribus, & alijs Diffinitoribus triennij præcedentis, per quos numerus nouem Diffinitorum vocalium iuxta dispositionem literarum Clementis Papæ Octaui, & Sanctissimi D.N. Pauli Quinti compleri debebit; necnon etiam Procurator Generalis totius Congregationis, & Abbas Sanctæ Mariæ Charitatis Venetiarum; & illi qui semel Abbates Generales extiterunt, quia secundum antiquas Ordinis Constitutiones, ea, quæ ad regimen totius Congregationis spectant, cum illorum consilio, & interuentu tractanda sunt; aduocari etiam debent omnes qui semel fuerunt Visitatores, quia salus est, vbi multa consilia. Præter supradictos verò, alij ad Dietas vocandi non erunt, nisi ob causam grauissimam, & necessariam; nè inutilibus expensis tota Congregatio frustra grauetur. Poterit tamen ipsa Dieta tamdiu prorogari, donec quæ in illa erunt tractanda, commodè, ac debito fine valeant terminari.

De modo eligendi Abbates, & Procuratores Generales, Visitatores, & Prælatos cum illorum officia extra tempus vacauerint. Caput XXVI

Paul. V.
an. 1615.

SI contingat durante triennio Abbatis Generalis illius officium per cessum, vel decessum aut alio quouis modo cessare, ille, qui ex Visita-

ſitatoribus fuerit maior , qui ſcilicèt Abbas Generalis aliàs extiterit , ſin autem inter Viſitatores nullus aliàs extiterit Abbas Generalis , tunc antiquior habitu ; etiam ſi ſit alterius Prouinciæ ſtatim officio Vicarij Generalis, vſque ad proximam inde habendam dietam , ſeu proximum Capitulum generale fungatur. Et deinde in proxima ſequenti Dieta, ſeu Capitulo , Abbas generalis vſque ad finem integri triennij prædicti , & non vltra eiufdem Prouinciæ , cuius Generalis antecellor extiterat , per eos, qui in dicta Dieta , ſeu Capitulo ſuffragium habere conſueuerūt, eligatur die Sabbathi immediatè antecedente Dominicam, in qua Capitulum, ſeu Dieta initium ſumit : ſicq; electus ad officium huiusmodi Abbatis Generalis, etiam ſi vnica tantum die in officio permanſerit , omnibus , & ſingulis priuilegijs, indultis, exemptionibus, præ eminentijs, prærogatiuis , & anelationibus gaudere debeat , ac ſi integro triennio officium Abbatis Generalis exercuiſſet .

Decedente Procuratore Generali, aut eius officio quouis modo ceſſante, antequam ſuum triennium compleuerit, alius ex eadem Prouincia ad complendum dictum triennium in Procuratorem Generalem eligatur , prout de Abbate Generali dictum fuit ; & quouſque dicta electio celebretur Viſitator dictæ Prouinciæ Procuratoris Generalis officium vſque ad proximam inde habendam Dietam exerceat .

Similiter ſi aliquis ex Viſitatoribus ante exple-

tum triennium proprii officij decesserit, vel eius officio intra ipsum triennium quouis modo cessante, alius ex eadem Prouincia eligendus erit in Dieta, vel in Capitulo generali Sabbatho immediate præcedente Dominicam, in qua Dieta, vel generale Capitulum inchoari debebit, etiamsi sit in suo officio vnico tantum die duraturus; illius autem electioni octo Diffinitores actualiter votum habentes, iuxta dispositionem literarum Sanctissimi Domini Nostri Pauli Quinti, necessario interesse debebunt.

Si durante triennio cuiusuis Prælatus alicuius Monasterij ipse Prælatus ex hac vita decedat, seu eius officium quouis modo cesset, Abbas Generalis in eius locum Vicarium, seu Locumtenentem, qui officio Prælati, seu Superioris huiusmodi vsque ad Dietam, seu Capitulum ex tunc proximè habendū fungatur, constituere possit; & deindè in Dieta, seu Capitulo huiusmodi alius Prælatus, seu Superior in locum antecessoris per Abbatem Generalem, & Diffinitores prædictos eligatur. Electioque huiusmodi in Dietis, seu Capitulis generalibus vnà cum aliorum Superiorum electionibus fiat.

De vitanda constitutionum multiplicitate, ac nouitate.

Caput XXVII.

Quia nihil humanæ Reipublicæ magis perniciosum esse dignoscitur, quàm superflua, inutilisq; legum multiplicitas, ac immutatio, primùm quidem statuimus, vt post præsens volumen cōstitutionum tribus libris, siuè partibus distinctum nulla noua constitutio aliquam vim obtineat, nisi toti generali Capitulo propōita, matura deliberatione discussa, per secretum scrutinium votorum duabus saltèm ex tribus ipsorum votorum partibus consentientibus, ab ipso generali Capitulo approbata fuerit, & canonicè obtenta. Decreta verò, quæ pro bono regimine Congregationis iuxta varias temporum, & rerum exigentias per Patres Definidores, siuè in Dietis, siuè etiam in Capitulis generalibus fient, nisi fuerint in aliquo Capitulo generali, sicut præmissum est, canonicè obtenta cum auctoritate conditorum spirare intelligatur.

Aliæ quoque constitutiones siuè in Dietis, siuè etiam generalibus Capitulis, aliq; Congregationibus editæ, & promulgatæ, quæ in præsentì volumine non comprehenduntur, cassatæ, & abrogatæ intelligantur, itaut omnes de nostra Congregatione ab illarum obseruatione in posterum absoluti

cen-

278 *Tertia Partis. Caput XXVII.*

cescantur . Constitutiones autem in præsentì volumine contentas omnes, & singuli de nostra Congregatione patres Canonici , & Conuersi ad vnguem seruent , & seruari procurent ; expectantes à Deo , & Salvatore nostro Iesu Christo omnium operum suorum condignam , & amplissimam retributionem .

F I N I S .





I N D E X

CAPITVLORVM.

SE V TITVLORVM

PRIMÆ PARTIS.



<i>E</i> totius Congregationis unitate seruanda. Cap. 1. pag.	1
<i>De</i> Regula, & Constitutione, et frequenti earum lectione, et me- ditatione. Cap. 2.	3
<i>De</i> habitu Canonicoꝝ. Cap. 3.	5
<i>De</i> habitu Conuersoꝝ, et Oblatoꝝ. Cap. 4.	9
<i>De</i> tonsura clericali. Cap. 5.	10
<i>De</i> studio perfectionis, et cura interioris homi- nis. Cap. 6.	11
<i>De</i> abnegatione propriæ voluntatis, et perfecta obedientia. Cap. 7.	12
<i>De</i> affectu proprietatis abdicando, et communi uita seruanda. Cap. 8.	16
<i>De</i>	

<i>De castitatis, & sensuum custodia.</i>	Cap. 9	16
<i>De Ecclesia, & Oratorio.</i>	Cap. 10	18
<i>De assiduitate orationis, et meditationis.</i>		
<i>Cap. 11</i>		20
<i>Qualiter Diuinis Officijs in Choro, et in Ecclesia interesse oporteat.</i>	Cap. 12	22
<i>De modo terminandi dicta officia, et quotidianis Capitulis culparum.</i>	Cap. 13	27
<i>De Antiphona quolibet sero, et Litanis quolibet Sabbatho in honorem Beatae Virginis cantandis.</i>	Cap. 14	29
<i>De quibusdam festis in nostra Congregatione specialiter celebrandis, et commemorationibus faciendis.</i>	Cap. 15	30
<i>De Sacramentorum Pœnitentie, et Eucharistie frequenti susceptione.</i>	Cap. 16	32
<i>De Missarum celebratione.</i>	Cap. 17	35
<i>De Catalogo obligationum, et frequenti commemoratione Benefactorum nostre Congregationis</i>	Cap. 18	36
<i>De valetudinario, et cura infirmorum.</i>		
<i>Cap. 19</i>		38
<i>De sepultura, et suffragijs Fratrum Defunctorum</i>	Cap. 20	41
<i>De silentio.</i>	Cap. 21	43
<i>De reuerentia ad inuicem exhibenda, et modestia seruanda.</i>	Cap. 22	45
<i>De</i>		

De Refectorio , et communi refectiōe .

<i>cap.23</i>	<i>47</i>
<i>De Ieiunijs, & consuetis abstinentijs nostræ</i>	
<i>Congregationis . cap.24</i>	<i>51</i>
<i>De disciplina in sero conuentualiter faciēda .</i>	
<i>cap.25</i>	<i>53</i>
<i>De Vestiario . cap.26</i>	<i>54</i>
<i>De communi dormitorio . cap.27</i>	<i>56</i>
<i>De exercitijs Canoniorum . cap.28</i>	<i>58</i>
<i>De exercitijs Conuersorum, & oblatorum, &</i>	
<i>famulis secularibus . cap.29</i>	<i>59</i>
<i>De quibusdam officijs per Patrem distribuē-</i>	
<i>dis . cap.30</i>	<i>61</i>
<i>De modo conueniēdi ad communem calefa-</i>	
<i>ctionem . cap.31</i>	<i>62</i>
<i>De clauſtri, & ianue custodia . cap.32</i>	<i>63</i>
<i>De vitanda familiaritate personarum secula-</i>	
<i>rium, et ut nostri secularibus negocijs se non</i>	
<i>immisceant . cap.33</i>	<i>64</i>
<i>Qualiter Canonici extra claustra statim reuer-</i>	
<i>ſi incedere debeant . cap.34</i>	<i>66</i>
<i>Qualiter incedere debeant ; cū longius profici-</i>	
<i>ſcuntur . cap.35</i>	<i>68</i>
<i>De hoſpitibus recipiendis . cap.36</i>	<i>70</i>
<i>De eleemoſyna . cap.37</i>	<i>73</i>
<i>De ijs, qui inſolitum auſterioris vite genus eli-</i>	
<i>gere voluerint . cap.38</i>	<i>74</i>

<i>De Capitulo culparum singula hebdomada congregando. Cap.39</i>	75
<i>De admittendis ad habitum probationis. Cap.40</i>	77
<i>Regula instituendorum Nouitiorũ. Cap.41</i>	81
<i>De solemni professione. Cap.42</i>	85
<i>De Oblatis. Cap.43</i>	89

Index Capitulorum , seù Titulorum Secundæ Partis .

D E Abbate , seù Rectore Generali totius Congregationis . cap.1	93
<i>De quatuor socijs Abbatis Generalis Visitationibus Congregationis . cap.2</i>	97
<i>De Procuratore Generali Congreg. cap.3</i>	101
<i>De Prælati locorum . cap.4</i>	103
<i>De Prælatorum facultate circa administrationem bonorum mobilium. cap.5</i>	106
<i>De Prælatorum facultate circa administrationem bonorum immobilium . cap.6</i>	109
<i>De Vicarijs . cap.7</i>	111
<i>De Magistris Nouitiorum . cap.8</i>	116
<i>De literarum studijs . cap.9</i>	118
<i>Qualiter Canonici ad studia literarum sint admittendi . cap.10</i>	124
<i>De Lectoribus . cap.11</i>	126

De

<i>De Reformatorebus studiorum , et publicis</i>	
<i>Examinatoribus . cap.12</i>	129
<i>De nonnullis priuilegijs Lectorum. cap.13</i>	131
<i>De Praedicatoribus . cap.14</i>	134
<i>De admittendis ad sacros Ordines. cap.15</i>	139
<i>De admittendis ad exercendam curam ani-</i>	
<i>marum personarum secularium , & ad illa-</i>	
<i>rum confessiones audiendas . cap.16</i>	140
<i>De Confessarij sanctimonialium . cap.17</i>	142
<i>De Sacristis . cap.18</i>	144
<i>De Bibliothecarijs . cap.19</i>	147
<i>De Infirmarijs . cap.20</i>	149
<i>De Oeconomis Monasteriorum . cap.21</i>	150
<i>De Oeconomis forensibus . cap.22</i>	154
<i>De Ratiocinatoribus , seu Reuisoribus compu-</i>	
<i>torum . cap.23</i>	155
<i>De Monasteriorum Depositarijs , & Depositis</i>	
<i>faciendis . cap.24</i>	158
<i>De Procuratoribus Monasteriorum . cap.25</i>	160
<i>De Archiuis , seu Registris scripturarum .</i>	
<i>cap.26</i>	163
<i>De Inuentarijs . cap.27</i>	165
<i>De Ianitoribus Monasteriorum . cap.28</i>	167
<i>De fabricis construendis , vel reparandis .</i>	
<i>cap.29</i>	169
<i>De Monasterijs acceptandis , vel dimittendis .</i>	
<i>cap.30</i>	170

De modo cōgregandi Capitulum ad graua ne- gocia Monasteriorum tractanda. cap. 31	171
De excessibus corrigendis, & facultate ad hæc per Sedem Apostolicam Congregationi spe- cialiter attributa. cap. 32	175
De culparum diuersitate. cap. 33	180
De pœnis vagantium, & Praelatorum non re- sidentium. cap. 34	182
De pœnis ludentium. cap. 35	185
De pœnis exercentium illicitam negotiationem. cap. 36	186
De pœnis scribentium literas sine licentia, & aperientium, aut detinentium, aut falsifican- tium literas aliorum. cap. 37	188
De pœnis calumniatorum. cap. 38	189
De maledicis, et seminantibus discordias. cap. 39	191
De pœnis blasphemantium. cap. 40	190
De pœnis proprietariorū, & furum. cap. 41	194
De pœnis incontinentium, & laborantium vi- tio luxuriæ. cap. 42	196
De pœnis percutientium Fratres. cap. 43	197
De conuinciendis, & appellandis à correctio- ne. cap. 44	198
De fugitiuis, & apostatis. cap. 45	199
De pœnis reuelantium secreta Congregationis. cap. 46	202

De ijs, qui Congregationem extraneis subiuga-
re tentauerint, vel per subreptionem contra
illam impetrauerint. cap. 47. 203

De incorrigibilibus. cap. 48. 204

De generali visitatione Congreg. cap. 49. 205

De generali examine familiae. cap. 50. 210

De modo terminandi visitationes. cap. 51. 215

De subsidio Abbati Generali, et Visitoribus
proviaticis exhibendo. cap. 52. 216

Index Capitulorum, seu Titulorum Tertiæ Partis.

DE generali Capitulo singulo triennio ce-
lebrando. cap. 1. 219

De ijs, quae à Praeclatis fieri debebunt, ante-
quam à suis Monasterijs discedant, ad Ca-
pitulum generale profecturi. cap. 2. 222

De eligendo socio capitulari ad generalem Ca-
pitulum mittendo. cap. 3. 224

De ijs, quae à Praelato, et socio capitulari ad
generale Capitulum ferri debebunt. cap. 4. 228

De subsidio pro expensis generalis Capituli à sin-
gulis praestando. cap. 5. 230

De non procurandis suffragijs. cap. 6. 232

De nonnullis tempore generalis Capituli obser-
uandis. cap. 7. 233

De

*De ingressu Generalis Capituli, & ordine in
sessionibus seruando. cap.8* 235

*Regulae generales in electionibus seruandae.
cap.9* 238

De electione Vicarij Generalis. cap.10 242

*De Renunciatione Regiminum, & Praelatu-
rarum coram Vicario Generali per Abba-
tem Generalem, Visitatores, et alios facien-
da. cap.11* 245

*De electione Diffinitorum Capituli Generalis.
cap.12* 246

*De eligendo publico Notario Capituli Genera-
lis. cap.13* 249

*De Priore claustrali, & Oecono-
mo generalis Capituli. cap.14* 251

*De quibusdam Iudicibus in Capitulo generali
constituendis. cap.15* 253

*De ijs, quae in generali Capitulo tractanda
erunt, & qualiter graui-
negocia in eodem
Capitulo terminari debebunt. cap.16* 255

De electione Abbatis Generalis. cap.17 257

De electione Procuratoris Generalis. cap.18
pag. 260

*De electione Praelatorum singulorum Monaste-
riorum. cap.19* 261

*De electione Confessariorum Monialium, Prae-
dicatorum, Reformatorum studiorum, &*

Exa-

<i>Examinatorum publicorum Congregationis . cap.20</i>	264
<i>De distributione familiae totius Congregationis . cap.21</i>	266
<i>De nonnullis privilegijs Abbatum Generalium, Visitatorum, & Pralatorum, qui proprijs officijs renunciauerunt . cap.22</i>	268
<i>De absolute Capitul generalis . cap.23</i>	269
<i>Qualiter Fratres de loco ad locum mitti debeant . cap.24</i>	271
<i>De Dietis celebrandis . cap.25</i>	273
<i>De modo eligendi Abbates, et Procuratores Generales, Visitatores, & Pralatos, cum illorum officia extra tempus vacauerint . cap.26</i>	274
<i>De vitanda Constitutionum multiplicitate, et nouitate . cap.27</i>	277

F I N I S.



The following is a list of the
 names of the persons who
 have been appointed to the
 various offices of the
 State of New York, for the
 year 1880.

E. I. V. I. 2.

Ad perpetuam rei memoriam.

GRaue gerimus ; & molestum cum sinistra nobis de quibusvis personis ecclesiasticis , præsertim Religiosis perferuntur ; sed in Prælatorum excessibus eò grauiùs prouocamur , quò eorum culpæ remaneant incorrectæ : cum à subditis , quod ab eis agitur faciliùs in exemplum probatur . Sanè sicut ad nostri Apostolatus displicentia peruenit auditum . licèt Canonici Regulares Ordinis S. Augustini Congregationis Lateranensis inter alia Paupertatis votum emittant , ac etiam iuxta Ordinis , & Congregationis huiusmodi regularia instituta proprietarij esse nequeant , & singulis annis in ipsa Congregatione , scè illius Capitulo generali censuræ , & pœnæ ecclesiasticæ contra eosdem proprietarios promulgentur : nihilominus nonnulli dictæ Congregationis Prælati paupertatis voto , & censuris huiusmodi spretis , ac depressa regularis disciplinæ norma , bona Monasteriorum Congregationis huiusmodi , vel ipsius Congregationis furtim sibi temeritatè propria appropriare , & bona Christi , quæ necessitati in ipsis Monasterijs Domino seruientium , & reparationi Ecclesiarum illorum , ac inopiæ pauperum seruire deberent , in proprios vsus , scè potius abusus conuertere præsumplerunt hætenus , & præsumunt , censuras , & pœnas prædictas damnabiliter incurrendo in ani-

marum suarum perniciem , & Monasteriorum eorundem ruinam , detrimentum , & desolationem . Nos tam improbæ ipsorum Prælatorum cupiditatis excessum reprimere , ac tanto sacrilegio congruis remedijs obuiare , & dictorum Monasteriorum indemnitati salubriter providere cupientes , Motu proprio , & ex certa scientia , auctoritate apostolica , tenore præsentium statuimus , & ordinamus , quòd omnes , & singuli Abbates , Præpositi , Priores , cæteri; Prælati , & Superiores , necnon Canonici dictæ Congregationis , ac eorum Ministri , cuiuscunque gradus existant , qui bona dictorum Monasteriorum , seu ipsius Congregationis hætenus furati , & sibi appropriare , ac sub quocunque prætextu sine expressâ totius Capituli generalis , vel omnium Diffinitorum Congregationis huiusmodi licentia , usurpare præsumunt , & qui ad præsens usurpata detineant , & ea intra octo dies publicationem præsentium immediatè sequentes non restituerint , ultra censuras , & pœnas in tales , etiam per regularia instituta Ordinis , & Congregationis prædictorum , ac priuilegia , & indulta apostolica illis concessa promulgatas , quas etiam per præsentis innouamus , & ipsos transgressores (si forsan illis per huiusmodi instituta , & priuilegia excommunicationis , & anathematis pœna non sit inflicta) excommunicamus , & anathematizamus eo ipso omni regimine , & administratione omnium prælaturarum , & officiorum Ordinis , & Congregationis huiusmodi , ac voce actiua , & passiva priuati , & ad illa , & alia quæcunque

cunque dictæ Congregationis prælaturas, administrationes, & officia in posterum habenda perpetuò inhabiles sint, & esse censeantur, & deprehensi tanti furti rei, quando ciuili lege pœna mortis puniri mererentur, per Diffinitores pro tempore existentes ipsius Congregationis, eorum arbitrio (circa tamen vltimi supplicij, aut mutationis membrorum pœnas) puniantur. Ac quæcunque bona, siuè pecuniæ, siuè aliæ, quæ pecunijs æstimari possint res existant sibi ab eis similiter meritate usurpata apud ipsos, seu quoscunque alios eorum nomine existentia, etiamsi consanguineis suis, vel alijs quibuscunque donata, quantumlibet in bonis stabilibus commutata sine expressa Diffinitorum Congregationis huiusmodi licentia, statim Monasterijs proprijs, à quibus sublata fuerunt, sub eisdem pœnis eo ipso reititui debeant, nec cum eis desuper dispensari possit, nisi immediate à Sede Apostolica, & Monasterio, à quo sublata fuerunt, vt præfertur, prius satisfacto. Sicutamen, quod qui in præterito tanti criminis rei fuerint, si in Capitulo respuerint, & de facto satisfecerint, vel quamprimum potuerint satisfacere debitis cautelis promiserint, vel aliter ab ipso Capitulo, vel Diffinitoribus præfatis ordinatum fuerit, absolui possit, & absentes cum præsentibus ad eorum noticiam peruenerint infra aliorum octo dierum spaciũ ab ipsorum Prælatis, vel ab illis, quibus per præfatos Diffinitores demandatum fuerit, facta satisfactione, vel promissione, vt præfertur absolui possint. Transacto autẽ

Capituli generalis tempore pro presentibus, & octo diebus huiusmodi pro absentibus post premissorū notitiam illorum absolutio Sedi predictæ dumtaxat reservata sit, & esse censeatur, ac transgressores ipsis pœnis supradictis subiaceant. Districtiùs præcipiēdo mandantes omnibus, & singulis, qui talium scelerum notitiam habuerunt, & habent, vel in futurum habebunt, ut illa Capitulo generali, vel Rectori, vel Visitatoribus Congregationis predictæ manifestent, & reuelent. Ac inhibentes Rectoribus, & Visitatoribus prefatis sub eisdem pœnis, ne inconsulta Sede predicta, casualiquo cum illis dispensare necnon illis, ac eorum ministris ne contra Constitutiones Ordinis, & Congregationis huiusmodi bona Monasteriorum predictorum distribuere, vel usurpare, nisi ad lumen in eisdem Constitutionibus taxatam, vel prout per Capitulum generale predictum fuerit diffinitum quoquomodo præsumant. Ac etiam præcipiendo mandantes Rectori, Diffinitoribus, & Visitatoribus prefatis, ut presentes literas in libro statutorum dictæ Congregationis adnotari, & inseri, ac ut moris est in singulis Monasterijs pluries legi mandent, & faciant cum effectu. Decernentes ipsas literas post decem dies à die earum publicationis in locis conuenientibus faciendæ, effectum habere, ac illarum transumptis manu Notarij publici subscriptis, & sigillo ipsius Congregationis munitis eandem prorsus fidem in iudicio, & extra adhibendam fore, quæ eisdem presentibus adhiberetur, si forent exhibita, vel ostensa.

Quo-

Quocirca dilecto filio nostro Herculi S. Mariæ No-
uæ Diacono Cardinali Mantuano nuncupato, &
pro tempore existenti dictæ Congregationis Prote-
ctori mandamus, vt præsentès literas, & in eis con-
tenta quæcûque auctoritate apostolica firmiter ob-
seruari faciat. Contradictentes quoslibet, & rebelles
per supradictas, & alias formidabiliores, de quibus
expediens sibi fore videbitur censuras, & pœnas,
sublato diffugij, & appellationis obstaculo, compe-
scendo. Non obstantibus præmissis ac Constitutio-
nibus, & ordinationibus, nec non quibusvis pri-
uilegijs, & indultis apostolicis tam sub plumbo, quàm
in forma Breuis relatis Superioribus, Canonicis,
Ministris, & alijs præfatis forsan sub quibuscunque
tenoribus, & formis, ac cum quibusvis clausulis, &
Decretis concessis, & approbatis, quæ eis aduersus
præmissa nullatenus suffragari posse volumus, con-
trarijs quibuscunque. Aut si aliquibus communi-
ter, vel diuissim ab eadem sit Sede indultum, quòd
interdici, suspendi, vel excommunicari non pos-
sint per literas Apostolicas non facientes plenam,
& expressam, ac de verbo ad verbum de indulto
huiusmodi mentionem. Dat. Romæ apud S. Pe-
trum sub anulo piscatoris, die . . . Martij 1539. Pon-
tificatus nostri anno 5.

Blosius.

CLEMENS PP. VIII.

Ad perpetuam rei memoriam.

PRO impositi nobis apostolici muneris debito inter Religiosos viros, quos honores, & dignitates non ambire, sed tamen promereri decet, æquam honorum, ac dignitatum eorundem in eorum Ordinibus distributionem, ut cuncti se ad illa assequenda per religiosas virtutum semitas aditum parare studeant, seruari cupimus, ac in his, cum opus est auctoritatis nostræ partes libenter interponimus, prout in Domino salubriter conspiciamus expedire. Sanè cum sicut accepimus dudum in quo iam Capitulo generali Congregationis Lateranensis Canonorum Regularium Ordinis Sancti Augustini Abbatiae, Præposituræ, Prioratus, & aliæ prælaturæ dicti Ordinis, inter quasdam Nationes distributæ, harum Nationum aliquibus septem, aliquibus quattuor, & aliquibus tres, seu plures, aut pauciores Abbatiae huiusmodi assignatæ fuerunt. In huiusmodi distributione plures Nationes, veluti Lucensis, Mantuana, Parmensis, Ianuensis, Neapolitana, & Alexandrina, ac aliæ in totum, aut in maiori parte exclusæ remanserunt in magnum earundem Nationum, in quibus viri pietate, doctrina, Religionis zelo, ac alijs regularibus virtutibus præstantes reperiuntur præiudicium. Cū autem à Religione valdè alienum sit, ut inter ipsos Religiosos, Nationum, & personarum quodammodo

modo acceptio esse videatur, quinimò ipse rationis ordo requirat, ut qui sub eodem vexillo in Ecclesia Dei militant pari modo tum onera sustineant, tum honoribus perfrui valeant. Nos idcirco prædictarum Nationum, quæ ab assécutione Abbatiarum, Præpositurarum, & Prioratum exclusæ remanserunt indemnitati prospicere, debitumq; cunctorum virtutibus honorem tribui volentes, ex sententia venerabilium Fratrum nostrorum Michaelis Episcopi Albanensis Alexandrini, & Antonij Mariæ Saluiati, necnon Camilli Burghesij, & Pompei Arigonij nuncupatorum S.R.E. Cardinalium, quibus hoc negotium examinandum, & nobis referendum commisimus. Motu proprio, & ex certa scientia, ac mera deliberatione nostra, deq; apostolicæ potestatis plenitudine diuisionem Abbatiarum, & aliarum prælaturarum prædictarum inter prædictas Nationes, ut præfertur iam factam, auctoritate apostolica, tenore præsentium perpetuò cassamus, reuocamus, & annullamus, ac de cætero Abbatias, Præposituras, Prioratus, & alias prælaturas prædictas, personis quarumcunque Nationum, meritorum cuiusquam ratione habita conferri, & assignari posse, & debere decernimus, & declaramus. Ac propterea dilecto filio eiusdem Congregationis Generali in virtute sanctæ obedientiæ, ac sub indignationis nostræ, necnō priuationis dignitatum, & vocis actiuæ, & passiuæ, eo ipso incurrendis pœnis præcipimus, & mādamus, ut in Dieta generali prædictæ Congregationis quarta Dominica post

post

post Pascha Resurrectionis Dominicæ præsentis anni M D XC VIII. facienda præsentem literas solemniter publicando iuxta earum seriem, facta inprimis per ipsum omnium Abbatum, Præpositorum, & Priorum, & Prælatorum prædictorum eiusdem Congregationis Abbatibus, Præposituris; Prioratibus, & Prælaturis prædictis illis assignatis reuocatione, prout nos, tenore præsentium, reuocamus, absoluius, Abbantias, Præposituras, & Prælaturas prædictas non secundum prædictarum Nationum, quibus in prædicto Capitulo generali assignatæ fuerunt; sed aliarum etiam Nationum, personis ad eas attinendas idoneis, sine vlla limitatione conferri, & assignari omninò curet, & faciat, seu distribuat, & assignet, atque ita in posterum cæteris futuris eiusdem Congregationis Generalibus, Diffinitoribus, & alijs in Congregationibus Generalibus interessentibus, ad quos spectabit sub eisdem censuris, & pœnis obseruari volumus, & mandamus. Cæterum, quia, vt etiam accepimus, Abbantias huiusmodi ex prædictæ Congregationis ordine, qui Prioris, seu Vicarij munere functus non est, assequi non potest, & personæ dictarum Nationum exclusarum forsân Prioris, Vicarij munere hucusque functæ non sunt; nos illis, & cuilibet earum pro hac vice dumtaxat, vt, licet Prioris, Vicarij, munere functæ non sunt, nihilominus Abbantias, Præposituras, Prioratus, & Prælaturas prædictas consequi, & obtinere perinde possint, & valeant, ac si Prioris, Vicarij etiam munere functæ fuissent auctoritate, & reno-

& tenore præsentis concedimus, & indulgemus, & cum illis æqualiter illarum gratiose dispensamus, non obstantibus constitutionibus, & ordinationibus apostolicis, ac prædictæ Congregationis, etiam iuramento, confirmatione apostolica, vel quavis firmitate alia roboratis, statutis, & consuetudinibus, privilegijs quoque, indultis, literis apostolicis eidem Congregationi, illiusq; Abbatibus, & Canonicijs sub quibuscunque tenoribus, & formis in contrarium, præmissorum quomodolibet concessis, confirmatis, & approbatis. Quibus omnibus, & singulis eorum tenores præsentibus pro expressis habentes, hac vice dumtaxat specialiter, & expresse derogamus, cæterisq; contrarijs, quibuscunque. Datum Romæ apud S. Petrum sub anulo Piscatoris die 27. Martij 1598. Pontificatus nostri anno 7.

M. Vestrius Barbianus.

CLEMENS PP. VIII.

Ad perpetuam rei memoriam.

EX iniuncto nobis apostolicæ seruitutis officio, ad ea sedulò intendere debemus, per quæ Regularium Ordinum prospero regimini salubriter consulatur. Ad Congregationem itaque Canonico Regularium Lateranensem, sub Regula Sancti Augustini mentis nostræ aciem còvertentes, & attentè prospicientes, quòd si Prælaturæ eiusdem Congregationis, quas numero sexaginta tres existere, & nunc ad vitam illas obtinentium contra antiqua regularia eiusdem Congregationis instituta concedi solere accepimus: de cætero non amplius ad vitam, sed de triennio in triennium concederentur, ex hoc profectò prospero regimini, & felici gubernio eiusdem Congregationis valdè consuleretur: quandoquidem ij, qui ad prælaturas eliguntur, cum paulò post se subditos fore animaduertent, suscepti regiminis curam rectius gerere curabunt: Idcirco motu proprio, & ex certa nostra scientia, ac matura deliberatione, deq; apostolicæ potestatis plenitudine, ex voto etiam venerabilium fratrum nostrorum S.R.E. Cardinalium super còsultationibus, & negocijs Episcoporum, & Regularium Præpositorum, perpetuitatem dictarum prælaturarum eiusdem Congregationis Lateranensis, auctoritate apostolica, tenore præsentium, perpetuò abrogamus, ac huiusmodi prælaturas ex nunc

de cætero de triênio in trienniũ concedi, & eos, qui per triennium aliquas ex dictis prælaturis obtinuerint, saltẽm per annũ integrum ab eisdẽ, quas dicto triennio obtinuerint, & alij etiam prælaturis, itaut interim nec de vna ad aliam transferri possit, vacare omninò debere, auctoritate, & tenore præsentis statuimus, & ordinamus. Verũ, quia si vno, & eodem tempore omnes prædictæ sexaginta tres prælaturæ, quæ nunc perpetuæ, vt præfertur, existunt, vacare deberent aliqua in eligendis nouis Prælati omnibus, confusio oriri posset; volumus, vt in proxima futura Dieta generali dictæ Congregationis, quæ Dominica quarta post Pascha Dominicæ Resurrectionis celebrabitur, tertia pars Prælatorum nunc existentium, hoc est ad numerum viginti vnus vacare, & in eorum locum alij noui Prælati vsque ad præfatum numerum viginti vnus, seruata tamen in electione nouorum Prælatorum forma nostrarum literarum in forma Breuis sub dat. die 27. Martij 1598. Pontificatus nostri anno septimo, expeditarum, super distributione inter omnes Nationes facienda indistinctè prælaturarum dictæ Congregationis, quas literas nostras saluas esse volumus, eligi, & successiuè sequenti anno alia tertia pars, & tertio anno reliqua tertia pars omnium Prælatorum huiusmodi vacare, & ad illas nouos Prælatos eligi debere volumus. Nouorum autem Prælatorum in locis vacantium pro tempore, prælaturarum huiusmodi electiones per nouem Electores, prout in Capitulo generali fieri consuevit, in huiusmodi Dietis

generalibus pariter faciendas esse per Abbatem Generalem, & quatuor Visitatores tunc existentes, simul cum quatuor Diffinitoribus, qui in antecedenti proxima Dieta, seu Capitulo generali extiterint; ita tamen, ut si aliquis eorum decesserit, aut absens, vel infirmus, seu aliàs impeditus fuerit, ceteri ex dictis nouem Electoribus alium eiusdem Congregationis Canonicum idoneum eorum arbitrio, quorum super hoc conscientiam oneramus, in defuncti, absentis, infirmi, vel aliàs impediti locum sufficere possint. Utq; circa vacationem tertiæ partis prælaturarum, in proxima futura Dieta generali, & in alia sequenti quietè procedatur, eas prælaturas in prima, & secunda Dietis generalibus huiusmodi respectiue vacare debere, quas suprascripti nouem Electores iuxta eorum conscientiam iudicauerint: sicq; ut præmissum est, & non aliter in omnibus, & per omnia obseruari debere, ac irritum, & inane quidquid secus super his à quoquam, quauis auctoritate scienter, vel ignoranter contigerit attentari, decernimus. Mandantes propterea in virtute sanctæ obedientiæ, & sub indignationis nostræ, ac priuationis dignitatum, ac vocis actiuæ, & passiuæ, ac perpetuæ inhabilitatis ad illas, & alias in posterum obtinendas dilectis filiis Generali, & alijs Abbatibus, & Prælatibus eiusdem Congregationis, ut ad præmissorum executionem prompta, ut decet, obedientia, & humilitate procedant, eaq; perpetuo deinceps obseruent, & obseruari curent, & faciant, omni prorsus contradictione, & reclamazione cessante.

sante. Non obstantibus constitutionibus, & ordinationibus apostolicis, ac dictæ Congregationis etiam iuramento, & confirmatione apostolica, vel quavis firmitate, alia roboratis, statutis, & consuetudinibus, priuilegijs quoque, indultis, & literis apostolicis eidem Congregationi, illiusq; Abbatibus, & Canonicis sub quibuscunque verborum formis, & tenoribus, ac cum quibusuis etiam derogatorijs derogatorijs, alijsq; efficacioribus, & insolitis clausulis, ac irritantibus, & alijs Decretis in genere, vel in specie, ac aliàs in contrarium præmissorum quomodolibet concessis, confirmatis, & roboratis, & approbatis: Quibus omnibus, & singulis eorum tenores præsentibus pro expressis, & ad verbum insertis habentes, hac vice duntaxat specialiter, & expressè derogamus, cæterisque contrarijs quibuscunque, &c. Datum Romæ apud Sanctum Marcum sub anulo Piscatoris, die 27. Aprilis 1602. Pontificatus nostri anno 11.

M. Vestrius Barbianus.

Ad futuram rei memoriam.

Pastoralis nostri muneris ratio postulat, ut in illis auctoritatem nostram interponamus, per quæ Congregationum, & Ordinum Regularium quieti, & prospero statui oportunè consulatur, prout salubriter in Domino conspiciamus expedire. Ad Congregationem itaque Lateranensem Canonorum Regularium Ordinis Sancti Augustini mentis nostræ aciem conuertentes, ac attentè considerantes maximè conuenire, ut in electione Prælatorum, Superiorum, ac Officialium ipsius Cōgregationis omnes illius Canonici Regulares (nulla Nationum, aut personarum acceptione, vel exceptione habita) partem habere debeant, æqualitatem votorum, & suffragiorum in Diffinitorio tam in Capitulo, quàm in generalibus Dietis stabiliendam duximus. Motu igitur proprio, non ad alicuius nobis super hoc oblata petitionis instantiam, sed ex certa scientia, ac matura deliberatione nostra, deq; apostolicæ potestatis plenitudine, harum serie statuimus, & ordinamus, ut de cætero pro huiusmodi votorum æqualitate in eodem Diffinitorio, vnus ex Marchiæ Ecclesiasticæ, alius ex Status, & Ducatus Mediolani, alius ex Marchiæ Triuisanæ, alius ex Principatus Pedemontium coniunctim vnà cum Monasterijs Placentiæ, Parmæ, Mantuæ, Mutinæ, Regij, & Vineolæ, & alius ex Hetruriæ; Regni Nea-

Neapolis, & Genuæ Monasterijs eiusdem Congregationis, qui respectiuè sic ad hunc effectum pro vna vice ex dictis Monasterijs Hetruriæ, & Genuæ, & pro alia vice ex Regno Neapolis perpetuis futuris temporibus eligi debeat, eligendi Canonici vota in quibuscunque Capitulis, & Dietis generalibus dictæ Congregationis habeant : quæ quinque vota Diffinitorium nouum constituunt, quæ omnia interuenire debent in omnibus determinationibus in ipsis Dietis, & Capitulis generalibus faciendis. Præterea vt Abbas Generalis totius Cōgregationis iuxta formam literarum, in forma Breuis fel. rec. Gregorij Papæ XIII. prædecesoris nostri ad triennium, & cum distinctione præscripta in Constitutionibus dictæ Congregationis, per dictas literas confirmatis, videlicet quod pro vno triennio ex Prouincijs vocatis, iuxta antiquum vsum Marchiæ Ecclesiasticæ, & Triuisanæ, & pro alio triennio ex Prouincijs iuxta eundem antiquum vsum nuncupatis Lombardiæ, videlicet Ducatus, & Status Mediolani, Pedemontium, Parmæ, Placentiæ, Mutinæ, Regij, Vineolæ, ac Hetruriæ, Regni Neapolis, & Genuæ, & ex his Prouincijs respectiuè alternis vicibus, iuxta distinctionem prædictam perpetuò eligi debeat absque aliqua Nationum, aut Prouinciarum illius partis, ad quam pro tempore spectabit, exceptione. Procurator verò generalis, qui in Romana Curia residere solet, & insimul Abbas de S. Maria de Pace de Vrbe existit, semper eligatur pro vno itidem triennio ex altera parte duarum sumptarum, ex qua

qua dicto triennio Abbas Generalis eligi non debet; illo autem triennio, quo Procurator Generalis, & Abbas dicti Monasterij de Pace ex Prouincia Lombardiæ extiterit, Prouinciæ Ecclesiasticæ, vnũ Monasterium paris qualitatis Monasterij prædicti de Pace arbitrio Diffinitorij assignari debeat. Cum autem æquum sit, & rationi consonum, vt ij, qui sub eadem Regula militant æqualiter onera sustineant, ac honoribus, & prælaturis fruantur. Nos menti, & intentioni recol. mem. Clementis Papæ Octauī, etiam prædecessoris nostri super hoc editæ inhærentes, diuisionem Monasteriorum, ac Abbatiarum, & prælaturarum, inter quasdam Nationes, vt accepimus, factam auctoritate apostolica, tenore præsentium reuocamus, cassamus, & annullamus; vtq; de cætero Monasterio, Abbatia, præpositura, Prioratus, & cæteræ prælaturæ ipsius Congregationis, Canonicis cuiuscunque Nationis, & Prouinciæ meritis suffultis absque aliqua Nationum, & personarum exceptione assignari, & ad eas Canonici huiusmodi virtute, ac meritis præstantes, iuxta dicti Clementis intentionem eligi debeant, perpetuò pariter statuimus, & ordinamus. Vlteriùs vt in quacunque Natione, & Prouincia Nouitij iuxta capacitatem, qualitatem, & redditus cuiuscunque Monasterij recipiantur, decernimus, vt in posterum in qualibet Natione, & Prouincia, is tantum Nouitiorum numerus admittatur, & recipiatur, qui pro implemento cuiuscunque Monasterij præscriptus, & in tariffa assignatus fuit, ac in illis Nationibus, &

Pro.

Prouincijs, earumq; Monasterijs, in quibus numerus præfixus exceditur, recipi nequeant aliqui Nouitij, donec ad numerum præscriptum pro singulo Monasterio tam Canonici, quàm Conuerſi redacti fuerint. Verùm ſi in ipſis Prouincijs, & Nationibus, in quibus numerus præſcriptus completus, & etiam vltra dictum numerum recepti reperiuntur alicuius perſonæ literarum, ſcientia, vitæq; ac morum integritate, ac ſanctitate maximè prædictæ, quæ in ipſam Congregationem admitti poſtulauerit, occaſio oblata fuerit, illam cum voto Diffinitorum pro duabus ſaltèm partibus concordis, non tamen vltra ſex perſonas in totum, donec Canonici, & Conuerſi ad præſcriptum numerum redacti fuerint, abſque præiudicio Monasteriorum, in quibus numerus præſcriptus, & aſſignatus completus non fuerit, recipiendi facultatem concedimus. Et ad hunc effectum Nouitiatus inſtitutos, videlicet in Marchia Eccleſiaſtica, Cæſenæ, & Montisbellij, in Statu, & Ducatu Mediolani in Monasterio Caſoreti, in Dioceſi Mediolanèſi ſito; ac in Dominio Venetorum Veronæ, in Hettruria Feſulis, & in Monasterijs Neapolis, in Monasterio Beatæ Mariæ Pedicriptæ confirmamus, & approbamus; ac in illis Nouitios iuxta præſentium, & ordinationum Decretorum iuſſu dicti Clementis prædeceſſoris factorum tenorem, & numerum præſcriptum recipi poſſe concedimus. Præterea non modernorum Abbatis, & Viſitatorum, ac Procuratoris Generalium cauſa, qui aliòquin, & præſertim ipſe

Abbas Generalis eorum officijs haëtenus laudabiliter functi sunt, neque propter aliqua eorum præterita demerita, sed vt hæc nostra constitutio in ipsa Congregatione de cætero perpetuò obseruanda hoc tempore sine alicuius exceptione initium sumat, volumus, & pari motu, & auctoritate statuimus, vt neque Abbas Generalis, qui pro tempore fuerit finito eius officio, & facta electione alterius Abbatis ad officium Generale, videlicet, Visitatoris, aut Procuratoris Generalis pro tempore in Abbatem Generalem, nisi absoluto triennio post peractum respectiuè vtrunque officium eligi possit: vtq; etiam nullus ex Visitatoribus Generalibus finito triennio sui officij visitationis generalis, in Abbatem Generalem pro sequenti immediato triennio eligi valeat: præcipientes in virtute sanctæ obedientiæ omnibus, & singulis eiusdem Congregationis Generali, ac alijs Abbatibus, Diffinitoribus, Prælati, & Canonicis, cæterisq; ad quos spectat, & in futurum spectabit, vt præsentis nostras literas obseruent, & obseruari curent, & faciant, irritum nihilominus, & inane decernentes quidquid secùs super id à quoquam, quauis auctoritate, sciëter, vel ignoranter contigerit attentari: non obstantibus quibuscumq; constitutionibus, & ordinationibus apostolicis, ac dictæ Congregationis etiam iuramento, confirmatione apostolica, vel quauis firmitate alia roboratis, statutis, & consuetudinibus, priuilegijs quoque, indultis, & literis apostolicis, quibuscumq; eiusdem Congregationis Superioribus, & Canonicis

sub

sub quibuscunque tenoribus, & formis, ac alijs quomodolibet in contrarium præmissorum concessis, confirmatis, & approbatis: Quibus omnibus, & singulis eorum tenores præsentibus pro expressis habentes, hac vice dumtaxat specialiter, & expressè derogamus, cæterisq; quibuscunque, &c. Datum Romæ apud S. Petrum sub anulo Piscatoris die 30. Decembris 1606. Pontificatus nostri anno 1.

M. Vestrius Barbianus.

PAVLVS PP. V.

Ad perpetuam rei memoriam.

Indemnitati regularium personarum ex iuncto nobis desuper Apostolicæ seruitutis officio intendentes, quæ propterea facta fuisse dicuntur, vt firmius subsistant, & diligentius obseruentur, libenter approbamus. Dudum siquidem cum Congregatio Lateranensis Canonorum Regularium Ordinis S. Augustini, ob sinistros illius euentus graui ære alieno grauata reperiretur, cuius causa magnam pecuniarum summam, etiam vltra onera eidem Congregationi Apostolica auctoritate imposita, & publicos ipsius Congregationis sumptus, singulo quoque anno soluere, & nouum æs alienum propterea contrahere cogeretur: fel. rec. Sixtus Papa V. prædecessor noster, incommodis huiusmodi obuiare cupiens, quinque super hoc Commissarios dictæ auctoritate constituit, & deputauit; quibus omnia dictæ Congregationis Monasteria, tam in spiritualibus, quam in temporalibus visitandi, & vniuscuiusque Monasterij huiusmodi fructus, redditus, & prouentus, ac eorum veros etiam annuos valores minutim considerandi, numerum Canonorum, ac Conuerforum limitandi, & alimenta vnicuique debita assignandi, & quod superesset ex fructibus cuiuslibet Monasterij huiusmodi sequestrandi, illudq; tam in solutionem fructuum decursum, ac in futurum decurrendum, quam

in

in extinctione censuum redimibilium nomine ipsius Congregationis conuertendi, aliâq; forsân desuper faciendi, & exequendi omnimodam auctoritatem, potestatem, & facultatem concessit, prout in suis desuper in forma Breuis confectis literis plenius continetur. Cùm autem, sicut nomine ipsius Congregationis Ncbis nuper expositum fuit, dicta Congregatio, licet magnam pecuniarum quantitatem Romæ, & Venetijs, ac in alijs Italiæ Ciuitatibus persoluerit, nihilominus eidem ferè, ac forsân maiori ari alieno, quo tempore deputationis dictorum Commissariorum erat adhuc obnoxia reperiatur, eòq; magis in dies crescente, in proximo præterito generali Capitulo Rauennæ ad præsentiam dilectorum filiorum Abbatis Generalis, necnon Diffinitorum, reliquorumq; dictæ Congregationis Vocalium habito, infrascriptum remedium ad Cōgregationis huiusmodi onera subleuanda, eiusq; rationes iuuandas magis aptum, & efficax de vnanimi consensu eorum, qui in dicto Capitulo interuenerunt, excogitatum, & approbatum fuit, vt scilicet diuisio debitorum inter Monasteria fieret, tam respectu capitalium censuum redimibilium, quàm respectu fructuum aliorum censuum vitalitiorum nuncupatorum, ac quorumcunque onerum, ac præstationum Sedi, seu Cameræ Apostolicæ, necnon dictæ Congregationis ærario pro sustinendis publicis expensis annuatim præstandorum, forma tamen, & modo diuisionis huiusmodi per idem Capitulum dile-

cto filio nostro Flaminio tituli Sanctæ Mariæ de
Pace Cardinali Plato nuncupato, ac eiusdem Con-
gregationis Protectori, remissis: qui quidem Flami-
nius Cardinalis, ac Protector, adhibitis calculatori-
bus, eorumq; necnon etiam dilecti filij Archange-
li de Mediolano Monasterij, eiusdē S. Mariæ de Pa-
ce Abbatis, ac Congregationis prædictæ Procurato-
ris Generalis, ac aliorum peritorū consilium, & rela-
tionem in hac parte secutus, omnium debitorum,
& censuum tam francabilium, quàm vitaliciorum
vbique existentium, ac fructuum, & onerum an-
nuorum prædictorum summam in moneta Ro-
mana reductam, diuisit in infra scripta quinquagin-
ta duo Monasteria, quādoquidem reliqua alia duo-
decim dictæ Congregationis Monasteria adeo ege-
state premuntur, ac laborant, vt huiusmodi onus,
vel minima ex parte ferre nequeant; suamq; vni-
cuique Monasterio portionem contingentem tam
fortis, quàm fructuum, & onerum prælatorum iux-
ta vniuscuiusque Monasterij vires, ac facultates, ha-
bitō etiam respectu assignationis per dictos Com-
missarios alias factæ, distribuit, & assignauit, eamq;
singulis Monasterijs, eorumq; Prælati transmitti,
et postquam transmissa fuit, ab eisdem diligenter,
examinari voluit, et curauit, habitōq; respōso vniuf-
cuiusque dictæ Congregationis Prælati, præfato Ar-
changelo Procuratori Romæ per literas dato, nouis-
simè de mense Octobris proximè præterito in Con-
uentu Arimini coram eodem Flaminio Cardinale,
ac Protectore, necnon Abbate Generali, ac Visita-
toribus

toribus præfatis, nonnullisq; alijs Congregationis huiusmodi Prælati habitò, accuratè examinata, discussa, & vnanimè approbata fuit. Quibus sic se habentibus, id, quod opera dictorum Commissariorum assecutum non fuit, nunc ex diuisione, & assignatione huiusmodi eadem Congregatio consequi posse sperat. Ideò nomine dicti Flaminij Cardinalis, & Congregationis præfata fuit nobis humiliter supplicatum, quatenus compartimento, seu diuisioni, & assignationi huiusmodi pro illius firmitiori subsistentia robur apostolicæ confirmationis adijcere, aliàsque in præmissis oportune prouidere de benignitate apostolica dignaremur. Nos igitur, qui feliciem huius Congregationis progressum spirituales, & temporales more maiorum nostrorū Romanorum Pontificum sincèris desideramus affectibus, omnes & singulas dictæ Congregationis personas à quibusuis excommunicationis, suspensionis, & interdicti, alijsque ecclesiasticis sententijs, censuris, & pœnis, à iure, vel ab homine, quauis occasione, vel causa latis, si quibus quomodolibet innotatæ existunt ad effectum præsentium dumtaxat consequendum, harum ferie absoluentes, & absolutas fore censentes; necnon dictorum debitorum quantitates, qualitates, & causas, eorumque instrumenta, & scripturas etiam priuatas, ac creditorum nomina, & cognomina, gradus, et ordines, ac literarum dicti Sixti Quinti tenores, perindè ac si de verbo ad verbum infererentur, præsentibus pro plenè, et sufficienter expressis, et totaliter insertis habentes,

bentes, huiusmodi supplicationibus inclinati, ex certa nostra scientia, cōpartmentum, seu diuisionem, & assignationem dictorum debitorum, prout in fine præsentium annotata, & descripta est, dicta auctoritate, earundem tenore præsentium in perpetuum approbamus, & confirmamus; illiq; perpetuæ, & inuiolabilis firmitatis robur adjicimus, omnesq; & singulos tam iuris, quam facti, ac solemnitarum desuper necessariarum forsan omissarum defectus, si qui, quomodolibet interuenerunt, supplemus. Præcipientes in virtute sanctæ obedientiæ, ac sub indignationis nostræ pœna, per contrafaciētes eo ipso incurrēda, Abbati Generali, Visitatoribus, & alijs eiusdem Congregationis Prælatiis pro tempore existentibus, ac alijs quibuscunque dictæ Congregationis Superioribus, ac Ministris, quocunque nomine nuncupentur, quatenus nullo alio à Nobis desuper expectato mandato, compartimentum, seu diuisionem, ac assignationem dictorum debitorum recipiant, omni, & quacunque appellatione, recursu, seu reclamatione postpositis, & unusquisque illorum cum omni animi promptitudine partem eos tāgentem integrè, & realiter persoluat, ac debitæ executioni demandet. Mandantes Abbati Generali, & Visitatoribus, Prælatiis, ac alijs prædictis, ut durantibus eorum officijs, omni, qua fieri poterit, diligentia procurent, ut vnumquodque Monasterium huiusmodi, seu illius Prælatus singulo quoque anno portionem fructuum sibi in compartimento, seu diuisione assignatam integrè soluat; singulo

ſingulo verò triennio, quo prælationis munus durare dignoſcitur, congruam pro Monafterij facultatibus portionem ſortis cenſuum francabilium extinguat. Quod ſi Abbates Generales, & Viſitatores tam moderni, quàm pro tempore exiſtentes, negligentes fuerint, in eorum debito officio circa præmiſſa exequendo, reliqui verò Prælati Monafteriorum prædictas tam fructuum, & onerum, quæ ſortis portiones ſibi aſſignatas non perſoluerint, & reſpectiuè extinxerint, voce actiua, & paſſiua, ac cuiuſlibet prælaturæ gradus, dignitatis, & officij, tam publici, quàm priuati in perpetuum eo ipſo priuati exiſtant, & in locum præmiſſa non adimplentium, ſeu adimplere recuſantium, aut differentium, & alij dictæ Canonici, vel Prælati arbitrio Abbatis Generalis, ſeu dictæ Congregationis Cardinalis Proteſtoris prædictorum, & pro tempore exiſtentium ſubrogentur, ac ſubſtituantur, de quorum diligentia, & ſolertia circa præmiſſa maior ſpes ſit: Inſuper prouidere cupientes, ne malitia, aut negligentia Prælatorum ac Miniſtrorum vnius, vel plurium Monafteriorum, vel alicuius Nationis, aut Prouinciæ in poſterum aliquo pacto cæteris Prouincijs, Nationibus, Monafterijs, aut vniuerſæ Congregationi huiuſmodi noceat, vel detrimentum afferre valeat, diſtrictiùs inhibemus ſub prædictis vocis actiuæ, & paſſiuæ priuationis, & alijs pœnis, ne vllò vnquam tempore debita, ſicut præfertur, diuiſa, diſtributa, & aſſignata, aut alia etiam debita ab aliquo Monafterio,

Natione, vel Prouincia ad præſens contracta, ſeu
quouis modo in poſterum contrahenda quauis cau-
ſa, vel occasione, etiam neceſſitate urgente, vel vr-
gentiſſima amplius ipſius Congregationis commu-
nia fiant, vel communicentur: ſed propria, & par-
ticularia illius Monafterij, Nationis, & Prouinciæ
remaneat, quæ ipſamet debita contraxerint, man-
dantes, vt de eorundem Monafteriorum, Natio-
nis, & Prouinciæ bonis, quæ debita contraxerint,
perſolui omninò debeant. Si verò aliquod Mona-
ſterium, ſiue Monasteria, ob grandines, ſeu alios
quolibet ſiniſtros, & fortuitos euentus ratam ſuæ
portionis, iuxta diuiſionem, & aſſignationem præ-
dictas perſoluere non poſſint, tunc potiùs quauis
alia inëatur ratio, quæ ei ſuccurratur, quàm Con-
gregatio onus ſoluendi portionem per dicta Mo-
naſteria non ſolutam ſubeat, neque debita particu-
larium Monafteriorum, Nationum, aut Prouincia-
rum in ſe ſuſcipiat, quinimò potiùs vbi aliter eis
ſuccurri, ac ſubueniri non poſſit, Canonicoꝝ, ac
Conuerſoꝝ numerus in præſatis Monafterijs,
portionem eis diſtributam ſoluere non valentibus,
vel noua debita contrahentibus commorari conſue-
tus, quouſque ad eum ſtatum redacta fuerint, vt ſa-
tisfacere poſſint, minuat, & nihilominus Abbati
Generali, ac Diſſinitoꝝ præſatis, cum participa-
tione tamen eiſdem Cardinalis Protectoꝝ, & dū-
modo nouum æs alienum non contrahatur, parti-
cularibus quibuſlibet Congregationis huiuſmodi
Monafterijs prædictam portionem ſuam ob aliqua
infor.

infortunia soluere non valentibus, vel alias indigentibus, ex legitima causa, & ex æratio publico subueniri liceat. Prohibentes eisdem Abbati Generali, Diffinitoribus, Prælati, Ministris, ac Canonicis præfatis quibuscunque sub priuationis, ac alijs pœnis præfatis, ne nouum res alienum ex priuata cuiusvis Monasterij causa, etiam quantumuis vrgentissima, vt præfertur, contrahere audeant, quoquomodo, vel præsumant. Et vt facilius, ac quantocius a quolibet Prælato, & Monasterio conueniens solutio sortis censuum eis assignatorum executioni demandetur, eidem Congregationi, & Prælati cuiuslibet Monasterij Congregationis huiusmodi, quod de consensu, & participatione dicti Flaminij Cardinalis, ac pro tempore existentium eiusdem Congregationis Protectorum quascunque pecuniarum quantitates ad census annuos, minori tamen, quo fieri possit, dispendio, Romæ, Venetijs, Mediolani, Ianuæ, vel alijs Italiæ Ciuitatibus, aut Locis quibuscunque accipere possessiones, seu prædia Monasteriorum quorumlibet ad longum tempus, cum anticipatis solutionibus notabilis pecuniarum quantitates locare, seu arrendare possint, & valeant, dummodo pecuniæ ex censibus nouis vigore præsentium respectiue creandis, & arrendandis, proueniētes, in extinctionem antiquorum censuum cuiuslibet Monasterio huiusmodi assignatorum conuertantur, tenore eorundem præsentium licentiam, & facultatem concedimus, & impartimur. Decernentes dictam Congregationem, illosq; qui pecunias

suas ad census dederint, ad verificationem præmissorum nullo vnquam tempore teneri, nec ad id obligatos existerere, præsentèsque literas de subreptionis, vel obreptionis vitio, seù intentionis nostræ, vel quopiam alio defectu, etiam ex eo, quod interesse in præmissis habentes, vel prætendentes ad hoc vocati non fuerint, & causæ, propter quas præsentès emanarunt examinatæ non fuerint, notari, impugnari, inualidari, aut ad terminos iuris reduci, seù in ius, vel controuersiam reuocari non posse; sicque per quoscunque Iudices, & Commissarios quauis auctoritate fungentes, etiam causarum Palatii Apostolici Auditores, ac S. R. E. Cardinales, sublata eis, & eorum cuilibet quauis aliter iudicandi, & interpretandi facultate, & auctoritate vbique iudicari, ac diffiniri debere; necnon irritum, & inane quidquid secùs super his à quoquam quauis auctoritate scienter, vel ignoranter contigerit attentari. Quocirca dicto Flaminio Cardinali, & alijs dictæ Congregationis pro tempore existentibus Protectoribus præfatis, per præsentès committimus, & mandamus, quatenus per se, vel alium, seù alios præsentès literas, & in eis contenta quæcunque, vbi, & quando opus fuerit, quoties pro parte dictæ Congregationis fuerint requisiti solemniter publicantes, ac illi in præmissis efficacis defensionis præsidio assistentes, non permittant dictam Congregationem desuper à quoquam quomodolibet molestari, perturbari, aut inquietari; Contradictores quol-

quoslibet, ac rebelles, & præmissis non parentes
per lententias, censuras, & pœnas ecclesiasticas,
aliaq; oportuna iuris, & facti remedia, appellatio-
ne postposita compescendo; inuocato etiam ad hoc,
si opus fuerit, auxilio brachij secularis. Non ob-
stante pię mem. Symmachi, & Pauli II. ac aliorum
quorumcunque Romanorum Pontificum Pręde-
cessorum nostrorum de rebus ecclesiasticis non
alienandis, & malę alienatis recuperandis, alijsq;
constitutionibus, & ordinationibus Apostolicis,
ac Congregationis, & Ordinis prædictorum, iura-
mento, confirmatione apostolica, vel quauis fir-
mitate alia roboratis, statutis, & consuetudinibus,
priuilegijs quoque, indultis, & literis apostolicis
sub quibuscunque tenoribus, & formis, ac cum
quibusuis clausulis, etiam derogatoriarum dero-
gatorijs, & irritantibus Decretis, in genere, vel
in specie, ac aliàs in contrarium præmissorum
quomodolibet concessis, approbatis, & innouatis:
quibus omnibus illorum tenores præsentibus pro
expressis habentes, illis alijs in suo robore perman-
suris, hac vice dumtaxat specialiter, & expres-
sè derogamus, contrarijs quibuscunque, aut si
aliquibus communiter, vel diuissim, ab eadem
sit Sede indultum, quod interdicti, suspendi, vel
excommunicari non possint per literas Apostoli-
cas, non facientes plenam, & expressam, ac
de verbo ad verbum de indulto huiusmodi men-
tionem.

Volumus autem, quòd vnumquodque Monaste-
rium,

rium, onus soluendi tam fortem, quam fructus
debitorum, & onerum sibi in prædicta diuisione
assignatorum quantocius in se recipiat, illamque
exequi promittat, necnon termino triennij à data
præsentium computandi vniuersam Congregatio-
nem prædicta summa indemnem omnino reuela-
re teneatur; quodq; præsentium transumptis, etiã
impresis, manu Notarij publici subscriptis, & si-
gillo alicuius personæ in dignitate ecclesiastica cõ-
stitutæ munitis eadem proflus fides adhibeatur, quæ
præsentibus adhiberetur, si forent exhibitæ, vel
offensæ. Diuisio autem, & assignatio, de quibus su-
pra fit mentio, & summa scutorum integrè quoran-
nis ab vnoquoque Monasterio soluendorum, siue
Romæ, siue in proprijs Ciuitatibus, ad rationem
iuliorum decem pro quolibet scuto, siue ~~Venerijs~~,
ad rationem librarum septem monetæ Venetæ est
vt infra, videlicet: Ex Prouincia Ecclesiastica, Mo-
nasterium Sancti Ioannis Baptistæ Anconæ soluet
scuta quinque centum. Monasterium Sancti Ioan-
nis in Monte Bononiæ scuta septem centum, & so-
lidos monetæ Romanæ septuagintaquinque. Mo-
nasterium Sanctæ Crucis extra Cæsenam, scuta mil-
le. Monasterium Sanctæ Catharinæ Firmi, scuta
tercentum. Monasterium Sancti Ioannis Baptistæ
Ferrariæ, scuta quinque centum. Monasterium San-
cti Iuliani Imolæ, scuta ducentum quinquaginta se-
ptem, & solidos, vt supra, quinquaginta. Mona-
sterium Sanctæ Mariæ Montisbellij extra Bononiã,
scuta mille novem centum, & solidos, vt supra,
quin.

quinquaginta. Monasterium Sanctæ Mariæ in Por-
 tu Rauennæ scuta sex millia. Monasterium Sancti
 Marini Arimini scuta nouem centum, & solidos
 vti supra quinquaginta. Monasterium Sancti Car-
 terui Tolentini, scuta centum quinquaginta. Ex
 Prouincia Ducatus Mediolani. Monasterium S.
 Mariæ de Castello Alexandriæ, soluet scuta septem
 centum. Monasterium S. Georgij de Brimate extra
 Mediolanum, scuta mille ducentum. Monasteriū
 S. Mariæ Blancæ de Casoreto extra Mediolanum,
 scuta tercentum. Monasterium S. Petri apud Padū
 Cremonæ, scuta duo mille quatuor centum. Mo-
 nasterium S. Romani Laudæ, scuta centum, & octo.
 Monasterium S. Mariæ Passionis Mediolani, scuta
 tria millia, & ducenta. Monasterium S. Crucis Mor-
 tarij, scuta mille centum. Monasterium S. Mariæ
 Gratiarum extra Nouariam, scuta octo centum.
 Monasterium S. Petri in Cælo aureo Papiæ, scuta
 mille ducentum. Monasterium S. Epiphaniij Papię,
 scuta quinque centum. Monasterium S. Matthæi
 Derthonæ scuta septuaginta vnum, & solidos, vti
 supra, viginti octo. Ex Prouincia Veneta. Mona-
 nasterium S. Spiritus Bergomi soluet scuta tercentū,
 & solidos, vti supra, quinquaginta. Monasterium
 S. Saluatoris Brixie scuta quinque centum, & soli-
 dos, vti supra quinquaginta. Monasterium S. An-
 tonij de Conegliano, scuta quatuor centum, & soli-
 dos, vti supra, quinquaginta. Monasterium S. Be-
 nedicti Cremæ, scuta centum quinquaginta qua-
 tuor, & solidos vti supra, quinquaginta. Monasteriū

S. Ioan-

S. Ioannis in Viridario Patauij scuta tria millia.
 Monasterium Sanctorum quadraginta Martyrum
 Taruisij, scuta octo centum. Monasterium S. Leo-
 nardi extra Veronam, scuta septuaginta, & solidos,
 vti supra, quatuor. Monasterium Sancti Bartholo-
 mæi Vincentiæ, scuta quinque centum quinquagin-
 ta, & solidos, vti supra, quinquaginta. Monasterium
 Sanctæ Mariæ Charitatis Venetiarum, scuta octo
 centum. Ex Prouincia Regni Neapolis, Hetruriæ,
 & Liguria. Monasterium Sancti Modesti Beneue-
 ti soluet scuta quinque centum, & solidos, vti supra,
 quinquaginta. Monasterium Sanctæ Mariæ Nouæ
 Lanciani, scuta nonaginta tria, & solidos, vti su-
 pra, quinquaginta. Monasterium Sancti Petri ad
 Aram Neapolis, scuta mille quatuor centum, &
 solidos, vti supra, quadraginta. Monasterium San-
 ctæ Mariæ Pedis Cryptæ Neapolis scuta septem cē-
 tum, & solidos, vti supra, triginta quinque. Mona-
 sterium Sanctæ Mariæ supra paretem extra Nolam
 scuta nonaginta tria, & solidos, vti supra, quinqu-
 aginta. Monasterium Sanctæ Mariæ Tremitarum,
 scuta sex mille quinquecentum. Monasterium San-
 cti Bartholomæi Fesularum extra Florentiam, scuta
 tercentum quinquaginta. Monasterium Sanctæ
 Mariæ de Frixonaria extra Lucam, scuta mille
 octo centum. Monasterium Sancti Frigidiani Lucæ,
 scuta mille septem centum. Monasterium Sancti
 Bartholomæi Pistorij, scuta quinque centum. Mo-
 nasterium Sancti Michaelis Discalceatorum, extra
 Pisas, scuta centum quinquaginta. Monasterium

Sancti

Sancti Theodori Ianuæ, scuta centum viginti. Ex Prouincia Pedemontana, & Monasterijs ei vnitis, & annexis. Monasterium Sanctæ Mariæ Nouæ Asti soluet scuta tercentum quinquaginta. Monasterium S. Sebastiani extra Bugellam, scuta quinquaginta quatuor. Monasterium S. Mariæ Cretæ Montisferati, scuta centum sexaginta duo. Monasterium S. Bartholomæi extra Mantuam, scuta tercentum. Monasterium S. Trinitatis Mutinæ, scuta ducentum octuaginta septem, & solidos, vti supra, quinquaginta. Monasterium S. Augustini Placentiæ, scuta quinque mille sexcentum. Monasterium S. Sepulcri Parmæ, scuta sexcentū, & solidos vti supra quinquaginta. Monasterium S. Mariæ Gratiarum Reggij scuta tercentum, & solidos quinquaginta. Monasterium S. Mariæ super Podium, extra Vineolam, scuta centum quinquaginta quatuor, & solidos, vti supra, quinquaginta. Monasterium S. Andreæ Vercellarum, scuta mille nouem centum. Dat. Romæ apud S. Marcum sub anulo Piscatoris, die 12. Aprilis 1608. Pontificatus nostri anno tertio.

Scipio Cobellinius.

PAVLVS PP. V.

Ad perpetuam rei memoriam.

ONerosa pastoralis officij cura meritis licet imparibus Nobis ex alto commissa postulat, vt ad Religiosorum Ordines, in quorum instituto non mediocre constitutum est Ecclesiæ præsidium, & ornamentum mentis nostræ aciem assiduè intendamus, vt quæ, hostis humani generis dolis, regularis disciplinæ subrepunt corruptelæ, pastoralis vigilantia eliminantur; cum verò nulla maior vitæ, & obseruantia regularis sit pernicies, quàm secularibus desiderijs inseruire, eos, qui abnegantes propriam voluntatem Christi iugum subire, & seculo mori elegerunt, vento superbiæ se abripi sinere, & vt præstare alijs possint honores, dignitates, & officia affectare, & per illicitos etiam tramites, quod grauius est, quærere; vthoc malum è Congregatione Canonorum Regularium Lateranensium Ordinis Sancti Augustini fel. rec. Clemens Papæ VIII. Prædecessor noster euelleret, per suas in simili forma Breuis expeditas literas, omnes, & singulos dicti Ordinis, & Congregationis Canonicos Regulares cuiuscunque status, gradus, conditionis, præminentia, qualitatibus, & dignitatis existentes, qui ad prælaturas, gradus, honores, dignitates, & administrationes, functiones, & alia officia dictæ Congregationis assequenda intenti ad Principum, & Prælatorum, ac

alia-

aliarum quarumcunque personarum , tam secula-
 rium , quàm Ecclesiasticarum de gremio d. Con-
 gregationis non existentium , etiam Cardinalatus
 honore, ac quacunque seculari dignitate, & excel-
 lentia etiam Imperiali, Regali, & Ducali fulgentiū
 fauores recurrissent, vel etiam pactis, pollicitationi-
 bus, alijsq; vijs directè, vel indirectè, palàm, vel oc-
 cultè ad praelaturas, gradus, honores, dignitates, ad-
 ministraciones , functiones , & alia officia prædicta
 obtinenda aspirassent, vel aliàs minus legitimis, &
 honestis rationibus ea obtinere quæsiissent, aut etiā
 spontè oblati, & minimè conquisitis vñ fuissent ,
 illorumq; complices, & fautores ad quascūque præ-
 laturas, dignitates, & officia, gradusq; honores, ad-
 ministraciones , & munera in ipsa Congregatione
 obtinenda perpetuò inhabiles declarauit, ac obten-
 tis per eos praelaturis, gradibus, honoribus, digni-
 tatibus, administrationibus, functionibus, & offi-
 cijs huiusmodi eo ipso priuauit, ac priuatos voce tā
 actiua, quàm passiua carere decreuit, & declarauit,
 ac in virtute sanctæ obedientiæ, & sub excommuni-
 cationis læ sententiæ pœna omnibus Ordinis , &
 Congregationis prædictorum Canonicis, Superio-
 ribusq; & Prælati quocunque titulo nuncupatis etiā
 Abbati Generali præcepit, districtèq; mandauit, nè
 quemquam vllò tempore precibus, literis, vel fauo-
 ribus adducti, seū aliàs ad instantiam, seū requisi-
 tionem, vel contemplationem Principum, vel Præ-
 latorum, aut aliorum quorumcunque tam secula-
 rium, quàm Ecclesiasticorum extra dictum gremiū

existentium, etiam Cardinalium, Imperatoris, Regum, Ducum ad cuiusvis generis prælaturas, gradus, honores, dignitates, administrationes, functiones, & officia prædictæ Congregationis promovere, vel pœnas aliquas remittere auderent, seu præsumeret, & aliàs prout in dictis literis sub die octava Maij M D XCIII. expeditis, quarum tenores præsentibus pro expressis haberi volumus, plenius continetur. Quocirca, cum sicut accepimus ad celebrationem Capituli generalis dictæ Congregationis breui deueniendum sit, Nos, vt tanto diligentius omnis ambitus à prædictis Canonicis caueatur, & à dicto Clemente prædecessore salubriter constituta seruentur, quantò enixius ab Apostolica Sede procurari perspexerint, motu proprio, & ex certa scientia, ac mera deliberatione nostris, deq; Apostolicæ potestatis plenitudine, prædictas Clementis prædecessoris literas, omniaq; & singula in eis contenta quæcunque, tenore præsentium perpetuò approbamus, confirmamus, & innouamus, illisq; inuiolabilis apostolicæ firmitatis robur adijcimus, ac ab omnibus, & singulis Superioribus quocunque nomine nuncupatis, necnon Canonicis, cæterisq; personis dictæ Congregationis, sub pœnis, & censuris in eisdem literis contentis, & eo ipso per contrafacientes incurrèdis omninò obseruari volumus, & mandamus: sicq; & non aliter per quoscunque Iudices ordinarios, & delegatos quauis auctoritate fungentes, etiam causarum Palatij Apostolici Auditores, ac S.R.E. Cardinales iudicari, & diffiniri debere,

debere, & irritum, & inane, si secus super his à
quoquam quavis auctoritate scienter, vel ignoran-
ter contigerit attentari decernimus. Non obstanti-
bus præmissis, ac omnibus illis, quæ d. Clemens
prædecessor in dictis literis voluit non obstare, cæ-
terisq; contrarijs quibuscunque. Aut si prædictis
Canonicis, vel quibuscumque alijs communiter, aut di-
uisim ab Apostolica sit Sede indultum, quod inter-
dicti, suspendi, vel excommunicari non possint per
literas apostolicas non facientes plenam, & expres-
sam, ac de verbo ad verbum de indulto huiusmodi
mentionem. Ut autem harum literarum notitia ad
omnes dicti Ordinis, & Congregationis Canoni-
cos facilius deueniat, volumus, illas in Capitulo Cõ-
uentuali, cuiusq; Monasterij, cum primùm ad eos
peruenerint, legi, & publicari, & postquam sic le-
ctæ, & publicatæ fuerint perinde afficere, ac si per-
sonaliter vnicuique præsentatæ, & solemniter pu-
blicatæ fuissent, illarumq; exemplis etiam impres-
sis manu Scribæ dicti Capituli, vel Notarij publici
subscriptis, & sigillo Rectoris Generalis ipsius Cõ-
gregationis, vel alterius personæ in dignitate Ec-
clesiastica constitutæ munitis, eandem prorsus fi-
dem adhiberi, quæ præsentibus adhiberetur, si fo-
rent exhibitæ, vel ostensæ. Dat. Romæ apud S. Pet-
rum sub anulo Piscatoris die 19. Martij 1615. Pon-
tificatus nostri anno decimo.

Scipio Cobellinus.

P A V L V S P P. V.

Ad perpetuam rei memoriam.

Circa pastoralis officij nobis, meritis licet imparibus, diuina disponente clementia, commissi curam, quantum nobis ex alto per-
mittitur inuigilantes, assidue ad ea, per quæ Congregationum, & Ordinum Regularium quieti, & prospero statui oportunè consulatur, libenter intendimus, & in his nostræ vigilantia studio propensius impartimur, prout rerum, temporum, & personarum qualitatibus debite pensatis conspiciamus in Domino salubriter expedire. Dudum siquidem Congregationem ~~Lateranensem~~, Ordinis S. Augustini Canonorum Regularium in quinque Prouincijs, Ecclesiasticam videlicet, Venetam, Ducatus Mediolani, Principatus Pedemontium, atque Ducalium annexorum, & demùm Herruriæ, Regni Neapolis, atque Genuæ distinximus, aliaq; circa æqualitatem Votorum, suffragiorumq; Definitorij, tam in Capitulo, quàm in Generalibus Dietis, ac tam in electione Prælatorum, Superiorum, ac Officialium ipsius Congregationis, quàm in alijs quibusuis determinationibus, vtq; pro huiusmodi votorum æqualitate in eorum Definitorio, vnus ex Prouincia Ecclesiastica, alius ex Status, & Ducatus Mediolani, alius ex Marchiæ Triuisanæ, alius ex Principatus Pedemontium coniunctim vnà cum Monasterijs Placentiæ, Parmæ, Mantuæ, Regij, &
Vineo-

Vincolæ, aliusq; ex Hetruriæ, Regni Neapolis, & Genuæ Monasterijs eiusdem Congregationis, qui respectiuè sit ad hunc effectum pro vna vice ex dictis Monasterijs Hetruriæ, & Genuæ, ac pro alia vice ex Regno Neapolis perpetuis futuris temporibus eligi deberet, statuimus, & decreuimus, prout in nostris desuper sub anulo Piscatoris die 30. Nouëbris anni Domini M DC VII. confectis literis plenius continetur. Nos prosperiori, & tranquilliori eiusdem Congregationis statui consulere volentes, supplicationibus dictæ Congregationis nomine. Nobis desuper humiliter porrectis inclinari auctoritate Apostolica harum seriè etiam statuimus, & ordinamus, vt de cætero perpetuis futuris temporibus, ex supradictis quinque Prouincijs sic distinctis per turnum, infra dicto ordine seruato. Abbas, & Procurator Generales eiusdem Congregationis per Diffinitores, & alios, ad quos electio Abbatis, & Procuratoris Generalium huiusmodi spectat, & pertinet eligi debeat, itaut ex vnaquaque dictarum Prouinciarum successiuo ordine Abbas, & Procurator Generales prædicti, dummodo tamè eiusdem Prouinciæ in simul vnquam existant, eligantur. In electione autem Abbatis Generalis infrascriptus turnus seruetur, & Ecclesiastica Prouincia præcedat, quæ quia ad præsens Abbatem Generalem habet, suum turnum habuisse, & compleuisse censeatur; triennio autem præsentis elapso, ex Ducali, Principatusq; Pedemontis in simul; deinde ex Veneta; ac postea ex Mediolanensi; postremò ex Regni

Regni Neapolis, & Hetruriae, & Genuae vnitis, seu
coniunctis, Abbas Generalis per turnum huiusmo-
di eligatur, semperq; hac forma seruetur: itaut
vnaquaque ex Prouincijs praedictis toto integro
triennio, suum Abbatem Generalem habeat, &
quia Regnum Neapolis, Hetruriae, & Genuae pro
vna tantum Prouincia enumerantur, primo trien-
nio, quo Abbatem Generalem ex hac Prouincia eli-
gi continget ex partibus Hetruriae, vel Genuae in-
differenter, alio autem triennio, Prouinciam hu-
iusmodi post electionem, ex alijs quatuor Prouin-
cijs praedictis faciendam tangente, ex Neapolis Re-
gno Abbas Generalis eligatur. Quod si durante ali-
quo triennio Abbatis Generalis cuiusvis Prouinciae
officium per cessum, vel decessum, aut alias quouis
modo cesset, ille, qui ex Visitatoribus fuerit maior,
qui scilicet Abbas Generalis alias extiterit, sin autem
inter Visitatores nullus alias extiterit Abbas Gene-
ralis tunc antiquior habitu, & professione, etiam si
sit alterius Prouinciae statim officio Vicarij Gene-
ralis vsque ad proximam inde habendam dietam,
seu proximum Capitulum generale fungatur, &
deinde in sequenti proxima dieta, seu Capitulo
Abbas Generalis vsque ad finem integri triennij
praedicti, & non vltra eiusdem Prouinciae, cuius
Generalis antecessor extiterat per eos, qui in dieta,
seu Capitulo generali suffragium habere consueue-
runt, eligatur die Sabbathi immediatè antece-
denti Dominicam, in qua Capitulum initium
sumit, sicq; electus officium huiusmodi Abbatis
Gene-

Generalis, etiam si vnica tantum die in officio permanferit, omnibus, & singulis priuilegijs, indultis, exemptionibus, præminentijs, prærogatiuis, & antelationibus gaudere debeat, ac si integro triennio officium Abbatis Generalis exercuiffet. Procurator autem Generalis ex illa Prouincia, ex qua immediatus Abbas Generalis deficiens extiterat, adeò vt nullo vnquam tempore Abbas, & Procurator Generales ex eadem Prouincia fint, eligatur. Quia verò Procurator Generalis Monasterij Sanctæ Mariæ de Pace de dicta Vrbe, quod inter alia Prouinciæ Ecclesiasticæ Monasteria annumeratur Abbas esse solet, ne dicta Prouincia Ecclesiastica, ex hoc aliquod detrimentum patiatur, volumus quòd Prouincia illa, ex qua Procurator Generalis eligi debet, Monasterium suæ Prouinciæ Monasterio Sanctæ Mariæ de Pace huiusmodi æquiualens, eidem Prouinciæ Ecclesiasticæ assignare teneatur, aliòquin Prouincia huiusmodi simile Monasterium quouis prætextu dare, seù assignare recusante, seù etiam nequeunte, Capitulum generale, seù Distinitores, aut alij, ad quos electio Procuratoris Generalis spectat, Procuratorem Generalem ex alia Prouincia Monasterium, vt præfertur, assignare, nullo distinctionis huiusmodi habito discrimine arbitrio dilecti filij nostri Iacobi tituli Sancti Georgij in Velabro Presbyteri Cardinalis Serræ nuncupati moderni, & pro tempore existētis apud nos, & Sedem Apostolicam eiusdem Congregationis Protectoris, dummodo tamen non sit ex eadem

Pro-


Prouincia , ex qua Abbas Generalis pro illo triennio extiterit pro ea vice dumtaxat eligere possit . Finito verò triennio, ordo Prouinciarum huiusmodi in pristinum statum reducat perinde, ac si illa Prouincia suum Procuratorem Generalem habuisset . Decedente autem Procuratore Generali huiusmodi, aut eius officio quouis modo cessante, antequàm suum triennium compleuerit, alius ex eademmet Prouincia ad complendum dictum triennium in Procuratorem Generalem eligatur, prout de Abbate Generali dictum fuit , & quousque dicta electio celebretur, Visitator dictæ Prouinciæ Procuratoris Generalis officium, vsque ad proximam inde habendam dietam exerceat. Prælati autem, & Superiores dictæ Congregationis in Capitulis , seu Dietis Generalibus , prout eorum triennium ~~expirare~~ contingerit per Abbatem Generalem , & alios octo Diffinitores eligantur; si autem durante eorum triennio aliquis eorum decedat, seu eius officiũ quouis modo cesset, Abbas Generalis in eius locum Vicarium, seu eius Locumtenentem , qui officio Prælati, seu Superioris huiusmodi vsque ad Dietam, seu Capitulũ ex tunc proximè habendum fungatur , constituere possit, & deindè in Dieta , seu Capitulo huiusmodi alius Prælatus , seu Superior in locum Antecessoris per Abbatem Generalem, & Diffinitores prædictos eligatur, electioq; huiusmodi in Dietis, seu Capitulis Generalibus , vnà cum aliorum Prælatorum, seu Superiorum electionibus fiat ; postremò omnes tam Abbatis , & Procuratoris Generalium , quàm

Vifi-

Visitatorum, Diffinitorum, ac Superiorum omnium
& aliorum quorumcunque, qui ad gradus, dignitates, & officia promouentur; necnon sociorum Capitularium, tam in Capitulis, & Dietis Generalibus, quam in Capitulis particularibus, alijsq; Congregationibus, in quibus electiones huiusmodi fieri solent, canonicè fiant, & nemo verè electus, neque electio de eius persona facta valida censeatur, nisi duæ ex tribus votorum ipsorum eligentium partes interueniant, aliàs irritæ sint, & ad secundam electionem deueniatur, quòd si neque prima, neque secunda electiones huiusmodi canonicè, vt præfertur, factæ fuerint, tunc, & eo casu volumus, vt tertio ad nouam electionem deueniatur; & ille electus censeatur, qui plura suffragia reportauerit, & si in vno tantum cæteros superauerit, prout hactenus consueuisse asseritur, præsentēsq; literas, ac omnia, & singula in eis contenta semper, & perpetuò valida, firma, & efficacia fore, & esse, ac omnibus, & singulis, ad quos spectat, & pro tempore spectabit perpetuò, & inuiolabiliter obseruari, ac ita per quoscunque Iudices ordinarios, & delegatos etiam causarum Palatii Apostolici Auditores iudicari, & diffiniri debere, ac irritum, & inane, si secus super his, à quoquam quauis auctoritate scienter, vel ignoranter contigerit attentari, decernimus, & declaramus. Non obstantibus quibuscunque constitutionibus, & ordinationibus Apostolicis, ac dictæ Congregationis, etiam iuramento, confirmatione apostolica, vel quauis firmitate alia roboratis, statutis, & con-

& consuetudinibus, priuilegijs quoque, indulgis, & literis Apostolicis eidem Congregationi, eiusq; Abbati, & Procuratori Generalibus, & alijs quibuscumque personis, sub quibuscumque tenoribus, & formis, ac cum quibuscumque etiam derogatorijs derogatorijs, alijsq; efficacioribus, & insolitis clausulis, ac irritantibus, & alijs Decretis etiam per nos, & quoscumque Rom. Pont. Prædecessores nostros in contrarium præmissorum quomodolibet concessis, confirmatis, & approbatis. Quibus omnibus & singulis eorum omnium tenore præsentibus pro plenè, & sufficienter expressis, & ad verbum insertis habendis illis aliàs in suo robore permanentibus hac vice dumtaxat specialiter, & expressè derogamus, ceterisq; contrarijs quibuscumque. Volumus autem ut præsentium transumptis etiam impressis manu Abbatis, & Procuratoris Generalium dictæ Congregationis, subscriptis, sigillo eiusdem Congregationis munitis eadem prorsus fides ubique adhibeatur, quæ præsentibus adhiberetur, si forent exhibitæ; vel ostensæ. Dat. Romæ apud S. Mariam Maiorem sub anulo Piscatoris die 25. April. 1615. Pontificatus nostri anno decimo.

Loco ✠ anuli Piscatoris.



Scipio Cobellutius.



R O. M A E, Typis Reu. Cam. Apostolicæ 1629.

Superiorum Permissu.

403.780